



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.30







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.30



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.30




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.30



1. 6. 30

VI

MVRC. Rhetor





# RHETORICORVM

TOMVS PRIMVS IN DVAS PARTES

Diuisus, quarum prima breui stylo artis præcepta  
continet, & multiplicat, secunda artis exercitamenta comple-  
ctitur, selectus ex doctioribus Magistris Societatis IESV.

Et in fine, cum tabula Cypriani eiusdem  
Societatis.

PER LICENTIAM TVM FRANCISCVM

*Murcia de la Llana, Regia autoritate librorum  
Censorem.*

AD ILLVSTRISSIMVM DOMINVM MD. FER-

dinandum de Azeuedo, Archiepiscopum Burgensem,  
meritissimumq; Præsidentem Castellæ.



CVM PRIVILEGIO.

*Matriti, apud Ludouicum Sanchez, anno 1619.*



**L**ibrum hunc vidi, & cū suo archetypo contuli, quod  
Sacra Cæsarea Maiestatis Senatus approbavit, &  
eorum, qui typis excusi sunt exemplar esse voluit, omniaq;  
in eo sunt adeò verè & fideliter impressa, ut nulla vnquā  
in re ab exemplari suo discedant. Datum Compluti de He-  
nares die octaua mensis Septembris anni 1619.

Magister Sebastianus  
del Lirio.

---

#### APPROBATIO.

**E**X præcepto Regij Senatus vidi scripta  
quædam à Licentiatò Murcia de la Lla-  
na in Rhetoricam collecta ex grauib; Societa-  
tis Iesu autoribus: & nihil est quod lædere pias  
aures possit, vel non sit multa cum vtilitate  
coniunctum. Quare digna sunt quæ euulgen-  
tur. Datum in Academia Complutensi, die quar-  
to mensis Septembris anni 1616.

Magist. Sebastianus  
del Lirio



AL ILVSTRISSIMO  
Señor don Fernando de Azevedo,  
Arçobispo de Burgos, y Presi-  
dente de Castilla.



O A Y Mas euidente se-  
ñal (dezia Isocrates in ora-  
tione de Regno) para ser te-  
nida una Republica por di-  
chosa y bien gouernada,  
que auer acertado su Prin-  
cipe a elegir Presidente, que  
con igualdad y justicia elija los Consejeros, distri-  
buya las dignidades, y conserue a los grandes y a  
los humildes en su estado sin injuria: porque es-  
tos son los rudimentos y principio (dixo Pla-  
ton libr. 3. de legibus, y Aristot. lib. 5. Ethicorum  
cap. 3.) para que las Monarquias se conseruen  
felizmente. Y tengo por cierto, que si tan gra-  
ues Autores huieran visto la experiencia de la  
felizidad de la nuestra en la persona de V. Seño-  
ria Ilustrissima, que de todos tres fuera digno e-  
xemplo para gloria desta Nacion, y verdadero  
espe-



espejo de los estraños, en quien los Reyes y Principes aprenderan a elegir gouernadores, con que puedan sacudir seguros el peso del imperio, y ellos a gouernar de tal manera, que se verifique en cada vno la sentēcia de Isocrates ad Nicoclē, q̄ la mas útil possession q̄ tenia vn Rey era vn buē Cōsejero. Alexandro Seuerο fue celebrado en la Antigüedad, por la eleccion que hizo de diez y seis Varones iguales en virtud y ciencia, con quien aconsejarse. Y en este tiempo lo será nuestro Rey inuictissimo, por las que ha hecho de V. Señoria Ilustrissima, y del señor don Iuan Baptista de Azuēdo, Obispo de Valladolid, Patriarca de las Indias, Inquisidor general, y Presidente de Castilla, para Presidentes de su Real Consejo, hermanos en las esclarecidas virtudes, en la grandeza del animo, en el prudente consejo, y el vno imitador del otro en las costumbres. Porque siendo las de entrābos en superior grado, fusera imposible poder imitar las de ningun sugeto: y assi fue igual la eleccion de tan Religioso Principe, que sin tener neutral iuyzio en tan igual competencia, le dio a V. Señoria Ilustrissima



trissima lo que tan sin tiempo, con general llanto quitò la muerte al señor Patriarca que està en el cielo, reparando con esto el daño, que con auer arrebatado a tan gran Prelado, auia recibido este gouieruo, quedando V. S. Ilustris. por consuelo tan cierto, que no huuo mas mudança que en el nombre propio. Y así reconocido su Magestad de tan ilustre sangre, y de tan auentajados seruicios en el priuilegio de la ilustre Casa de U. Señoria Ilustrissima, que esta en la Merindad de Trasmiera, junto de Ribamontan, lugar de Hoz, su fecha en Madrid en treze de Abril de seiscientos y ocho, confirmando lo que trata deriuado la antigüedad de tan Ilustre Casa, dize ser la de U. Señoria Ilustrissima de los mas antiguos y calificados solares que ay en la Montaña, dando ilustre priuilegio por prendas de su voluntad al señor don Francisco de Azeuedo hermano de U. Señoria Ilustrissima, resucitando con el la memoria de los seruicios que sus passados hizieron en las conquistas de los Reynos de Granada, y Nauarra. U. Señoria Ilustrissima reciba a sombra de mi voluntad el humilde seruicio deste trabajo que dedico  
a su



a su grandeza, como recibio debaxo de su am-  
paro mis libros de Anima, que con el pasaron  
rigurosa censura, que la alabanza que no me-  
recieron por su Autor, la alcançaron por el due-  
ño a quien fueron dedicados. Guarde Dios a U.  
S. Ilustris. para amparo de las personas que pro-  
curan auentajarse con su nombre.

El Lic. Francisco  
Murcia de la Llana.

TRACTATVVM, ET CAPI-  
tum in hoc opere contentorum  
Elenchus.

*Tractatus primus de inuentione, & locis.*

- CAP. 1. De Rhetorum definitionibus.  
Cap. 2. de partibus.  
Cap. 3. de notatione verbi.  
Cap. 4. de numero locorum ab affectis.  
Cap. 5. de coniugatis, genere, & forma.  
Cap. 6. de locis à simili, differentia, & contrario.  
Cap. 7. de loco à coniunctis, ex Hermog. & Tull. vbi est  
Sylua argumentationum circa coniuncta.  
Cap. 8. de antecedentibus, cōsequētibus & repugnātibus.  
Cap. 9. de causis, & effectibus.  
Cap. 10. de comparatione.  
Cap. 11. de locis à testimonio desūptis, ex Tul. lib. Topit.  
Cap. 12. de argumentorum capitibus.  
Cap. 13. de circumstantijs generalibus.  
Cap. 14. de locorum vsu.  
Cap. 15. de admonitionibus nonnullis ex locorum vsu.  
Cap. 16. de quæstionum inuentione, & eorum quæ in in-  
uentione, & commentatione obseruanda sunt.

*Tractatus secundus de genere exornatiuo.*

- CAP. 1. De locis inuentionis ad laudandum & vitupe-  
randum personam.  
Cap. 2. de ordine, & dispositione generis exornatiui.  
Cap. 3. de materia generis exornatiui.  
Cap. 4. de factis exornandis, vel vituperandis.

A

Cap.



## INDEX.

Cap. 5. de Elencho eorum quæ in virtute quavis, seu virtio considerantur.

Cap. 6. de virtutibus cognitionis ex Aristotele.

Cap. 7. de prudentia ex philosophis, & Theologis.

Cap. 8. de iustitia ex Aristotele, & D. Thoma.

Cap. 9. de fortitudine.

Cap. 10. de temperantia.

Cap. 11. de laudatione sanctorum.

Cap. 12. de oratione funebri.

Cap. 13. de facti virtuperatione, & laude.

Cap. 14. de scientiarum & artium laude.

Cap. 15. de Regionum, & urbium laude.

Cap. 16. de Templorum laude.

Cap. 17. de inuentione locorum circa irrationalia, vbi est sylua locorum circa volucrem.

Cap. 18. de descriptione.

Cap. 19. de chria.

### *Tractatus tertius de genere de liberatiuo.*

CAP. i. De fine deliberationis.

Cap. 2. de materia deliberationis.

Cap. 3. de forma, & dispositione deliberationis.

Cap. 4. de personis efficientibus deliberationem.

Cap. 5. de locis à verò, quibus innituntur præcedentes causæ deliberationis.

Cap. 6. de locis à bono in deliberatione.

Cap. 7. de exhortatione, & dehortatione.

### *Tractatus quartus de genere iudiciali.*

Pars prima, de genere iudiciali non mixto.

CAP. 1. De statu, eiusdèq; generibus, & diuisionibus.

Cap. 2. de status coniecturalis vi, atq; natura, & de coniectura ex causa.

Caps



## INDEX.

- Cap. 3. de coniectura ex persona.  
Cap. 4. de coniectura ex facto.  
Cap. 5. de statu definitiuo circa rationes.  
Cap. 6. de ambiguo circa scripta, voluntates scriptoris, leges contrarias ex Tull. & Hermog.  
Cap. 7. de statu qualitatis, quid, & quotuplex sit, ac de omnibus eius partibus in genere.  
Ca. 8. de dispositione partiū orationis in genere iudiciali.  
Cap. 9. de partibus qualitatis assumptiæ, ex Tull. & Hermog.  
Cap. 10. de questione præmij ex Tullio.

Pars secunda, de his quæ in iudiciali genere solent misceri, & sunt alijs generibus communia.

- CAP. 1. De petitione.  
Cap. 2. de commendatione.  
Cap. 3. de monitione oratoria.  
Cap. 4. de conciliatione amoris.  
Cap. 5. de expostulatione, & purgatione leniori.  
Cap. 6. de exprobratione.  
Cap. 7. de inuestiua oratione.  
Cap. 8. de breui deprecatione pro alio,  
Cap. 9. de gratiarum actione.  
Cap. 10. de gratulatione.  
Cap. 11. de conciliatione amicorum.

*Tractatus quintus de dispositione, & partibus orationis Rhetoricæ.*

- CAP. 1. De varijs disponendi generibus.  
Cap. 2. De exordio, qua forma docilis, beneuolus, & attentus fiat auditor.

A 2

Cap.



## INDEX.

- Cap. 3. de insinuatione pro exordio.
- Cap. 4. de generibus narrationis.
- Cap. 5. de narratione vera.
- Cap. 6. de ijs, quæ ad narrationem conducunt.
- Cap. 7. de digressionem.
- Cap. 8. de diuisione, seu propositione.
- Cap. 9. de confirmatione, & confutatione.
- Cap. 10. de Epilogo.

### *Tractatus sextus, de humanis affectibus, & de eorum motu.*

- C**AP. 1. De humanarum actionum causis, & quid in singulis affectibus considerandum.
- Cap. 2. de motu amoris, & odij, & desiderij.
- Cap. 3. de voluptate, & dolore.
- Cap. 4. de inuidia.
- Cap. 5. de mansuetudine exercitanda.
- Cap. 6. de ira.
- Cap. 7. de timore.
- Cap. 8. de confidentia, & spe.
- Cap. 9. de verecundia.
- Cap. 10. de cōquestione, & misericordia, ex Tull. & Arist.
- Cap. 11. de indignatione, ex Tull. & Arist.
- Cap. 12. de consolatione.
- Cap. 13. Admonitiones ad rectè per mouendos affectus.

### *Tractatus septimus, de amplificatione oratoria.*

- C**AP V T Primum, in quo est Sylua locorum ad amplificandum.
- Cap. 2. de amplificatione ex fine.
- Cap. 3. de amplificatione ex causa efficiente, & effectis.
- Cap. 4. de amplificatione à partium distributione.

Cap.



## INDEX.

- Cap. 5. de amplificatione ex adiunctis & consecutibus.  
Cap. 6. de amplificatione ad effectus.  
Cap. 7. de amplificatione similium & dissimilium.  
Cap. 8. de amplificatione testimoniorum & sententiarum.

### *Tractatus octauus, de argumentationibus.*

- C**AP. 1. Quid argumentatio, & de Epicheremate, seu ratiocinatione,  
Cap. 2. Quid sit syllogismus, & de illius materia, forma, figura, & modis.  
Cap. 3. de Enthymemate, inductione, & exemplo.  
Cap. 4. de nonnullis argumentationibus ad variandum, & delectandum.  
Cap. 5. de inuentione confirmationum, & expolitionum.

### *Tractatus nonus de elocutione.*

#### Pars prima de elocutione vniuersali.

- C**AP. 1. De verbis simplicibus, & repertis.  
Cap. 2. de verborum simplicium consonantia, & gravitate.  
Cap. 3. de tractatione verborum simplicium.  
Cap. 4. de verbis adiunctis, numero, qualitatibus.  
Cap. 5. de conuersa oratione, atque mutata.  
Cap. 6. de dicendi genere graui.  
Cap. 7. de mediocri dicendi genere.  
Cap. 8. de submisso dicendi genere.  
Cap. 9. de admonitionibus, & præceptis ad rectè imitandum necessarijs.  
Cap. 10. de imitatione elocutionis per verborum commutationem, ubi obseruationes nonnullæ ad imitationem affectuum.

Pars



## I N D E X.

Pars secunda de elocutione figurata, in qua  
nobiliores figuræ definiuntur.

- C** A P. 1. De figuris verborum per repetitionem.  
Cap. 2. de figuris quæ interrogationis vim habent.  
Cap. 3. de figuris in quibus animi affectus exprimuntur.  
Cap. 4. de figuris quæ vim arguendi, & confirmandi habet.  
Cap. 5. de figuris quæ vim habent similitudinis, aut dissimilitudinis.  
Cap. 6. de figuris vim arguendæ orationis habentibus.  
Cap. 7. de figuris quæ vim definitionis, ac descriptionis habent.  
Cap. 8. de figuris constructionis, perturbantibus, seu Hyperbatis.  
Cap. 9. de vitijs orationis.  
Cap. 10. de recto verborum & figurarum usu.

Pars tertiâ de collocacione verborum.

- C** A P. 1. De collocacione vocum in genere.  
Cap. 2. de collocacione pronominum, & eorum nominum quæ incompleta sunt.  
Cap. 3. de collocacione nominis substantiui.  
Cap. 4. de collocacione nominis adiectiui.  
Cap. 5. de collocacione nominis cõparatiui & superlatiui.  
Cap. 6. de collocacione verbi substantiui.  
Cap. 7. de collocacione verbi, & participij.

*Tractatus decimus, de transitionibus Rethoricis,  
pronuntiatione, & memoria.*

- C** A P. 1. De transitionibus.  
Cap. 2. de necessitate pronuntiationis, & actionis.  
Cap. 3. de pronuntiationis vitijs ex natura & cõsuetudine.  
Cap. 4. de rectâ pronuntiationis forma.  
Cap. 5. de pronuntiationis definitione, diuisione, & partib.  
Cap. 6. de gestu, seu motu vniuerso, & singulariũ partium.

In



## INDEX.

- In laudem Christi optimi maximi, fol. 74.  
 In laudem Catholicę Ecclesię. 74.  
 De puerorum innocentium cæde, fol. 76.  
 In laudem sancti Ioannis Baptistę. 76.  
 De Petro, & Paulo Apostolorum principibus, fol. 78.  
 De diui Bartholomęi laudibus, fol. 8.  
 In laudem sancti Gregorij, fol. 83.  
 Argumentum laudis Diuę Cęcilie. 96.  
 De laudibus Christianę pęnitentię. 96.  
 De laudibus submissionis quę in sacra Scriptura humani-  
 tas dicitur, fol. 97.  
 Laudatio sanctę pacis. 98.  
 In laudem amicitie. idem.  
 De vitijs in genere, 103.  
 In superbos argumentum, 104.  
 Ambitionis & auaritię detestatio.  
 Contra quorundam molliem in ferendis aduersis, con-  
 tra ea quę sunt in bachanalibus, 106.  
 Otij dissidieque detestatio. 107.  
 Voluptarię vitę vituperatio, idem.  
 Contra bellum & discordiam argumentum. 108.  
 De malis tyrannidis. 109.  
 In genere deliberatio ex historia Sacra. 7. & 8. cap:  
 Iudith. 109.  
 Pro Christiana & auita religione retinenda ad Principes  
 Christianos oratio. 111.  
 Pro publica schola contra domesticę institutionem exor-  
 dij sententia. 114.  
 Declamatio in doctrinę studiũ vituperatio pro dissuasio-  
 ne, & in doctrinę studiũ laudatio exordium fol. 118.  
 Virtutem prestabiliorẽ esse scientia pro suasionẽ ratio-  
 nes probandę, 119.  
 De cultu ingeniorum per bonarum & politiorum litera-  
 rum studia suasio.

Vitupe-



## INDEX.

- Vituperatio eorum, qui fuga laboris abijciūt discendi diligē-  
tiam pro suasionē, & exercitatione exordiū, 122.  
De cupiditatum moderatione. 123.  
Suasio Philosophiæ cum laude per vniuersos inuentionis  
locos. 123.  
Partim indemonstratiuo, partim indeliberatiuo genere  
declamatio, fol. 125.  
Argumentum de victoria sui ipsius, idem.  
Argumentum generis iudicialis, ex lib. Act. Apostolorū,  
cap. 24. fol. 127.  
Inuectiua in Lutherum Hæreticorum principem. 128.  
De affectuum commotione. 129.  
De studio proficiendi in religione. 130.  
De Aduentu Domini nostri Iesu Christi. 135.  
De nece Domini. 138.  
De reuersione Christi ad cælum. 140.  
De aduentu Spiritus sancti. 141.  
De admirabili Eucharistiæ Sacramento, idem.  
De natali Beatę Virginis. 142.  
De Matre Dei in cælum ascensa. 143.  
De figuris. 154.



# TRACTATUS PRIMVS DE INVENTIONE, ET LOCIS.

**C**VM Facultas inueniendi argumēta, quę ad omnem quęstionem probandam idonea excogitantur, totius humanę facundię fons sit, & origo: ea primū nobis tractanda est, quę meritō inter omnes alias Rhetoricę partes, Principem habet locum. Quantum hęc tractatio secum afferat vtilitatis, & quāta ipsius in omni genere sit necessitas, expono breui, vt ad locorū cognitionem comparandam, bene dicendi cupidi excitentur. Cōfert primū inuentionis facultas, vt cuiq; certo succurrat, quod dicat, quod obijciat, quod respondeat. Deinde ad domestica negotia gerenda, ineundos contractus, dissoluenda argumenta, instruendas rationes, quibus & se quisque defendere, & alios lādere facillē possit.

Qui est hęc facultate destitutus, tardus est, & mutus, cū nihil consequi, vel enuntiare valeat: cū tamen, qui locos nouit, thesauros maximos habeat, ex quibus, quę velit, attollat, illustret, vestiāt, dilatet, adstruat, destruat. Hinc propugnat sua; hinc oppug-

nat aliena: deniq; nihil est, quod nō ab inuentione dimanet. Cū res humanę ambigū sint atq; perplexę, ad eas terminandas, necessaria fuit argumentatio, quę sine locorum inuentione constare non valet. Accedit hominis ingeniū tardum, & parum solers esse, cui oportebat breuem, ac facillē viam sterni, per quam locos adiret, vnde argumēta peteret. Ergo tractatus iste primus, quosdam velut cōmunes rerum ordines atq; indices constituit, pro varia habitudine eorū, quę in quacūq; re proposita inueniuntur, vt sunt definitiones, partes, & cetera: hac industria, qui probationem audiuerit, statim vnde petita sit, intelliget.

Iam quid locus sit, his definitionibus declaro. Prima est, *Communis quadam rei nota, cuius admonitu, quid in quaq; re probabile sit, potest inueniri.* Sic Agricola. At Tullij, & Quintiliani descriptio est: *Locus est argumenti sedes.* Arist. 1. Rhetoricorum, elementum appellat, ea de causa, quod licet sit quid simplex, multorum est argumentorum origo.

Hinc igitur sumet initiū Rhetorici-

A

tori-



## *Liber primus,*

toricæ nostræ *Compendium*. Quædam notissima circa inuentionis, & locorum definitionem dabit *Cypriani tabula*, quam, ne omnia inuinitè pertractemus, excussam ad finem operis habebis.

### *Caput primum, ubi explicantur Rhetorum definitiones.*

**P**rimus omnium locus est definitio, à qua semper est incipiendum: quare illam non immerito antiqui *Regium Censorem*, Quæstoremque *ararium* nominabant, quòd cuiusque rei naturam proprietatemque subijciat. Ea quidem est oratio, quæ rei alicuius proprias amplectitur potestates breuiter, & absolute, secundum *Quintilianum* lib. 7. cap. 4. vel, rei propriè propria, & dilucida, & breuiter comprehensa verbis oratio. *Arist.* aliter definiuit lib. 1. & 2. *Topicorum*, quem laudat *Gellius* lib. 4. cap. 1. sed in eundem omnino sensum recidunt omnes. Quinque traduntur definitionis rei species, seu proprietates; vel substantiæ, vel causarum, vel effectuum, & officiorum, vel partium, vel accidentium.

Definitio substantiæ est; quam potissimum Philosophi vtuntur, & constat genere, & differentia, quam, *Dialecticorum* more essentialem appello. Genus inueniri facile est, sed non ita differentiæ: ideo frequenter oratores, cum differentias non inueniant, accidentium

congerie vtuntur. *Cicero* 1. de legibus, *Homo est animal prouidum, sagax, multiplex, acutum, memor, plenum rationis, et consilij, præclara quadam conditione à summo Deo generatum.* Quid genus sit, habes 4. cap.

Definitio causarum, vel omnes, vel aliquas rei, quæ definitur, causas exprimere solet. *Domus est substructa quadrata, ex lapidibus, & lignis, ab Architecto fabricata, formationis gratia.* Fit etiam ab una causa, *Arist.* 2. de anima, à materia: *Ira est sanguinis feruor circa cor: à fine* 2. *Rhetor.* *Ira est appetitus ultionis;*

Definitio effectuum frequens est apud autores, vt, *Magnes est lapis qui ferrum attrahit.* Definitio officiorum parum distat ab effectis, nisi quòd effecta magis ad naturas agentes pertineant; officia ad eas, quæ agunt consilio, vt, *Prætor est, qui in iudicando in ciuitate præest.* Definitio partium debet omnes partes complecti, vt, *Mensis est triginta dierum spatium.*

Definitio accidentium est, quæ tot accidentia colligit, vt quòd definitur, ab alijs rebus separatur. Quo genere definitionis sæpè vsus *Cicero* 1. de natura Deorum. Sed hæc definitio quæ ab accidentibus ducitur, propriè vocata est descriptio, per omnes circunstantias ducta à re, causa, persona, loco, tempore, modo.

Aliæ sunt definitionum formæ non ita familiares, primò, per metaphoram, vt, *Senectus est occasus vi-*



## Tractatus primus.

2

ta. Secundò per analogiam, vt, *Sol est mundi oculus*. Tertiò per contrarij remotionem. *Virtus est vitium fugere*. Quartò per defectum vel indigentiam pleni: *Quadrans est, cui dodrans de est, vi sit as*. Quintò per relationē, vt, *Debitor est, cui creditor est*. Sextò per diuisionem, vt, *Bonū est, quod in honestū, vtile, & iucundum diuiditur*. Septimò per Antonomasiā, vt, *Romanus orator*. Octauo, per differentiam; *Ira est furor brevis, odiū inueteratū*. Deniq; sunt quæ melius negatione definiantur, quod prudēs orator consideret, necesse est. At quando rerum notæ, internq; differentia nos latent, per proprietates, per effectus, per causas extrinsecas, per partes, per accidentia communia rem explicabimus.

Hinc firmissima ducentur argumenta, ab affirmato, vel negato de finito: ad affirmatam, seu negatam definitionem. Hinc etiam copia, ad variandum rem eandem, comparari potest, cum pro re ipsa liceat eiusdem substituere definitiones. Cetera à Philosophis, & Dialecticis tractantur, nec oratoribus necessaria existimo.

### Caput. II. De partibus.

Secundus locus est partium enumerationis, qui locus tribus potissimum modis tractatur; vel cum affirmatis omnibus partibus, totū affirmatur; vel cum negatis omnibus partibus, negatur totum; vel

cum remotis cæteris partibus deuenitur ad vnā. Ac primum, cum totum affirmare velimus, singulas partes debemus consulere, vt, si Tullius contendat Milonem ab vniuerso Romano populo diligī, videat quæ sint eius partes Senatorum, equitum, & plebis, à quibus omnibus amari conuincat.

Secundò, cum totum negare velimus, singulae partes infirmentur, vt, quoniam tribus tantum modis, apud antiquos serui libertatem acquirerebant, censu, vindicta, testamento, si quis quempiam liberum esse negare velit, qui prius seruus extitisset, ita argumentum formare debet, vt nullo ex ijs tribus modis liberum esse conficiat.

Tertio cum remotis omnibus partibus deuenitur ad vnā, in hanc formam: hanc pecuniam, aut habuisti, aut accepisti, aut inuenisti, aut furripuisti; sed nec habuisti, nec accepisti, nec inuenisti: ergo furripuisti. Quintilianus lib. 5. vocat hoc argumentum à remotione, quod ait esse periculosum, ne, si vnā fortasse partem præter mittamus, meritò repudiemur.

Argumentum, ab enumeratione partium vniuersas orationes, aut earum maiore partē amplectitur, vt ea, quæ pro lege Manilia, tota pendet ab vno argumento, quo Imperatoris partes numerantur: Pōpeius ad bellum cōtra Mithridatem mittatur, ratio Tullij hæc est. Quicunq; rei militaris scientiā habet, virtutē, auctoritatem, &

A 2

feli



## *Liber primus,*

felicitatem, is summus est Imperator: sed in Pompeio hæc omnia sunt, quod eius rebus præclare gestis copiosissimè probat: ergo est summus Imperator.

Hæc enumeratio appellari solet inductio, cuius tres species: prima ab exemplo, ut Cicero pro Cor. Balbo: si C. N. Crassus, si Q. Metellus, si L. Sylla, si C. Marius, si Senatus, si populus Romanus fœderatos homines ciuitate donauit, Pompeius Cornel. Balbum iure potuit ciuitate donare.

Secundò inductio est à similibus, quæ Socratica vocatur, ut si agricola bonus est, qui fertiliores agros reddit, si pastor bonus est, qui meliores pecudes efficit: ita Princeps ille probandus, qui subditos suos facit esse meliores.

Tertiò, à partibus quæ totū colligit: Animantia, quæ in terra viuunt, volucres, & aquatiles mouentur, & sentiunt: ergo omne animal mouetur, & sentit.

Denique quot modis totum cōsideretur, videndū est: nā vniuersale est, & superius attributū, cuius partes dicimus subiectiuas. Vel secundo commune nomen aliqua ratio restringit, & est totum in modo, iuxta Dialecticorum phrasin, ut lex humana; vel tertio est totum, quod integrale appellant, ex multis confectum partibus, quæ vicem molis, & quæritatis gerant; vel quarto totū in tēpore, ut semper; vel quinto totum in loco, ut

vbiq; Si quæ sunt alia, in his ferme comprehendēs.

### *Cap. III. De notatione verbi.*

**T**ertius locus est verbi notationis, quem existimat Quintilianus in argumentis locū nō habere. Sed apud me potior est Tullij sententia docens, in argumentando multas elici ex illo rationes. Idem probat Aristoteles 7. de cœlo, suadens cœlū ingyrum perpetuò moueri, eo argumento vtens, quod æther, quasi perpetuò currens, ab antiquis fuerit appellatum.

Hæc verò argumenta, quæ ducuntur à nomine, totam rem attingunt: ideo in definitionibus assignatur etymologiæ locus; ut Geometra est, qui terram dimetiri nouit; Cura, quasi cor vrat.

Præterea multam eruditionem cōtinet etymologia, eo quod verborū originē quærit. Ita docet Plato in Cratillo, & Lucius Balbus apud Ciceronē 2. de natura Deorū. Dupliciter ex hoc loco deducimus argumenta, primò ex nominis definitione, seu interpretatione; ut si quis sapientiam in corde statuatur, ex eo deceptus, quod sapientes cordati dicuntur, ex cordes insipientes: secundo ex cognominatione, vel ut vulgus Dialecticorum ait, ex æquiuocatione; cum vnum verbum duo, vel plura significat, cum translatione, vel sine illa; ut Socrates pulchritudinē admirabilem esse concludit, quia virtus pulcherrima est omnium rerum.

Hi



## Tractatus primus.

3

Hi tres loci ad totum adhibentur. Succedit locus ab affectis, in quo tredecim numerantur alij.

Cap. V. De coniugatis, genere, & forma.

Cap. IIII. De numero locorum ab affectis.

**D**Vcuntur argumenta ex rebus, quæ quodam modo affectæ sunt ad id, de quo quæritur. Itaque locus iste est ab affectis. Hunc locum sic Tullius diuidit: *Alia coniugata appellamus, alia ex genere, alia ex formula, alia ex similitudine, alia ex differentia, alia ex contrario, alia ex adiunctis, alia ex antecedentibus, alia ex consequentibus, alia ex repugnantibus, alia ex causis, alia ex effectis, alia ex comparatione maiorum, parium, vel minorum.* Sunt verò affecta, quæ se aliqua relatione respiciunt; aut amica inter se; aut quia dissidentia conferuntur. Si amica; vel substantialiter (sic necesse est loqui dialecticis vocibus) ut genus, & forma, antecedentia, consequentia, causa, effectus; vel in qualitate sunt amica, ut coniugatum, simile, coniunctum; vel in quantitate, ut paria. Quæ verò sibi dissidentia, & inimica conferuntur, partim à se differentia sunt tantum, veluti substantia; partim aduersa: sed aduersa; partim in qualitate, ut contraria, vel repugnantia; partim in quantitate, ut maius, & minus. Quæ ratio suadet Dialectica demonstratione, nec plures, nec pauciores esse locos ab affectis, quam ij, quos Tullius numerauit.

**P**rimus locus affectorum est à coniugatis, quæ orta ab vno variè commutatur. Quintilianus hunc locum contemnit, quasi ridiculum sit, *Eum qui iusta facit, iuste facere*; Cum id non egeat probatione. Sed cum Aristoteles & Cicero hunc locum diligenter tractent in Topicis, Quintiliano non est acquiescendum, eo præsertim nomine, quod sæpenuerò vim maximam habeat ad persuadendum. Dicat quis, *Regnum non expetendum, cum Regibus tot immineant pericula*; doctri nam summo studio consequendam, cum doctis tot opes acquirantur; militiam esse fugiendam, cum milites tot experiantur labores. Sic Euripides: *Stultus stulta loquitur*. Tullius 4. Tusc. *Quis enim potest, in quo libido, cupiditas ve sit, non libidinosus, & cupidus esse?*

Secundus locus à genere, sic à Tullio in Topicis definitur: Est motio ad plures differentias pertinens. Quæ Dialectici ex Porphyrio tractent, non sunt huius loci. Solum illud notandum genus esse, quod multas species complectitur; ut Magistratus, genus est ad Consulatam, & Præturam. Sit prima regula argumentandi ex genere tradita à Quintiliano: *Genus ad probandam speciem non valere*; ut arbor est, ergo Platanus, hoc potest esse falsum. *Secunda regula:*

A 3,

Ad



## Liber primus,

*Ad refellendam speciem plurimum valet genus, vt, non est arbor: ergo non Platanus, firmum argumentum. Tertia regula. Species firmissimam habet probationem generis; vt, est Platanus: ergo arbor est, valet. Quarta regula. Species infirmam habet refutationem generis; Platanus non est: ergo nec arbor, non valet. Hæc quidem ita Quintilianus. Illud sciendum est, quotiescunq; generi signum additur generale, etiam vnaquæque species confirmatur, vel confutatur; vt, Si nulla virtute præditus fuit Catilina: ergo nec fortitudine; nullam scientiam Marius didicit: ergo nec Musicam. Latissimè patet hic locus, quoniam omnes causæ, atquæ argumenta confirmantur à genere, & nulla argumentatio concludi potest, nisi generale pronuntiatum constituatur, hoc est, quod aiunt Dialectici, ex singularibus nihil colligi. Genus autem vocat Cicero commune generaleque vocabulum, quod plura complectatur, vt cum in oratione pro Muræna comparat ipsum Seruio Sulpitio, & omisis personis illis, ostendit duces belli multò vtiliores esse Reipublicæ, quàm iuriconsulti sint: quare cum Muræna dux belli sit, vtilior est quàm Sulpitius. Sic in oratione pro Milone. Insidiatori quæ iniusta potest afferrinæ? Sic etiam. Corinthus euerenda, quia ius gentium violauit. Tertius locus à forma, seu specie, quæ tantum propriè de sin-*

gularibus dicitur, sed parum differt ab argumento ex genere.

Quare Tullius in Topicis coniungit, & Arist. in suis Topicis non distinguit. Per comparationem à specie nonnunquam ducuntur præclara argumenta; vt in oratione pro Ligario, Cæsaris beneficentia cum alijs virtutibus comparatur.

### Cap. VI. De locis à simili, differentia, & contrario.

**Q**uartus locus est à similitudine, de qua Tullius ait, *Esse rerum diversarum inter se collatarum similem quandam affectionem.* Similitudines inuentæ sunt ad inferendam rebus lucem, vt Quintilianus scribit. Earum aliæ probationis gratia, inter argumenta ponuntur: alia ad exprimendam rerum imaginem compositæ, tres habent species, inductionem, collationem, exemplum.

Inductio, quæ à similitudine ducitur, est, quæ Socrates plurimum utebatur; vt, *sicut pomum id nobile ducitur, non quod ex præstanti arbore decerpitur, sed quod suauitatem habeat; & equus, &c.* Ita homo nobilis est, non qui natalium splendore gloriatur, sed qui maxima virtute præditus sit. Est verò inductio plurium similium collatio.

Alterum genus similitudinis est parabola, Græco nomine; Latino,



## Tractatus primus.

tino; collatio, per quam vnum vni, & par pari comparatur. Exemplum sit. *Quemadmodum agricultura fertiliores sunt agri: ita nos ter animus disciplinis fit melior.* Hoc in genere, elegantissimus vbique Quintilianus.

Tertium similitudinis genus est exemplum, quod rei alicuius gestæ autoritate nititur, tantum inter homines propriè poni consuevit. Quintilianus tria statuit exemplorum genera; simile, dissimile, contrarium. Hæc autem similitudinum genera, quod ad argumenta pertinent, orationem sublinem, floridam, iucundam, mirabilem efficiunt. Nam quod longius quæq; petita est, hoc plus affert nouitatis, atq; inexpectata magis. Vide quàm inopinata illa similitudo Tullij pro Murena; vt, *Aiunt in Græcis artificibus eos dulciores esse, qui cytharadi fieri non possunt: sic nos videmus, qui oratores fieri non potuerunt, eos ad iuris studium deuenire.* Locus à simili, quæ forma ad vsum reducendus, docet Aristoteles 2. Topicorum. Quintilianus lib. 5. cap. 12. à comparatione similitudo differt, quod illa ad quantitatem, ad qualitatem hæc deducatur. Si ex pluribus collationibus fiat similitudo, nominatur inductio: si res vna vni, par pari æquetur, retinet similitudinis nomen.

Ficta exempla, similitudinis vim habent, vt Arist. ad Theod. lib 2. cap. 10. & Tullius monet in

Topicis. Denique mortua, & multa animalia, cum similitudine loqui consentaneum est, de quo multa Quintilianus lib. 3. cap. 20. lib. 8. cap. 6. lib. 9. cap. 2. Tullius ad Herennium lib. 4. Vlpianus Rhetor in enarratione ad Olinthiacam primam. Agricola lib. 1. cap. 25. & lib. 2. cap. 14. Similitudinum inueniendarum rationem; quæ nobis aptior visa est, sic exponimus: proposita re, cui similitudinem quæris, vide quid sit id, quod per similitudinem exprimere vis, & quale sit, & quid efficiat. Deinde inuestiga rem aliquam, quæ convenientiam habet cum re proposita; quia convenientia reperta, ipsam habebis similitudinem. Ad hanc facilius inueniendam, plurimum confert, si quis animaduertat ea, quæ de re proposita per metaphoram dici solent, & statim occurret similitudo, si id animaduertatur, cui illa propriè tribuuntur.

Proderit etiam ad similitudines inueniendas, eas legendis bonis scriptoribus adnotare. Confert etiam ad similitudines inuestigandas, noscere vnde potissimum oriantur. Oriuntur autem ex antecedentibus, coniunctis, consequentibus, causis, atque euentibus.

Quintus locus est à differentia, quam dissimilitudinem explicat Cicero in Topicis, & partitionibus; sed qui nouit simile formare, nouit & dissimile, cum sit eadem contrariorum disciplina.



## *Liber primus,*

Sextus locus à contrario, de quo Cicero in Oratore ad Brutū præcipit, vt hoc genere contrariorum frequenter orationem nostram illustremus, fertilissimum, que tribuit campum argumentorum, quando, vt libro 6. cap. 1. ex Chrysippo tradit Gellius, nullum contrarium sine contrario esse potest. De vsu huius loci plura Tullius 1. de inuentione, & libr. 2. de Oratore, Aristoteles 2. Topicorū. Quintilianus lib. 1. cap. 10. & 11. plura contrariorum genera designat, quæ ad breuem summam numerauit Bohetius in Topicis. Nā alia velut priuatio & habitus opponuntur; alia contradictoriè; alia contrariè, seu mediātè, cum medium reperitur, seu immediātè, quando non apparet; alia relatiuè. Nec verò opus est, vt contraria sub eodem immediātè genere collocentur: sat erit, si sub eodem extremo Orator contrariorum naturam perquirat, vel in natura, vel in moribus. Deinde videat, an medium habeant interiectum, vt facilius sit forma argumētandi. Tertio, an nomine careant, velleo notentur. Quarto, an sint contraria priuantia, quorum alterum nihil est, vt cæcitas: alterum aliquid, vt aspectus: an sint contraria, quæ sunt res, quarum vtraque aliquid est, vt frigus, & calor: an contradictoria, quorum alterum ait, alterū verò idem negat, vt homo, non homo: an denique relata, comparata, seu affecta, vt magnum, &

paruum. Sed quia hæc omnia exemplis illustrantur, illorum tractationem sic fusiùs explico.

### *Exemplorum tractatio.*

**E**Xempla propriè sunt distorum, & factorum, sicuti similia rerum. Ex his alia sunt maiora, alia minora, alia paria, quæ ad quantitatem referuntur: alia similia, alia dissimilia, vel cōtraria, quæ ad qualitatem reuocantur. Genus, modus, tempus, locus, cæteræq; ferme circumstantiæ, cum de dissimilitudine, & inæqualitate agitur, considerentur.

Exemplorum alia antiqua, alia recentia, alia externa, domestica alia: quædam vera, alia ficta: denique illustria quædam; alia verò ficta & obscura.

Diximus de diuisione similiū, & exemplorum, nunc de vsu. Primò dignitatis causa ad ornandum adhibentur. Secundò ad aperiendum quæ obscura sunt. Tertio, vt verisimilis esse res confirmetur. Quarto denique, vt res dilucidè, perspicuèq; per descriptionem exprimantur.

Forma tractandi similis & exempli multiplex est. Primò per inductionē, cū plura exēpla conglobantur. *M. Tull. Quintilianus, Isocrates, hanc inierunt eloquentiæ viam. Eandem securus aggredere.* Secundò simul assumes exempla bina, quorum alterum alteri contrariū sit: *Quæ labores suscepit ciuitas gentium victrix,*



## Tractatus primus.

5

viatrix, ac domina fuit, secus multò quæ inertia, socordiaque sepulta: prioris exemplum Roma, posterioris denique Carthago sit. Tertio, alia rursus via tractabis exemplum, si personam, gentem, nationem, aut authorè, vnde sumitur, laudaueris; dein de exemplum induxeris non sine verborum lumine; postea accommodaueris paritate, vel imparitate declarata. Ad hæc amplificatione adhibueris collatione, & comparatione facta. Denique post acclamationes & sententias per epilogum conficienda conclusio. Quarto, adhibebis exemplum, vel per solam recitationem, & propositionem, nulla subiecta assumptione, aut conclusionem: vel alterutra ex ijs declarata, & confirmata, vel tandem vtraque simul & expressa, & per contentionem dilatata. Hæc ad probandum: nunc succedunt quæ ad infirmandum conducunt.

Exemplorum confutatio fiet, primò per locum communè, quo exemplis dicamus non esse credendum. Secundò, si opposita exempla melioribus infirmentur. Tertio, si alia alijs opponantur. Quarto, si vt mala refutantur. Quintò, si discrimina inueniantur: atque ijsdem serè modis tractatas inuenies similitudines.

*Cap. VII. de loco à coniunctis ex Her-  
mogene, & Tullio.*

**S**eptimus locus à coniunctis ea complectitur, quæ circa re, vt

accidentia, inueniuntur. Admonet hic locus, qui in libris de Oratore à Tullio omissus est) quid ante re, quid in re, quid post rem euenerit. Continet autem omnia signa probabilia: quem diligenter tractat Cicero pro Milone; ante rem, ostendit apparatus Clodij, & seruos, & minas: in re, quòd expeditos equites haberet, quòd nulla impedimenta duceret, nec vxoris, nec filiorum: post rem, quòd Milo rectè Romam venisset, & se populo, iudicioq; commisisset. E persona, loco, tēpore, signis, ducuntur argumenta præcipua, quæ à coniunctis desumi consueuerunt.

Hic locus est eorum, quæ proximum, ac finitimum locū tenet, vt si eorū quodlibet modò extiterit, modò alterū quoq;, vel extitisse, vel extare, vel extiturū esse videatur. Hæc enim sibi quasi vicina sunt: quæ verò in existendo sibi sunt proxima, hæc vel antecedere rem solent, vt studium, & diligentia doctrinam: vel esse simul, vt somnus & obliuio; vel aliud aliud sequitur, vt poenitentia peccatum: eaque est adiunctorum natura, vt separari quidem possint, tamē sese inuitē mōstrant.

Hic locus coniecturalibus cauis est maximè necessarius, de quo multa Aristoteles primo Rhetoricorum ad Theod. cap. 2. in Rhetor. ad Alexandr. cap. de signis, Tullius ad Herennium cap. 2. idē 1. de inuentione, Quintilianus libro 5. cap. 9. & 10.

*Silua*



## *Liber primus,*

*Silua argumentationum circa con-  
iuncta.*

**O**Mni personarum attributa, de quibus tractatu sequenti dicemus, ad hunc locum reuocantur, vt patria, nomen, educatio, sexus, vitę genus, & similia. Huc etiā pertinent physiognomica, & chiro mantica, quę à corporis & partiū corporis affectibus sumuntur, vt à capite, fronte, & supercilijs, &c. Huc etiā signa prognostica, ex quibus aliquid futurū colligimus. Tā dē omnia signa, & indicia, ex quibus aliquid factū fuisse, vel non factum conijcitur. Verū hęc sequens tractatus clariora dabit.

Coniuncta circa factū, vel in opere sunt, vel in dicto, vel in cogitatu. Ac primò (ex Tullio mutatis plerisq; verbis) consideremus, quę continentia cum facto appellantur, sine quibus negotiū, & quę sine negotio, esse nō possunt. Hęc itaq; sunt, sūma facti, summa causa facti, & ipsius facti tria tempora.

Sūma facti est parentis occisio, Cluētij v.g. deinde causa est, quia inimicus. Iā post causam, facta cōsideranda, quę per tria tēpora diuiduntur. Causę nomine intelligo, (quod alibi dicā) eā, quę à ratione, vel à perturbatione nascitur.

Secūdo, Ingestione facti de his, quę factis attributa sunt, quæratur locus, tempus, modus, occasio, facultas.

Locus cōsideratur ex opportunitate, quā habuisse videtur ad negotiū administrandū ex magnitu-

dine, interuallo, lōginitate, propinquitate, solitudine, celebritate, natura ipsius loci, vicinitate regionis. Hęc pręterea colliguntur ex Rhetoricis & Philosophis, loci differentię. Primò, ex ipsius natura, & ita alius est locus superior, alius inferior; alius maior, alius minor; alius remotus, alius vicinus. Secundo, ex attributis quibuscūq; locis insunt; partim à natura, vt quòd locus sit maritimus, terrestris, montanus, planus, occultus, manifestus, saluber, pestilens, sterilis, fecundus; partim ex hominū operibus, aut opinionibus, vt quòd sit desertus, publicus, priuatus, sacer, profanus, pudendus, honestus, cultus, & neglectus; & quòd vrbs, prouincia, forum, vicus, templum, domus, vel rus dicatur.

Tertiò, tempus videndum ex his, quę pręterierunt, ex fabulis, historijs, antiquis monumētis, vel ijs, quę nuper gesta sunt. Insuper videatur quę presentia sint, & quę consequantur. Pręterea lōginitas petenda est, quā metiamur cum facto, ex anno, & mense, & die, & nocte, & vigilia, & hora, & aliqua istorū parte. Itaq; tēporis differentię, partim à natura & accidentibus; partim ab hominū statu & voluntate sumuntur. Ex natura, vt nūc, tūc, mox, nuper, dudū, citò, tardē, breui, diu. Ex accidentibus, dies, nox, annus, mensis, hyems, ver, æstas, & autūnus. Ex hominibus, infantia, pueritia, adolescentia, virilis ætas, & senectū. Ad hęc, festum, profestum,



stum, messis, vindemia, tēpus belli, pacis, vbertatis, caritatis, opportunum, & importunum.

Quartò, occasio, quæ est pars tēporis, habens in se alicuius rei idoneā faciēdi, aut non faciēdi opportunitatē, vel ob aliquid publicum, vt cū ciuitas vniuersa frequentat ad ludos, vel ob aliquid cōmune, quod omnibus eodē tēpore accidat, vt messis, calor, frigus, vel ob singulare, quod priuatim solet alicui accidere, vt funus, conuiuium, somnus: itaq; triplex est occasio, publica, communis, priuata.

Quintò, modus occurrit, in quo, quæ admodū, & quo animo factū sit, quæritur. In hoc duo inspicienda sunt, modus facti, & animus facientis, vt si dicas, *clā*, est mod⁹ facti: verū in eo est animus faciētis latens, insidiosus. Sed in ipso duo rursus debemus inspicere, prudētiā, id est, utrū aliquid cōsilio fecerit, ex ijs, quæ *clā*, palā, vi, persuasione tentata: imprudentiā, id est, utrū aliquid fecerit animi impulsu, cuius partes sunt ignorantia, casus, necessitas, affectiones animi, hoc est, molestia, iracundia amor, & similia.

Deniq; facultates, quib⁹ facilius aliquid fit, aut sine quibus aliquid confici nō potest. Huc pertinere possunt locus, tēpus, & aliæ circūstantiæ: ita Cicero in Rosciana, *Nō potuit, inquit, occidere patrē Roscius, quoniā absens fuit*: hic argumentum à loco fecit: deinde ait, *Age nunc videamus ceteras facultates.*

Deinde adiūcta cū negotio cōsi-

derentur, in quibus videndū, quid maius, & quid min⁹, & quod simile erit negotio, de quo agi, & quod equè magnū ex vi, numero, figura negotij. Insuper quod cōtrariū est, & quod disparatū, & gen⁹, & euēt⁹.

Tādē, ex his, quæ negotijs sunt attributa, vltimū, inquit Tullius, est cōsecutio, qua ea conquirūtur, quæ gestū negotiū cōsequūtur. Primò, quod factū est, quonamine appellari cōueniat. Secūdò, qui sint eius facti Principes, & inuentores, qui cōprobatores, & æmuli. Tertiò, & quæ eius rei sit lex, cōsuetudo, actio, iudiciū; scientia, artificiū. Quartò, an eius natura euenire vulgò soleat, an insolēter, ac rarò. Quintò, an id homines sua authoritate cōprobare, vel defendere cōsueverint, & cætera, quæ factū aliquod cōfestim, vel ex interuallo solēt cōsequi: Sextò attēdēdū est, quæ res ex ijs, quæ sunt positæ in partibus utilitatis, aut honestatis, cōsequatur. Id nosces ex tractatu de genere de liberatiuo.

Cap. VIII. de antecedentibus, consequentibus, & repugnantibus.

**N**onus locus ab antecedentibus est, cū ijs positis aliud necessariū sequitur, licet illud, quod antecedit, sit minus, atq; posterius, siue simul sit, siue ante: sic Cicero in partitionibus, & lib. 2. de Oratore, Quintil. li. 5. & Arist. 2. Topi.

Locus à cōsequentibus est, vt cū fuerint antecedentia posita consequantur, siue priora, siue posteriora.



## *Liber primus,*

ra sint; siue simul, dummodò indissolubili nexu cōnexa sint inter se.

Succedit deinde locus à repugnantibus. Repugnantia verò sunt, quæ contraria consequuntur, si cōtrarijs comparentur. Sed accuratè si quis consideret, hi tres loci sunt vnus in tria membra diuisus, vt Agricola voluit, cuius tamen rationes dissimulo; nec enim omnia, vel persequi, vel confirmare, vel testimonijs onusta proponere, ex tria compendij limites decreui.

### *Cap. IX. De causis, & effectis.*

**C**Ausa vniuersè sumpta, est cuius vi efficitur aliquid, cuius quatuor sunt genera, materia, forma, finis, & efficiens; ex quarum cognitione, perfecta cuiuscunque rei habetur scientia.

Materia propriè dicitur id, ex quo aliquid fit; quæ ratione, & elementa, materia mixtorum, & ligna, materia domus dicuntur.

Deinde materia per catachresim id dicitur, quod in aliqua scientia, aut arte tractatur, quomodò Rhetoricæ materia censentur res omnes illi subiectæ. Tertio, materiæ nomine designatur id, in quod, vel circa quod, ars versatur formam inducendo: sic lapis sculptoris materia nominatur. Quarto, materia dicitur quæcunque res, cui aliqua forma siue actus inhaeret, ac propriè subiectum appellatur, qualis est humana mens erga virtutes. Accedunt aliæ eiusdem materiæ diuisiones: altera enim naturalis est, ex

qua natura sua conficit opéra; sic nubes materia sunt pluuiæ; altera artificiosa, quam vel natura arti, vel vna ars alteri subministrat; sic aurum materia est coronæ. Rursum, altera permanens est materia, quæ in re effecta immota perseuerat, vt argentum, vasis est materia; alia mutabilis, & quæ in re non manet effecta; quomodò farina est materia panis. Præterea, alia est proxima materia, ex qua res proximè conficitur; vt lignum do latum, ex quo fit scamnum: altera remota, quæ ab artifice supponitur; vt ligna in syluis, ex quibus possit fieri scamnum.

Forma est vltima rei perfectio; quæ vnà cum materia rem totam absoluit, cōseruat, & ab alijs distinguit, ac separat. Hac causa animus humanus, hominis forma dicitur. Omitto formam pro figura, & accidenti quolibet à Philosophis desumi, cum parum vsurpatio ista Rhetoricis conducatur. Libet autem diuisiones formæ percurrere: aliæ essentialia sunt, quæ rem in certa specie constituunt, in his numero attributa intrinseca, à genere, & specie desumpta: aliæ sunt accidentales, in quibus & naturales, & artificiosæ cōtinentur; illæ etiam quæ à voluntate humana dependent.

Huc spectant adiacentia, quæ sic distribuo: alia sensu percipiuntur, vt candor: alia sola cogitatione comprehenduntur, vt bonitas: alia à natura inferuntur, vt calor in igne: alia aduentitia sunt, vt idē calor



calor in aqua; quorum alia non facile remouentur à subiecto, cuius modi sunt habitus: alia verò facile, vt rubor ex pudore natus. Methodum argumentandi ex his locis habebis in exercitamentis, & præcepta, quæ transgredi non liceat. Exemplar, & imaginem ad causam istam formalem reuoca, vel ad materiam.

Locus ab efficiente latissimè tractatur à Titelmanno lib. 5. Dia lect. cap. 11. & huius vsum docet cap. 12. cum exemplis Scripturæ, Iurisprudentiæ, & Poetarum cap. 11. Multa etiam habet Quintilianus lib. 5. cap. 10. Tullius in Topi cis de efficientibus tantum causis agit, vt author est Bohetius, quid quid reclamet Agricola: & eisdem fermè Ciceronis verbis causas istas tractabimus, dissimulantes nonnullas formas loquendi, quas ægrè patientur Philosophi.

Causarum plura sunt genera: alia sua vi efficiunt, vt ignis accendit: alia, etsi vim efficiendi non habent, sine illis quidquam effici nō potest, vt locus, tempus, materia, ferramenta; & hæc, vel sunt quietæ, nihil agentes, vel præcursum quendam adhibent ad efficiendū, adiuuantes per se, vt *amori loquela causam attulit.*

Ex his verò causis, quæ ex sua vi efficiunt; alia nulla re adiuuantur, alia adiuuari cupiunt, vt sapientia efficit sapientes sola per se, beatos non efficit: at cum in disputationem inciderit causa effi-

ciens aliquid necessario, sine dubitatione licebit, quod efficitur ab ea causa concludere. Si in causa non est efficiendi necessitas, necessaria conclusio non sequitur, & solet sæpe conturbare. Non enim si sine parentibus filij esse nō possunt, propterea causa fuit in parentibus gignendi necessaria.

In causis etiam est dissimilitudo: alia sine appetitione animi, sine voluntate, sine opinione suum opus efficiunt: alia, aut voluntate, aut perturbatione animi, aut habitu, aut natura, aut arte, aut casu. Quæ diuisio non tam est secundum efficaciam, quàm secundum modum efficiendi.

Aliam rursus adducit Tullius causarum diuisionem: nam alia (inquit) constantes sunt, vt in natura & arte, quibus iungere potuisset habitus, in cæteris nulla est constantia.

Sed harum causarum, quæ inconstantes sunt: alia perspicua, quæ appetitionem animi, iudiciūque tangunt: alia latent ex casu, vel fortuna. Insuper quæ fiunt, partim ignorata, partim sunt voluntaria. Denique instrumenta, partes causæ, & adiumenta considerentur. Hæc vt intelligas, Tullij fermè verbis explicata, quæ ad efficientem causam pertinet, alijs diuisionibus attingo. Causa efficiens, alia est naturalis, alia artificiosa. Secundò, alia per se agit, nullo egens extrinseco auxilio; alia nequit sine concausa effectū producere.



## *Liber primus,*

ducere. Tertiò, alia est causa efficiens, constans, & stabilis, semper vi sua propositum finē attingens, & effectum producens, vt sol lucis est principium; alia interdum à fine aberrat, vt sunt omnes causæ, quæ ab alijs impediri, & contingenter agunt. Quartò, alia producit effectum, qui non possit ab altera fieri causa, vt sol diem: alia, quæ sufficiens est ad producendum effectum, ita tamen vt ab alia fieri contingat, quomodo cicutē potus est causa mortis. Quintò, alia effectum producit, & conseruat; alia verò producit, sed nō conseruat. Sextò, alia necessariò ob naturæ suæ conditionē operatur, vel ad quod uis extrinseca impellat: alia, nec naturæ impulsu, nec extrinseca violentia operatur. Septimò, alia ex cognitione agit, vt animalia; alia sine vlla cognitione, vt quæ sensu carent. Octauò, alia ex deliberatione & consilio operatur, vt ratio naturalis natura; alia sine deliberatione vlla, vt bruta. Nonò, alia est causa per se sua vi aliquo modo attingēs effectum; alia per accidens, quæ cōiuncta causæ operati eam nihil iuuat, vt musica cum arte medica. Decimò, alia est causa efficiens actui; alia potēs efficere, nec efficiēs. Vn decimò, alia est causa proxima; alia remota effectus. Duodecimò, alia est causa sufficiens, & idonea ad producendum effectum; alia verò non idonea.

Finis, vt ab eius definitione exordiamur, est id, quod rei vltimus spe-

ctat, bonū nimirū quoddā à natura, vel ratione propositū, à quo efficiens causa ad agendū mouetur. Boni rationes & differentias tractatus secundus, & tertius ministrabunt. Nunc finem distribuo, & in eum, qui summus est, atque vltimus, vt is, vnde cuiusque rei perfectus status proximè pendet, sic finis hominis beata vita, & studiorum eruditio: alter finis est destinatus, hoc est, non vltimus, sed aliò relatus, qui ad supremum consequendum idoneus sit, vt cibus, & opes ad vitam tuendam referuntur.

Secundò, alius est finis per se expetendus, & nullo modo propter aliud; alius, qui solū expetitur propter aliud. Tertiò, finium alius est operis, in quem opus sua natura refertur, vt belli pax: alius agētis, quem sibi qui agit proponit, vt belli vita voluptuosa. Quartò, alius finis est integer, qui solus vrgeat, & impellat; alius partialis, id est, integri finis pars. Hæ nunc finis diuisiones sufficiant. Quæ ad argumentandi rationem, atque vltimū spectant, documenta habes in exercitamentis.

Effectuum definitio, & diuisio ex causarum definitione & diuisione cognoscuntur. Quot enim sunt causarum genera, & singularum causarum modi, totidem erunt effectuum.

Hi sunt præcipui modi quos ad rectè argumentandum, aut laudandum, exornandumque cognitos habere oportet.

*Cap.*



*Cap. X. de cōparatione.*

**C**omparationis locus est, cū maiora ex minoribus, vel minora ex maioribus, vel paria ex paribus colliguntur. Maius est id, quod est magis credibile. Minus, quod minus credibile: par verò, quod æqualē habet assensionis rationē. Disputarūt de hac re Arist. in Topicis, & Marcus Tullius, sed paucis ad Trebatium.

Cicero in his quatuor dixit spectari comparata, numero, specie, vi, & affectione. Illius locos percurre, simul & explico.

Numero cōparantur primò plura bona paucioribus, & illa præponuntur. Secundò, pauciora mala pluribus anteponuntur. Tertiò, diuturniora bona brevioribus anteferenda sunt: qua ratione M. Tull. res urbanas bellicis prætulit lib. 1. de Officijs. Quartò, longè, latèque peruagata bona, & quæ in plura sese diffundunt, angustis anteponentur, sic in Lælio iustitia fortitudini præfertur.

Sub cōparatione ab specie, quæ comparantur bonorū genera, has Cicero posuit partes. Primò, quæ propter se expetuntur, antepōnda sunt ijs, quæ propter aliud, ut bona, quæ sunt honesta vtilibus. Secūdo, innata, atq; insita assumptis, & aduentitijs, quomodò melius erit sua, quā suorū virtute splendē: & innatus color, quā fucis quæ sitis. Tertiò, integra contaminatis, seu perfecta imperfectis, cū

sub eodem genere continētur, unde oculi integri corruptis præferuntur. Quarto, iucunda minus iucundis, si cetera sint paria. Quintò, honesta vtilibus, id quod omnium sententia, cū in honesto omnis boni ratio contineatur. Sextò, procliuia laboriosis præponderant, ut virtutes acquirere, quod in nostra situm est potestate, satius erit, quā honores sequi. Septimò, necessaria meliora sunt ijs, quæ non iudicantur necessaria: sed non idē quæ magis sunt necessaria, meliora censentur; edere necessarium magis est, quā contemplari, non tamen melius. Nec etiam non necessaria, eo ipso quod meliora erunt, antepōnenda sunt necessarijs. Octauò, sua alienis, id est, communibus præcedunt. Nonò, rara vulgaribus, quoad possessionem, & pretium insigniora sunt, licet quoad vsum vulgaris raris antepōnantur. Decimò, perfecta inchoatis potiora sunt in eodē genere. Undecimò, tota partibus intra idem genus præferuntur. Duodecimò, ratione videntia, quantum ad rei dignitatem, præponuntur rationis expertibus, sic seruus, qui minoris venditur, quā fundus, præcellit. Decimotertiò, animata inanimatis cum eadem obseruatione antepones. Decimoquartò, volūtarium non voluntario, si vtrumque ad animum referatur, melius erit. Decimoquintò, naturalia, id est, quæ lege natura constant, potiora



## *Liber primus,*

potiora sunt ijs, quæ humana voluntate fiunt. Decimosextò, artificiosa non artificiosis meliora sunt, vt eloquentia, quæ illustratur arte, melior est ea, quæ arte destituitur.

Quæ vi & efficacia conferuntur, sic comparantur. Primò, efficiens causa grauior est, quàm quæ non efficit, idque est in bonis. Còtrà in malis, quod est malorum efficiens, peius est eo, quod nullius est mali, vel saltem minoris detrimenti causa. Secundò: quæ per se efficit causa potior est, quàm quæ fortuitò. Tertiò: quæ se ipsis contenta sunt, meliora sunt, quàm quæ egent alijs, quomodo Cicero sapientiâ eloquentiæ prætulit. Quartò: quæ in nostra sunt potestate, ijs quæ in aliena sunt, anteponuntur, vt bona animi bonis fortunæ. Quintò: Stabilia incertis. Sextò: quæ eripi non possunt ijs, quæ facile eripiuntur, vt virtus diuitijs.

Quæ comparantur ex eo, quòd ad res aliquas spectatur affectio, sic diuidit Cicero. Primò; præcipui subiecti còmoda maiora sunt, id est, quæ in meliori insunt, quo ordine bona animi bonis corporis præferuntur. Secundò: quæ pluribus probata. Tertiò: quæ ab optimo quoque laudata. Quartò: quæ perfectiori rei assimilantur. Hi sunt comparationis loci Marci Tullij à nobis breuiter declarati. Sed multò plures numerauit Arist. quorum nonnullos recensebimus, adiunctis exemplis, qui-

bus declarentur, sic vbi opus fuerit.

A definitione. Primò, quod magis suscipit rei definitionem, magis est tale: sic, *Qui magis suscipit rationem sapientiæ, magis est sapiens.* Secundò: quod rei magis est propriū, id ei est melius, vt homini *cum ratione viuere, quàm voluptates capere.* Tertiò: quod proprium est meliori rei, melius est eo, quod est proprium deteriori. Quartò: Si dno in eadem specie contineantur, illud melius est, quod eius speciei habet proprietatem: ideo *cum sitis sit appetitus humidi & frigidi, melior est potus frigidus, quàm calidus.*

A loco totius; quod vniuersè bonum est, vt valere melius est, quàm si alicui solum bonum sit, vt curari, & sanari. Secundò, plura bona anteponuntur paucioribus, si hæc in illis continentur. Tertiò: quod semper aut plurimū est, melius est eo, quod est aliquando, sic, *Supra musicam est sapientiæ.* Quarto: quod omnibus, vel pluribus vtilius est, melius iudicatur, quomodo, *Pecunia melior est vestibus.*

A loco causæ materialis. Primò, quod versatur in præstantiore, aut certiore materia, illud est cæteris præstantius. Secundò: quod inest rei meliori, melius est, si propriū est ei, cui inest. Tertiò: quod prioribus inest, melius esse contingit, quàm quod posterioribus; sic, *Valetudo melior est, quàm calor.*

A loco causæ formalis. Primò: quod



## Tractatus primus.

9

quod per se expetitur optabilius est, quā si propter aliud expetatur. Secundò, & quod per se desideratur, quā quod ex accidenti. Tertiò, & quod natura bonū, quā quod nō natura, vt, *Iustitia, quā iustus*. Quartò, & quæ propter se sunt in maiori honore, magisque laudatur, quā quæ propter aliud, vt, *Beata vita, quā virtus*. Quintò, quod magis propter se expetitur, quā quod ad alterius cōmendationem; ideò studia voluptatibus præstant. Sextò, quod additum rei, eam magis reddit expetibilem, melius est eo, quod non ita reddit expetibilem.

A loco efficiētis. Primò, quod est causa per se boni, præstat ei, quod est causaper accidens, atque idem iudicium sic circa malū. Secundò, quod si omnes causæ haberent, non egerent altero: & quod nō obtento altero indigent, melius est. *Quare felicitas summa voluntatibus est melior*. Tertiò, quod efficit id, in quo est bonum, est melius, quā id, quod non efficit, vt, *Virtus, quā diuitiæ*. Quartò, id, cuius quisque magis optat se esse causam, quā alium, præstantius est eo, cui hæc non accessit gratia. Quintò, id melius est, quo melior res comparatur.

A loco finis. Primò, finis magis est expetendus, quā media ad finem. Secundò, eorū, quæ ad finē conducunt, id melius est, quod propius accedit ad finem, vt, *Vnas colligere, quā vites putare*.

Tertiò, & quod ad finem vitæ spectat, quā quod ad aliud aliquid, *Quale est opulentum domiciliū*. Quartò, e duobus efficientibus illud præstantius est, cuius finis est melior.

A loco effectōrū. Primò, quod facilius fit, eligibilis est, quā quod difficilius. Secundò, quæ difficilius conquista sunt, & cum maiori labore, cariora sunt. Tertiò, quorum ortus magis optandi, & interitus magis fugiendi, ea magis expetenda.

A loco consequentiū. Primò, cuius consequens est maius bonum, aut minus malum, potius eligendum est. Secundò, & id, quod magis insigne, quā quod minus. Tertiò, & id, in quo excellere præstantius est, quā id, in quo non est ita laudabile.

A loco circumstantiarum. Primò, quod diuturnius, id præstantius est cæteris paribus. Secundò, & quæ maiorem voluptatē, & in dolentiā cōiunctā habet. Tertiò, & quod sine alijs meritò expeti potest, antepositur ei, quod sine alio expeti non debet, vt prudentia potestati. Quartò, bona, quorū defectionem magis laudamus eū, qui veretur abesse, aut increpamus eum, qui illis carere non grauatur, sunt præstantiora, vt, *Virtutes, quā delectamenta*.

A loco similiū. Primò, quod est rei bonæ, vel meliori propinquius, aut similis, id melius est. Secundò, quod præstantius est

B in



## *Liber primus,*

in vno genere, & vincit illud, quod in alio genere est optimū, præstantius erit illo. Tertiò, si absolute prædicatum consequatur absolute subiectum, quò magis crescit prædicatum, eò magis crescit subiectum, vt, *Si honestū est per se bonum, honestius erit melius bonū.* Id. intelligendum est de prædicatis, quæ per se conueniunt subiectis.

In loco à contrarijs, & repugnantibus, & coniugatis, facile fiēt comparationes similes. Denique ex loco authoritatis sic conferes rem cum re: *Melius est, quod potius eligit vir prudens, aut vir bonus, aut recta lex, aut qui in aliqua re excellit, aut quod melior disciplina proponit.* His explicare licet alia quæstionum genera de maiore, longiore, breuiore, digniore, honestiore bono, alijsq; compluribus.

*Cap. XI. de locis à testimonio desumptis, ex Tull. lib. Top.*

**O**Mnis argumentatio, quæ dicitur artis expertis, in testimonio posita est. Testimoniū autē nunc dicimus omne, quod ab aliqua re externa sumitur, ad faciendā fidē. Persona nō qualiscūq; testimonij pōdus habet; authoritas enim requisita est, sed hanc naturæ, aut tēpus affert. Naturæ authoritas in virtute inest, quàm maximè. In tempore autē multa sunt, quæ authoritatē afferant: ac

cedunt ingeniū, opes, ætas, fortuna, ars, vsus, necessitas, concursio etiam nonnunquā rerum fortuitarū; nam & ingeniosos, & opulentos, & ætatis spatio probatos, dignos quibus credatur, putant. Necessitas vi & tormētis facit authoritatē, & fidem; & quæ à perturbationibus animisunt, dolore, cupiditate, iracūdia, metu. Huius etiam generis pueritia est, somnus, imprudentia, vinolentia, insania, per quæ sæpe multa patefacta sunt. Id etiam spectat fama vulgi, quod est multitudinis testimonium.

Quæ autem virtute fidem faciunt, ea bipartita sunt, ex quibus alterum natura valet, alterum industria. Dei virtus natura excellit, & hominum industria. Diuina hæc sunt; oracula, in quibus Dei sermo; res, in quibus insunt opera diuina, vt mundus, ordo, ardores, portenta, accedunt somnia. In homine virtutis opinio valet multum, atque ingenium, studium, doctrina, dignitas. Huc attinent Theologi, Philosophi, Poetæ, Oratores suis dictis, atque sententijs.

*Cap. XII. de decem argumentorum capitibus,*

**A**D decem prædicamenta rerū reuocari omnia argumenta possunt, cū in eis omnes rerum naturæ partes, causæ, proprietates, attributaq; contineantur. Primo



mò à substantia rei, quam Cicero naturam vocat. Hanc diuidendo cognosces: nam vel infinita est, vel creata, vt aliæ præter Deum. Deinde creata, vel incorporea est, vt sunt intelligentiæ, & humanus animus; vel corporata, sub qua reliqua omnia continentur. Hæc si simplex est; vel ab omni corruptione aliena, vt cœlestes orbes; vel mutationi obnoxia, vt quatuor elementa. Si cōcreta est; vel anima caret, vt ferrum; vel anima vitur, quæ sit sensus expers, vt herba; aut sit sensu prædita, vt quæ sentiendi habent facultatem. Rursus quæ sentiunt; vel ratione carent, vt bruta; vel ratione prædita sunt, vt homo. Lege Quintilianum lib. 3. cap. 6. Ex hac categoria generis, & definitionis quæstiones eliciuntur.

Secundò à quantitate non leuia deduces argumenta. Eam in gratiam Rhetorū, ne Philosophi audiant, sic defines: Est natura, siue res, quæ molem & partes habet. Huius naturæ duo sunt genera; alia continuata, cuius vnitæ partes in aliquo: deiuncta altera, seu discreta, cuius partes nullo communi termino vinciuntur, vt cuiuscunque numeri partes. Incontinua, quod longum est, & quod latum, & quod profundum considera. Quid in ipsius tempore præsens, præteritum, & futurum, quæ in eius loco sint spatia indiscreta. Numerū deinde animaduertes, ac pro ipsius

consideratione videbis, an simplex sit, vt quinque; an collatus, vt duplus, triplus; an figuratus, vt tetragonus. Quatuor illæ quæstiones generis, definitionis, proprii, & accidentis, circa istam naturam ventilandæ erunt. Hic præterea multum, paucum, magnum, paruum, quod satis est, & mediocre, comprehenduntur.

Tertiò à relatione, suæ etiam rationes deducuntur. Ea nihil aliud est, quàm mutua duarum rerum inter se affectio. Per hanc naturam referuntur, tum substantiæ inter se, tum accidentia. Substantia ad aliam refertur per omnia accidentia: quantitate, primum & secundum: par, & impar: æquale, & inæquale, aliquid dicitur. Qualitate, simile & dissimile. Actione, & perpeffione, pater & filius, Creator, & creatura, emptor & venditor. Loco, inferior & superior, vicinus & remotus. Tempore, cœuus, seu æqualis. Situ, pronus, supinus, stans, sedens. Habitu, diues & pauper, continens, seu contentum. Similiter singula prædicamenta inter se conferuntur, vt in qualitatibus candor cum candore, virtus cum virtute, &c. Quæstionum exempla ex hoc prædicamento sunt, vel generis, an sit duplum, vel triplum; vel definitionis, vel proprii, vel accidentis, quorum exempla facile ipse finges.

B 2

Quar



## *Liber primus,*

Quartò à qualitate, cuius plures species. In ea habitus animi recensentur, vt scientia corporis, vt ars gladiatoria: hos habitus suo loco clarius enumerabimus. Deinde vis, & naturalis facultas qualitas est, qua aliquis natura perspicax est, docilis, & ad palæstram, vel actionem aliam idoneus. Huic opponitur naturalis imbecillitas. Vis ista naturalis, partim in rebus est anima carentibus; partim in his, quæ anima vtuntur, & hæc vel in corpore, vt valetudo; aut in anima, vel vegetante, vt vis nutriendi; aut in anima sentiente, vt sunt quinque sensus exteriores, & alij interiores, sensus communis, phantasia, & memoria. Ad hæc in sentienti anima considerabitur vis mouendi se, & appetendi, vel fugiendo, vel prosequendo. Patibilis qualitas est ea, quæ aut sensum mouet, vt sunt colores, sapores, odores, & quæ tactu percipiuntur qualitates, aut quæ ortum habet ab aliquo motu, seu affectu, vt color diurnus in corpore, & amentia in animo. Passio est quædam fluens, & breui transiens qualitas, quæ aut sensum mouet, aut ex motu nascitur, vt rubor ex verecundia contractus, pallor ex metu. Figura est modus quantitatis simpliciter considerata, vel qualitas quædam vna, aut multis lineis comprehensa, vt figura circuli & quadrati. For-

ma verò, vt hoc loco sumitur, est quædam compositio & concinnitas, quæ ex apta membrorum compositione in animalibus, & in mutis rebus ex partiū recta collocatione confurgit, quares pulchræ & formosæ dicuntur. Huic leuia, aspera, tenuia, & crassa, ac denique obliquitas, & reſtitudo referuntur. Quæſtionum exempla sunt ex hoc prædicamento. Primò, circa genus; sintne virtutes scientiæ? vt Stoici volebant. Secundò, circa definitionē; sintne virtus bona animi qualitas? Tertiò, proprii. Quartò, accidentis.

Quintò, ab actione est operatio & motus, vt ab agente proficiscitur: quæ diuiditur in eā, quæ transit in effecta, vt ædificare, & in eam, quæ manet in re agente, vt saltare. Præterea sunt actiones à natura, & necessariæ, aliæ ab humana voluntate liberè trahente se. Actiones necessariæ; aliæ sunt circa substantiam; aliæ circa quantitatem; aliæ circa qualitatem; aliæ citra locum, vt natare. Humanarum actionum aliæ ex deliberata ratione proficiscuntur; aliæ verò non ita.

Sextò à passione, quæ est patientis actus, actionisve susceptio, vt generari. Hæc categoria eodem diuiditur modo, ac categoria actionis, & vtraque quatuor illa quæſtionum genera suscipit, generis, definitionis, proprii, & accidentis.

Septi-



## Tractatus primus.

11

Septimò à loco. Ad hanc categoriam pertinent modi, quibus res se habent ad locum, vt, *Vnde, quo, qua*, huius generis partes, *Supra, infra, ante, retrò, ad dextrâ, & ad sinistram*. Præterea locus alius communis; vt vrbs, alius proprius, vt cubiculum. Quæstionum genera quatuor, generis, definitionis, proprii, & accidentis, tractari poterunt circa locum.

Octauò à tempore, in quo, & quandiu, & instans, & præteritum, & præsens inquiritur. Annus, mensis, hebdomada, dies, & hora huc spectant, & in alia mēbra diuiduntur, vt annus in ver, æstatem, autumnum, & hyemē; dies in naturalem, ciuilem, festum, & profestum, & sic de alijs.

Nonò à situ, de quo libro 3. Quintilianus ait, quodam modo compositum esse, ita vt nihil agatur, seu patiatur, vt sedere, stare, cubare, prouum & supinum esse. Consideretur in situ, an naturalis, voluntarius, vel artificialis.

Decimò ab habitu, seu in habitu, atque in tegumento, seu in dominio, & possessione, vt habere aurum. Hic considerantur quæcumque capiunt, & continent, & sunt plena.

Obseruandum denique censeo, alias locorum enumerationes fuisse ab alijs inuentas: nos ipsis repugnare non libet. Agricola hanc diuisionem amplexus,

vt primò statueret in substantia rei definitionem. Secūdò, genus. Tertiò, speciē. Quartò, propriū. Quintò, totū. Sextò, partes. Septimò coniugata. Octauò, circa substantiam rei, adiacentia, actus, & subiecta. Nonò, cognata, quorum alia sunt causa, vt efficiens, & finis: alia euenta, quæ fiunt per causas, vt effecta, & destinata. Decimò, applicita rei, vt locus, tempus, connexa, contingentia. Undecimò, accidentia, vt pronuntiat, nomen rei, cōparata, similia, & dissimilia. Duodecimò, repugnātia, vt opposita, & differentia.

Themistius, & Bohetius, quos sequuti Dialectici, non nihil immutarunt in hāc formam. Primò à definitione: secundò à descriptione: tertiò ab interpretatione: quartò à toto integrali, vel vniuersali, vel in quantitate, vel in modo, vel in tēpore, vel in loco. Quintò à causa & effectū, vel efficiente, vel materiali, vel formali, vel finali. Sextò à generatione & corruptione, & à cōmuniter accidentibus. Septimò, ab oppositis relatiuè, priuatiuè, contrariè, contradictoriè. Octauò à disparatis. Nonò à maiori, vel minori. Decimò à simili, vel dissimili. Undecimò à proportionē, seu disproportionē. Duodecimò à transumptione. Decimotertiò ab auctoritate. Decimoquartò à cōiugatis. Decimoquintò à casibus. Decimosexto à diuisione. Has quidē probamus diuisiones, & commenda-

B 3

mus



## *Liber primus,*

mus Dialecticis, nos cum Tullio  
etiam explanauimus, ad cuius me-  
bra, quæ in alijs sunt dispersa, re-  
ducuntur.

### *Cap. XIII. de circumstantijs gene- ralibus.*

**C**ircūstātia nihil aliud est, quā  
rei accidens, non itaq; sunt  
circūstantiæ, ipsa vel persona, lo-  
cus, vel tēpus, sed aliquid adiun-  
ctum, vt persona sacra, locus fre-  
quens, tēpus importunū. Circum-  
stantiæ, vt quibusdam placet, sunt  
numero octo, quæ in hoc versicu-  
lo cōprehendūtur, *Quis, quid, vbi,*  
*per quæ, quoties, cur, quomodo, quādo.*  
*Quis* assignat adiunctum perso-  
næ, siue rei agentis, vt amicus, sa-  
cerdos. *Quid* rei actæ circumstan-  
tiam demonstrat, vt butyrum  
in phiala Principum. *Vbi* deno-  
tat loci circumstantiam. *Per quæ*  
designat, quibus auxilijs, qua fa-  
cultate, & quibus instrumentis  
res facta. *Quoties* numeri & quā-  
titatis circumstantiam ostendit.  
*Cur* causam finalem demonstrat.  
*Quomodo* circumstantiam modi.  
*Quando* adiunctum temporis, an  
festiuum, necne?

Sunt qui aliter exponant ha-  
rum circumstantiarū doctrinam,  
sed pro Rhetoricis hæc sufficiūt;  
& nihil ab alijs dicitur, quod non  
in his circumstantijs octo cōpre-  
hendatur. Aristotelis circumstan-  
tias aliter quidam Theologi in-  
tellexerunt. Fruatur suo iudicio.

### *Cap. XIIII. de locorum vsu.*

**Q**uamuis in singulis locis ali-  
quid de ipsorū vsu dixerim-  
us, vt qua forma ad praxim re-  
ferantur, cognosci possit; nonnul-  
la adhuc addenda existimaui.

Primus modus sit ab accurata  
consideratione vocum, sic rem  
quamuis, aut quæstionem per sin-  
gulos locos seorsim tractare pos-  
sumus: vt gratia exempli, Si pro-  
poneretur simplex quæstio de  
fortitudine, quā explicare velles  
per eius definitionē, ex illius par-  
tibus latissimus pateret ad dicen-  
dum campus. Consideratis singu-  
lis vocibus per nouas definitio-  
nes, descriptiones, & amplificatio-  
nes. Deinde sumes locū ab specie  
& forma, & quanta sit huius vir-  
tutis dignitas, ex illius speciebus  
ostendes, quæ sunt, magnificen-  
tia, fidentia, patientia, perseuerā-  
tia; ex quarū magnitudine, quan-  
ta sit fortitudinis virtus, cognos-  
ces. Tertiò, ex effectis fortitudi-  
nem edisseres.

Secundus modus sit, cū res, de  
qua disputandum est, per diuisio-  
nem, & partitionem tractatur, di-  
uidendo eam per species, per par-  
tes, per subiecta, in quibus reperi-  
tur, & per accidentia.

Tertius modus per attributa,  
seu circūstātijs excutitur, vt si quis  
in Baptistæ morte perpenderet;  
quis pateretur, quid pateretur,  
cur, quomodo, quando, vbi, à qui-  
bus, quot tormentorum genera,  
quibusq; in partibus.

Quar-



Quartus modus, si decem percurramus prædicamenta, demonstrando rei naturam, quantitatem, qualitatem, & reliqua, quæ diximus capite duodecimo.

Sextus modus humanis solū actionibus tractandis adhibetur. Si quis eas ad virtutem, aut vitiū aliquod reuocet, singula percurrrens, quæ in vitio, aut virtute considerari solent, eaque traduntur succedenti tractatu.

Septimus modus fit, si de re proposita omnia questionum genera evoluantur. Primò, quid rei nomen significet. Secundò, an sit. Tertiò, quid sit. Quartò, quæ habeat accidentia. Quintò, quas causas. Sextò, quos effectus, officiū, & finem. Septimò, quot partes. Octauò, quæ affinia, similia, contraria, & pugnancia.

Octauus modus est, cū vniuersa, quæ in alijs septem modis attigimus circa rem vnam, vel questionem tractamus. Vt si quaeratur, an Herodes rectè tradiderit caput Ioannis Baptistæ, puellæ saltanti. Hic singula verba animaduertes. Secundò, quæ in verbis continentur. In voce, *Herodes*, attributa considera, regiā dignitatem, libidinem, intemperantiam, &c. In voce, *Ioannes Baptista*, qui ortus, quæ sanctitas, quæ integritas, examinetur. In voce, *puella*, quæ libertas, inuercundia, ira, rabies. In verbo, *Tradendi*, circumstantiæ quomodo, quo tempore, quo loco. Hinc va-

ria questiones exoriuntur. Prima est, an Herodes caput tradiderit Ioannis? Secunda, an puellæ tradiderit? Tertia, an rectè tradiderit? Cæteræ questiones sunt latentes, vt, An Rex intemperans egregiæ sanctitatis virum, iratæ puellæ rectè tradiderit.

*Cap. XV. Vbi nonnullæ admonitiones pro locorum vsu.*

**Q**ui in dicendo, aut differendo excellere cupit, singulorū locorum vim, atque naturam, & diuersas argumentandi rationes optimè percipiat.

Deinde more dialectico singulorū locorum argumentandi modos, varijs exemplis breuiter exprimat. Quia in re, si quis strenuè sese exerceat, fructum capiet, eūque maximum.

Tertiò, cognitis, atque tractatis in hunc modum locis, eandem questionem per omnes, aut plures locos deducat, ac dilatet.

Quartò, argumentum strictim confectum, copiosè, & ornate, oratorio modo tractabit.

Quintò, animaduertet, quænam sit illa questio, quā suscepit, simplex: qua de re aliqua simpliciter interrogamus, vt, *Suntne Angeli demones?* an coniuncta, quæ multa de multis interrogat, per coniunctionem aliquam, vt, *An verū sit sole nascente diem exoriri, & fugari tenebras?* Præterea, sitne questio nature, quæ difficilior:

B 4 an



## *Liber primus,*

an accidentis, quæ facilius per omnes locos deducitur. Deinde, an cognitionis sit quæstio, vel actionis. Tandem in quo genere versetur, aut laudationis, aut deliberationis, aut iudicii? Nec enim iidem loci ad eandem quæstionem conferunt.

Sexto, spectentur diligenter partes quæstionis, subiectum scilicet, & attributum, quorum cognitione locos utiles amplectetur, repellat inutiles, & infœcundos; nec enim in vniuersis locis latet argumenta, quæ confirmant, etsi nulla quæstio sit, in quam plura non incidant.

Septimo, præter hos communes Oratorum, & Dialecticorum locos, cognitos etiã habeat Orator proprios honorum artium. Neque enim loci communes ex se in vllorum genere hominem faciunt peritum, sed inueniendi argumenti rationem docent. Hanc notitiã sibi parabit, qui bonis artibus operabitur, qui Autorum sententias, pronuntiata, definitiones, similia, dissimilia, & denique omnia præclara dicta, ad demonstrandum, & amplificandum exceperit.

Octauo in bonis authoribus legendis, nullam sententiã prætereat, in qua argumentum deliteat, & quinã locus sit & quo pacto adhibitus, & ad quæstionem probandam accommodatus fuerit, percipiat. Vbi locum inuenerit, vniuersam sententiã, ad aliquam argumentandi formam paucis verbis, more Dialectico reuocet.

*Cap. XVI. de quæstionum inuentione, & eorum, quæ lectione, & commentatione se obseruanda sunt.*

**Q**ui Oratoris partes suscipit, aliquam certam quæstionem sibi proponet, ne ignorata causa, atque materia, in incerto versetur argumentum. Hæc quod liberius faciat, & expeditius, quod facilius sit via inueniendi, de quæstionum varietate tractabimus, subiectis diuisionibus, & partitionibus Dialectico compendio & stylo. Est autem quæstio, *Cum interrogatione elata vox dubiam ostendens veritatẽ.* Hanc sic diuido.

Primo, quæstionum, quæ in orationem veniunt, aliæ sunt cognitionis, quarum finis est sola veritatis notitia, vt, *An cæli sentiant vetustatẽ.* Hic nihil est quod facias, imò nec quod possis circa rem ipsam, quæ disputatione ventilatur. Aliæ sunt actionis, quæ ad agendum, vel non agendum instituuntur, vt, *An ad iustitiam, ac misericordiam teneamur?*

Secundo, aliæ quæstiones infinitæ sunt, quibus personarum, locorum, & temporum remotis circumstantiis, vniuersam rem aliquamperquirimus, vt, *Præstetne castè vivere, quàm matrimonio iungi?* Aliæ finitæ, quæ ad certas personas, tempora, & loca contrahuntur, vt, *An diuæ Cecilie præstiterit Christum sequi, quàm matrimonio copulari?*

Tertio, quæstionum alia absoluta, eundem re seorsum querimus, vt, *Sit*



*fit ne virtus verecundia?* Alia comparata, quando rem rei, aut personam personæ cōparamus, *Vter maior orator Cicero an Demosthenes?*

Quartò, alia quæstio simplex est, vt, *An phoenix reperiatur?* Alia verò cōplexa, vt si quæras, *An aquilæ diutius viuunt, quàm animalia cætera?*

Quintò, omnium quæstionū varietas quatuor capitibus cōtinetur, ita vt prima quæstio generis sit, quæ sub se continet differentia & speciei quæstionē, cum scilicet vel genus, vel differentia, vel species rei alicuius inuestigatur, vt, *Sit ne prudentia virtus? & an homo rationalis sit?* Secunda quæstio est definitionis, qua de rei natura quærimus, per genus, & differentiam, vel proprietates explicata. Huc pertinent duæ alia quæstiones; altera, qua inquiritur, an aliqua duo inter se differant; altera, qua de nominis interpretatione litigamus. Tertia quæstio est proprii, vt, *Sit ne taurorum proprium mugire?* Aut, *Solius serpentis sibilare?* Quarta verò quæstio accidentis est, qua id, sine quo res esse potest, interrogatione comparatā, vel simplici perquirimus, vt, *An senex fuerit Priamus, nec ne?*

Deniq; ad decem categorias, de quibus duodecimo capite dictum est, omnes quæstiones licebit deducere; vt alia sit substantiæ, atq; naturæ; alia quantitatis; alia qualitatis, &c.

Tandem de lectionis consuetu-

dine ad eloquentiam comparandā aliquid præcipiendū duximus, amice lector. Qui illustris orator est futurus, assidue legat, & multū; non tamen multa, & omnia, sed singula curet intelligere, & intellecta conseruare.

Intelliget, si attendat, si commentetur, si deniq; à prudentibus didicerit. Neq; tamen accuratius intelligenda sunt vniuersa, ea pte fertim, quorum causa non suscepimus legendi laborem.

Lectione primū obseruabimus verborum sermonisq; nitorem. Deinde scientiam rerū, quas optamus. Tandem quid ibi deliteat artificij. Hæc fient.

Primò, si teneamus sensuum varietatē, vim, naturā, & argumētandi rationes, quæ reperiuntur in autoribus, & tum demum ad ea, quæ legimus, applicemus. Secundò, si totā, & vniuersam orationē vel tractatū, non vnā tantū partem legamus. Tertiò, principum oratoricæ facultatis debet esse assidua, & perpetua lectio, vt nunquam de manibus deponantur. Quartò, non ubiq; quærantur mysteria, sententiæ, res acutæ, cū non hæc sit hominis felicitas, vt semper se se mirabilē valeat ostendere. Quintò, præcipua cura ponenda erit in peruestigando sensu, rationū ductu, verborū proprietate, argumentis, &c. Sextò consuetudinū, tēporū, locorū, & personarum varias attributiones intelligat, consideret, & examinet;

Sepe



## *Liber primus,*

Septimò, eorū, quæ leguntur, notetur digressiones, loci cōmunes argumentorū iuxta præscribenda tractatu primo, rationes quæ ad docendū, & permouendum sunt magis idoneæ, amplificationes, & similia, eo ordine, & modo, qui magis placeat.

Post lectionem, quæ materiam suggerit, orationis commentatio succedet, ut eadē digerat, & formet. Est verò commētatio animi cura, atq; diligentia, qua pro ratione officiorum artis discendi omnia accuratè prius perpendimus, quàm aliquid scribamus, aut dicamus.

Itaq; diligentissimam causæ, siue materiæ subiectæ cōsiderationē, & perpensionē includit. Hæc sic tenebimus: primò diligenter inueniendo, & inuenta perpēdēdo. Secundo, si quo ordine, & qua dispositione utendum sit, videamus. Tertiò, si formam, genusq; dicendi, quo utimur examinemus. Deniq; qua voce, quo gestu pronūciandū sit, dignoscamus.

Præterea singulæ partes per cōmentationē discernēdæ sunt, separentur quæ ad suadendū idonea, ab ijs quæ ad docendū sunt apta; & hæc ab illis, quæ ad mouēdum, & delectandū magis appositæ videbuntur.

Materia commentationis popularis sit, copiosa, cognitudigna, utilis, vera deniq; atq; honesta; si enim falsa esset, humilis, à cōmuni sensu remota, atq; difficilis, audientium animos auerteret.

Constituta iam materia, cogitationem ad inuenienda argumenta conuertemus. Modum, & viā, qua id præstabimus, dabit primus Tractatus de inuentione. Adhibendus tamen labor circa qualitatem, & pondus argumentorum ea seligendo, quæ victoriam pariant, quæ animos permoueant; quæ deniq; spiritu plena sint.

Inuentis ergo, selectis & locis, cogitandum est de collocatione, elocutione, & ornāmētis, ne quid quam videatur temerè, aut nimis consideratè dictum.

## TRACTATUS SE- CVNDVS, DE GENERE EXORNATIVO.

**S**ententia antiquorum communis est, quæ tria cognoscit genera causarum, ad quæ omnes aliæ dicendi formæ conferuntur.

Fabius, examinata difficultate, tandem hanc opinionem retinendam censuit, quam meliorū Rhetorum autoritas comprobat, cum  
Anf.



Aristotele ad Theodesten, & Tullio, varijs in locis. Sunt hæc genera; exornatiuum, deliberatiuum, & iudiciale, non adeò inter se diuersa, vt vnum cum alio copulari nequeat; imò raræ sunt orationes, in quibus non sint plura genera, quæ orationes mixtæ vocantur. Alia causarum genera, si ab his distincta sunt, non oratorum propriæ, aut certè ad hæc reuocantur, vt historia, narratio, gratiarum actio, gratulatio, querimonia, consolatio, cohortatio, & alia innumera in tabella contenta, quam Ioannes Sambucus, ex incerto authore Græco-Latinam fecit.

*Cap. I. De locis inuentionis ad laudandum, & vituperandum personam.*

**E**Xornatiui generis partes sunt, laus, & vituperatio personæ, aut facti circa præsens tempus, vel præteritum. Inueniendæ laudes sunt, & vituperationes ex subiectis locis.

Quod ad laudes Dei optimi Maximi attinet, hæc sibi proponat orator. Primò, naturam ipsam diuinam, per negationes, vel affirmationes descriptam. Secundò, attributa, vt bonitatem, perfectiorem, iustitiam, &c. Tertiò, effectus suo ordine distributos; ij sunt mundi fabricatio, conseruatio, gubernatio, & in singulis effectibus, multitudo, varietas, magnitudo, pulchritudo, consideren-

tur. Quartò, varia ipsius nomina. Quintò, altaria, sacrificia, festiuitates, templa, supplicationes, miracula, prodigia. Sextò, per capita laudandi hominis excurrat, & inde quid in laudè Dei possit deflecti, attètè cõtēpletur orator.

In Angelis similis laudandi modus seruandus est. Oportet autè, eos quid ad omnes personas, facta & res laudandas volūt esse parati, vt plures locos cōmunes perspectos atq; tractatos habeant, vt de vitijs, virtutibus, artibus, studijs, legibus, pace, discordia, bello, vita, morte, opibus, honoribus, politica, re domestica, alijsq; similibus, vnde suo loco depromat argumenta. Iam ad laudis, & vituperationis hominum locos accedamus, in quibus hæc perpendenda sunt.

Primò, nomen, cognomen, agnomen, tituli, epitheta, elogia ex natione, prouincia, familia & euentibus considerentur.

Secundò, natura, sexus, natio, patria, cognatio, ætas, dignitas. Hæc vt fiant distinctè, personam diuidetur in corpus & animam. In corpore perpendenda sunt; quæcunq; ante natiuitatem sunt; vt, nobilitas gentis, ciuitatis, & loci, in quo exortus est ille, quæ laudamus. Deinde conditores, res gestæ, successio, & id genus alia. Ea præterea, quæ priuata cuiq; familia, ex præstantia virorum, & fœminarum in diuitijs, opibus, virtutibus, præclaris

ris



## *Liber primus,*

nis gestis. Rursus accedent dotes corporis, quæ post ortum dignoscuntur in quinque sensibus, valetudine, longitudine, formositate, velocitate, candore, &c. In animo examinabitur ingenium, & quæ illius maturitas, pondus, agilitas, memoria, & quæ in ediscendo facilitas, in conseruando tenacitas, &c. Denique voluntas, & quàm ad bonum procliuis, & quæ illa sunt bona, quibus alliciatur.

Tertio, virtus seu educatio perpenditur; qui magistri, qui sodales, quibus rebus intenti, qui mores, lege initium. Tuscul. vbi, quantum valeat educatio, eleganter sapienterque docuit Tullius.

Quarto, consideretur fortuna; in qua munus, officium, imperium, dominatus, & quæ accedunt pecuniæ, libertas, fama, & contraria dignoscuntur.

Quinto, affectio vel animi, vel corporis, quæ subito contingit, vt in sensu pallor, rubor, tremor, lætitia, tristitia, & quæ ex inopinato casu consurgunt.

Sexto, habitus exercitatione comparati, seu in corpore, vt velocitas, robur; seu in animo, vt eruditio, probitas, facundia; hi habitus, ex virtutibus morum dignoscuntur, quos paulo post exponemus.

Septimo, studium, & applicatio, vt Medicinæ, Rhetoricæ, armorum, &c.

Octauo, facta, præterita, præ-

sentia, & quæ sperantur, vel timeantur, & in singulis factis declarantur, quid honestum, iustum, prouidens, decorum, gloriosum, vtile, iucundum, rarum; quam ob rem factum, quomodo, quo loco, qua gloria, an sine spe præmij, an cum labore.

Nono, casus, & rationes, quæ eueniunt, vel quæ euenient ex socijs, ciuitatibus, maioribus, amicis, seu inimicis.

Decimo, consilium seu ratio, quam persequi deliberauit. Denique, mors, sepultura, monumenta, simulacra, imagines, statuae; in quibus, effectus, materia, forma, & finis consideranda.

### *Cap. II. De ordine, & dispositione generis exornatiui.*

**I**N exornando varij collocandi ordines inueniuntur, sed duo precipue; prior est, cum gradus temporum seruatur, vt à patria, genere, educatione, studijs, præceptoribus exordientes, deinde progrediamur ad res præclare gestas, quoquo tempore. Quem ordinem Socrates in Euagora Cyprici Rege exornando seruauit, Cicero in 2. Philipp. parum ab ea declinauit.

Posterior ordo est, cum generum dispositiones sequimur, nulla temporum seruata ratione; vt si primo, bona fortunæ explicemus, qualia sunt nobilitas, diuitiæ; deinde bona corporis, vt valetudo,



do, robur, pulchritudo: tertio, Animi dona, &c. Suo ordine virtutes persequentes; vel à minoribus ad maiora, vt Cicero in Verrem primò, rapinæ eius commemorat. Secundo sacrilegia, tum Ciuium Romanorum atrocissima supplicia. Vel à maioribus incipientes ad minora dilabimur, quod Cicero pro Cornelio Balbo fecisse videtur, vbi Pompeiũ primò, laudat à triumphis, & victorijs, deinde ab ingenio, tum à pudore; postremò, ab auctoritate.

Vel possunt eius facta quem laudamus, inæquabili varietate distingui, cum parua magnis interxuntur; quo ordine plura sunt in oratione pro lege Manilia; vel tandem parua magnis, simplicia coniunctis, obscura dilucidis, læta tristibus, incredibilia probabilibus misceantur. Ita quidem Tullius docuit.

*Cap. III. De materia generis exornatiui.*

**H**OC Genus latissimum est, cum nihil sit, quod non laudare, vel vituperare possimus. Nam neq; hominum tantum, & eorum laudes, sed etiam aliarum rerum materiam desumimus. Isocrates laudat Athenas, & Plato in Atlantico easdem commendat. Tullius pro lege Manilia, Asiam, & 4. in Verrem Siciliam, Glauco iustitiam, Fauori-

nus Theisitem, & quartanam febriim. Deniq; nihil est, quod non ad exornationem pertineat. Hæc vberior ad dicendum, vtilior ciuitatibus, & magis in cognitione virtutum vitiorumq; versatur; & licet suum per se genus habeat separatim ab alijs, deinde per alia, etiam genera spargitur; nemo defendet, quin laudet, & accusabit, quin vituperet. Ideò in oratore ad Brutum Cicero exornationem, quasi nutricem oratoris perfecti commendat.

Totum laudationis aut vituperationis fundamentum, sunt virtus, & vitium. Quare imperitè faciunt, qui prolixè robur corporis, nobilitatem, pulchritudinem commendant, si non ad virtutem dirigatur. Benè enim Vlysses 12. Metamorph. Apud Ouidium, cum Ajax ignobilitatem obieciisset: *Nam genus, & proanos, & quæ non fecimus ipsi, Vix ea nostra vico.*

Conficitur hoc genus factis narrandis, exponendisq; sine vllis argumentationibus, solum ea, quæ certa, aut pro certis posita augendo. Adhibenda sunt frequentius ea ornamenta rerum, vt voluptatem sibi proponat exornator. Primò, mirabilia adducuntur, sic pro lege Manilia Cicero in Pompeio. Huc pertinent exclamationes, quæ sunt admirationis gratia, vt, *Proh Dij immortales, tantane huius hominis diuina virtus.* Et pro Cornelio Balbo in eundem Pompe-



## *Liber secundus,*

Pompeiū. O Pompei sic longē late-  
q; diffusa laus, vt eius gloriæ domici-  
lium communis imperij finibus termi-  
netur. Secundò, adducātur quæ  
præter opinionē, & expectatio-  
nē ab aliquo fiunt; hæc enim nō  
opinata maximē laudantur, vt  
Brutus qui stulticiam simulauit;  
deinde, mortua Lucretia, contra  
omnium opinionem, summā pru-  
dentiam ostendit, & Rempub.  
Romanam à Regibus liberauit.  
Tertiò, quæ significata sunt mōf-  
tris, sæpe ad laudem referuntur,  
& quæ prodigijs, vt cūm fornicæ  
puero Mydæ dormienti tritici  
grana in os congesserunt. Deni-  
q; oracula, & quæ diuina sunt, &  
quæ fatalia tractare oportet.

Sed quoniam in tribus generi-  
bus bona malaue versantur. Pri-  
mò, in externis, Secundò, in cor-  
pore. Tertiò, in animo. Externa  
quæ à genere breuiter laudētur;  
deinceps de fortunis, & facultati-  
bus; postea de corporis bonis di-  
cendū, in quibus facilē forma lau-  
datur; etenim vultus est tacita  
mētis locutio: randē ad dotes ani-  
mi deueniendū est.

### *Cap. IIII. De factis exornandis, vel vituperandis.*

Postea ad facta veniendum, in  
quibus locus virtutum, atq;  
vitiū latissimē patet. Nunc  
ius, & naturam virtutis dupli-  
cem facio; nam vel ad scientiam  
pertinet, & prudentia dicitur,

vel calliditas, vel sapientia; vel  
ad actiones, & hæc cupiditates  
hominum moderatur, & regit  
animi motus, diciturque tempe-  
rantia.

Quæ partitio à Tullio assigna-  
ta, optima est. Nam vt Aristo-  
teles ait, homo natus est ad intel-  
ligendum, & agendum; quam ob-  
rem vt finem suum assequatur,  
eas virtutes acquirat, necesse  
est, quæ ad finem conducunt.  
Sed prudentia, & sapientia fa-  
cit, vt homo rectē intelligat;  
temperantia, vt rectē agat: itaq;  
hæ duæ necessariae sunt, pru-  
dentia, quæ in suis rebus domes-  
tica, quæ in publicis, ciuilibus ap-  
pellari solet. Temperantia iti-  
dem in suas res, & in commu-  
nes distributa, duobus modis  
discernitur; & ea quæ absunt,  
non expetendo, & his quæ in  
potestate sunt, abstinendo.

Temperantiæ nomine omnes  
virtutes comprehendit Cicero in  
partitionibus. In rebus incom-  
modis est duplex temperantia;  
nam quæ venientibus malis ob-  
stat fortitudo, quæ quod iam ad  
est tolerat, patientia nominatur;  
quæ autem hæc vno genere com-  
plectitur, magnitudo animi di-  
citur, cuius est liberalitas in vsu  
pecuniæ, simulque altitudo ani-  
mi in incommodis capiendis, &  
maximis iniurijs, vt est omne quod  
grauē est, insedatum, & turbu-  
lentum. Tūc etiam, vel maxi-  
me liberalitas fulget, cūm egen-  
tibus



tibus subuenitur. Patientia coniuncta quidem est animi altitudo.

Summa igitur sit, ut temperantia quatuor virtutes contineat precipuas. In rebus incommodis qui se se continet, laudatur, & virtus hec continentia appellatur. Qui nemini nocet, ab innocentia commendatur. In rebus incommodis, qui venientibus resistit, fortis est, & constans, & ea virtus fortitudo dicitur, cui adiuncta liberalitas. Qui aduersa tolerat potius est, cui animi altitudo coniungitur.

Hæc est temperantia, quæ ad res priuatas spectat; quæ verò ad communes, iustitia dicitur, cuius sex partes. Prima, qua Deum colimus, religio nuncupatur, & omne ius factorum continet. Secunda, qua patriam, parentes, amicos, maiores obseruamus, & dicitur pietas. Tertia, erga homines, quæ neminem lædimus, & adiuuare quæ plures studemus, & est bonitas. Quarta, fidelitas in promissis. Quinta, lenitas, qua non ad vlciscendum festinamus, nec contentionibus delectamur. Sexta, amicitia, quæ multorum nobis beneuolentiam conciliamus. Sunt aliæ quasi ministræ, comitesque sapientiæ, Dialectica, & Rhetorica, quas inter virtutes Quintilianus lib. i. numerat: de quibus ad præsens institutum plura Cicero i. de Oratore. Custos verò virtutum omnium dedecus fu-

giens, laudemque maximè consequens, est verecundia, omnis honestatis parens, & nutrix, cuius solus homo est particeps.

Sunt præter hos habitus, aliæ artes liberales, quæ etsi virtutes non sunt, maximè tamen laudantur. Hæ sunt præter Dialecticam, & Rhetoricam, studium literarum, scilicet Grammatica, à qua, ut fonte, reliqua studia proficiscuntur. Deinde Mathematica, quarum princeps Arithmetica. Succedit Musica, quæ harmoniam & sonos, cum poetica complectitur. Tertiò, Geometria, mensuras continens. Quartò, Siderum cursus, & proprietates Astrologia declarat.

Sunt alia nobilitatis studia, ut cursus equorum, à quo laudatur Virgilius Mefapum, Lausum, Latinum, & poetæ cæteri suos Heroas. Alterum venatio est, quo studio delectatus quotidie Cyrus Persarum Rex, apud Xenophontem, Vlysses apud Homerum, Aeneas apud Virgilium. Alterum genus in armis est, quibus similia studia conquirenda.

Virtutum quidem genera iam dicta; vitiorum autem contraria dignoscuntur ex ijs. Et cauendum ne nos fallant, quæ virtutem videntur imitari; nam & prudentiam malitia æmulatur, ut latè explicat Tullius 3. de officijs; & immanitas in voluptatibus aspernandis; cinica qui-



## *Liber primus,*

quidem, & tetrica, temperantiam assimilat; superbia in animis extollendis, & despicientia in contemnendis honoribus, animi magnitudinem adumbrat; sic Cicero atrocioribus verbis Pisonem insecatur, quod se triumphi cupidum negaret. Præterea liberalitatem effusio, fortitudinem audacia, patientiam duritia, immanis acerbitas iustitiâ imitatur. Denique; superstitio religioni simillima, ut ait Cicero 2. de natura Deor. Denique; lenitatem animi mollitia animi adumbrat, & verecundiam timiditas, quæ vitiosa est verecundia, quam Græci Dysopiam appellarunt, de qua Plutarchi extat opusculum: eaq; est, cum quis in rebus honestis pudore ac rubore suffunditur. Nota ista rusticorum est, qui cum paucis hominibus versantur. Prudentia disputandi, quæ est Dialectica concentratio, capioq; verborum, Sophisticam simulat; & vim oratoriam; inanis superfluentia eorum, qui blaterones appellati sunt. Studijs etiam bonis similia videntur, quæ sunt in eo genere nimia, vel superflua.

Nec solum facta, sed dicta, & cogitationes laudantur, quid quisq; dixerit, senserit, gesserit, ut possit ad virtutem accommodari, in quo nimius Tullius oratione pro Milone, exponens quæ dixerit, quæ considerauerit fortis ac constanti animo. Causas etiam eventus, & consequentia requiremus,

cur Brutus prudentissimis stultitiâ simularit; cur Tarquinium expulerit, cum esset cognatus? cur proprios filios occiderit, cum esset clementissimus? Deinde euentus, quid ex simulata stultitia contigerit? quid ex morte Lucretiæ? tum consequentia, ut extinctio Regij dominatus, recuperatio libertatis, &c. Si laudauerimus eum, qui iam è vita excesserit, mortem exponemus, & quid in ea gloriosum. Cicero 1. Tusculanarum, multa in hanc rem congerit, & in lib. de senectute.

### *Cap. V. Elenchus eorum, quæ in virtute quavis seu vitio consideranda.*

**P**rimò genus, & definitio; ibi considerando quàm honesta, utilis, ac iucunda virtus sit. Secundò, sedes, & ordo, inter cæteras virtutes, & vitia Tertiò, cui potentia corporis vel animi inhæreat. Quartò, quem ibi effectum eliciat. Quintò, munus proprium, actusq; interni, & externi. Sexto, vitium, & passio contraria. Septimò, eius virtutis necessitas ad quietem, & incolumitatem. Octauo, eius radices, præcepta, & causæ. Nonò, fructus consequentes cum effectibus. Decimò, varietas, & multiplicitas eius virtutis. Undecimò, nomina propria, & metaphorica. Duodecimò progressus, initia, media, & terminus. Decimotertiò, mensuræ longitudinis, latitudinis, profunditatis, & subli-



sublimitatis. Decimoquartò, proprietates, & qualitates veræ, fidæ, & apparentes. Decimoquinto, eius virtutis Magistri, tractatus, præclara dicta. Decimosextò, collatio illius cum ceteris virtutibus, ex cap. 10. de compar. primi tractatus. Decimoséptimo, quid experientia virorū circa eā virtutē inuenerit. Decimoóctauò, rationes Theologiæ, Philosophiæ, & cōmunes circa illam. Decimononò, quibus medijs, & opera conquiratur. Vigésimo, quo obstaculo, & forma debilitetur. Vigésimoprímò, qui actus in verbis, intelligentia, & opere. Vigésimosecūdò, quæ tēpora, opportunitates, personæ quibuscum exercetur. Vigésimotertiò, qui fuerint illustres, vt adhibeantur tanquam exempla.

Percurram breuiter hæc capita inhumilitate, vt qui habitus sit, quam facultatem præstet, & suauitatem.

Quæ sit eius forma seu differētia? moderatio scilicet, & appetitus excellentiæ.

Quod subiectum primum humilitatis? intellectus scilicet, proximum voluntas.

Quod medium inter extrema? actus præsumptionis, & pusillanimitatis.

Quæ principia virtutis huius? Dei gratia, humana exercitatio, sui cognitio, scelerum meditatio, sui cum Deo & sanctis collatio.

Qui effectus? temperando verba, facta, in honore, & similibus.

Quæ humilitatis nomina gloriosa? vt sedes virtutum, maiestas Ecclesiæ.

Qui gradus & progressus? contemptus proprius, amor spernendi mundum, spernendi nullum, & spernendi se.

Quæ longitudo? quæ vitæ.

Quæ latitudo? ad omnes. Quæ profunditas, cordisque sublimitas? perfectionis altissimæ.

Quam facilis, iucunda, necessaria; rara, potens, audax, pulchra.

Qui Magistri? cum Christo, & Discipulis.

Qui libri? sacræ paginæ, & Doctorum.

Quæ comparatio? cum abstinentia, virginitate, & alijs, iuxta tractatum primum.

Quæ experientia? lucis, gaudij, & patientiæ.

Quæ rationes? ex antea acta vita, Dei magnitudine, Dæmonum fuga.

Quæ media? oratio, paupertas, correctio.

Quæ obstacula? sodalitas superbiorum, sumus nobilitatis, generis, ingenium insolens.

Quæ remedia? qui actus interni, & externi.

Quo tempore exercenda? semper. Quo loco? vbique. Qui viri illustres? Patriarchæ, prophetæ, & Doctores.

Quæ imagines fictæ & simulæ

C

tx



## Liber primus,

ta virtutis huius? queque veritas?

### Caput. VI. De virtutibus cognitionis.

**V**irtutes cognitionis ex Aristotele 6. Ethicorum, sunt numero quinque Prima, *Intellectus*, quo scientiarum, & artium omnium principia cognoscuntur. Secunda, *Sapientia*, quæ scientia est humanarum ac diuinarum rerum. Tertia, *Scientia*, id est, rei per suas causas evidens cognitio. Quarta, *Est cognitio illa, quæ tota in speculatione versatur*. Si res altissimas, & diuinas considerat, est Theologia; si quæ sensibus & mutationi subiectæ fuerint, tractat, est Philosophia, vel Medicina: si quantitates corporum, & numerorum affectiones cognoscat, erit Mathematica, cuius membra numerabis, Geometriam, Arithmeticam, Astrologiam, Musicam, Perspectiuam. Quinta, *Est cognitio, quæ in actione versatur*; comprehendit Politicam, in qua ratio gubernandæ Reipublicæ continetur: Oeconomiam, quæ præcepti tradit gubernandæ familiæ. Ethicam, quæ virtutum naturam exponit. Omnium verò regula logica est, quæ modum, rationemque rerum cognoscendarum docet.

Restant duo alij intellectus habitus. *Ars*, quæ recta ratio est ali-

quid faciendi: & *Prudentia*, quæ regula est actionum humanarum. His annexes eam laudem, quæ ab experientia sumitur in rebus humanis. Præterea, varia artium genera, quæ præstò cuiq; succurrerent.

Hinc plura sunt ad laudandū, & vituperandum adiumenta.

### Cap. VII. De prudentia ex Philosophis, & Theologis.

**N**onnulla pro commendatione prudentis viri, aut im prudentis vituperatione præscribimus. Partes ad perficiendam prudentiam necessariae sunt. Prima, *Memoria*, præteritorum experientiam, & recordationem spectans. Secundò, *Intellectus*, id est, recta principij per se noti æstimatio. Tertia, *Docilitas*, qua reuerenter maiorum excipimus documenta. Quarta, *solertia*, viam inueniens ad facile ac propptè aliquid agendum. Quinta, *Bonus rationis vsus*, quo rectè ratiocinamur, seu consilium capimus. Sexta, *Providentia*, quæ futura considerat ad præstitutum finem. Septima, *circumspectio*, quæ ad finem destinata, cum ijs conferuntur, quæ circumstant. Octaua, *cautio*, qua, ne boni specie seducamur, in boni electione pro vitando malo cautelam adhibemus.

Aliæ sunt prudentiæ partes, non integrales quidem, sed subiectiuæ; vt prudentia militaris, pro bello;



bello; Oeconomica, pro domus regimine; Politica in Republica administrationem, &c.

Virtuti prudentiae annexa est. *Bona consultatio*, quae post susceptum consilium praecipit conuenienter. *Secunda, Synesis*, quae circa humanas actiones rectum iudicium importat. *Tertia, Gnome*, quae extra consuetas regulas, iudicij, perspicacitatem amplectitur.

Prudentiae contrariae sunt, astutia, fraus, superflua sollicitudo, negligencia, inconstantia, praecipitatio, inconsideratio. Prudentiae munera, circa malum tria sunt. Primum, imminens cauere. Secundum, acceptum expellere, vel imminuere. Tertium, generose sustinere, quod nec vitari potest, neque decrescere. Circa bonum verò, illud, disponere, conservare, augere, & eo honestè uti.

*Cap. VIII. De iustitia.*

**I**ustitia ad alium est, non ad se; aequalitatem in re extrinseca constituit. Eius partes sunt duae; altera iustitia commutativa nominatur, quam qui inter se contrahunt, servant; altera distributiva, pro meritorum ratione praemia & honores distribuens.

Iustitiae distributivae opposita est personarum acceptio; commutativae verò, fraudulentia, usura, rapina, furtum, contumelia, ultio, detractio, susurratio, derisio, & maledictio. Tullius subiecit iusti-

tiae vniuersae sumptae, religionem, pietatem, obseruantiam, obedientiam, vindicationem, gratiam, veritatem, & nonnullas alias. Religio cultum, caeremoniamque; Deo exhibet; eius actus sunt, votum, iuramentum, adiuratio, diuina laus, oblatio; sacrificium, oratio, adoratio; eius contraria, rerum sacrarum venditio, sacrilegium, periurium, Dei tentatio, vanae observationes, falsa diuination, idololatria, superstitio. *Pietas*, cultum diligenter, & officium tribuit sanguine coniunctis, & patriae beneuolis. *Obseruantia*, cultum & honorem exhibet ijs, qui in dignitate constituti: honos autem testificatio est excellentiae in alio agnitae, cuius partes autore Arist. 1. Rhetoricorum cap. 5. sunt sacra, memorations, cantilenae, carminum, orationes, imagines, sepulchra, luci, praestantiori cedere loco, & id genus alia. *Obedientia*, est, quam ijs, qui nostri curam gerunt, praestamus, dum illorum paremus imperio. *Vindicatio*, vim & iniuriam omnem propulsat, defendendo, vel vlciscendo. *Veritas*, ea quae sunt, fuerunt, aut futura sunt, immutata relinquit, dum dicuntur, huic ironia, iactantia, simulatio, hypocrisis opponuntur. *Amicitia*, est affabilitas in communi usu, & consuetudine, & dictis factisque hominem tractabilem efficit. *Libertas*, iustitiae comes est, rectum bonorum externorum usum, dando, & accipiendo, complectitur.



## Liber primus,

### Cap. Nonum de fortitudine.

**I**N periculorum susceptione, & laborum perpessione sita est fortitudo. Huic subiecit Tullius ut partes, magnificentiam, patientiam, perseverantiam. *Magnificentia*, rei magnitudinem, & sumptus, qui in ea impenduntur, spectat. Oritur à magnanimitate, quæ virtus est, magnos honores, & rationi congruentes appetens, adiuncta fiducia, & securitate ex auxiliij consideratione, & spei robore. *Patientia*, perpessio est voluntaria, & diuturna ardui ac difficilis laboris. *Perseverantia*, mansionem stabilem, & perpetuam in ratione bene considerata habebit; cui affinis est constantia, aduersus impedimenta, quæ temporis diuturnitate consurgunt. Hac virtute carent, qui nihil timent, vel nimis timent. Contraria facile dignoscuntur.

### Cap. X. De temperantia.

**T**emperantia sensuum illecebras contra rationem opprimit. Aristoteles 3. Ethicorum illius actus verecundiam & honestatem censet. *Verecundia*, timor est de turpi actu. *Honestas*, animi pulchritudo est, qua actiones hominis rationi, cum quodam nitore conformantur. Formæ subiectæ erunt, *Abstinencia*, in cibo; *Sobrietas*, in potu; *Castitas*, in rebus venereis; *Pudicitia*, in his

quæ venerem redolent; *Virginitas*, quæ à delectatione venerea abstineat se perpetuo. Contraria etiam deducantur. Partes propinquæ sunt, *Continentia*, quæ nimis rebelles concupiscentias expugnat non succumbendo, *Clementia*, vel, *Mansuetudo*, iræ motus comprimit, & frænatur in externa punitione, & efferuenti corde præ dolore. *Modestia*, animi motus temperat, & exterius quæ in corporis cultu, veste, incessu, ludo, & verbis contingunt, dirigit. *Animi summissio*, appetitum comprimit, ne ultra modum ad superiora contendat; sicut per magnanimitatem, cum ratione impellitur ad rerum magnarum consecutionem. *Studium*, virtus est, quæ & animum ad cognoscendum applicat, teporem amouendo, & modum in cognoscendo seruat, nimium discendi frænans desiderium. Huic opponitur, *Curiositas*, dum plus quàm par est, vel id quod non debemus, vel non eo modo quo debemus, cognoscere tentamus. *Urbanitas*, in iocis modum præfinit; si excedas, scurrilises; si deficias, rusticus. Alia sunt, quæ ferme in dictis continentur. Ex his, nullo negotio contraria iudicantur.

### Cap. XI. Vbi nonnulla pro laudatione sancti viri.

**P**rimò, ea laudanda bona, quæ supernaturali Dei beneficentia homini-



minum generi donantur. Ad hanc seriem imprimis eę pertinent virtutes, quę Deum ipsum attingunt, vt sunt, fides, spes, charitas. In earum commendatione mutuabimur à Theologis definitionē, actus, & officia, & quę in virtutum elēcho pręscribemus. Ea etiam quę ex his virtutibus deriuantur adducenda, vt misericordia, beneficentia, pax, & concordia, quę à charitate exoriuntur. Et quę opponuntur, vt cōtētio, scisma, bellum, rixa, seditio, &c.

In hoc bonorum supernaturalium ordine collocantur septem Spiritus sancti dona. Primò, *Intellectus donum*, quo mens humana, res diuinas penetrat: huius oppositum est sensus hebetudo. Secundò, *Donum sapientię*, quo de rebus diuinis vniuersę confideratis sit iudicium; huic opponitur stultitia. Tertiò, *Donum scientię*, Pro humanarum rerum recto iudicio: huic opposita est mentis cęcitas. Quartò, *Donum consilij*, quo fertur sententia de rebus diuinis, & humanis, vt ad actiones humanas accōmodantur; huic imprudentia est opposita. Quintò, *Donum fortitudinis*, quo vitatis periculis, ad inchoati operis finem peruenitur. Sextò, *Donum pietatis*. Tum & hominibus propter Deum, & Deo ipsi cultum & officium exhibemus, vt filij. Septimò, *Donum timoris*, quo tanquam filij reueremur parentem Deum.

In eadem serie alias numeras dotes, quas gratias gratis datas Theologi appellant: vt donum fidei, donū sapientię, sermo sciētię, gratia sanctorum, operatio virtutum, prophetia, & spirituum discretio, donum linguarum, & interpretatio sermonum. Consule pro definitionibus & proprietatibus D. Thomam 1.2. quęst. 111. art. 4. Quòd si Theologia sis inscius, sanctosque exoraueris, à Theologis subsidia erogabis. Hos locos oratores profani non tractauerunt. Cetera ex communibus locis desumes.

Cap. XII. De oratione funebri.

**A**Nte funerationem circa morientes & in vicinia mortis constitutos, quid gesserint consanguinei, & amici, quid vēdixerint, aut senserint. Deinde circa mortuos, quę lotio, vestitus, conclamatio, collocatio, indicia domus funestę. Secundò, funeratio consideranda est, in qua cadaueris elatio, & sepultura attentē dignoscenda. In elatione obserua pręcipuē quoto post mortem die funus sit elatum, & an nocturno tempore, vel diurno sit peractum, & quę personę ad funus sponte, vel mercede conductę, & quę pręcesserint, vel fuerint subsequatę lacrymis, plaudu, inultrato incessu, depositione ornamentorum; & an lectica extulerunt, vel sandapi-

C 3 la,



## *Liber secundus,*

la, & qui locus, per quē funus efferebatur, priuatus, vel publicus.

In sepultura obserua, an sibi uiuus extruxerit, vel hæredes ex testamento confecerint; an singulare sepulchrum, vel alijs commune; altum, an depressum; & quibus septimentis circumvallatum, & ex qua materia; quibus simulacris & inscriptionibus ornatum. Tertiò, post funerationem certi sunt dies, quibus mortuis parēamus; perpendatur luctus, & in eo tempus, & signa, & causa, cur minueretur, cæremoniæ, & honores, &c. Quartò dicuntur laudes defunctorum. Quintò, moneantur uiuentes officij; Sextò, coniuncti ad virtutis æmulationē excitentur. Septimò, adhibeatur consolatio lugentiū, ex his quæ tractatu sexto dicemus. Octauò, explantur loci communes, de huius uitæ miseria, de bono mortis, de immortalitate & beata uitā.

### *Cap. XIII. De facti vituperatione, & laude.*

**P**RO damnando aliquo insigni culpæ defectu, primò consideretur species, & virtus contraria. Secundò, quot, quantisque virtutibus opponatur. Tertiò, quā facile, quo affectu, quā inuerecundē, quā sine timore committatur. Quartò, quoties inciderit in damnum. Quintò à persona & officijs. Sexto à loco, & tempore. Septimò à dānis sub-

sequentibus, & periculis. Deniq; inuertantur quæ dicta sunt, ac dicenda, pro laudanda persona; in vituperationem ipsius, desumpta natura contrariorum. Quòd si laudandum sit factum, hæc considerentur. Primo, si magnū, rarū, ac difficile, vtile, honestum, amabile. Secundò, antecedētia in efficiēte ab amore, potentia, scientia, & finibus alijs præstitutis. Tertiò; comitantia factum, quare eo tempore, & non antea, &c. Quare eo loco, & non alibi, &c. Quartò, facilitas, voluptas, qua factum est cum aliorum, vel à se, vel ab alijs factorum comparatione. Quintò, qui effectus, quæ incitatio, &c. Comparatio fiat ex tractatu primò. Denique quas virtutes factum adumbret videbimus, nihil omittentes ex ijs, quæ pro singulis diximus, & dicemus.

### *Cap. XIII. De scientiarum, & artium laude.*

**S**cientiarum laudes desumuntur ab honesto, & utili, demonstrando, quanta si utilitas, quam vniuersis afferunt, & singulis. Secundò, à voluptate & cognitione. Tertiò, à perfectione, & facilitate, quam generant. Quartò, à bonitate, & duratione. Quintò, à necessitate. Sexto, à facilitate, seu difficultate. Septimò, ab antiquitate, & inuentori-



toribus. Octauò, à præmijs, & honoribus in scientias illas. Nonò, à professoribus, & Magistris. Decimò, à locis communibus definitionis, naturæ, partium, materiæ, finis, effectorum, actuû, exemplorum.

*Cap. XV. De laude regionum, & urbium.*

**P**Rimò laudetur regio ab antiquitate, & primis cultoribus. Secundò, à populorum genere, & studijs. Tertiò, quibus rebus illustres homines. Quartò, quas artes inuenerint. Quintò, quæ sint res gestæ. Sextò, an libertate fruantur. Septimò, quibus legibus gubernentur. Octauò, quæ & quanta sit religio. Nonò, quæ sit amplitudo, & situs, an Orientem solem spectet, ac Occidentem. Decimo, à cæli clementia, amœnitate, delicijs, fertilitate, & commoditate ad inuehendum necessaria. Undecimò, à vicinis locis, an longè, vel iuxta mare. Duodecimò, an tuta regio, vel vrbs. Decimo tertio, à montibus, fluminibus, stagnis, planitie, animalibus, fructibus. Decimoquartò, considerentur mœnia, arces, propugnacula, porticus, templa, viæ, theatra, scholæ, mundities, fontes, Sylvæ, præti, horti. Decimoquintò, quæ sint ibi monumenta antiquitatis, quæ

urbanitas. Decimosextò, à rebus memorialibus ibi gestis.

*Cap. XVI. De laude templorum.*

**P**Rimò, cognomina & definitiones. Secundò, cui dicata sint. Tertiò, ædificatio, & ipsius causæ. Quartò locus, an intra, vel extra urbem. Quintò, situs dextræ, sinistræ, anticæ, & posticæ partis. Sextò, dedicatio, consecratio, inauguratio. Septimò, forma, tum partium, tum fabricæ totius. Octauò, decoratio, & conseruatio. Nonò, epitheta varia ipsorum. Decimò imagines, & statux. Vncimo, altaria, & eorum numerus. Duo decimo, Sacerdotes, & ministri. Decimotertio, vestes sacræ, & pretiosa suppellex. Decimoquartò, quæ ibi festiuitates, sacrificia, donaria, suffitus, sepulchra, monimenta. Decimoquintò, qui hominum concursus, quæ ibi doctrina, qui sacrorum vsus. Decimosextò, ab vsu, quàm sancta sint, angustata, religiosa, impolluta, optima, pingua, venerabilia. A quantitate, quàm magna, excelsa, alta, spatiosa, ampla; à pretio, quàm magnifica, laqueata, marmorea, eburnea, fulgentia, cōspicua, &c. A Sacerdotibus, qui vestitus, & ipsius materia, color, & ipsorum ætas, dignitas, gradus, ordo, vitæ genus, numerus, munus. Amisicis inf



## Liber primus,

trumentis hymnis, lætitiis. Amira-  
culis, & oraculis

### Cap. XVII. De inuentione locorū circū rationalia; adhibita Sylua loco um inuolueri.

**E**Xemplum sit huius inuentio-  
nis inuolucris. Primò, consi-  
dera qui scripserint circa illius ani-  
mantis naturam, & quæ voces  
synonymæ ad eam significandam  
inuentæ fuerint. Secundò, quæ  
genera, & species, & differentiæ,  
quibus & inter se, & ab alijs diffe-  
rant. Tertiò, forma interna, & ex-  
terna examinentur. Quartò, se-  
xus, & in eo varietas. Quintò,  
quæ loca maximè illis animalibus  
abundent. Sextò, odoratus,  
visus, auditus, memoria, volatus,  
sonus, ætas, generatio. Septimò,  
qui primū animal illud habue-  
rint, inuenerint, vel cognouerint.  
Octauò, quod illius officium, &  
ad ipsius munera quæ apta loca.  
Nonò, quæ ex illo præsagia, &  
auguria. Decimo, quæ mystica fue-  
rint apud antiquos ex eo animan-  
ti obseruata; velut, si Deo cui piā  
dicatū fuerat, & causa, &c. Vnde-  
cimò, quæ hieroglyphica inde de-  
sūpta. Duodecimo, quæ moralia,  
& similia, & exempla pro homi-  
nū doctrina. Decimotertiò, quæ  
symbola ipsius, & quid innuant.  
Decimoquartò, quæ emblemata.  
Decimoquintò, quæ epigramma-  
ta. Decimosexto, quæ ænigmata.  
Decimoseptimo, quæ epicheta.  
Decimooctauò, qui vsus in cibis,

& in bello, &c. Decimò nonò, quæ  
prouerbia. Vigesimo, quæ histo-  
ria. Vigesimo primò, quæ apolo-  
gi, & fabula. Vigesimo secundò,  
quæ vitæ tenacitas. Vigesimo ter-  
tiò, quæ temperies, frigida, & ca-  
lida. Vigesimo quartò, conside-  
rentur qualitates animantis. Vige-  
simo quintò, quantitas, vt an lon-  
gum, curtum, magnum, paruum,  
rotundum, angulosum, ouatum,  
glabrum, hirtum, lanuginosum.  
Vigesimo sexto, videndum dis-  
crimen partium corporis, vt ocu-  
li, palpebræ, lingua, dentes, ven-  
ter, os, caro, cutis, cartilago. Vige-  
simo septimò, qui morbi, & inte-  
ritus. Vigesimo octauò, qui san-  
guis, vel illius defectus, quæ respi-  
ratio, qui motus. Vigesimo nonò,  
quem in locum, & quas in res  
inclinat. Trigesimo, quæ cōmo-  
da, vel incommoda hominum ge-  
neri inferat. Trigesimo primò,  
quæ pulchritudo. Trigesimo se-  
cundo, quod ingenium mores, &  
docilitas. Trigesimo tertio, quæ  
vox. Trigesimo quartò, qui vi-  
ctus. Trigesimo quintò, quæ il-  
lius pugna, præda, venatus. Trige-  
simo sexto, quæ antipathia, &  
sympathia cū cæteris animalibus.

### Cap. XVIII. De descriptione.

**D**escriptio, quæ orationē ma-  
ximè illustrat, & amplificat,  
ad figurarum exēpla subiiciēda  
erat, quia tamē in exornatiuo ge-  
nere maxime dominatur, velut  
ipsius clausula adijciatur.

Quæ:



Quę rem exponunt oculis describentes res, personas, actiones, & facta, descriptiones appellari consueuerunt. Huc pertinet prosopopœia, cū persona introducit. A Etopœia, quę moresex primit, ac describit. Imago, quę instar picturę rem colorat, & pingit. Sermocinatio, cū sermo personę datur, seu verę, seu fictę. Euidētia, quę rem sub oculos euidēter exponit. Id enim descriptione conamur, vt res quasi in conspectu geratur.

Nunc in descriptionibus hęc obserua. Primò, ne res inutiles describendo delectationem aurium aucuperis: sic irati maris tempestatem, gemmeum camporum ornatum, floridum gemmarum splendorem, ventorum sibilum, currum fragorem, stulti quidam Oratores nimis operose describunt. Hęc, inquam, leues descriptiones conuincunt nihil, delectant parum, & non cum leui iactura temporis dicuntur.

Secundò, personarum mores cum fructu maximo describuntur. Iratum & mansuetum elegantissime describit Chrysost. hom. 29. ad pop. detractores Bernard. serm. 24. in Cant. Inuidos Cyp. lib. de zelo & liuore.

Tertiò, descriptione vtēris appositā similitudine, vt magis appareat, quę solet dici imago. Id exactissime prestitit Chrys. hom. 9. in 1. ad Cor. peccatum describens, & Aug. 5. de ciuit. cap. 20.

Quartò, in re grauiori describes cū sermocinatione, & prosopopœia. Harum verò figuram, & ipsius descriptionis inuentionē, dabit tractatus primus de inuentione, & quę pro exornatiuo genere dicta sunt.

*Caput vltimum de Chria.*

**C**Hria (vt indicat nomen ipsum) Gręcū est, Latine efferri potest vsus: propterea quod maximam affert vtilitatem ad dicendum, eius mentionem fecit Quintilian. 1. institut. cap. 9.

Eius tripartita est ratio: nā vel in rebus, vel in verbis, vel cōiuncte in rebus & verbis spectatur. Octo partes complectitur, commendationem, & laudationē breuem authoris, cuius vel verbum, vel factum argumentū est Chrię. Secundò, interpretationem dicti, vel facti. Tertiò, rationē dicti, vel facti. Quartò, argumentationem conclusam à contrarijs. Quintò, similitudinem, qua factū, vel dictū illustratur. Sextò, exemplū veterum. Septimò, testimonia eorum qui idem dixerunt, vel fecerunt. Octauò, breuem epilogum: ergo in hūc modum Chria definiri potest. Est commemoratio alicuius dicti, vel facti, aut dicti simul & facti constans commendationē personę, interpretatione, ratione, argumentatione conclusa à contrarijs, similitudine, exemplo, testimonio veterum, breui epilogō.

TRA.



*Liber primus,*

# TRACTATUS TERTIVS DE GENERE DELIBERATIVO.

**D**eliberatiuū genus est, quod in consultatione positum, habet in se suasionem, & dissuasionē, cuius finis utilitas est, cum voluptate, & honestate (si fieri possit) coniuncta. Quare præcedens tractatus multā nobis operā abstulit è præsentī: ea præsertim causa, quod in deliberatione & persona, cui suadet, laudāda est & persona, quæ suadet, seipsam commendare debeat. Deniq; res ipsa per exornationem augenda, ut in futurum tempus decernatur. Illudne contemnas, cum omnis plerumque deliberatio habeatur comparatē, eos locos præ manibus habere oportet, quos tractatu primo, agentes de comparatione, declarauimus, quo facilius videamus in certamine bonorū, quæ præponderent.

*Cap. I. de fine de liberationis.*

**F**inis huius generis est utilitas cū honestate coniuncta. Duo verò capita sunt in omni deliberatione, quæ suator, & dissuasor diligenter videbit. Primum, possitne fieri, an non possit? Secundum, quid necesse sit, aut non necesse?

Exemplum prioris, poteritne Cæsar Isthmum perfodere? poteritne Cicero Consulatum adipisci, cum sit homo nouus, & nobilissimos habeat competitors? si certum est posse, fieri videndum est, an sit necessarium, ne superuacua aggrediamur. Si quid verò est perdifficile, pro impossibili iudicabitur, ut ponte Hellespontum sternere, & Atho montem perfodere; quæ tamen Xerxes effecisse dicitur.

Nomine necessitatis non absolutā intelligimus, sed eā, quæ adiuncta est conditioni, ut necesse est cibo & potione uti, si volumus vivere. Si aliquod non necessariū videbitur, videndū tamen erit, quā sit magnum: quod enim permagni interest, pro necessario habetur, qualia sunt, quæ Aristot. 2. Rhetorica numerat: *Vestigalia, bellū, & pax, custodia regionis, quæ importantur, & exportantur, leges deniq; ipsa.*

*Cap. II. de materia deliberationis.*

**S**unt qui suatori sex capita proponant, ad quæ semper respi-



respicere debeat: *Honestum, vile, iucundū, necessariū, possibile, facile:* quæ omnia simul probet, vel quotquot poterit: dissuasori verò totidem ex altera parte cōtraria, *Turpe, damnosum, molestū, supervacaneum, impossibile, difficile.*

Arist. 2. Ethicor. tria esse docet quæ sequamur, honestū, vile, iucundum, & his tria opposita, quæ fugiamus: sufficiet, si ad hæc tria respiciat orator. Exemplum est: Deliberat Cleantes senex, tardus, & pauper, an philosophiæ det operam? suasor dicet, nihil esse difficile volenti, paupertatem nō obstat philosophiæ, nec senectutē ineptā ad discendū, & tarditatē amore superari. Numerabūtur deinde bona philosophiæ. Dissuasor dicet, stultū esse conari, quod effici non possit præ inopia, quæ disturbat; & præ ætate; nam vel ab adolescētia occupati nihil proficiunt. Demū obstat tarditas, cū velox ingenium desideretur.

Bonorum, quæ ad deliberationem veniunt, partim sunt necessaria, vt vita, liberi, parentes, qui necessarij appellantur: partim sunt bona non necessaria, vt ait Tullius, quorum alia sunt per se expetenda, vt quæ in officijs sita sunt, atque virtutibus: alia expetenda, vt opes, quia ex eis aliquid commodi efficiatur.

Eorum autem, quæ propter se expetūtur, partim honestate, partim cōmoditate expetuntur. Honestate, quæ proficiuntur à vir-

tutibus, quæ sunt laudabiles per se: cōmoditate autem aliqua, quæ sunt in corporis, aut fortunæ bonis expetenda.

Verū, alia sunt quasi quodammodo cum honestate coniuncta, vt honos & gloria: alia diuersa, vt vires & forma, valetudo, nobilitas, diuitiæ, clientelæ. Est autem materies quodammodo honestati subiecta amicitia, quæ in charitate & amore cernitur: charitas grauius nomen est quàm amor, vt primo de natura Deor. docuit Tullius. Pertinet autem ad quinque genera, hoc est, ad deos, & deorum cultum, ad parentes, ad patriam, ad sapientes, ad illustres, ad Principes viros: amor ad reliquas personas inclinatur, vt coniuges, liberos, fratres, amicos, familiares, propinquos, & affines. Et ijs faciliè contraria dignoscimus. Huc attinet tanquam materia, quidquid tractatu secundo circa virtutes dictū est, & quod succedenti capite dicetur:

*Cap. III. de forma & dispositione deliberationis.*

**I**N exordio captabitur benivolentia. Atq; in hoc genere principia, vel non longa, vel sepe nulla sunt; nā ad audiendū qui deliberant, sua causa parati sunt, nec multum sæpe narrandum, cū in suasio rerum futurarum sit. Hæc præcipit Cicero, sed interdum in deliberationibus longissimis vitur

exor-



## *Liber primus,*

exordijs, vt pro lege Manilia, & contra Rullum, quæ concio à Plinio mirificè commendatur. In Philip. 13 & 14. nullum est exordium. Nihil hic monere libet, nisi vt prudentia oratoris iudicet, ne omnino incipiat ex abrupto. Secundò, fiet narratio apta ad suadendum. Tertiò, confutabimus quod ob stare potest. Quartò, rationes nostras copiosè tractabimus. & rationes sumuntur ab honesto, utili, tuto, iucundo, facili, necessario,

Honestum, vt Tullij verbis utar, diuiditur in virtutem, quæ complectitur prudentiam, iustitiam, fortitudinem, temperantiã. Prudentia distribuitur in intelligentiam temporis præsentis in memoriam temporis præteriti, & in prouidentiam temporis futuri.

Iustitia diuiditur in legē, consuetudinem, & naturam, quæ quidem venanda est ex religione in Deum; pietate in parentes, patriam, & consanguineos; obseruatiã in antecedentes, dignitate & gratia.

Fortitudo diuiditur in patientiam, & perseuerantiam, quarum naturæ satis sunt cognitæ, & in magnificentiam, quæ est rerum magnarum cum ampla animi cogitatione administratio.

Temperantia diuiditur in continentiam, clemētiã, modestiã, & in his omnibus, quæ honesta sunt, consideranda erunt contra-

ria, & circumstantiæ. Circa harũ virtutum diuisiones tractatum secundum consule.

Bonum utile cum respectu ad diuersa considerandum est: vel enim utile corpori est, vel animæ, & designandum, cui parti, cui potentia, & habitui pro sit: vel utile est amicis, vel Reipublicæ, vel Deo, vel Religioni: & in hac utilitate diuturnitas, extensio, numerus bonorum consideretur.

Bonum iucundum, vel delectationes corporis, vel animæ cõplectitur: in corpore, cui sensui exteriori, vel interiori respondeat, considerandum est, ducendaque omnis comparatio, ex tempore, numero, perfectione. Denique in animæ delectationibus idem considerandum erit. Insuper, an sit iucundum diuis, hominibus sapientibus, amicis, Rebus publicis, &c.

Ex his colligere licet duodecim fieri posse in materia deliberationis propositiones: tres, ratione conseruandorum bonorũ præsentium, animi, corporis, fortunæ: tres ratione eorundem bonorum absentium comparandorum Tres ratione separandi mala animi, corporis, fortunæ. Tres denique ratione repellendi eadē mala imminentiã tribus illis bonis contraria. Videatur quid turpe, perniciosum, molestum, periculosum.

Præterea, in bono utili, & iucundo faciendã distributio: ratio  
ne



ne temporis in præterita bona, quorum recordamur: in præsentia, quæ sentimus, & in futura, quæ speramus. Et consideranda sunt euenta, amici, fortunæ, fama, gloria, expectatio amicorū, & inimicorum, locus, persona, & demum quidquid ex circumstantijs trahi possit.

*Cap. IIII. circa personas efficientes deliberationem.*

**Q**Uod si semper optima tenere possemus, non multum consilio egeremus: sed quia sæpe euenit, ut utilitas cum honestate certet, earumque rerum contentio plerumque deliberationes efficit: ad hæc nunc faciamus gradum.

Cumque duo sunt hominum genera; alterum indoctum, & agreste, quod anteferat utilitatem honestati, huic questus, emolumentum, fructusq, proponantur: alterum humanum, & expolitum, quod rebus omnibus dignitatem anteponat, huic honor, laus, gloria, fides, iustitia, omnesque virtutes proponentur. Omnes denique voluptate falluntur, sed præcipuè imperiti hæc enim, ut Platonius censuit, *Esca est maiorum, quam homines capiuntur, ut hamo pisces.*

Illud etiam videndum, quantum magis homines mala fugiant, quam bona sequantur. Nemo enim est, qui tanto studio expetat honestatem, quam euitet turpitudi-

nem: acrior quidem est metus, quam est spes, & ignominia, contumelia, infamia, dedecoris commemoratio multum valet. Verum, quia est genus hominum ad honestatem natum, prauis opinionibus corruptum, illud vnum nobis debet esse propositum, ut à bonis mala distinguamus, doceamusque viam, & consequendi bona, & euitandi mala: sin apud indoctos, imperitosque dicemus, fructus, emolumenta, vitæque dolorum proferantur, addanturque contumelia, atque ignominia.

Deinde transeundum est ad agendi facultatem, qua fieri posse, rem declaremus, in quo causas, & earum vim iuxta normam tractatus de inuentione, manifestabimus. Excitanda est spes iuxta dicenda tractatu de affectibus, intentis semper oculis ad efficientiam, & adiumentum causarum. Quo toto genere, quibuscum socijs rem aggressuri, contra quæ impedimenta, vel hostes habeamus: quo tempore, loco, & facultatibus possumus uti, requirendum est. Nec solum ea, quæ nobis suppetunt, sed quæ aduersantur videnda, & ex comparatione demonstrandum est, quæ suademus esse iucunda, facilia, & procliuia. Eius rei pulcherrimum exemplum est Tullij contra Catilinam oratione prima in fine: *Ex hac parte pudor pugnat, illinc petulantia, &c.*

Diffusa.



## *Liber primus,*

Disuasori etiam utilitas la-  
factanda, aut ostendenda est mag-  
na difficultas in contentione bo-  
ni, eisdem capitibus, ac in suasio-  
ne dictum est, utetur. Vterque  
tamen exemplorum magnam ha-  
beat copiam. Nam, ut ait Quin-  
tilianus, nulli generi æquè con-  
ueniunt, ac deliberatiuo. Succu-  
rrit Aristotel. Ethicor. 10. di-  
cens, exempla multò magis mo-  
uere, quàm argumenta & verba.  
In hoc genere copiosissimus Ci-  
cero, cum suaturus bellum con-  
tra Mithridatem, multa statim  
adducit exempla, tum etiam o-  
ratione pro Milone, quo ex con-  
tentione ostendat illi esse igno-  
scendum.

Ad commouendos autem ani-  
mos sententias quærat Orator,  
quæ motum animis afferant: illæ  
sunt, quæ nobis optatos fines  
proponunt, ut si expellendæ sint  
cupiditates, si satiandum odium,  
si vlciscendæ iniuriæ, quæ tria  
homines vehementer cupiunt.  
Quoties verò animi sunt reprimendi, debet Orator ostendere,  
quàm incertus sit fortunæ status,  
quàm dubia euenta rerum fortu-  
natarum, admonere ut suas for-  
tunas retineant, & pericula eui-  
tent.

*Cap. V. de locis à vero, quibus inni-  
tuntur præcedentes causæ deli-  
berationis.*

**H**umanarum actionum duo  
sunt principia: alterum ad

verum propendet, alterum in bo-  
num inclinatur. Quod si de verita-  
te deliberationis & rationum am-  
bigitur, tota ipsa forma suasionis  
imbecilla est.

Loci, qui ad vim intelligendi  
pertinent, & ex quibus rationes  
desumemus, sunt, *Verum, certum,  
credibile, seu fides, opinio, probabile,  
seu verissimile, suspicio, vel coniectu-  
ra, lex naturæ, conscientia, communis  
apud omnes consensus, & notio.* His  
sunt contraria falsum, dubium,  
inopinabile, paradoxum, & id ge-  
nus alia. Consideretur in deli-  
beratione, an res, cui innititur  
deliberans, vera sit; an ex noti-  
tia & certitudine, & experien-  
tia dependeat: an plerumque  
contingat; an ab inlita naturæ  
notione, quæ lex naturæ dici-  
tur: vel à diuino iure confirme-  
tur: an gentium consensus, &  
consuetudo stabiliat: an con-  
scientia, quæ est mille testes,  
suadeat: an leges, quæ sunt ra-  
tionis regulæ, succurrant. Hæc  
& opposita per vniuersa deli-  
berationis fundamenta deducan-  
tur.

*Cap. VI. de locis à bono in delibe-  
ratione.*

**Q**ui suadere, aut dissuadere  
quidpiam tentauerit, omnē  
boni & mali vim, partesque om-  
nes cognitatas, penitusque perspe-  
ctas habere debet. Hic summam  
bonorum & malorum genera at-  
tingit.



tingemus. In his certum & incertum spectandum est iuxta caput præcedens: maius & minus ex capite de comparatione tractatu primo: tandem tempus præsens, tempus præteritum, tempus futurum.

Loci facultatis appetentis, seu voluntatis sunt bonum, & malum, præsens, vel imminens.

Boni partes sunt, honestum, utile, iucundum.

Honestum, indecorum, iustum, & æquum diuidimus. His contraria sunt turpe, iniustum, & iniquum.

In decoro sunt laudabile, honorabile, gloriosum: atque his sunt contraria illaudabile, vituperabile, humile, seu obscurum.

Decoris partes sunt omnes virtutes morum, prudentia, iustitia, fortitudo, temperantia, de quibus tractatu secundo diximus.

In iusto continentur debitum, promissum, pactum, & meritum.

Insuper Religio in Deum, pietas in parentes, obseruantia & amor in amicos, voluntas & studium in omnes.

Ad æquum pertinet consentaneum, siue congruum & par. Hæc circa honestum.

Sub utili sunt secunda fortuna, quod commodum est, quod necessarium est: & his erunt contraria, infortunium, incommodum, non necessarium, & inutile: præterea remuneratio, gratiarum actio, & gratus animus. Hæc in bono utili.

Sub bono iucundo sunt lætum, suaue, iocosum, gratulario: & his contraria triste, insolitum, non lætum, & insuaue.

In bonis numerabis ea, quæ circa virtutes, & corporis, animique foelicitatē diximus tractatu secundo de genere exornatiuo.

*Cap. VII. de exhortatione & deboratione.*

**I**am cum suasinus, ut velint, exhortabimur, ut audeant; fit enim exhortatio ad acuendum stimulis ignauos, & timidos. His autem partibus constat. Primo, laude numerando præclare gesta, ut opus aggrediatur ignauus: deinde nobilitate, splendore, sapientia, virtute, ætate, ex quibus monendus, ut perseueret.

Secundo, exhortabimur ab spe & metu, si exponamus decus, voluptatem, commodum: ex aduerso infamiam, reprehensionem, damnum, dolorem, si rem deliberatam fugiat, vel sequatur, simulque extenuabitur labores, quibus difficultates euitentur.

Tertio ab exemplis sui ordinis, professionis, patriæ, seu à pari, seu ab impari, in sexu, ætate, patria, circumstantiis, quibus mouebimus concitatus, tum exhortabimur demissos animo viros.

Quarto, ab expectatione amicorum publica, seu priuata, qui à genere, indole, educatione, magistris, loco, tempore, & antea actis rebus



*Liber primus,*

rebus expectant deliberationis euentum.

Quintò, ab expectatione inimicorum, lætitia, insultatione, risu, maledictis. Si res in decore deficeret, frustra tētata deliberatione

Cōcludemus obsecratione obtestantes per nobilitatem gloriā, ingenij laudem, per amicorū vota, &c. vt difficultates contemnant. Per eadem capita dehortabimur.

TRACTATUS  
QUARTVS DE GENERE  
IUDICIALI.

PLures sunt dicendi artifices, qui ideò de hoc iudiciali genere pauca sibi dicenda esse arbitrantur, quòd videant accusandi, & defendendi munus his temporibus ad Iurisperitos delatū, qui non tām dictione, quā scriptione non oratoria, sed potius dialectica, aut ne dialectica quidem, sed

alia quadam ratione iudiciales causas testimonijs authorum onustas tractant. Quæ etsi ita sint, hoc genus negligendum esse non censeo, cum eius diligens tractatio summas habeat utilitates coniunctas. Et nos quæ breuitate potuerimus, rescatis pluribus, absoluemus.

PRIMA PARS DE GENERE IUDICIALI non mixto.

*Caput I. Quid status sit in causa iudiciali, & quot statuum genera, & diuisiones?*

STATUS est totius orationis prima quæstio ex contentione litigantium nata. Ille simpliciter censendus est alicuius causæ status, qui eam continet quæstionē, ad quam tandem omnia, quæ in tota causa dicuntur, referri de-

bent: id, inquam, quo vtraq; pars sua argumenta tandem dirigit & id, vbi causa sistit.

Hæc ad explicandum statum sufficient, dissimulatis innumeris definitionibus, quæ apud antiquos ventilatæ sunt: nunc vñ, nunc



nunc alteram sequutus est Tullius.

Circa statuum numerum, tam varia, & tot extiterunt Rhetorum sententia, vt Quintilianus lib. 3. cap. 6. nullam magis dubiam crediderit in tota arte dicendi questionem. Alij decem iusta rerum genera cum Philosophis collocant; alij quinque numerant cum Theodoro: quatuor alij cum Hermogene; alij sex, alij plura, vel pauciora. Ego cum Tullio, lib. de inuentione, & in procemio, lib. 1. de oratore, tria questionum genera constituo, primo, *An res sit?* Altero, *Quid sit?* Tercio, *An res, seu qualis sit?* Hunc numerum Quintilianus, probat lib. 3. cap. 5. & Victorinus, non ignobilis Rhetor. Rationes robustae in alijs plures, sed doctrinae declaratio maior hic necessaria. Cum longe aspicimus, primum quidem videmur aliquid videre, sed an aliquid sit, an fallamur, dubitamus; vbi vero magis accesserimus, non continuo scimus, an homo sit, vel arbor; postea cum perspicimus hominem esse, tacite nobiscum quaerimus, sit ne peregrinus, an ciuis, notus, an ignotus, propinquus, an alienus, quibus per spectis nihil aliud desideramus. sic in cognoscendis rebus, primo qui de venit in mentem, sit ne omnino illud, de quo quaerimus; deinde hoc explorato, investigare conamur quae sit eius definitio atque natura; postremo, scire optamus

quale sit in accidenti, proprietateque singulari, quae naturam comitatur.

Statuum diuisiones plures, velut questionum. Aliae quaestiones consistens dicuntur, quas orator defendendas possit suscipere; aliae non consistentes, & instabiles dicuntur, cum vel accusator, vel defensor nil habent, quo niti secure valeant. Huius diuisionis D. August. meminit lib. de principijs. Deinde status diuiduntur in iudicialles, & negotiales. Iudicialis idem prorsus est, quod status qualitatis, in quo equi & recti natura, aut poenae ratio quaeritur. Negotialis est, in quo, quid iuris ex ciuili more, & aequitate sit, consideratur. Sed in Topicis, & lib. de partitionibus, negotialem sub iudiciali statu complexus Tullius.

Status qualitatis duas habet partes, quarum vna absoluta, altera assumptiua nominatur. Status absolutus est, cum factum ex se suaque vi defenditur, nihil extrinsecus adiecto, vt, *Verberari filium, quia parentibus licet*. Status qualitatis assumptiuae est, cum ad factum defendendum aliqua extrinsecus sumitur ratio, vt in oratione pro Milone, extrinsecus sumpta est ratio ad defendendum factum, quod liceat aggressorem, & improbum ciuem occidere.

Duo grauissimi dicendi Magistri Tullius & Quintilianus dissentiunt, an in causis qualitatis, status, ex prima, vel secunda conflictione nascatur? seligat quisque; D. quam



## Liber primus,

quum muluerit sententiam in re  
o naino nobis superuacanea.

### Cap. II. de status coniecturalis vi, atque natura, & de coniectura ex causa.

**S**Tatus hic solet his nominibus  
appellari: *An sit, de facto, con-*  
*iecturalis, inficialis*, quo duo inue-  
stigamus, vel an aliquid sit, vel an  
ab aliquo factum sit. Est conie-  
ctura, vt Hermogeni placet, *Pro-*  
*batio de existentia incertæ rei, ex si-*  
*gno aliquo manifesto, vel ex suspicio-*  
*ne de aliqua persona concepta*. Pos-  
set reperiri status iste in delibera-  
tuo, & demonstratio genere, Au-  
thore Tullio 2. de Oratore. In  
causis iudicialibus coniectura po-  
tissimū est de praterito; de futu-  
ro rarò. In hoc genere orator nō  
solū vtetur signis probabilibus,  
sed etiā necessarijs, vt docet mani-  
festissima Aristotelis authoritas  
lib. 1. Rhetor. cap. 2. cui subscribit  
Tullius in partitionibus.

Tullius omnem coniecturā ca-  
piendam esse censet, ex causa, ex  
persona, ex facto.

Causa est, authore Tullio, *qua*  
*homines ad aliquid faciendum permo-*  
*uentur*, & distribuitur in impul-  
sionem, quæ habet repentinū, &  
involuntarium motum, vt amor,  
iracunda, violentia; & in ratio-  
nationē, seu voluntatem, quæ cū  
temeraria esse non debeat, sed cō-  
sulta, consilium dicitur, quod est  
diligens faciendi aliquid, aut non  
faciendi ex cogitatio, vt si inimi-

citæ, vindictæ, metus, gloriæ, pe-  
cuniæ causa fecerit; vel denique  
causa alicuius adipiscendi, augen-  
di, retinendi cōmodi: aut contrā,  
reijciendi, diminuendi, deuitandi  
ve incommodi. Hic locus est fun-  
damentum constitutionis; nam  
nihil factū esse cuiquā probatur,  
nisi quare factum sit ostēdamus.

Primò, accusator cū aliquid im-  
pulsione factum esse dicet, impe-  
tum animi verbis & sententijs am-  
plificabit, ostendens, quanta sit  
vis amoris, &c. Secundò, comme-  
morentur exempla eorum, qui si-  
mili impulsu aliquid cōmiserint.  
Tertiò, fiat similitudinum colla-  
tio, affectuum explicatio, vt non  
videatur mirum, si quod ad faci-  
nus, tali perturbatione, commo-  
tus animus accesserit.

Cū autem ratiocinatione ali-  
quid commississe dicitur, quid cō-  
modi, aut incommodi assecutus  
fuerit, vel fugerit, demonstrabit,  
& id augebit quā maximè, vt  
quam gloriam, dominationes, amī-  
cicias, inimicitias speraret. Secun-  
dò, quid in opinione eius fuerit  
vehementius, et si res ipsa fieri nō  
posset; nam opinio fallit homi-  
nes; aut cū res eiusmodi non est,  
ac putatur, vel euentus non is est,  
quem sumus arbitrati. Tertiò, il-  
lud erit caput accusatori, si demō-  
strare poterit alij nemini causam  
fuisse faciendi, ac tam idoneā ne-  
mini fuisse, quinimò coniecturis,  
& argumentis potestas alijs de-  
fuisse demonstranda est, ob igno-  
ran-



rantiam, absentiam, impotentiam, vel saltem facultas, quia ratio, adiutores, adiuumenta, & cætera defuisse demonstrabuntur: vel denique voluntas etiam, aut animus non fuisse declaratur. Quartò, videatur quæ fuerit spes celandi. Quintò, qui contemptus poenarum ex fiducia amicorum, potentium, affinium. Sextò, quam occasione, locus, tempusque tribuerint. Septimò, quos euentus honoris, famæ, utilitatis, voluptatis sibi proponeret. Postremò, quas ad defensionem rationes reo dabimus, ijs accusator, ad alios ex culpa eximendos, abutetur. Verùm id breui faciendum est, ut ne alterius defendendi causa hunc accusare, sed huius accusandi causa, alterum defendere videamur.

Defensor autem ex contrario vel nullam dicit fuisse impulsione, vel extenuabit: aut non ex ea, huiusmodi nasci facta docebit. Quo in loco demonstratur, quæ sit vis & natura eius affectionis. Exemplum & similitudines proferantur, &c. Ratiocinationis suspiciones infirmabit, si nullum ostendat fuisse commodum, vel parum, &c. ita ut omnia eodem ordine, quo aduersarius euertebat, ipse confirmet. Hæc ferè omnia ex Tull.

*Cap. III. de coniectura ex persona.*

**E**X persona coniectura capitur, si illa personæ attributa, quæ tractatu 2. diximus, diligenter considerabuntur: nam & de

nomine suspicio nascitur, ac de natura, & reliquis.

Accusator (ut Tullij verbis ad cõpendiũ redactis utar) ex antea actis improbabit vitam, ostendens si in quo pari ante peccato reus cõuictus sit, vel maiori, vel minori, aut pari. Secundò, numeretur prauæ de illo suspiciones, alleuetur authoritas, cū discurret per capita illa decem laudandæ, vel vituperandæ personæ. Tertiò, si nulli affinis poterit reus vitio ante admissò demonstrari, locus inducitur ille, per quẽ hortandi iudices, ut putent veterẽ hominis famam nihil ad rem pertinere; nã eũ antè celasse, nunc manifestò teneri: quare non oportere hanc rem ex antea acta vita spectare, sed superiorẽ vitam ex hac re improbari, & aut potestatem non fuisse ante peccandi, aut causam; aut si hæc dici non poterunt, dicendũ est illud extremũ non fuisse mirũ, nunc primũ delinquere: nã necesse est illũ qui velit peccare, liquãdo primũ delinquere. Quartò, si vita antea acta ignoretur, hoc loco præterito, & cur prætereatur, demonstrato, argumentis statim accusationẽ cõfirmare oportebit. Quintò, spectentur mores officij, vel nationis, vel sodaliũ. Sextò, aliorum testimonia, vel suspiciones proferantur.

Defensor primũ, si poterit, debet vitam eius, qui insimulabitur, quã honestissimã demonstrare. Secundò, ostendat nota eius aliqua, & cõmunia officia, quod genº



## *Liber primus,*

in parentes cognatos, amicos, vicinos, affines, necessarios, quæ magis rara, & eximia, si labore ac periculo facta. Tertio demonstratur de fuisse facultas, aut voluntas. Hoc ipsum genus erit eo firmitus, si eo ipso genere, quo arguitur, integer antea fuisse demonstrabitur. Quarto, hic cum gravitate inducitur indignatio iuncta conquestio ni per quam miserum facinus esse, & indignum talem famam subita criminatione maculare dicatur. Quinto autem in antea acta vita aliquarum vitæ turpitudines erunt, aut falso venisse in suspicionem dicetur, aut ex invidia, obreptatione, falsa opinione, imprudentia, necessitudine, persuasione, adulescentia, & non malitiosa affectione. Sexto, ac si nullo modo vitæ turpitudine, aut infamia leniri poterit oratione, negare oportebit, de vita eius, & moribus quæri; sed de eo crimine quo arguatur: quare ante factis omis sis, illud quod instet agi oportere

### *Cap. IIII. de coniectura ex facto.*

**E**X facto suspensiones ducuntur. Primo, si negotium ex omnibus partibus peratur ex genere, ex continentibus circumstantiis, ex antecedentibus, ex spe perficendi nata, & facultate faciendi quæ sita. Secundo, quid in ipsa re gerenda, quid postea consecutum fuit, spectabitur. Tertio, locus, tempus, occasio, facultas, euentus, & quæ sit consuetudo, lex, actio, artificium,

ausus, exercitatio, hominum approbatio, offensio. Quarto, sunt etiam suspensiones ex personarum attributis, ex fortuna, natura, victu, studio, factis, casu, orationibus, consilio, habitu corporis, & animi. Quinto, quæritur etiam si poterit fieri: deinde à quo alio, & quæ in alijs facultas. Sexto, si spem celandi haberet? Septimo, an necesse fuerit fieri, vel ita fieri? Octavo, quæ ante sermonis causam quæ fieri, cur diuernerit, exierit, cur hoc modo potius quam illo? cur nullo adiutore, aut cur hoc? cur nemo conscius? cur ante vel post factum? consuetudine oratio, aut signum illius? Horum argumentorum pars probabilis, pars necessario genere continetur. Non, accedunt ad coniecturam, quæstiones, testimonia, rumores.

Distinguitur hæc causa maxime in dicendis locis communibus, ut suspensionibus credi oportere, & non oportere; testibus credi oportere, & non oportere, quæstionibus credi oportere, & non oportere; vitam antea actam spectare oportere, & non oportere: hi quidem & alij huiusmodi, ex proprio argumento communes loci nascuntur, qui in contrarias partes deducantur.

Certus autem locus accusatoris est, per quem auget facti atrocitatem, & quem negat malorum miseri oportere: defensoris, per quem calumnia accusatoris cum indignatione ostenditur, & cum conquestione misericordia captatur.

*Cap.*



## Tractatus quartus.

27

### Cap.V. de statu definitio circa rationes.

**C**um est nominis controversia, quia vis vocabuli definitio da verbis est, constitutio definitio ua dicitur. In hoc statu inuestigatur rei naturaper definitionē, quē in Rhetorū scholis familiaris est, vel declarata vi nominis, vel adducta in medium aliqua ex illis definitionibus, quas tractatu primo commēdauius. His ferē nominibus status ille solet appellari: *De proprietate* ab Hermagora, & Theodoro: ab alijs, *Quid sit*: ab alijs, *Status definitionis*, seu *definitio*: ab alijs, *nominis questio*. Breui & succincta forma sic ipsum definimus: *Est questio, cuius explicatio à sola definitione pendet, per quā, quid res sit, aut quo nomine appellari debeat, statuitur.* In hoc genere exordiendum erit primò; deinde narrādum factum. Tertiò, proponendum, ac partiendum. Quarta nostra definitio confirmanda, & cū facto conferenda erit. Quintò, contrariæ definitionis ratio expellenda, vt falsa, turpis, iniuriosa. Denique perorandum: sed hæc explanemus ampliùs pro accusatore & defensore.

Primus accusatoris locus est nominis, cuius de vi quæritur breuis, & aperta, & lex hominū opinione definitio, cui succedet confirmatio. Deinde factum eius qui accusabitur, adiungere oportebit, cui etiā iungetur sua confir-

matio, per quā ipsius facti atrocitas, seu indignitas, & culpa cū indignatione augeatur. Tertiò, infirmanda est aduersariorū descriptio: id fiet, si falsa demonstretur ex hominū opinione, si turpis, inutilis, incōmoda. Quartò, fiet cōparatio cum nostra definitione. Quintò, infimuletur aduersariorū arrogantia: quæ & faciat quod velit, & quo velit nomine, appellet.

Defensoris primus locus est breuis, & aperta nominis, & ex hominum opinione descriptio. Deinde confirmabitur similibus exēplis, & rationibus. Tertiò, adiungetur sui facti ab illa definitione separatio. Quartò, locus cōmunis, per quē facti utilitas, aut honestas adaugetur. Quintò, aduersariorum definitionis reprehensio, cū indignatione, conuestione. & alijs locis communibus.

### Cap.VI. de ambiguo circa scripta, voluntates scriptoris, leges contrarias, ex Tull. & Hermog.

**I**n scripto versatur cōtrouersia, cū ex scriptionis ratione aliquid dubij nascitur. Sunt verò cōtrouersia quinque; *Ambiguitas scriptum, voluntas, leges contrariæ, ratio cinatio, & definitio.*

Scripti controuersia est, cū in vnoquoq; chyrographo dubium nascitur, vt in legib<sup>9</sup>, testamētis, pactis, edictis, & cæteris, quæ in scriptura sunt. Principalis ambiguitas est, cū quid seferit scriptor,

D 3      dubium



## *Liber primus,*

dubium est, ideo quia duas, vel plures res significat.

Quæ succedunt omnibus, sunt communia pro intentione & depulsiōe. Primò vt negemus ambiguum, & doceamus locutionis cōsuetudinē. Secundò, vt superiora & inferiora verba consideremus, ex quibus colligamus, quæ sit vera sententia. Tertiò, excutiamus personam eius qui scripserit, vt ex ceteris dictis, factis, scriptis, animo, atque vita, quid senserit, possit colligi. Quartò, excutiamus omne scriptum, ne in aliquo verbo nos adiuuet, & impugnet aduersarium. Quintò, dicendum id quod aduersarius intelligit, minus commodè fieri, quàm quod nos intelligamus. Sextò, id, quod nos interpretabimur, docēbimus esse magis honestum, vtile, necessarium. Septimò, dicemus, quemadmodum scribi oportuisset, si id sentiret, quod aduersarij dicunt. Octauò, quæramus quo tēpore scriptum sit id, quod scriptū est, quia ex hoc intelligitur voluntas scriptoris. Denique quasi deliberatiuo modo tractandum, quid honestius & vtilius.

Ambiguitas hæc, cum in utrāque partem verbi significatio, & potestas reijcitur, examinanda est: nam vel oritur ex pronuntiatione, vel accentu: vel ex nomine nimis antiquo, & inusitato; vel ex multiplici significatione, quæ magnas parit controuersias; vel ex multiplici appellatione,

cum vna res pluribus vocibus nominatur; vel ex varia constructione, vel ex compositione, & diuisione, vt si dicas, *corinum* aliud est, ac separatè *cor* vinum; vel ex abundantia & deficientia; vel denique ex repugnantia.

De ambiguitate dictum est: superest, vt scriptum & voluntas explicentur, siue in legibus, siue in testamentis, siue in edictis. Hoc controuersiarum genus definiuit ita Tullius: *cū alter utitur verbis quæ scripta sunt; alter scriptoris sententiam interpretatur, & ad id, quod scriptum est, animum scriptoris adiungit.* Præcepta eius, qui scriptum defendit, & scripto se tuetur, sunt laudes scriptoris, quibus doceatur, nihil à iudicibus spectari oportere, nisi legitimum scriptum.

Secundò, inducatur factum ab aduersario.

Tertiò, comparetur cū scripto.

Quartò, dicetur quod iudex in legem iuratus sit.

Quintò, interrogabitur quid sit, quod ex aduersa parte dicatur, idque modis varijs, modò iudicē interrogādo, modò aduersariū, modò se ipsum cum admiratione. Interrogetur etiam an neget scriptum, vel factum, & quanta sit dementia contradicere.

Sextò, sit crebra ratiocinatio scripti, & cōparatio facti cū scripto, vario modo, nūc ad te ipsum vt redeas, nunc ad iudices ista traies.

Septi-



Septimò, subiunguntur, quæ cōtra eū dicūtur, qui vtitur sentētia, receditque ab scripto, vt quia de scripto constat, de volūtate etiā scriptoris cōstare necesse est.

Octauò, si à scripto recedatur, iudices incertum sequentur, & scriptores nil ratum relinquent.

Nonò, magis eum voluntatem sequi, qui scripta defendit, quàm qui interpretatur, cum certius signum scriptum sit.

Decimò, post hæc tres locos debet afferre, qui pro scripto nititur: sunt autem ij, nulla in lege causam contra scriptum accipi, & in hac lege non accipi, & hanc causam minimè accipi. Ac primò nulla in lege causam accipiendā esse probatur, quòd nec scriptori defuerit ingenium, neque sermo. Recitet aliam legem, quærat exceptionem, examinet, definitionē inducat, ac nihil aliud esse causam accipere, quā legem tollere: idq; fieri, si causa accipiatur, quæ extra legem est, id est, scriptū: dari etiam omnibus peccandi licentiam, iudicibus errorem immitti, omnes ciues, quid agant, ignoraturos. Deinde quærat a iudicibus, an aduersarijs permittant ad dere causas, quibus se defendant, quòd si ipsi non permittant, iniquum erit, vt ita illi iudicent, sic etiam derogatur lex in vituperationē veniēs, abrogatur tota penitus ablata, cōmutatur etiā, ac præuertitur. Deniq; nihil noui fieri posse sine populi consensu.

Secunda pars, in qua ostendendum est, etsi in cæteris legibus oporteat, in hac nō oportere accipi causam, demonstrabitur, si lex aut ad res maximas, vtilissimas, honestissimas, religiosissimas videbitur pertinere, aut inutile, nefas, turpe esse non obtemperare.

Tertia pars ei, qui pro scripto dicit, maximè necessaria est, per quam ostendat, oportet, si conueniat causam contra scriptum accipi; eam tamen minimè oportere, quæ ab aduersarijs assertur, ex equitate, comparatione, remotione, aut relatione criminis, aut concessione, & alijs, de quibus infra latius dicemus.

Qui verò cōtra scriptum dicit pro voluntate scriptoris, is primò ostendet æquitatem causæ. Secundò, assumptiuz partis præcepta seruabit, quæ postea dabimus. Tertiò, tres illos cōparet locos, quibus vsus est, qui scripta defenderat: & ex contrario doceat & causas accipi, & in hanc legē accipi debere, & hanc causam accipi debere. Quartò, omnia supplicia malitiæ, vindicandæ causa constituta, hinc nullam esse malitiam. Quintò, scriptorem, si hodie præsens esset, factum suum probaturum. Sextò, hac de causa viros bonos, electos ætate, & dignitate, non vt scripta legis recitarent, sed interpretarentur. Septimò, scriptorem non barbaris & stultis commississe scripta; si enim hoc crederet, diligenter

D 4 cuncta



## *Liber primus,*

cuncta exequeretur, nuac quæ-  
da n posuisse, quibus etiam non  
scripta cognosci possint. Octauò,  
quid faciendum, cū propter neces-  
sitatem, vel honestatem ostendi-  
tur, recedendū fuisse ab scriptis.  
Nonò, nō posse omnes leges om-  
nia cōprehendere, vel excipere,  
sed esse naturaliter legibus cūctis  
exceptiones tacitas. Decimò, ne-  
que sermo hominum, neque scrip-  
tū aliquod planè se exprimit,  
aut eloquitur voluntatē, sed ex  
scriptis expectari reliqua, quæ in  
volūtate intelligi possunt. Vnde  
cimò, vtilitatis & honestatis par-  
tes explicandæ sunt, in quibus do-  
cebimus, quid nos fecimus, & quid  
aduersarij velint, & nostrū votū  
vtile, aduersariorū inutile demon-  
stremus. Duodecimò, non literas  
nos sequi debere, quæ tenues sunt  
& obscuræ notæ voluntatis, sed  
ipsam illā voluntatē: deinde indu-  
ces legis definitionē, vt potius vo-  
luntas, quā scriptū videatur. Ad  
hæc, iudices deseruire legi ad ex-  
plicandā voluntatē. Decimoter-  
tiò, non oportere supplicio affi-  
ci illum, contra quē expressa nō  
sit lex. Decimoquartò, dabimus  
operā, vt scriptum ipsum ad eā,  
quam conamur, voluntatem con-  
uertamus. Id fiet, si ambiguum in  
scripto inuentum fuerit, aut per  
collectionem ex eo, quod scriptū  
est id, quod scriptum nō est, oīlā-  
ditur. Decimoquintò, derogabit  
orator de æquitate partis aduer-  
sæ, & adducet locos communes

ex partibus assumptuar qualita-  
tis, & addet alios, veluti leges in  
consilio scriptoris esse, & utilita-  
te communi. Deinde indignū esse  
æquitatem literis premere. Deni-  
que concludetur iterum proban-  
do dictam partitionem, & accipi  
causam, & in hanc legem accipi,  
& hanc causam accipi.

Cū leges, vel scripta contraria  
sunt tractatus talis erit, vtra lex  
vtior, honestior, magis necessa-  
ria, ad plures res pertineat, vtra  
ad maximas, vtra posterior, vtra  
lex iubeat, vtra permittat, vtra  
vetet. Considerandum etiam est,  
vtra lex de parte constituta sit,  
vtra de omni re, vel actu, vtra  
lex specialiter scripta sit, vtra ge-  
neraliter. Hæc, & similia, cū  
explicata fuerint, dabit operā,  
vt vnaquæque pars, quæ pro  
sua lege nititur, manifestet, le-  
gem suam iustam esse, aduersa-  
riorum iniustam, obscuram, am-  
biguam: fiet comparatio nostræ  
legis, cum lege aduersarij, sic vt  
quæ vetat, fortior sit, quā quæ  
permittat, iuxta præscripta Theo-  
logorum.

Ratiocinatio est etiam contro-  
uersia ex scripto, cū ex eo, quod  
scriptum est id, quod scriptū non  
est, colligitur. Locī argumentorū  
sunt tales. Primus, vt scrip-  
tum laudemus, & cōfirmemus.  
Secundus, vt conferamus cum  
facto, quod colligim⁹ ad scriptū.  
Tertius, simile esse doceamus.  
Quartus, si æquum sit hoc, illud  
quo-



quodque æquum iudicemus. Quintus, dicamus cur, cum de hoc scribatur, de alio scriptum non sit, quia scilicet videbat scriptor cōstare. Sextus, plura accipi in legibus, ac si non sint ommissa ex ijs, quæ scripta sunt.

Qui contra pugnat primò, tollat similitudinem. Secundo, ex eo quod scriptum est, non debere accipi id, quod scriptum non est. Tertiò, periclitari omnia iura, si similitudines accipiantur. Quartò, evertantur fundamenta opposita. Quintò, omnia ab aduersario tractari per coniecturam, & diuinationem.

*Cap. VII. De statu qualitatis, & quid, & quotuplex sit, ac de omnibus eius partibus in genere.*

**P**ER hunc statum non rei existentiam, non naturam, sed solam qualitatem querimus, & accidentia; & qui nec coniectura, neque definitione se defendere potuerit, hic vnicus restat modus, vt qualitate se tueatur. Qualitatis nomine intelligitur quicquid ad rei naturam non pertinet, & solet his nominibus appellari: *Status consecutionis, generalis defensio, status iudicialis, constitutio de re iudicata, status rationis.* In deliberatione, demonstratione, & iudicio status iste reperitur.

Quæstio, qua de facti qualitate ambigitur, si tractetur demonstrando factum sua vi, atq; natura

esse rectum, absoluta dicitur: si extrinsecus assumantur auxilia, assumptiua nominatur. Illius prioris exemplum habes in Planciana, vbi accusator ait iniuria factus es AEdilis? defensor respondet iure sumfactus, populus enim hoc potuit, qui iure me AEdilem creauit. Est etiam hoc constitutionis genus in Archiana & Quintiana. Posterioris exemplum habes in Miloniana, vbi orator non ait Milonem iure occidisse Clodium, sed rem assumit extraneam, ideo occidere licuisse, quod insidias pararet. Sunt hic innumera, quæ ab oratoribus antiquis tractata sunt. Ego reiectis, quæ minus necessaria videbuntur, ea solum percurrere describam, quæ plerique desiderare solent: multa enim ad nostra tempora non satis accommodata antiqui dixerunt.

Absoluta contingit, cum id quod factum est, vt aliud nihil fors assumatur, rectè factum esse dicimus. Cuius partes sunt, naturæ ius, quod religionem, pietatē, gratiam, vindicationem, veritatē complectitur. Secundo, leges, Tertiò, consuetudines. Quartò, indicatum, cum sententia est lata, vel decretum. Quintò, pactum, si quid inter duos, vel plures conuenit. Sextò, cum ex æquo, & bono ius constat, quod ad utilitatē communem videtur pertinere.

Assumptiua constitutio, vt diximus, est cum per se defensio est



## *Liber primus,*

est, cum per se defensio est infirma, sed assumpta re externa comprobatur. Eius partes sunt quatuor. Prima est concessio, cum nobis ignosci postulamus: hæc in purificationem diuiditur, & deprecationem. Purgatio est, cum non factum, sed voluntas defenditur; vel ex fortuna, & casu, vel ex imprudentia, quærentes, an potuerit reus non scire? an casu nescierit, vel culpa, vel ex necessitate, an culpa in eam ventum sit ignorantiam, vel vis illa vitari potuerit; altera pars concessionis est deprecatio, cum peccasse, & consilio fecisse confitetur, & tamen ignosci postulat ob pristina merita; vel à comparatione, quia plura, vel maiora officia, quam maleficia; vel ab attributis personæ, si qua erit virtus in eo qui supplicabit; vel à causa ratiocinativa, si qua erit spes melioris vitæ; vel ab honesto, si ipse se supplex, mansuetus; vel ab excusatione, vel à si mihi venia, vel laudabili, si nulla ex venia ostendatur vituperatio.

Secunda pars assumptivæ constitutionis est translatio criminis, cum fecisse nos non negamus, sed aliorum peccatis coactos fecisse dicimus. Primò, quærat, an iure crimen in alium transferatur? Secundò, an æquè magnum sit peccatū, quod in alterū cōferatur? Tertio, an oportuerit in illa re peccare, in qua, quis ante peccavit, lege lib. 2. Rhet. ad Herenn.

Tertia pars assumptivæ consti-

tutionis ex remotione criminis constat, cum eius intentio facti, quod ad adversario inferitur, in aliū, aut in aliud, dimouetur: si in aliū, id est, hominē, causa conferatur, quæretur quonā modo, honeste, an sine periculo potuerit obistere; nū cōsultò res facta sit, & alia ex coniecturali causa iungantur: si conferatur in aliud, id est, rem, quæ de necessitudine dici solent, considerentur.

Quarta pars est comparatio criminis, cū dicimus necesse fuisse alterutrū facere, & id quod fecerimus, satius fuisse facere. Hæc fuisse ex Tullio postea declarabimus.

Tandem ut omnia in genere dicta sint, advertas, velim has esse partes constitutionis legitimæ. Prima ab scripto, cum voluntas scriptoris ab scripto dissentire videtur. Secundò à sententia, quæ brevis est cum affectu declaratio iudicis. Tertio, à legibus contrarijs, cum inter se discrepent. Quarto, ab ambiguo, cum scriptum in plures sententias trahi potest. Quintò. A definitione, non illa Dialecticorum, quam Quintilianus servitutem appellat lib. 7. sed Rhetorum, qua varijs verbis res dilucidatur, dum vis rei, vel nominis iudici, vel auditori cognita sit, de quib⁹ nō nihil dictū supra. *Cap. VII. De dispositione partium orationis in genere iudiciali.*

**I**N iudicijs duplex est collocatio, altera accusatoris; altera defensoris.

Accu-



multas domos, plurimas urbes, omnia sana depopulatus est. Iam de prætura urbana. Quæ ad iam sacrum, publicorumque operum depopulatio? simul iniure dicendo bonorum, possessionumque contra omnium statuta, additio, & condemnatio? Denique de Siciliensi prætura: sã verò omnium vitiorum suorum plurima, & maxima constituit monumenta, & in dicia in provincia Sicilia, quam iste per biennium vexavit, ac perdidit, ut ea restitui in antiquum statum nullo modo posset. Quæ scelera deinde acriter concluduntur, atque amplificuntur, ut post Quæsturæ crimen. O scelus! ô portentum in ultimas usque terras deportandum? non potest ea natura, que tantum facinus commiserat, hoc vno scelere esse contenta. Et post Philodomi condemnationem, Quid tachrymarum patitis ipsum Nrenem profudisset? Quam fletum totius Asiæ fuisse? Quem luctum & gemitum Lampacenarum? Hæc confirmantur tabulis ipsius Verris, decretis, testimonijs. Debet accusator in singulis criminibus immorari, & ea amplificare. Defendere difficilius est quam accusare, sicut sanare difficilius quam vulnerare. Defensor & Patronus sic instruendus, ut totum exordium consumat in mitigando iudice, & concilianda benevolentia. Denique ad narrationem accedendum est. Tertiò, ad cõfirmationem, in qua labor aduè est, ut crimina diluatur, vel falsa ostendantur, vel diminuatur, vel defendendo

Defendere difficilius est quam  
accusare, sicut sanare difficilius  
quàm vulnerare. Defensor & Pa-  
tronus sic instruendus, vt totum  
exordium consumat in mitigan-  
do iudice, & concilianda beneuo-  
lentia. Denique ad narrationem  
accedendū est. Tertiò, ad cõfirma-  
tionē, in qua laborādū est, vt crimi-  
na diluātur, vel falsa ostēdantur,  
vel diminuantur, vel defendendo  
obs.

obf.



## *Liber primus,*

obscurabuntur; vel si nihil fieri possit, digressionibus est vitendum. Denique perorationibus commouenda misericordia. In exordio captatur beneuolentia, vel commemoratis rei virtutibus, ut in oratione pro Milone, & in oratione pro L. Flacco, socium, atque adiutorem sibi in patria liberanda ostendit, quod idem in exordio pro Sextio facit. Aliquando patronus non à persona rei, sed à sua sumit exordium, ut pro Archia poeta, & Deiotario. Nonnunquam ab aduersarijs ipsis exordium sumitur, ut pro P. Quintio, & in oratione pro A. Cæcina, statim aduersariū criminari incipit. Interdum à re ipsa defensor incipiet, ut pro A. Cluentio; interdum ipsos iudices patronus laudat, ut pro domo sua ad Pontifices: sed nullum est artificiosius exordij genus ad beneuolentiam conciliandam, quàm cum reus ostendit voluntatem suam, cum iudicum voluntate semper fuisse coniunctam, quod pro Cn. Plancio Cicero fecit.

Narrationes, si pro nobis faciunt, dilatentur, ut pro Roscio Amerino, pro P. Quintio, & pro Milone; si lædunt, relinquuntur, ut pro Muræna Cicero nulla narratione usus, sed post exordium refellit aduersarios, & ita pro Deiotaro totam narrationem prætermittit. Si partim adiuuant, partim offendunt; pars quæ offendit, amputanda est, ut pro Cælio non

nullæ sunt narrationes, quas Cicero breuiter proponit, & statim refellit.

Iam verò firmamenta, quæ posuit accusator ad fidem faciendā, tribus modis à defensore tractantur; vel si defensor per se diluat, ostendens esse falsa, vel obscurat; vel digressionibus obruit: sed omnium tutissimum est, ut ait Quintilianus, si crimina negare possimus, ut Cicero pro Roscio Amerino, negat patrem interfectum; pro Deiotaro, negat Deiotarum de interficiendo Cæsare cogitasse. Quæ per se diluere non possumus, obscurare contendemus, ut Cicero gloriatus est in causa Cluentij se tenebras iudicibus offundisse. Pro L. Muræna, cum negare largitionem non posset, negat ambitum à Muræna commissum, sed liberalitate, & magnificentia populi Romani voluntatem conciliatam. At ea crimina, quæ neque per se negare, neque obscurare possumus, digressionibus obruere tentabimus, ut pro Lucio Muræna, Seruio Sulpicio auctoritatem adimit, dum ius ciuile facetissimè irridet, & Marco Catonē, dum disciplinam Stoicorum deridendam propinat iudicibus, atque totum iudicium risu dissolutum esse dicitur: vel rem aliquam tristem in medium adducemus, ut pro Cælio, cum dixissent aduersarij venenum à Clodio comprobatum in seruo quodam; statim Quinti Metelli interitum deplorare incipit,



capit, ut digressionem criminis obruat, & dissimulantur etiam artificiose crimina, cum aut rem pro persona, aut personam pro re subijciunt; aut rem pro re, aut personam pro persona.

In perorationibus misericordia commouenda est, de qua tractatu de effectibus dicemus, & sunt illustria exempla apud Tullium, ut pro Cn. Plautio, pro P. Sylla, & pro L. Flacco, pro Milone. Neque verò leges istae seruandae sunt, ut nonnunquam aliter non collocentur; tota enim popularis debet esse oratio. Quare Tullius pro Milone, priusquam narret, praedicta refutat, & pro Sylla ultimo fere loco verba facit de eius vita. Legantur quae in Cicerone sunt in Bruto de Marco Pisone.

*Cap. IX. De partibus qualitatis assumptivae, ex Tullio & Hermogene comparatio.*

**A**SSumptivae qualitatis partes diximus esse quatuor his nominibus appellatas: comparatio, relatio criminis, remotio criminis, concessio. Comparatio est, cum aliquod factum, quod per se ipsum non sit probandum, ex eo cuius causa id factum est, defenditur.

Hoc causae genus ex ijs locis tractari potest. Primò, oportebit adhibere ceterarum constitutionum rationem, atque praeccepta, ac maximè status coniecturalis,

infirmando illud quod obijciunt. Id fiet, si id quod dicunt defensores futurum fuisse commodi, aut honoris, nisi id factum esset, negabitur futurum fuisse; aut si alia ratione, ac si ob aliam causam, ac dicat reus, demonstrabitur fuisse factum. Secundò, si certi nomine maleficii vocabitur in iudicium, definitione, & definitionis praecceptis uti oportebit per ea capita, quae in statu definitivo assignauimus: sin aliud quoque aliquod genus incidet, eius generis praeccepta transferemus. ¶ Tertiò, illud quod comparabitur, cum eo quod factum est, magis honestum ac utile declaratur. ¶ Quartò, oportet accusatorem illud quod saepe arguat, ab illo quod defensor comparat, separare demonstrando, neque ita fieri oportere, nec solere, nec esse rationem ullam. ¶ Quintò, comparabimus cum beneficio maleficii, & id quod arguitur, cum eo quod factum à defensore laudatur; beneficium extenuabitur, maleficii augebitur, reduceturque causa ad deliberatiuum genus, ventilando utrum honestius, vel utilius.

Defensor per diuersas comparationes, & oppositas rationes defendet, ut uterque praeterea locis communibus, laudando, vel vituperando iuiles peritos proponendo praesentibus, quid in simili casu ipsi decernerent; quae mutationes ex tempore debeant contingere.

Re-



## *Liber primus,*

### *Relatio criminis.*

**R**elatio criminis est, cū reus id quod arguitur confessus, alterius se inductum peccato, iure fecisse demonstrat. Primò, ex cæteris cōstitutionibus quod expeditur, eligetur; vel circa personam ipsius rei, quo animo fecerit; vel circa personam illam, in quam reus transfert crimen. Secundò, leuius esse peccatum quod in alterum trāsieratur. Tertio, relationis partibus vtendum, ostendendo à quo, & per quos, & quomodo, & quo tempore, aut agi, aut iudicari; aut statui conueniret. Quartò, leges, & iudicia demonstranda, per quæ factum excusetur. Quintò, comparetur culpa illius, in quem crimen transferatur, & cum aduersario conferantur, extenuando, vel augendo partem propriam, vel alienam. Sextò, adiungetur ex tractatu sexto de affectibus indignatio, & conquestio, inquireturque quid ipsi facerent. Tandem de utilitate, & honestate per comparationis capita accusator, & defensor disputationem inibunt.

### *Remotio criminis.*

**C**VM intentio facti, quod ab aduersario infertur, in aliud, aut aliud dimouetur, remotio criminis dicitur. Quando causa remouetur, primum erit sicut in cæteris, vt aliquid ex alijs constitutionibus sumatur. Secundò, pleraq; ex comparatione, & relatione criminis in hanc quoq; causam

conueniunt. Tertio, dicet accusator illū, cuius culpa factū est illud defendendū esse. Sin minus poterit, adijcet suo quemq; officio cōsulare oportere, nec si ille peccasset, illum oportuisse peccare.

Defensor, post quā alijs constitutionibus vltus fuerit. cuius acciderit culpa, demonstrabit. Deinde si aliena culpa acciderit, ostendet se nō potuisse, aut debuisse id facere, quod accusator dicit oportuisse. Sumuntur probationes ab honesto, & vtili, vt in genere deliberratio. Tertio, in alterius culpa exponenda demonstrandū est, quantū voluntatis fuerit, & cōfirmandū signis ex antedictis. & factis, atq; hoc ipsi vtile fuisse, & cū cætera vita magis cōsentaneum. Sin autē non in hominē certum, sed in rē causa dimouebitur, fiet depulsio criminis per consueta capita, de quibus diximus in hoc tractatu, & dicemus infra. Loci cōmunes accusatoris, & defensoris, ex indignatione, & conquestione, ac alijs sumendi sunt, vt in tractatu de affectibus ostēdemus.

### *Concessio criminis, vbi purgatio, & deprecatio continentur.*

**C**oncessio est, cū factū petitur, vt ignoscatur. Huius partes duę: prima, purgatio, per quā non factū, sed voluntas eius, qui accusatur, defenditur ex imprudentia, casu, necessitudine.

Accusator cōsultò delictū factū suspicionē aliqua demonstrabit.

Secun-



### *Tractatus quartus.*

32

Secundò, inducet definitionē necessitudinis casus, atq; imprudentiæ, atq; à facto separabit. Tertiò, probet potuisse crimen deuitari, & in aduersum prouideri. Quartò, in similibus casibus non fuisse veniā. Quintò, ex genere deliberatio, quàm inhonestū factum declaretur, & quid vis perpeti satius fuisse.

Defensor, conuersis omnibus partibus vtetur. Primò, voluntatē ostendit. Secundò, impedimenta ipsius, & cōmunē hominū infirmitatē. Tertiò, nihil indignius quàm culpa carentē, supplicio, nō carere. Quartò, loci cōmunes commiserationis adducantur.

Secunda pars concessionis est deprecatio, in qua nō defensio facti, sed ignoscendi postulatio continetur. Quæ autē partes huius generis declaremus. Primò, demonstratur studiū, & beneficia antiqua, ex quibus dignoscatur dignus mansuetudine. Secundò, augeatur beneficium, & maius esse quàm delictū suadeatur. Tertiò, maiorū beneficia proponantur. Quartò, non odio, & crudelitate quippiā factū sed honesta, ac probabili causa. Quintò, pollicemur se hoc peccato doctū, & beneficio, ignoscentiū confirmatū omni ratione à tali delicto absuturū. Sextò, spē ostendemus gratitudinis in ipso & cōsanguineis. Septimò, profitemur eos, quibus maiorā dimissa delicta. Octauò, illum quādo in potestate erat, procliuē ad mi-

sericordiā fuisse. Nonò, peccatū extenuabitur sicut in genere demonstratio.

Aduersarius malefacta augeat ex oppositis capitibus malitiæ, misericordiæ, superbiæ, inimicitiae. Secundò, beneficia quæ ab eo facta ad cōmodū propriū directa probet. Tertiò, maiora esse beneficia, quàm maleficia. Quartò, turpe esse, & inutile ignosci. Quintò, exaggeretur maleficio per amplificationem.

#### *Caput .X. De questione præmij ex Tullio.*

**Q**uestio præmij in quatuor partes distributa est. Primò, in beneficia ex sua vi, an magna, parua, facilia, difficilia, rara, vulgaria, vera, an falsa: & ex tēpore, si cū indigeremus; si cū ceteri nolent, aut non possent, Spelq; deseruisset collata beneficia, re, & ex animo; si nō cōmodi causa & ex casu; si non fortuna, sed industria.

Secundò, in hominē consideratio præmij destinatur, quibus rationibus vixerit, quid laboris insumpserit, num alieni laboris, an deorū bonitatis præmiū postulet? nū iam satis pro eo, quod fecerit honos, habitus sitūm necesse fuerit facere quod fecit num tale sit factum, quod nisi fecisset, supplicio dignus esset? nū ante tēpus præmium perat, & spem incertam, certo vindicet pretio.

Tertiò, præmij genus videndū quid, & quantum, & quam ob-

rem



## *Liber primus,*

rem postuletur, in quo, & quanto pretio digna sit res, & apud maiores qui mos?

Quartò, facultates videantur, an his honor nimis peruagetur, & an dari queat?

Qui obstat petenti præmium, suadebit fore sanctum, castum, iniquis non commune, imò nec mediocribus peruulgare; aliter minus homines virtutis cupidos fo-

re, præmio peruulgato, ideoque non concedendum præmium. Secundò, numerabuntur qui apud maiores maioribus meritis præmium non consecuti; fiet enumeratio, & comparatio, & per opposita capita, ijs quæ aduersarius dixit, excurratur. Adducantur loci communes ex gratitudine, & alijs virtutibus.

## *Pars secunda, de his quæ in iudiciali genere solent misceri, & sunt alijs generibus communia.*

### *Cap. I. De petitione.*

**N**ihil est, quod frequentius in iudiciali genere occurrat, quàm petere, & obsecrare. Quod si rem magnam postulamus, aduocandæ sunt omnes rationes generis suaserij. Et hæc orationis particula sic est disponenda, vt primò, eius à quo petimus, benevolentiam conciliemus ex tractatu quintò. Secundò, rem facilem, honestam, necessariam ostendamus ex tertio tractatu. Tertio, quæ nostra sunt in illum merita, summa cum dissimulatione, significabimus, dicemusque nos velle fieri deuinctiores nouo beneficio. Quarto, nostram summam fiduciam ostendemus. Quintò, narratio erit ad extorquendum consensum, artificiosè facta. Sextò,

profitebimur nos gratiam habituros, & relatueros, diceturque quibus in rebus. Septimò, adijcienda obsecratio, refutato eo quod obstitit.

### *Cap. II. De commendatione.*

**H**Oc genus finitimum est petitioni, nam alieno nomine quidpiam petimus. Erasmus quæ in hanc rem desiderari poterant, ex antiquis decerpfit oratoribus. Considerentur primò nostra persona. Secundò eius, cui commendamus. Tertio, eius, quem commendamus. Quarto, res ipsa, quæ commendatione petitur. A nostra persona deducantur causæ ad commendandum iustæ, magnæ, plu-



plurimæ; ab hospitio, propinquitate, patria, affinibus, maioribus, & beneficijs eius, quem commendamus. Secundò, eundem qui cōmēdatur, laudabimus à modestia, probitate, eruditione, integritate, humanitate, nobilitate, & quæ cōmendati, vel nostra in illū merita præcesserint, insinuabimus, extenuantes facta, amplificantes benefaciendi voluntatem. Tertiò, ex genere exornatio, laudabimus eum, cui commendamus, personam, desumptis ijs virtutibus quæ conducent. Addeamus eum, quem commendamus, de eo, cui commendamus optimè sentire, & prædicare. Quartò, à re fiat cōmendatio, quia facilis, pia, honesta, utilis, ex ea honoris, utilitatis, gratiæ plurimum obuenturum, & multos esse deuinctos, &c. Postremò, nostro & commendati nomine, polliceamur gratum animum. Commendatio recta est, cum exposcitur fauor; obliqua, cum negabimus nos velle aliud, quàm vt hominem cognoscat.

Illa denique in omni petitione obseruanda. Primò, vt quod petimus, in eius à quo petimus, sicum potestate ostendamus. Secundò, esse iustum. Tertiò, modum & viam indicemus, qua conficiatur. Quartò, vt promittatur remuneratio. Quintò, id sic fiet; si causa est fauorabilis, apèrtè suadeamus; vbi secus, per insinuationem. Primum exaggerantes quàm ta nos circumset necessitas, quàm

improbum ab eo rem tantam petere, de quo nihil promeriti; nō mediocrem nobis porrigi spem à benignitate, bonitate, &c.

Sed vbi nihil opus insinuatione, cum res difficilis poscitur, beneuolentiam datoris conciliemus à consuetis capitibus, à nostris in illum meritis, à personis maiorum, à personis aduersariorum, à re ipsa. Miscebimus obtestationes personarum, quibus scimus commoueri. Doctrinam huius capitis ex Vlpiano Rhetore desumpsit Erasmus, quibus nonnulla addidimus, & detraximus.

*Caput. III. De monitione Oratoria.*

**D**Vo cōtinet capita: alterum, doctè indicare vitium, quod mutari volumus; alterū, quæ sint agenda nescienti, vel vt scienti ostendere. Primò, acerbitas reprehensionis vitabitur laude eorum, quæ in reprehenso egregia sunt. Dabit huic loco semina tractatus secundus. Secundò, vitium ab ætate, vel incogitantia extenuabimus; vel quod clarissimis viris commune; vel quasi ab animi liberalitate nascatur, sumes à capite quinto huius partis secundæ nonnulla capita. Tertiò, haud magno negatio mutari posse. Quartò, nos præcipuo in eū amore monere, alijs idē nō facturos. Quintò, orabimus, vt pari liberalitate

E tate



## *Liber primus,*

tate in nos utatur, cum munus proprium sit amicitiae. Sexto, modum declarabimus, quo exequatur, ea moderatione, ut qui sit linguae liberioris instituatur, ut circumspectius dicat, cum non eodem candore ab omnibus accipiantur verba. Huius exempla succurrant in exercitamentis nostris.

### *Cap. IIII. De conciliatione amoris.*

**H**uius praeceptiones per alia omnia ferme genera diffusae versantur; nam amans sapere petit, interdum expostulat, blanditur, purgat se. Quod speciale occurrit, est. Primo, causas, quibus ab ambiendam amicitiam sumus accensi, probabiliter exponemus ex tractatu de inuentione. Secundo, assentationis suspicio amouebitur, ex his quae status coniecturalis docuit. Tertiò, si quid erit in nobis, quod illam ad nos mutuò amandum prouocabit, sine arrogantia significabimus. Quarto, pollicebimur nostram beneuolentiam, operam, &c. Reliqua ex genere demonstratio, & ex alijs praeceptis à nobis traditis, & tradendis facilius colliges.

### *Cap. V. De expostulatione, & purgatione leniori.*

**H**AEC Duo, noui dicendi magistri, cum Erasmo coniun-

xerunt, assumptis ex iudiciali genere fundamentis: nos quae potiora sunt, insinuabimus.

Expостulatio fieri solet inter amicos, cum officium eorum requirimus. Mitigetur, ne exasperet laude, vel ioco, vel dissimulatione. Secundo, rem damnamus, voluntatem excusabimus. Tertiò, mirari nos, quod in causa fuerit quidvis suspicari malle, quam illum ab officio cessasse. Quarto, conscientia officij, & beneuolentia liberius dixisse, &c. Iuxta alia genera.

Capita purgationis sic disponentur. Primo diluendo expostulationem, ita ut nos ea nihil offensus ostendamus. Secundo, suspicionem obiectam grauiter examinabimus. Tertiò, rationes probabiles, quibus nos purgemus, proferendae. Quarto, ex re, ex loco, ex tempore, ex personis consilium sumemus. Quintò, nobis gratulabimur non esse inimicis nostris tantum ingenij ad laudandum. Sextò, dicetur & si amicè expostulet, quid interesse, an amicè, an inimicè iugulet. Septimò, dicetur eos sparsos rumores ab inimicis, beneuolentiae utriusque inuidentibus. Octauò, fiat conuestio, quasi parum norit ingenium, qui similia crediderit. Nonò, monebitur, ut nihil vereatur in eo officio perseverare, qui expostulabit, ne pilo enim nimis amabitur.

*Cap.*



## *Tractatus quintus.*

34

### *Cap. VI. De exprobratione.*

**E**Xprobratio fit inter inimicos, obiecta contumelia cum irrisione aduersarij: & quoniam ab humanitate recedit, id nos coactos facere profitebimur ob ipsius ingratitude, & maleficia. Secundò, conscientiam ipsius testabimur. Tertiò, rem artificio sa narratione ante oculos ponemus. Quartò, nostram in illum beneuolentiam, & gratitudinem amplificabimus ex doctrina tractatus de amplificatione. Quintò, dicemus nobis ipsis indignari, non quod ille ingratisissimus sit, sed quod nobis deuinxerimus, & ea, quæ ne sperare quidem ausi essemus, in illo inuenisse. Cætera ex alijs generibus desumentur; hic specialia solum assignamus.

### *Cap. VII. De inuectiua oratione.*

**H**uius artificium ex demonstratio, & iudiciali genere sumitur, cum laudemus, vituperemus, criminemur, & defendamus, diluemus obiecta, referemus crimina. Sed nonnulla addo. Primò, superbiam, stultitiam, importunitatem, maledicentiam aduersarij ostendimus, ex circumstantijs; & adiunctis tract. de inuentione. Secundò. Id nos præter morem facere coactos. Tertiò, nos illum non imitatuos, ut confictis criminibus agamus, sed sine conuitio diluemus obiecta.

Quartò, ex hominis descriptione conuincemus odio, vel innata maledicendi libidine commentum fuisse, quæ in nos obiecerit. Quintò, vnum ex obiectis quod quant rectissimè dilui possit, proponemus. Id ubi fecerimus, cum re criminatione ex eo vno, hominis imprudentiam deducemus. Sextò, in ipsum omnia, aut grauiora retorquebimus. Septimò, multa relinquemus in suspitione, quod ab homine verecundo, vel lacescente obijci non debeant; pauca solum ex pluribus velle dicere. Octauò, cum incanduerimus orationis progressu, dieterijs, & salibus hominem eludemus; ridiculū contemnendum, odiosum declarabimus. Nonò, multa ironia adhibenda. Decimò, quasi nosmet reprimamus, hortabimur, ut aliquādo resipiscat, ne cogamur à modestia abduci. Vndecimò, excitabitur verecundia ex illis, quæ tractatu de effectibus docebimus. Si quem præterea simul cum inuectiua oratione criminari velimus, genus demonstratiuum appellandum est, adductis confirmationibus, confutationibus, & argumentis, quibus exaggereamus, vel extanuemus; conquestionem, dubitationem & similia proferemus. In hoc genere totus fermè Quintilianus, & Tullius laborant, ex quibus plura ex his capitibus notauit

Erasmus.

E 2

Cap.



## *Liber primus,*

### *Cap. VIII. De benefici deprecatione pro alio.*

**I**D fit cum manifestam culpam alterius agnoscimus, & illum ignosci curamus. Primò, supplices erimus, culpam ingenuè fatebimur. Secundò, extenuabimus ab imprudentia, vel ætate, vel quod primùm deliquerit, vel partem in alios transferendo. Tertiò, eum qui peccauit, sic affligi pudore, metu, pœnitentia, vt dignus sit misericordia. Pudor, & metus declarabitur ex tractatu de affectibus. Quartò, eius cui placere conamur, clementiam laudabimus, & amplificabimus. Quintò, spem melioris vitæ ostendemus, per ea quæ dicemus tractatu sexto, confidentiam, & spem generare. Sextò, ex indole, ex benefactis reddemus probabilem. Septimò, interponemus auctoritatem, & pro reconciliando fidei iubebimus. Hic miscenda nonnulla ex genere exornatiuo, pro iudice mitigando; & ex deliberatiuo, vt suadeamus, donandam esse veniam.

### *Cap. IX. De gratiarum actione.*

**A**mplificetur beneficium primò, si vltro collatum, si incūctanter, si citò. Secundò, si in tempore, si vberius quàm alter sit ausus petere, si nihil pro merito, si ne expectanti quidem, si libenter. Tertiò, à genere beneficij,

sive impensis, siue verbis collati. Quartò, an huius causa contempserit simultatē potentium, & scire nos beneficij multitudinē. Quintò, quàm multos eo beneficio deuinxerit, &c. Sextò, pollicebimur parem, aut maiorem gratiam relaturos; & si nulla referendi facultas fuerit, gratum animum promittamus precantes vt superi cumulatē referant gratiam.

### *Cap. X. De gratulatione.*

**P**ro gratulatione primò exaggerabimus voluptatem, quā ex animi successu cepimus, cuius commoda, vel incommoda pronostis ducamus. Secundò, dignitatem, aut si quid aliud cōtingit, varijs modis attollemus, quod eximia, frustra à pluribus ambita, quòd non ambientī delata; quòd bonorum iudicio, quòd preter spem. Tertiò, vbi rem auxerimus, ostendemus amplissimum illud munus meritis inferius, tantum esse gradum ad maiora, si fortuna non obstat. Quartò, benedominabimur, & precabimur. ostēdentes quàm utilis omnibus, iucundus, expectatus exitus. Quintò, dicemus nos potius gratulaturos honori, qui tum demum splendidior, quàm antea. Sextò gaudere nos quòd data sit materia, & seges exercendæ virtutis suæ. Amplificabitur gaudium ex his quæ de voluptate capite tertiò tractatus sexti dicuntur,

*Cap.*



## Tractatus quintus.

35

### Cap. XI. De conciliatione amicorum.

**C**um studemus nobis concilia-  
re viros, quibuscum nulla no-  
bis intersit amicitia, & quodāmo-  
dō nos met ipsos commēdamus,  
tum fiet conciliatio. Primō, sic eū  
laudabimus, ut nec adulari, nec  
fingere, nec insidiari videamur.  
Secundō, nos met ipsos sic laude-  
mus, ut ne ob arrogantiam conci-  
liemus odium. Tertiō, nos eius  
eximijis dotibus ad amandum in-  
flammatos, quas partim fama, par-  
tim ex laudatissimis viris cogno-  
uimus. Quartō, etsi multum absi-

mus ab illius virtutibus, tamen  
semper huic annixos, ut quod in  
illo suspicimus, assequeremur;  
numerentur nonnulla quæ pla-  
cuerint. Quintō, obtestabimur  
illius amorem, ut benevolentia  
nostræ ignoscat, cui temperare  
non possumus. Sexto, in nobis re  
attenuabimus, animum, studium,  
amorem optimarum rerum exag-  
gerabimus. Septimō, orabimur  
ut nos suorum numero adscribat.  
Octauō, pollicebimur, etsi no-  
uos amicos, nulli veterum cessu-  
ros. Nonō, opes, opera, denique  
amicos pollicebimur communes.

## TRACTATUS QVINTVS DE DISPOSI- TIONE, ET PARTIBVS ORATIONIS RHETORICAE.

**M**irum est in numero partiū  
orationis, quā fuerint di-  
uersæ sententiæ. Arist. 3. Rhetori-  
corū duas tantū partes agnos-  
cit, propositionē, & confirmatio-  
nē. Hermogenes 1. de inuētiōe,  
septē facit orationis partes, autor  
Herennianus sex, Quintilianus  
quinq;, Tullius in partitionibus  
quatuor. Ego omnes simul sentē-  
tias amplector, iuxta diuersitatē  
orationum & locorum, & omnes  
quæ ab omnibus, partes assignan-  
tur attingens, eas declarabo, ex-

ordium, narrationem, proposi-  
tionem, confirmationem, confu-  
tationem, epilogum, & quo or-  
dine & dispositione collocentur.  
Quæ Cypriani tabula copiosius  
docet, cum ad finem adscripta sit  
nostri operis, aut prætermitten-  
tur, aut breuiter tractabuntur.  
Eo enim sine eam damus, quo à  
rerum minutiorum tractatione  
nos liberemus.

Ca. I. De varijs disponendi generibus.

Rhetorica dispositio, autore  
E 3 Fabio,



## *Liber primus,*

Fabio, nullis præceptis comprehendipotest; cum non tam ab arte, quam à dicentis voluntate pendeat; eam sic definirem. *Est habitus in ratione existens, quo quæ inuenta sunt pro rei & causæ natura, adiunctorumque ratione, prius & postea prius aptè collocantur*, hæc sit definitio. Diuisio verò hæc, alia dispositio naturalis; alia arbitraria; alia artificiosa, iuxta triplicem rerum, quæ sub dispositione cadunt, ordinem.

Rerum enim aliæ sunt, quæ certum & fixum statum habent; cuius, ex Philosophorum doctrina, quatuor species.

Alia sunt priora, vel posteriora natura, quæ ita se habent, ut sint necessariò, coniuncta, & vnum ab alio pendeat; non contra: quomodo sol est prior natura sua luce.

Alia dicuntur priora, temporis ordine, ut is qui ædificat; & edificiũ.

Alia sunt positione priora, ut fundamenta in domo: denique alia sunt dignitate & præstantia priora, quomodo anima est in corpore prior. In his facilis est dispositio, ipsam naturalem formam si conseruemur.

Secundò, aliæ sunt res nulla certa ratione inter se affectæ atque connexæ, ut varij populorum mores, & hominum gesta: atque in hoc rerum genere ea utimur dispositione, quæ nobis visa fuerit accommodatior ac proinde arbitraria nominatur.

Tertiò aliæ sunt res, quæ certo ordine gestæ sunt, sed in illis disponendis earum perturbatur series,

delectandi vel persuadendi gratia, ut oratorum, poetarumque meditatio docebit.

Si quæstio simplex, & infinita tractanda esset, hæc methodus seu dispositio commodè adhiberi posset. Primò, agendum esset de nomine. Secundo, an res existat. Tertiò, quid sit. Quarto, qualis sit, ubi proprietates inuestigantur. Quinta, propter quid sit, id est, rei causæ quærendæ sunt. Sexto, qui sint rei effectus. Septimò, explicandæ species, & partes quæ, & quot sint. Octauò, quot sint rei similia, & quæ contraria. Nonò, quo pacto res, de qua agitur, alijs præstet, aut inferior sit.

Alia, quæ cõmunia sint omni dispositionum generi, non inuenio, sed singulis tractatibus suas assigno dispositiones, in affectibus mouendis, in laudando, in deliberando, in genere iudicali & alijs. Dispositio relationis, criminis, concessionis, gratulationis, &c. Eisdem fiat capitibus, eodemque digestis ordine, quo nos digessimus, & disposuimus. Ut enim nostra exercitamenta in secundo volumine conuincant, magis illud naturale est disponendi genus, aut certè maxime accedit, nisi prudens orator nonnunquam aliter iudicauerit.

*Cap. II. De exordio, qua forma docilis, benivolus, attentus, fiat auditor in exordio.*

**E**Xordiorum plura sunt genera, nam alia ad laudandum, aut vitu-



vituperandum: quædã ad delibendum, vel iudicandum destinatur. Præterea pro quæstionũ & causarũ diuersitate, varia sũt exordia, integra alia, per quæ paulatim causas ingredimur; alia abrupta pro affectuum exigentia.

Cum genus causæ honestũ est, quo rationi cõsentanea defendũtur, exordiũ à re ipsa, vel persona, vel loco, vel euẽtu defumitur. Quod idẽ in genere turpi faciedũ est, cum vel honestũ impugnetur, vel defenditur inhonestum, vel ex circumstantia, vel adiuncto aliquo. In genere admirabili, quod est præter auditorum opinionem; & in dubio genere, vbi honestatis opinio vacillat; & in humili, vbi res, persona ve cõtẽpta suscipitur, ex orationis materia, exordia sumentur. Primò, a locis tractatus de inuentione. Secũdò, à generis exornatiui, vel deliberatiui materijs. Tertio, ab adiũctis tẽporis, & loci. Quartò, ab aliquo euentu ad rem pertinente. Quintò, ab opinionibus, vel suspicionibus de rebus, aut personis conceptis. Sextò, à distributione, seu partitione. Septimò, per aliquam ex figuris infra tractandis exordiemur; sed quæ adhiberi solent frequentius, sunt dubitatio, vt in oratione Tullij pro Sextio; optatio, vt in oratione pro Flacco; apostrophe, vt in prima Catilina; ironia, vt in Ligariana, & pro Cælio. Nunc communiora capitula exordij magis explanemus,

Docilis habetur auditor, summa causæ breuiter exposita, quod maximè contingit in narratione.

Attentus fiet, si polliceamur magna, noua, inusitata, quæ ad Rempublicam, quæ ad nos, qui audient, quæ ad Religionem attinebunt: si rogabimus vt attente audiant, numero exponemus res, de quibus dicitur.

Beneuolos auditores ab ijs faciemus locis, à nostra, ab aduersariorum, ab auditorum persona, à rebus ipsis. A nostra persona beneuolentiam contrahemus, si nostrum officium in Rempublicam, parentes, amicos, & in eos ipsos, qui audiunt referemus. Præterea si nostra incommoda proferamus, inopiam facultatum; solitudinem, id est, amicorum destitutionem; calamitatem, id est, spoliationem bonorum; nostram spem in eorum auxilio sitam esse declarabimus; precibus, supplicationibus, submissa petitione vtemur, promittentes nihil superbè, nihil contentiosè, nihil arroganter dicturos.

Ab aduersariorũ persona capatur beneuolentia, si in eos odiũ, inuidiam, contemtionem excitemus. In odium rapiuntur, si quid spurcum, quod in sermone cum pudore pugnat; si quid superbum, quod in factis est, & aduersatur naturæ; si quid perfidiosum, quod in violatione fidei; si quid crudele, id est, cum atro-



## *Liber primus,*

citare hominum inimica recensetur; si quid ex confidentia, quæ imprudentiam, & audaciam complectitur; si quid ex malitia, quæ versuta & fallax nocendi ratio vocatur; si quid flagitiosum, quod turpitudini, & dedecori coniunctum; sed hæc cum ratione, & modo fieri debent, ut Quintilianus monet lib. 4. cap. 1. ne contumeliosi, maligni, superbi, maledici in quemquam habeamur.

In invidiam trahemus, si vim, potentiam, factionem, quæ est conspiratio, diuitias, incontinentiam, nobilitatem, clientelas, quarum maxima existimatio, ob beneficia, hospitium, sodalitatem, quæ est in symbolis, & affinitates quæ ab vxoribus intercedunt, proferemus, legatur Aristoteles 2. Rhetoricorum.

In contemtionem adducemus, si inertiam quæ est corporis; ignauiam, quæ est animi; desidiam, qua quis minimè natura idoneus; luxuriam, quæ in gula, & turpi usu corporis est, ostendemus.

Ab auditorum persona beneuolentia colligitur, si eorum res nata ex fortitudine, vel sapientia, quæ ad prudentiam attinet; mansuetudine, quæ ad temperantiam; magnificentia, quæ ad iustitiam, euulgentur. Ab ipsorum parentibus, filiis, propinquis, amicis, ciuitatibus; etià beneuolentia captatur.

A rebus ipsis beneuolū auditorem efficiemus, si nostram causam honestam, iustam, necessariam, fa-

uore, & commiseratione dignam; laudando extollemus: aduersarium per contemtionem deprimemus.

Denique aduertat velim, hæc tria exordij officia, in causis longioribus ad alias orationis partes, accommodanda: neque semper in omni oratione hæc tria munera adhibenda.

### *Caput. III. De insinuatione pro exordio.*

**E**st insinuatio clancularia, obliqua, flexa; ac latens circuitio ad capiendū animum, qui aperta fronte non caperetur: quare ab incauto & improvido capiuntur iudices, vel auditores. Id fiet, cum animum auditoris à nobis alienat res turpis; vel iam est persuasus ab alijs, qui antè dixerunt; aut defessus est audiendo eos, qui antè orarunt: ita ut ex Quintiliano lib. 4. si causa laborat, persona subueniat, & si persona, causa; vel ut ait Cicero lib. 1. de inuentione, pro homine, in quo offenditur auditor, alium interponat qui diligatur; res pro re, res pro homine, homo pro re collocetur.

Dicemus non placere nobis, si facta sunt à nostro reo, quæ dicta sunt ab aduersario. Deinde nihil à nobis factum ostendemus; pedetētim ad causam accedētes, negabimus de aduersarijs nihil nos dicturos, cum tamen occultè dicamus, & insinuabimus nos à firmissimo adiumento aduersarij exordietes; vel à nuperrimo dicto, vel



vel dubitatione, cui loco primū respondeamus.

Si defessi auditores ab aliqua re, quę risum moueat, exordiemur; vel ab apologo, qui est sermo compositus rei incredibilis ad morum institutionem; noua enim, & inusitata audire, fastidium leuat.

A fabula verisimili, quę est expositio rei, quę fieri potuit, etsi non facta, vt in Comædijs & Tragedijs; cū tamen historia rei facta expositio sit.

Ab imitatione, quę orationis, ac vocis alterius sit verecunda, & venusta repræsentatio, non histrionica.

A deprauatione, quę est vocis ac vultus deformatio moderata, vel vocabuli corruptio, vt prætorem, prædonem; disputare, disputare; Doctor, coctor; disciplina, displicina.

Ab abiectione, cū omnibus abiectis vni nos dicimus rationi responsuros.

A suspitione, quę est rei infamis obscura significatio, diuinam ironiam appellat Quintilianus, Ciceronis principium pro Ligario.

Ab irrisione, quę est rei ridiculæ vituperatio.

Ab exuperatione, quę est rei paruæ ridicula amplificatio.

A literarum mutatione, quę est paranomasia.

Ab expectatione, cū post orationem aduersarij subsistimus, &

filemus; deinde sic ordimur, expectatis, quando tandem respondeam; ego verò quid dicam, nescio, &c. vel tacemus, simulantes nos aliquid magnum dicturos, vt animus auditoris colligatur.

A similitudine, quę est rerum inter se qualitate differentiū comparatio, vt, *Sic oculos, sic ille manus, sic ora ferebat.*

A nouitate, quę non eget exemplo.

Ab historia nostræ memoriæ, vel antiquæ.

Ab interpellatione, quę est interruptio perpetuæ orationis ad uersarij, vel personæ alienæ appellatio.

Ab arrisione, quę est personę illusio, sicut irrissio rei, vt cū Cicero sentiret defatigatos iudices, & in iudicium venire videret perpusillum Pissonem, conuersus ad iudices, dixit: *Quis alligauit generum meum gladio?* Alia præcepta dabit tabula Cypriani, quam simul cum nostro opere excussumus.

*Caput II. de generibus narrationis.*

**N**Arrationes, quas maximè naturales Quintilianus appellat lib. 4. cap. 2. alię sunt, quibus exponimus rem gestam ad utilitatem nostram. Secundò, sunt alię, quę intercurrunt nonnunquam, aut fidei, aut criminatio- nis, aut transitionis, aut laudatio- nis.



## *Liber primus,*

nis. Tertiū genus est narrationis fictæ: quibus etiam instruendi oratores, vt apti ad forum prodire possint. Omnes ea definitione comprehenduntur: *Sunt rerum gestarum, aut velut gestarum expositio.* Ex ijs cognosces tres esse narrationis partes. Historiam, quæ est res gesta remota à memoria nostra: argumentū, quod est ficta res, quæ tamen fieri potuit, velut argumenta comœdiarum: fabulam, quæ neque veras, neque verisimiles continet res, vt Tragicorum, AEsopi, & similia figmenta.

Hoc postremum genus narrationis, etsi ab oratore alienum, sic esse cupio, vt in personis habeat sermonis festiuitatem, & animorum dissimilitudinem, sic Virgilius Tytirū facit otiosum, & cantilenis vacantem; Melibæū sollicitum; Coridonem amantem; Alexim ab amore alienum. Habeat grauitatem, quæ in se dignum veneratione quidquam repræsentat, & posita est in prudentia, constantia, iustitia: leuitatem, quæ est virtutis remissio, atque moderatio: spem, quæ est bonorum futurorum: metum, qui est malorum futurorum: suspicionem, quæ est malorum præsentium: desiderium, quod est appetitio rerum absentium: dissimulationem, quæ est occultatio eius, quod non est; velut simulatione eius, quod non est, est fictio: errorem, quem si teneris, ex-

planabit peccatū, ab opinione falsa profectum, qui suavis est, cū non est miserabilis: misericordiā, quæ est in mulieribus clementia, & ægritudo: rerum varietatē, id est, mutationem rerum insperatarum à bonis in malas, & à malis in bonas: fortunæ commutationem intellige subitam: insperatum commodum, subitam lætitiā, incolumen exitum rerum. Hæc quæ in Tragicis contingūt, & falsis narrationibus, remota sint à narratione oratoria, quam sequens caput explicabit.

### *Cap. V. de narratione vera:*

**N**arratio, vt in partitionibus Cicero præcipit, sit dilucida, verisimilis, atq; suavis. Vt brevis sit, obseruāda quatuor: principū, mediū, finis, rerum qualitas.

Principium ne sit longè peti- tum, ne ab ouis Lædæ Tyndari Regis vxoris incipiat declaraturus bellum Troianum.

In fine considerandum est, ne narrationem vsq; ad extremum, sed eò vsq;, quo opus fuerit, prosequamur.

In medio quatuor obseruāda. Primò, generatim esse narrandā rem, non specterum distributione vtendū. Secundò, ne faciamus declinationē, sed in re proposita maneamus. Tertiò, ne sit deerratio, & nō idonea digressio. Quartò, ne conglobentur anteceddētia, sed consequentia tantum ponenda, ex quib' illa facile colligātur.

In



In qualitate tria sunt consideranda; vtilia, vt ponantur; aduersa, vt vitentur; praua, vt reijciantur, in quibus sunt leuia, & dubia, vt omittantur.

Vt narratio sit dilucida: primū sit ordo rerum: secundū, verborū & orationis collatio: tertio, præcepta breuitatis seruentur. Ordo rerū historicus sit, & rerum & temporum gradus obseruentur, vt quælibet primò gesta sunt. In collatione, Barbarismus, Hyperbaton, ambiguitas, & nouitas fugiatur. Deniq; tūc ordo rerum rectè seruabitur, teste Quintiliano, cū narratio erit distincta temporibus, locis, causis.

Verisimilis narratio fiet, si vt mos (qui regionis est) vt opinio, quæ est omnium, vel maioris partis, vt natura postulat, dicemus. Eadem ferè & eodem modo Cicero 1. de inuentione præcipit.

Fiet etiam verisimilis narratio, si constabunt spatia temporum: facile enim præsumitur contra iuuenem, qui noctu ingressus in domum puellæ, crastino matutino exierit. Si etiam constabunt personarum dignitates, vt cū à dignitate accusatoris premitur reus; vel à dignitate rei repellitur accusator. Si etiam constabunt consiliorum rationes, quas difficile est exactè & industria colligere. Locorum opportunitates, quæ referuntur ad vbi, etiā oportebit constare, id est, conuenire. Temporis etiam occasio, aut

locus idoneus, aut causam fuisse, vel non fuisse, cur id facere, considerabitur.

*Caput VI. in quo aliqua, quæ ad narrationem conducunt, numerantur.*

**I**N narratione, vt in alijs orationis partibus possumus materiam, & formam, partes speciales, eiusq; accidentia animaduertere. Materia sunt res, factum, locus, tēpus, modus & causa, quo referes antecedentia, quæ præcesserunt, & consequentia, quæ subsequuta sunt.

Forma consistit in narrandi modo, dum rem à principio vsq; ad finem, ac etiam antecedētia, & cōsequentia dicta, facta, & causas ad fidem faciendam exponimus.

Partes narrationis sunt duæ. Prima est præparatio, & antegradiens propositio, cū iacimus fundamenta futuræ narrationis, quo facilius credatur, vt Tullius fecit pro Roscio Amerino, & in 7. Philippica. Secunda, est historiarū ipsius expositio cum rei expositæ conclusionē.

Quod attinet ad species & partes, innumeræ sunt, quæ recēsentur ab autorib⁹: alię enim sunt simplices; illustres alię, & sententiarum ornamentis tinctæ, quæ modum, consilia, considerationes, & causas exponunt; alię narrationes Tragicę; historice alię diuersisq; legibus, & stylo dicendi diuer-



## *Liber primus,*

### *Cap. VII. de digressione.*

diuersa, vt interim omittam innumeras alias partes, & species, quas numerauit Hermogenes.

Iam attingo nonnullam narrationis accidentia. Primò, sic dilatata, extensa, & ampla, quando ad causam pertinebit: hoc enim, auctore Hermogene, cum breuitatis præcepto non pugnat. His autem modis dilatabitur; periodi sint longiores, deinde quæ facta sunt officia congruentia, aut dissidentia dicantur. Tertio, quid factum non fuerit, postea quid factum fuerit, explicabimus. Quarto, consiliorum, cogitationum, & consuetudinum fiat additio. Demum conferent ad dilatandum causarum, attributorum, antecedentium, consequentium, comparisonumque conglabationes: item diuisiones, partitiones, enumerationes, immorationes.

Postremo, variae narrandi formæ adhibeantur: aliud simplici narratione; aliud probabili; aliud illustri expositione narretur.

Secundò, narrationis initium ab aliqua illustri circumstantia sumendum; vel à loco, vt Cicero in 7. Verrina; vel à persona, vt in Quintia; vel à temporum qualitate, vt sæpe auspicantur Historici; vel ab alio quopiam illustri. Tertio, narrationis eloquutio sit purissima, sola varietate tædium fugans. Quarto, in narratione leniter auditorum affectus moueri possunt.

**E**st digressio alicuius rei ad utilitatem pertinens, extra ordinem excurrēs tractatio. Fiunt hæ digressiones ad delectandū, amplificandum, criminandum, & reliqua oratoris munera, quo ex vicinis causæ, causam confirmet.

Viam ad digrediendum aperiant similitudines, comparisones, exempla, circumstantiæ.

Regrediemur eò, vnde digressi sumus, repetitione: principij digressus, accommodatione similitudinis, vel comparisonis.

Ipsa digressione vti licebit ad augendum factum, ad euertendā quæstionem, ad occupanda argumenta, ad animos auditorum à consideratione criminis, nimiaque attentione diuertendos. Quod fiet loco communi, vt querela, laude: conuitio, descriptione, fabula, historia, exemplo, similitudine, facetijs, vel denique descriptione.

### *Cap. VIII. de diuisione, seu propositione.*

**P**rimū, finita narratione, quid nobis cum aduersario conueniat, aperiemus, & quæ in controuersia relinquantur: recensentur quæ inutilia videbuntur.

Secundò, distributione utemur, quæ est partitio eorum, quæ dicturi sumus, vt ordine dicantur.

Ter-



## Tractatus quintus.

39

Tertio, distributio in duas partes diuidetur, enumerationem, & expositionem.

Enumeratio est, cum numero dicimus, quot de rebus nos dicturi sumus. Eam plusquam triū partium esse non oportet, ne suspicionem artificij afferat, etsi Quintilianus lib. 4. cap. 5. sentiat non esse eam rem alligandam lege. Rerum partitio, quæ extra numerum ternarium effluit, turbat attentionem, obtorquet memoriam audientium, & facile excidunt aliqua ex partitis. Hæc conari debemus, licet causæ sint, in quibus nonnunquam nō possi mus implere præcepta.

Expositio est, cum res, de quibus dicturi sumus, breuiter exponimus, & absolutè.

### Cap. IX. de confirmatione & confutatione.

Tota spes vincendi est in confirmatione & confutatione; nam exordium reddit beneuolum; narratio exponit negotiū; partitio diuidit causam: sed confirmatio continet argumenta, quibus aduersarius superatur. Confutationem verò reprehensionē vocat Cicero in partitionibus. Ad occasionem istam Cicero de inuentione, & Quintilianus omnium argumentationum locos à personis & negotijs sumptos enumerat. Argumentorum locos tractauimus superioribus tracta-

tibus; nunc numero: *Ab Etymologia, à synonymis, à definitione, à descriptione, à toto, & partibus, à causis, effectis, subiectis, adiunctis, accidentibus, oppositis, comparatione, simili, coniungatis, diuisione, auctoritate.* Hæc pro memoriæ adiumento numeravi: at qua forma sint argumenta digerenda, docebit tractatus de argumentationibus.

### Cap. X. de epilogo.

Epilogus, seu peroratio est *Artificiosus terminus orationis.* Hanc orationis partem Fabius distribuit in duas partes, in enumerationem, quæ memoriam iudicis reficit, & in affectuum motionem, quæ commouet voluntatē.

Marcus Tullius, & alij sic diuidunt, vt alia pars epilogi sit enumeratio; indignatio altera; altera conuictio, de affectibus dicet sequens tractatus. De enumeratione illud ne omiseris, vt initium à diuisione sumas, & suo ordine res colles, quæ in confirmatione & confutatione tractata sunt, non artificij significandi, aut ingenij vendendi, aut memoriæ ostendendæ causa: sed vt renouentur dicta, quæ facilius animum commoueant.

Si auditorū animos viderimus commotos, nulla peroratione opus erit: ideo M. Antonius in ea quam habuit contra Cæsaris interfectores oratione apud Dionem, cum auditorum animos omni-



## *Liber primus,*

omnino permōtos vidisset, sine villo epologo orationis filum abruptit.

Si narrationes longiores, aut argumentationes fuliores sint, distingui possunt suis epilogis: at nos de orationis vniuersæ terminō tractamus, in quo hæc obserua.

Primò, benevolentia innouatio valde est utilis, vt Tullius in C. Rabirio, & Archia, & Milone fecit, iisdem fiet capitibus, ac in exordio.

Secundò, enumeratio brevis sit, ne alia videatur oratio: sit varia iuxta figuras, & animi motus, ne satietatem generet: sit grauis sententijs & verbis, ne leuia antea cta videantur.

Tertiò, in peroratione faciendus est per amplificationem motus, seligendo quod magnū, graue, vtile, perniciosum, necessariū, molestum, lætabile, crudele, atrox, iustum, iniustum, impium, & denique quæ ad amplificandum, singulari tractatu conferre docebimus.

Quartò, nemo nisi summis ingenij viribus ad mouendas lachrymas aggredi audeat, nam vultus, vox, facies, excitati rei plerumque sunt ludibrio, si non permouent. Quare diligenter æstimet

vires suas actor, & materia; nihil enim res ista habet mediū, sed aut lachrymas meretur, aut risum.

Quintò, actionis genus cōtētiō sum sit, & feruens, vt nō obscure internū dicentis indicet motum.

Sextò, in fine morum & personarum descriptio per Ethopœiam proponenda: eos quos defendimus iustos, integros, religiosos, timidos, patientes iniuriarū ostendemus à genere exornatiuo: eos, quos criminamur, vituperabimus.

Septimò, aduerte non solam indignationem, & misericordiam in peroratione moueri, sed etiam alij omnes affectus interdum per mouendi sunt, quos ideo transfero in sequentem tractatū. Octauò, non semper commouendi affectus incitati, nisi quando prudentia Oratoris, & causæ ratio videatur exigere.

Nonò, genus dicendi lacertosum sit, & varium, non tamen fufum: vbi opus est indignatione, debet esse penè poeticum.

Decimò, conemur illum orationis terminum, qui acutā sententiam, quasi stimulum, in animis defixam relinquat, quod pro Deiotaro & Ligario, & Cornelio Balbo fecit accuratè

Tullius.

## TRACTA-



40

# TRACTATUS

## SEXTVS DE HVMANIS

### AFFECTIBVS, ET EORVM

### MOTV.

#### *De humanis affectibus in communi.*

**A**ffectus ex Aristot. 2. Rhetoric. 11. dicuntur, quibus nos immutari, non eodem modo de ijsdem rebus indicamus: aliter enim indicat qui odit, aliter qui amat. Hæc ad communem vulgi sensum dicta ab Aristotele, subtili definiendi methodo prætermissa. Illud ex Philosophia addes, affectum perturbationem habere coniunctam cum aliqua corporis transmutatione, & nocumento, si propriè affectus vocandus sit: tum præterea magis esse in ea animi parte, qua appetimus, quàm in ea qua cognoscimus, vt experientia & philosophia docuerunt. Efficitur autem appetitus omnis, vel à bono, vel à malo præsentì, vel futuro, facili, aut difficili: & quidem vel propensione, vel prosecutione, vel adeptione.

Ex his affectus numero vnde cum consurgunt: sex in appetitucupiente: quinque in irascente. Circa bonum sine difficultate est a-

mor ex propensione: circa absens, desiderium cum prosecutione: circa præsens, delectatio ex consecutione. Circa malum, tres sunt in eadem facultate affectus contrarij; odium, quod amori opponitur; fuga, quæ desiderio; tristitia, quæ delectationi. In ea parte, qua irascimur circa bonum arduum, illudque possibile, est spes; si impossibile creditur, desperatio nascitur. Circa malum imminens, viresque excedens, est timor: si idem vires non excedat, est audacia: circa malum, quod adiacet est, ira. Omnium verò affectuum hic est ordo, *Amor, odium, desiderium, fuga, spes, desperatio, timor, audacia, ira, gaudium, & tristitia.* Consideret Orator, quid ex his conetur elicere, capitaque scribenda examinet diligenter. Nos præcipuos affectus, & eos, qui vicini sunt, attingemus, intentis in Philosophiam & Theologiam oculis, vnde quæ Oratori sunt accommodata desumemus.

Disa.



## *Liber primus,*

Disimulo testimonia; nihil enim facilius, & infœlicius arbitror, quàm ea corradere, quæ ad doctrinam nihil, ad obscuritatem plurimum conducunt.

*Cap. I. de humanarum actionum causis. & quid in singulis affectibus considerandum sit.*

**A**B his rebus, ex quibus hominum operationes perficiuntur, & in quas referuntur, laudem & vituperationem desumunt Oratores.

Aristoteles hunc in modum locos distribuit: efficiunt homines, aliquid; vel fortuna, quæ nec definitam causam, nec finem certum habet: vel natura impellente, à qua ea fiunt, quorum causa in ipsis rebus est, & quæ certum ordinem semper, aut frequenter seruant: vel vi æterna adhibita voluntate, & cupiditate repugnante: vel sponte, hoc est, per se ipsos, partim ex appetitu rationis compote, ad quem ratio, & consuetudo referuntur: partim ex appetitu rationis experte, cum per iram & cupiditatem operantur: vel consuetudine, cum alias res fieri consuevit: vel ratione, cum bona complectimur, mala depellimus: vel ira, cum ultionis, & punctionis causa facimus: vel cupiditate, qua rebus asperis depulsis, minus asperarum tenemus electionem.

Alij sic diuidunt causas, ut pri-

ma sit natura: secunda necessitas: tertia, fortuna: quarta, casus: quinta, scientia: sexta, voluntas: septima, spes: octaua, potentia: nona, ratio: decima, quæ his sunt contraria.

In argumento à causa, ratione, seu ratiocinatione adhuc latent plura. Hæc nihil aliud est, quàm considerata aliquid faciendi, aut non faciendi excogitata ratio, quæ sumitur ex his, quibus permouentur homines, ut faciant, maxime commodo & utilitate capti, vel decepti. Illud præcipuum est ad inquirendum, cui bono fuerit. Huc referuntur, primò, boni adeptio: secundò, eiusdem conseruatio: tertio, accretio: quarto, mali vitatio: quinto, diminutio.

Si quis velit conijcere, an aliquid factum fuerit, videat primò, an adsuerit voluntas: deinde potestas: tertio, cupiditas: quarto, utilitas: quinto, si res sua natura factu facilis: sexto, si fieri consuevit: septimò, si facienda erat: octauò, si factum est, quod minus fieri poterat, & quod naturæ, vel temporis ordine posterius: nonò, si nullum adfuit impedimentum.

Qui conijcit, an aliquid sit futurum, ijsdem vtatur propositionibus: nam id futurum esse, verisimile est, quod in nostra potestate situm est, etsi voluerimus, efficietur. Secundò, quod iubet ratio. Tertio, quod fundet cupiditas.

Quar-



## Tractatus sextus.

41

Quartò, si facultas adest. Quintò, si res faciendæ opera datur, aut paulò post, vt fiat decretum est. Sexto, si iam facta sunt, quæ ordine naturæ præcedere solent. Septimò, si iam sint comparata media, quibus finem faciliè adipiscamur. Hæc in singulis affectibus cõsideranda sunt, quæ etiã ad cõiecturalẽ statũ videntur pertinere.

*Cap. II. Qua via, amor, odium, & desiderium excutuntur.*

**E**st amor *Affectio*, seu complacẽtia quædam eius qui appetit in re tanquam bonam, & sibi conuenientẽ, cognitam. Amor duplex est, alter quo in rem amatam sumus affecti, vt ei bene velimus, & eam sua causa amemus, qui amor amicitia nominatur: alter quo ita in re quampiam afficimur, vt ideò eã amemus, quia est nobis utilis, qui amor est mercenarius. Excitabitur primò amor, si bonum amplificetur per honestũ, vtile, & iucundum ex tractatu 3. persona laudanda est ex 2. tractatu.

Secundò, si similitudo proponatur, per quam res vna est homini cõsentanea, & ingenio ipsius simillima.

Tertiò, videndum est in quos amor cõferatur, scilicet in eos qui nos, vel nostros beneficijs affecerũt, aut afficient, aut iuuant alios; aut iuuabunt: in homines æquos qui suo labore viuunt, temperantes, virtute conspicuos: in eos, qui in communi vita sunt iucundi, fa-

ciles, nõ pugnaces, nõ mordaces, non horribiles: in homines elegantes, mundos facie, & vestibus: in eos quos nobis amicos fieri volumus, quos æmulos, & imitatores habere cupimus: in partes, ijsdem studijs deditos, earundem rerum cupiditate affectos, in eos quos veremur, & apud quos in honore esse volumus: in eos qui aliquo pacto studiose se gerunt: in eos, qui amicos absentes vni. è amant: in eos qui nihil fingunt, in eos, qui se apertè demonstrant.

Quartò, ij feruntur in amorem, qui de alienis bonis aliorũ causa lætantur, aut de malis tristantur: ij quibus simul eadẽ bona & mala videtur, cum eadem opinione: ij qui eosdem habent amicos, & inimicos: ij, qui eadem sibi, & amico volunt.

Quintò, conciliatur amicitia beneficijs, & commodis vtrò & oculto delatis.

Sextò, quã bonus, pulcher, beneficus sit qui amatur, declarandũ est ex genere exornatiuo, vnde plura succurrẽt, quibus in amorẽ, vel inimicos ipsos concitemus, vt bonitas, pulchritudo, beneficentia, &c.

Per eadẽ excitatur capita ex cõtrario odiũ. Illud solũ aduertẽdũ, puta inter odiũ, & irã, quæ duæ affectiones malũ inimico cupiũt, hæc assignari discrimina, vt odiũ est in vniuersos; ita ira in singulos. Ira excitatur in eis, quæ ad nos referũtur: odium vero in ijs, quæ

F

ad



## *Liber primus,*

ad nos nihil pertinent. Ira tempore sanatur, non sic odium: ira dolorem inurere cupit; odium damnum importare exoptat, non curans, an sentiat nec ne; ira ægritudinem adiunctam habet, quæ odium vacat; qui enim odio flagrat, non mareat. Excitandi odiû fundamenta sint, violatus honor, minutæ opes, inuidus alterius animus, ac maleuolus, &c.

Desiderium eliciunt quæcunque alliciunt ad amandum. Quare boni præstantia, genus, magnitudo, perpetuitas, locus, societas bonorum exprimantur. Rei cõcupitæ dignitas & felicitas, amplifictur ex tractatu primo, secundo, & tertio, ubi omnia excitandi desiderij iecimus fundamenta. Bonum lauda ex tractatu secundo, illud idem suade ex tractatu tertio, & nihil omnino prætermittes, quod conducat ad excitandû desiderium.

### *Cap. III. De voluptate, & dolore.*

**V**oluptas siue delectatio, est motus quidam animi, & affectus tota simul, & sensibilibiter in naturam proficiscens; vel quidam motus animi sub sensum cadens, ad recreandam explendamq; naturam, excitabitur.

Primò, si operatio naturæ consentanea proponatur.

Secundò, si rerum nouitas; bonorum cumulus, lata societas promittantur.

Tertiò, si spes, & memoria, per quam aliquid nobis gloriosum fiat præsens.

Quartò, si admirabile quidpiam.

Quintò, declaretur voluptatis effectus, qui simul sint causæ nouæ voluptatis, quales sunt dilatio animi, sitim ac desiderium sui procreare, operationem perficere: est enim voluptas veluti quædam operationum esca.

Sextò, quod vi non sit, oblectat, ut iniuria, lusus, quies, & animi relaxatio: contra verò contentio, sedulitas, & labor, molestiam generant.

Septimò, quæcunque victoria in contentionibus, ludo, & artibus proponatur, voluptatem dabit.

Octauò, etiam delectat bona existimatio, & honore affici, maximè à notis, & prudentibus hominibus.

Nonò, quicquid ad sciendi incrementum attinet. Hæc promittantur, vel tanquam eorum quæ audiunt, propria declarentur.

Decimò videndum est in voluptate, an brevis sit, an comites habeat fastidium, & poenitentiam, an iacturam maioris boni, an improuisa pericula, an succedentes poenas, & supplicia, &c.

Dolor seu tristitia, est animi perperisio nata ex præsentia rei cognitæ, ut malæ, vel ut ait Cicero 4. Tusculan. *Opinio recens præsentis mali, in quo de mitti, contrahi; animo, rectum esse videatur.* Dolor in eo à tristitia differt, quòd hæc de interiori sensu, ille verò de vtroque dicitur.

Pri-



## *Tractatus sextus.*

42

Primò, excitabitur hic motus ex boni decessione, & mali accessione.

Secundò, cupiditas tardata, vel impedita est causa doloris, declaratur id contigisse.

Tertiò, præsentia maioris potestatis, cui resisti non possit, tristitiam causat.

Quartò dolor animum colligit, & mentem euagari non sinit, animum aggravat, & constringit, operationes impedit, si nulla est spes repellendi contrarij.

Quintò remedia tristitiæ sunt, delectatio, flectus, gemitus, amicorum commiseratio, veritatis contemplatio, conscientia testimonium, somnus, in quibus nullum futurum solatium ostendatur.

### *Cap. IIII. De invidia.*

**I**nvidia est æritudo quadam ex rebus alterius secundis nata, quod bona ad eos deferantur, qui pares aut similes sunt, non ob aliam causam, nisi quod invidus nolle eos illis bonis frui.

Primò, invident, qui habent pares genere, cognatione, laude, ætate, fortunis, &c. Proponatur ut æquales, vel superiores, quo invidia crescat.

Secundò, dicatur parum abesse, quin omnibus rebus abundet.

Tertiò, ostendendum, quàm eximius honos habeatur ijs, quibus invidetur.

Quartò, parui, & angusti animi

cunctas res magnas putant, quas cum in alijs videant, anguntur. Quare hæc ingenia cōsideranda, ut etiam exigua proponantur.

Quintò invident illis, qui propinqui ætate, gloria, loco, tempore, & alijs, cum quibus de honore contendunt.

Sextò, ijs invident, qui citò, nullo negotio, paruo pretio quippiã adepti, quod nos obtinere non potuerimus, aut non sine magno sumptu.

Septimò, ijs qui consecuti quæ nobis conveniebant, vel à nobis possessa fuere.

Octavò, ijs quibus aliquid prosperè egisse nobis dedecori est, ut sunt vicini, & pares.

Nonò, invidia filia sunt odiū, susurratio, detrectatio, exultatio in aduersis, & afflictio in prosperis, & per eadē capita excrescit, dū hæc adesse dicimus, vel abesse.

Decimò, qui superbiam urget, invidiam excitat, ipsius enim filia est. Hæc sunt promptuaria Aristotelis, & S. Thomæ: unde vel urgebis, vel lenies invidiam.

### *Cap. V. De mansuetudine.*

**M**ansuetudo, & clemētia est Moderatio concitati animi, atque sedatio iræ. Primò ergo omnia, quæ in ira sunt, abesse debent, ita ut nec alios, nec eorum propria dispiciamus: si quid verò contrā faciendum, id inuitos facere ostendimus summissè, placidè, &

F 2

absq;



## *Liber primus,*

absq; ludibrio, contemptu, & contumelia.

Secundò, si errasse fateamur cum dolore, tunc ira cessat; est enim dolor, quem capimus ex ijs quæ egimus, velut pœna. Ideò ex candescere desistimus in fatentes seruos; negare enim impudentia est.

Tertiò, si summissos, & humiles se præbeant homines ijs, qui irati.

Quartò, si tales erga se ipsos fuisse declarentur, quales erga iratos.

Quintò, si maiora contulerint beneficia, quàm iniurias; & contumelia non soleant alios afficere, præsertim bonos.

Sextò, si ex ira, vel ex ignorantia, non ex contemptu fecisse liqueat.

Septimò, si non contradicant iratis, sed lenes in eos, humiles, metuentesq; appareant.

Octauò, si iratis incutiatur timor eorū, quibus irascuntur: non enim contingit irasci simul, & timere.

Nonò, si tempus misceatur irato, hoc enim mitigat, præsertim si quis non compareat, donec iratus in alium suam effuderit iram.

Decimò, si maiora incōmoda passi, qui deliquerunt, quàm irati eos affecissent, quasi enim supplicium sumpsisse arbitrantur.

Vndecimò, si nullū futurum esse sensum in his, de quibus vindicta sumitur, declaretur.

Duodecimò, commēdabit māsuetudinem, vt pacis nutricem, & iucundissimam humanæ vitæ sociam, &c. Quæ Philosophi, poetæ, Patres, & Scripturæ velut communes locos subministrant, est denique laudanda ex tractatu secundo mansuetudo.

### *Cap. VI. De ira.*

**E**st ira *Appetitus cum agnitione eius rei gerenda, quæ speciem habeat ultionis.* Tullius Stoicorum definitionem sic expressit, *ira est libido puniendi eos, qui laesisse videntur iniuria.* Sicut verò quæ speciem habent iniuriæ, etsi non sunt, nos commouent, ita adumbrata ultio nos explet.

Excitatur ira primò, si proponatur quis parui ducens nos, nostra, aut nostrum quempiam.

Secundò, proponatur ultio, cuius spes voluptatem irato affert, omnemq; iram comitatur.

Tertiò, proponantur species, quibus aliquos dignoscitur parui ducere aliū, vt cōtēptio, ludibriū, contumelia. Cōtēptio est, qua aliquis, vel aliquid parui fit. Ludibrium est voluptas eius, qui nullum suum commodum consecutus, studet aduersari alteri. Contumelia est dolorem inurere in his rebus, in quibus dedecus gignitur illi, qui contumeliam perpetitur, vt qui contumelias imponit, voluptatem capiat.

Quartò, considerentur personæ, cum quibus agimus ex antea



## Tractatus sextus.

43

acta vitā, & illarum prauè facta per consueta capita laudationis, an quis impediat, vel cōtrā agat, vel non adiuuet: an denique sum mē concupiscat, cū tardatur ab inimico; vel in his rebus parum sit fœlix. Hæc si proponantur, facile quis irascitur.

Quintō, consideretur, an is, a quo læditur, seu impediatur, opē & auxilium conferre teneretur: nam repentina magis commouent, sicut oblectant multū quæ præter expectationem.

Sextō videndum, an contemnantur quæ quis habet in pretio, vt Philosophia, si Philosophus; pulchritudo, si mulier.

Septimō, fiat cōparatio personæ contēnentis, & contēptæ in amicitia, gradu, dignitate; an lætetur nostris infortunijs, vel securus sit, vel sua nihil interesse putet, si dolorem inusserit.

Octauō, videatur apud quos fuerit homo in despectu, si apud illos, cum quibus de honore contendit; si apud eos, quos admiratur; si apud quos vult se admirationi esse; si apud quos verecundatur ipse; si apud eos, qui ipsum verecundantur.

Nonō, an despiciatur in ijs, quibus turpe sit auxilium negare, qualia sunt parentes, liberi, serui.

Decimō, consideretur, ex quibus componatur ira, audacia, tristitia, spes, desiderium, clamor, ex candescencia, detractio.

Vndecimō, signa iræ, & affectus, cordis palpitatio, tremor corporis, inflāmatio faciei, exasperatio oculorum, & clamor irrationalis perpendantur.

Duodecimō, causæ iræ sunt obliuio, exultatio in aduersis, denūtiatio tristitum, lusus, risus, festū, prosperitas, &c.

### Cap. VII. de timore.

**M**etus, & reformidatio appellari consuevit à Tullio timor, quē in 4. Tusculan. sic definiuit: *Est opinio impendentis malī, quod intolerabile esse videatur.* Ac Aristoteles 2. Rhetoricor. sic definiuit: *Metus est ægritudo quædam, vel perturbatio ē phantasia malī, quod adueniet, quod malum vim habeat, seu interimendi, seu dolorem inurendi.* Nec verō cuncta mala metuuntur, vt iniustitia, & ingenij tarditas, quæ tamen omnium grauissima; sed quæ magis nos dolores inurant, seu interitum minentur.

Lege Aristotelē lib. 3. de moribus ad Nicomachū. Capita, quibus timor extorquetur, sunt.

Primō, proponantur mala, nō longinqua, sed propē visa, & amplificentur per descriptionem.

Secundō, probetur res huiusmodi horribiles, ac metum incutientes, vim habere magnam ad importanda detrimenta.

Tertiō, declarentur signa rerum, quas timemus, & quas iam

F 3

appro:



*liber primus,*

appropinquare denūtiēt, vt sunt nauigantibus signa procellarum.

Quartò, ostendemus personā, quam timemus, ipsius potētiam, iram, iniurias, vt nos ad illam habuerimus; vel ad ipsius amicos, & cognatos; vt illi ad nos & nostros familiares.

Quintò, statuentur adiuncta vtilitatis, quæ ex nostra calamitate depromet, vel honoris, vel ipsius seueritas, seu iniustitia.

Sextò, describantur inimici nostri, & æmuli qui in eodem studio, pro eodem pugnant dignitatis gradu.

Septimò, excitanda spes ad periculi euasione per consultationem mediolorum: nam quæ extra spem, non timorem, sed tristitiam ingerunt.

Octauò, simul cum spe aliqua inducetur desperatio nonnulla vincendi, aut consequendi, nam ex desperatione timor nascitur.

Nonò, considerabitur causa timoris, vel causæ, non efficientes solum, sed earum fines.

Decimò, etiam materia, & obiectum, quod multis amplificationibus exaggerentur.

Vndecimò, effectus qui ex timore consequuntur, vel in corpore ad interiora contracto calore, impedita operatione membrorum, silentio, siti, pallore, & similibus; seu in animo, veluti sunt sollicitudo, perturbatio, & alia.

Duodecimò, post effectus timo

ris, declarentur effectus, quæ timeatur, si euenerit.

Decimotertio, considerentur partes timoris, quas Theologi numerant, quæ sunt segnitie, erubescencia, verecundia, admiratio, stupor, & agonia.

Decimoquartò, declarentur in solita esse, & repentina quæ timeatur, subitoq; futurum malum.

*Cap. VIII. De confidentia, & spe.*

**C**um contrariam timori naturam habeat confidentia, timore cognito, confidentia cognoscitur. Est autem spes cum huiusmodi quadam cogitatione, quod res, quæ saluti nobis esse possunt, propè iam ad sint: contra verò quæ perterrere debēt, aut nulla inueniantur, aut admodum remota sunt.

Primò, excitatur confidentia, si periculorum pleni, atrocesq; casus longè considerentur: quæ verò animos addunt, propè credantur.

Secundò, si incommoda quæ timeri possent, resarci, restituiq; possint; postquā euenerint, minus perturbāt. Perpēdenda erit Medicina, auxilia, siue multa, siue magna, siue vtraq;.

Tertiò, si non fuerint qui iniuriam à nobis acceperint, nec intulerint, nec æmuli, aut aduersarij nostri, vel nostrorū, vel vires illis desint nocendi, aut opes, aut amici, non est cur timeamus.

Quartò, si ad graues casus quis peruenit, ex eisq; euaserit, vel



vel nulla omnino incommoda expetitus sit, erit confidens, ut qui vel plures maris tempestates expetitus est, vel omnino nullas.

Quintò, si similia paribus, vel in firmioribus metū nō incusserūt.

Sextò, si iniuria quis affecerit, vel neminem, aut paucos homines, non ita timet.

Septimò, si ea quæ erga Deum bene se habuerint, ut enim ait Aristoteles 2. Rhetoric. firma opinio est in peioribus hominum diuinam naturam ferre auxiliū his, qui iniuriam accipiunt.

Deniq; quæcunque ad spem concitandam, & timorem comprimendum sunt idonea, eadem audaciam gignunt.

Quæ confidentiā generant, ea de etiā spē causant; sicut ea quæ timorē, desperationē influūt. Primò, excitabitur spes alicuius ardui boni, si possibile declaretur. Secundò, si facile. Tertiò, si proponamus facultates, causas, adiumenta sperantis. Quartò, si tēpus, locus, & adiumenta idonea declarantur. Quintò, si alij proponantur qui sperarint, & consecuti fuerint minoribus auxilijs, diuitijs, adminiculis. Sextò, si amoueātur à consideratione pericula, vel minuantur.

*Cap. IX. De verecundia.*

**E**st verecundia, *Aegritudo quædam, & conturbatio circa illa mala, quæ videntur inferri ad existimationem, dignitatēq; violandā, siue ea, iā sint, siue iā fuerint, siue futura sunt.*

Ad excitandum istum motū.

Primò, describentur ea facta, quæ à vitio proficiscuntur, ut à timideitate, iniustitia, libidine, auaritia, ingratitude; adulatione, iactantia.

Secundò, ea bona quæ desunt, solētque inueniri in ijs, qui eiusdē sunt generis, ciuitatis, ætatis, familiaritatis.

Tertiò, dicatur de mala existimatione, quam sapientes cordati, & virtute præditi viri conceperunt.

Quartò, sermo sit de his, quibus cum de honore contēdit, quibus etiam admirationi esse cupiebat.

Quintò, describantur animorū motus eorum, qui cum ipsis in eisdem locis mansuri sunt; & illorum qui non sunt propensi ad ignoscendum, & eorum qui proclives sunt ad narrandum quæ nouerint multis, ut qui iniuriam acceperint, & maledici; & qui tempestenter in perscrutandis aliorum peccatis.

Sextò, si qua verecundiæ affinitas explicabuntur.

Septimò, verba turpia & indigna, quæ dicta fuerint.

Octauò, numerentur homines, qui dedecus aperire possint illis, qui in dignitate sunt; nam verecū datur nemo eos, quorum valde contemnit opinionem.

Nonò, fiat comparatio antiquæ existimationis cū noua turpi, ut Cicero pro Muræna. *Atqui ergo miser: quos ad Orientis ne partes, in quibus annos multos legatus*

*E. Cui.*



## *Liber primus,*

*fuit, & exercitus duxit? &c.*

*Cap. X. de conquestione & misericordia, ex Tullio & Arist.*

**A** Nimum auditoris mitem, & misericordem efficere oportet locis communibus, per quos fortunæ vis in omnes, & hominū infirmitas ostenditur.

Primus locus misericordiæ, per quem quibus fuerint in bonis, & nunc quibus in malis sint ij, quos defendimus, ostendatur.

Secūdus, quibus in malis sint, fuerint, & futuri sint, declaretur.

Tertius, vnumquodq; deploratur incommodum ex delectatione, amore, spe, solatio, & similibus ablati.

Quartus, res turpes, & humiles, & illiberales proferantur indignæ ætate, fortuna, genere, prius honore, beneficijs, quas passus est, & est perperurus.

Quintus, per demonstrationē describantur incommoda, ut quis videre videatur.

Sextus, præter spem in misericordijs esse, & cum summa expectaret.

Septimus, similem casum ad eos, qui audiunt, conuertemus, & petemus, ut de suis liberis, & amicis, cum nos videant, recordentur.

Octauus, dicatur factum, quod non oportuit; aut quod oportuit, non factum, per narrationem.

Nonus, oratio ad mutas res

& expertes animi referatur.

Decimus, inopia, infirmitas, solitudo demonstratur.

Vndecimus, fiat commendatio liberorum, parentum, corporis, &c.

Duodecimus, deploretur separatio & disunctio.

Decimustertius, fiat conquestio cum indignatione, quasi tractetur malè, à quibus minimè conuenit, propinquis, amicis, quos adiutores fore credebatur, & à quibus indignum est seruis, libertis, supplicibus.

Decimusquartus, humili & supplici voce auditores oremus.

Decimusquintus, quàm animū nostrum misericordem in alios ostendimus, & tamen amplum, & excelsum, & patientem incommodorum demonstrabimus. Nūc Aristotelem audiamus, ex quo pleraque ex his, quæ referemus, desumpsimus.

Misericordia, ut idem docuit Aristoteles, est dolor quidam susceptus ex conspectu alicuius indignè patientis malo, quod interitum, vel dolorem affert, dum is, qui misereatur, se quoque, aut aliquem ex suis perperari posse, quia propinquum videtur, existimat.

Primò proponantur, quæ egritudine, dolore, interitumque afferunt, ut mors, senectus, vexatio, victus inopia.

Secundò, ea, quorum magis fortuna est causa, ut amicorum inopia, solitudo, corporis deformitas:



*Tractatus sextus.*

45

*Cap. XI. De indignatione ex Tullio,  
& Aristotele.*

mitas, imbecillitas, & non votis respondens euentus idq; sæpe.

Tertiò, si post aduersam fortunam non liceat uti bonis, quæ acceperint.

Quartò, si in omni vita bonorum expers fuerit.

Quintò, si cum ijs nobis intercedat usus, quia pares, & similes ætate, moribus, studijs, dignitate, & genere; qua etiam forma existimamus facilius nos hæc mala pati posse.

Sextò, si probi, & sancti sunt ij, qui in miseriam deuenerunt.

Septimò, misericordia ij afficiuntur, qui se aliquid mali facile perpeti posse putant, ut imbecilles, timidi, optimis artibus exculsi, nimium prudentes qui parentes, liberos, & vxores habent, quorum mala, propria arbitrantur; & qui existimant alios bonos, & æquos esse: & qui se, aut ex suis aliquem casum perpeßum fuisse recordatur.

Contra verò non misereantur. Primò, qui vnde quaq; miseri, cum nihil amplius mali perpeti posse putant. Secundò, qui se supra modum fortunatos vident, & secundis rebus fiunt cõtumeliosi. Tertiò, qui nihil mali posse se sustinere existimant. Quartò, qui fortes, irati confidentes. Quintò, qui vehementer pauescunt, de se ipsis solum cogitantes. Sextò, qui nullos bonos, æquosq; arbitrantur.

**I**ndignatio est oratio, per quam conficitur, ut in aliquem odiũ concitemus; atq; ex rebus, quæ personis atq; negotijs attributæ, tractatur indignatio per amplificationem; sed tamen separatim hæc præcipiuntur.

¶ Primus locus ab autoritate, cum commemoramus quantæ curæ res ea fuerit Deo, & diuis. Id fiet ex oraculis, sortibus, vatibus, ostentis, prodigijs, responsis, & similibus, ex maioribus, Regibus, ciuitatibus, gentibus, & hominibus sapientissimis, senatu, populo, legum scriptoribus: nunc autem quanto in contemptu sit.

Secundus locus, ad quos illa res pertineat; an ad omnes, minorem partem, superiores, æquales animo, fortuna, corpore, quod iniquissimum; an ad inferiores, quod superbissimum est.

Tertius, quærat quid sit euentum, si idem cæteri faciant, huic si id concedatur, multos eius audaciæ æmulos fore.

Quartus, plures alacres spectare; quod statuatur, ut quid sibi liceat, intelligant.

Quintus hanc esse rem, quæ semel statuta, nec immutari possit, nec corrigi valeat.

Sextus, consultò, & de industria facto veniam dari non oportere.

Septimus, tetrum, crudele, nefarium,



## *Liber primus,*

nefarium, tyrannicum factum dicatur per vim, diuitias, &c.

Octauus, nec ab audacissimis id factum esse; à feris Barbaris, in manibus bestiis. Hæc erunt quæ in parentes, liberos, coniuges, cõ sanguineos, supplices crudeliter facta; in maiores natu, hospites, amicos, vicinos, eos quibuscum educatus, eruditus; in mortuos, miseros, misericordia dignos, claros, nobiles, misericordia vsos, in pueros, senes, mulieres, quibus nec lædere, nec se tueri cõtingit. Nonus, comparatur peccatum hoc cum alijs, quæ esse constat, & per contentionem atrocius, in dignius ostendatur.

Decimus, quæ in negotio acta, & consecuta cum indignatione, & crimine colligemus per descriptionem.

Vndecimus, ab eo factum, à quo minime oportuerit, & à quo si alius faceret, prohiberi conueniret.

Duodecimus, indignemur, quod nobis id primis acciderit, nec alicui vnquam.

Decimustertius, cum iniuria contumelia iuncta demonstratur, in superbiam, & arrogantiam incitemus.

Decimusquartus, ea quæ acciderunt, petemus ab ijs qui audiunt, vt ad suas res nostras iniurias referant; si ad pueros pertinebit, de liberis; si ad mulieres, de vxoribus; si ad senes, de patribus cogitent.

Decimus quintus, vel inimicis hæc apparent indignissima. Hæc Tullius præcipit; nunc quid indignatio sit, & vnde ortum habeat, docebit Aristoteles.

Indignatio, iuxta Aristotelem, misericordiam aduersatur, & ex eo oritur, quod indignos videat secundis rebus potiri, non quod inde veniat aliquid nocimenti, esset enim tunc metus.

Primo, excitatur non ex bonis, quæ à natura tribuuntur, sed ex his, quæ ex diuitijs, opibus, & potentia continentur, cum hæc indigni possident.

Secundo, magis indignamur ijs, qui nuper habuerunt, quam ijs qui olim ista obtinuerunt: illi enim in alienam rem irrupisse videntur.

Tertio, cum boni bonum aliquod sibi non conueniens adepti sunt, quia excellentius meritis.

Quarto, cum ijs, qui cum superioribus conuersantur in ea re, qua sunt indigni, sunt dispares.

Quinto, indignatur magis illæ personæ quæ magnis bonis sunt dignæ, illaq; consecutæ sunt. Illi insuper qui probi, ac virtute præditi, qui honorum cupidi, vt in illis enitescat virtus. Quo fit, vt mancipia, & abiecti homines, honorumq; contemptores succensere non soleant.

### *Cap. XII. De consolatione.*

**C**Aput istud, pro dolore mitigando deseruiet, cuius inuentionem



ius expriscis, & nouis dicendi magistris.

Primò, ita accedemus ad consolandum, vt nostrum dolorem ostendere magis, quàm alienum mitigare velimus, negabimurq; illi opus esse nostra consolatione, pro sui animi fortitudine; nos etiam ipsos parum ad consolandū idoneos, cum non minus vagamur, quàm is ipse, quem conhrmare audemus.

Secundò, nostri doloris causam exaggerabimus, non à re ipsa; sed ab eius, qui patitur, indignitate; at non sine laude eius iniuriam bonis viris dolere.

Tertiò, omnia, quæ dolorem lenire possunt, colligemus.

Quartò, malum, in quod incidit, extenuabimus, alleuantes bonū, vnde excidit, vel quia non diuturnum; vel si diuturnum, aliquid cōmodi se ostendet, atq; illam calamitatem gradū facere ad maximos honores; summa enim felicitas, ab acerbis iniurijs proficiscitur. Leuet igitur dolorem humanæ conditionis recordatio.

Quintò, illustriū virorū exēpla, qui in eosdem, vel similes luctus inciderunt, accumulabimus.

Sextò, ad exhortationem veniemus, ad pristinam tolerantiam, magnitudinem, sapientiam vocabimus.

Septimò, omnem operam, studium, diligentiam ipsi ac necessarijs deferemus, nihilq; de aliorum felicitate dicendum.

Octauò à genere deliberatio argumenta petentur, cum consolatio nihil aliud quàm doloris cōtineat dissuasionem. Primò ab honesto, etenim res aduersas æquo animo sustinere honesti viri atq; constantis est. Secundò ab vtili & inutili, cum lamentationes & lachrymæ, sine cōmodis, imò summo cum detrimento coniunctæ sint; tolerantia verò summis utilitatibus adiuncta exerceatur. Tertiò, à laudabili, & glorioso, quòd ob oculos proponat tolerantia. Quartò à facili, cum facilius sit solatij leuamen, quàm renouatio doloris. Quintò à necessario, vna enim relinquatur via, vt ex mali necessitate virtus exoriat.

Christianus orator firmiora multò præsidia habet, vnde sua deducat argumenta. Primò, à diuino auxilio. Secundò, à Dei iustitia, & nostris meritis. Tertiò, ab illius promissione erga debiles & mærore perculsos. Quartò, à gloria Dei, quæ ex patientia oritur, tolerantia. Quintò, ab exemplo, quod alijs præbeatur ex diuturna & constanti perpersione. Sextò, à futuræ gloriæ, ex præmij magnitudine, &c.

*Cap. XIII. Admonitiones ad recte permouendos affectus.*

**Q**uid & quotuplex sit affectus diximus supra, vbi plura quæ Tullius, & Quintilianus, circ-



## *Liber primus,*

circa difficultatem ac necessitatē commouendorum affectuum definitionibus, diuisionibus, & exemplis illustrarunt, quia non omnino necessaria essent, prætermisimus. Nunc antequam finia, admonēdus videris amice lector. Primum, ne ab hoc munere abstineas, quòd nimis credas esse difficile, nam quos mulierum vox sine vlla subiecta sentētia affectus commouet, cur numerosa oratio grauibz ornata sentētijs permouere non valeat?

Secundò, multum conferet ad affectus commotionem, si eam adhibeas curam, vt quæ dicturus es, non intelligas solum, & memoria contineas, sed etiam tota mentis cogitatione in ea intres, & internis oculis quasi præsentia perlustres.

Tertiò, Accedat quædam feruens, & viua pronuntiatio, incensa, & lacertosa, quæ rebus quasi vitam tribuat.

Quartò, ille ad permouendos

alios erit aptissimus, qui prius se ipsum permouerit sententijs, vultu, voce, collachrymatione. Tullius plangore, & lamentatione replebat forum, quem non tam ingenij quàm magna animi vis inflammabat. Huius copiosam probationem habet secundus liber de oratore.

Quintò, eum locum, eamvè causam, quam sibi proposuit orator defendendam, vel euertendam, vt rem suam sibi maxime chara, & necessariam tractet: quoniam quæ nostra interesse putamus, copiosius ardentiusque curamus.

Sextò, non in omnibus rebus maiores perturbationes excitandæ sunt, sed in grauioribus, & maioris momenti causis. Neque vniuersè loquendo, in omni orationis parte, sed in exordio, confirmatione, & peroratione; in exordio remissius, in confirmatione vehementius, in peroratione ardentius, dicendum est.

# TRACTATUS SEPTIMVS, DE AMPLIFICATIONE ORATORIA.

**Q**Voniam orator ad imperi-  
ram multitudinem dicit, quã  
delectatione allicere, viribus ora-  
tionis commouere, ac trahere de-

bet: propterea eius orationem  
speciosam, locupletem, exaggerata,  
lacertosam, atq; robustam esse  
neccesse est. Feratur, inquit Fabius,



bis de hoc orationis genere loquens, non semitis, sed campis; nō vti fontes angustis fistulis colliguntur, sed vtilatissimi amnes, totis vallibus fluat, & sibi viam, si quando nō accepit faciat: & quoniam id sola amplificatione fit, ideo loca amplificationum attinamus.

Cap. I. In quo est Sy'ua locorum ad amplificandum.

**Q**Uæ conditiones seruandæ sint ad amplificandum, docet Cypriani tabula; quos ille amplificandi modos omittit, completemur.

Prima amplificandæ, & dilatandæ sententiæ ratio est, si quod generatim dici poterat, id latius explicetur, atq; in partes deducatur.

Intelligitur res exemplo, si de homine dixeris, *Omnem imbibisse scientiam*, sine amplificatione dicis; numeras singulas scientias Rhetorum, & Theologorum, cum Mathematicis, & multò erit explicatior, & clarior propositio.

Secunda dilatandi ratio est, quod non contenti semel exitum rei proponere, ex quo antecedentia intelligantur, singulatim commemoramus ea, per quæ ad rei finem deuētum est. *Ut urbem cepit, ita ampliatur. Copias vndiq; comparat, machinas comportat, admonet alimonia, hostes resistunt, tandem hic vrbis potitur.*

Tertia dilatandi ratio, cum non

rem nudam exponimus, sed causas repetimus, atq; initia vnde profecta, veluti exortum bellum inter Turcas, & Persas, dilatabitur, numeratis bellorum causis, & initijs.

Quarta, dilatandi ratio est, cum non simpliciter negotium proponitur, sed adiuncta dicimus, & comitantia, vel consequentia, veluti cum dicimus Babylonis ruinam tibi acceptam, referemus. Dilatabitur ex fracta iuuentute, exhausto ærario, abiectis gregibus, incensis villis, orphanis, liberis, viduis, matronis, &c.

Quinta locupletandi forma est per descriptionem, quæ rem coloribus expressam, velut in tabula spectandam proponit, numerata tota rei natura, & circumstantijs. Personæ descriptio ex genere exornatio desumitur, adiunctis proprietatibus officiorum, amantis, luxuriosi, auari, voracis, temulenti; gloriosi, ostentatoris, inuidi. Præterea nationem, formam, cultum, vocem, linguam, gestum, incessum, ritus, ingenium ac mores exprime. Ad hæc singularum ciuitatum notas, ætatis studia, ac differentias, sexum, fortunam, hæc quoq; in fictis personis contingunt. Descriptio rei, loci, temporis huc attinent.

Sexta dilatandi, seu ampliandi ratio, per egressionem, seu digressionem contingit, cum extra ordinem ad vtilitatem causæ excurret tractatio.

Sum-



## *Liber primus,*

Sumuntur loci ad egressionem, vel ex genere exornatio, vel ex deliberatio, & iudiciali; ab expositione rerum gestarum, locorum, regionum, personarum; à tractatione fabularum, apologorum. Præterea à locis communibus, quoties amplificandæ rei gratia in luxuriam, libidinem, auaritiam, torpem amorem, & cætera vitia dicimus. His excursibus, ita tamē, ut rem attingāt, vtilicebit in initio; & fine orationis, præsertim quando leuandi erunt fessi auditores; tū etiā cum subtilis, & inamœna res præcesserit.

Septima ratio ab epithetis desumitur. Epitheta desumuntur ex genere exornatio, iā ex animo, ut sapientissimus, iā ex corpore, ut fortissimus, deformissimus; tū à bonis externis fortunæ, à genere, ab opibus, à forma à vitiis, à patria, ab eventu, siue hæc subtiliatiua, siue adiectiua sint.

Octaua locupletandi ratio à circumstantiis desumitur; vel rerum, ut locus, causa, occasio, instrumentum, tempus, modus, atque id genus alię vel personarum, ventio, patria, sexus, ætas, educatio, disciplina, habitus corporis, fortuna, conditio, animi natura, studium, antecæta commotio, consilium, non ē que omnia ad amplificandum, extenuandum, describendum, probandumque deferuntur.

Nona dilatandi ratio consistat in crenæto, quoties gradibus aliquot peruenitur ad summum, & interim,

quodammodo supra summum, s. in Verrē *Facinus est vincere cinem Romanum, scelus verberare, parricidium necare, quid dicam in crucem tollere? verbo satis digno tam nefariares appellari potest nullo modo.*

Decima dilatandi ratio est, numerando affectus, vel absentiam affectuum, qui in re ipsa elucet, dum fit enumeratis distincte proprietatibus.

Insuper affectus eorum qui ad sunt, vel absunt; & qui esse, vel non esse deberent.

Vndecima dilationis forma, cum aliud crescit, aliud augetur. Hoc modo Tullius exaggerat nonnulla crimina, adiecit postea, *Leuia sunt hæc*, ut maioribus criminibus iaciat fundamenta, sic in Verrem, *Leuia sunt hæc in hoc reo, metum virgarum N. auarchus nobilissima ciuitatis pectus redemit: humanum est: atrocissimum quidem spectetur, necesse est, cum hæc, quæ sunt atrociora comparata, humana atque iustata videntur.*

Duodecima ratio est per congeriem verborum ac sententiarum idē significantium quæ ratio finitima est aliquibus dictis, & dictis. Vtimur verò in hac tãquam acervo, ut Tullius pro Ligario: *Quid tuus ille Tubio similes in acie Pharsalica gladius egelavit? tuus ille mucro peribat? qui sensus erat armorum tuorum? quæ tua mens, oculi, manus, ardor animi? &c.*

Decima tertia ratio sumitur ex accumulatione copiosa probatio nū & argumentorum. Vnde verò ista

figu-



## Tractatus septimus.

48

argumenta sumantur, tractatus de inuentione, & exornatione, & deliberatione docebunt, & quæ sint argumenta artificiosa, quæ etiam artis expertia.

Decima quarta ratio, qua crescit amplificatio, & numerus propositionum, est à fictione, quemadmodum pro Milone, *Fingite à Milone occisum Clodium*; Deinde adseruium accedit, *sed non occidit*.

Decima quinta ratio est ab exemplis. Horum vim quàm maximam, maximeq; variam cõparare, & in prõptu habere cõueniet.

Sunt verò ante facta, & ante dicta, & publicæ gentium consuetudines, & sumuntur à discriminibus autorum. puta Historicis, Poetis, Comicis, Tragicis; à diuersitate nationum; à temporis varietate, cum alia prisca, alia recentia; à qualitate rerum, nam quædam militaria, ciuilia alia; à cõditione personarum, ut principium, iudicium, diuitum, pauperum, mulierum. Hæc exemplum augetur, & crescunt tractatione. Primò, per cõmendationem vel rei, vel autoris, vel gētis. Secundo, si addantur exaggerationes, & amplificationes. Tertiò si exemplum fabulosa in medium proponantur, ita tamē, ut nō sine causa ficta esse cõfingas: deinde explica Historiam, & allegoriam. Quartò dilatantur exemplum per parabolam, seu collationem, comparando exemplum cum re de qua disceptatur; siue cõparatio fiet à contrario, siue à simili.

Decima sexta ratio est, à defini-

tione, seu descriptione rei, cum varijs eius attributionibus cõglobatis explicatur. De descriptione verò suo loco tractatum est.

Decima septima locupletandi ratio est ab oppositorum cõflictione, quorum alia aduersa; alia priuatiua; alia relata, ut in Catil. *Hoc verò quis ferre possit, inertes homines fortissimis insidiari, stultissimos prudentissimis, ebriosos sobrios, dormientes vigilantibus?* Et in oratione pro Roscio. *Qua in re mihi ridiculus est visus, & inconstans, qui eundem & laudares, & laudares, & virum optimum, & improbum esse diceret.*

Decima octaua, à similibus frequentatione, ut eleganter sapiens impiorum miseriam amplificat, cum sub illorum persona ait, *transierunt illa omnia tanquam umbra, & tanquam nuntius, & tanquam nauis, &c. c. 5.*

Decima nona, à dissimilibus rerum coniunctione. Philipp. 2. *O lecta ipsa misera, quàm dispari domino, quanquam quomodo iste dominus; sed tamen quàm à dispari tenebantur. Studiorum enim suorum Marcus Varron voluit esse illud, non libidinum diuersorium, &c. Quæ in illa villa arte dicebantur, &c.*

Vigesima, à frequentatione locorum, de quibus in tractatu de inuentione dictum est, ut contingit in frequentatione, seu cõglobatione definitionum. Secundò partium. Tertiò exemplorum. Quartò causarum. Quinto effectorum. Sextò contrariorum. Septimò antecedentium. Octauò,

con.



## *Liber primus,*

consequentium. Nonò, repugnàtium. Decimò, specierum. Et sic in alijs locis tam quæstionis simplicis, quàm comparata.

Vigesima prima, à sermocinatione, cum alicui personæ congruentem sermonem tribuimus. Hac fictione sæpe vsus Tullies, in ea præsertim oratione, quæ pro Milone est, & in ea quæ contra Pisonem, Vigesima secunda ratio amplificandi, à figuris desumitur, vt à repetitione, complexione, Prosopopeia, Apostrophe, subiectione, & reliquis, quas in promptu habere conueniet, quò facilius sit aditus ad amplificationem. Lege nostrum tractatum de figuris.

Vigesima tertia ratio est à Tropis, vt ab Hyperbole, Metaphora, Allegoria, Ironia, Antonomasia, Synecdoche, Metonymia, Periphrasi, cuius generis tot sunt exempla, & tam obuia apud autores, vt recensere opus non sit.

Vigesima quarta ratio desumitur ab asseueratione firma, quæ iam verbis, iam aduerbijs contingit; vel ab opposito, vt à timida affirmatione, quæ eisdem ferme modis euenire potest.

Vigesima quinta amplificandi ratio à nomine exoritur, quoties vel corrigitur, vel explicatur, vel dilatatur cum respectu ad rem, de qua tractatur.

Vigesima sexta amplificandi via est, si quod prius per affirmationem diximus; deinde per negationem repetamus.

Vigesima septima, si de eadem re primum ad vniuersos; postea ad vnum, vel alterum; deinde ad præcipuum conuertatur; & tandem ad eos, vnde cepit, reuertatur oratio, maxima erit amplificationis seges.

Vigesima octaua, si ex eo quod est cõclusum, aliquid deducatur, crescet suis numeris oratio.

Vigesima nona ratio est, quæ ab Antimacho poeta mutuata est Aristoteles, mirum, & facilem in modum ad amplificandum dilatandumque rem, quatumuis exiguam, valet, quod multis vitijs malisve careat, quæ in alijs rebus inueniuntur, quæ sunt penè infinita.

Trigesima amplificandi via est, cum quæ vna periodo coniunctim sunt proposita, postea sectione, & diuisione separantur, ita vt singula, singulis periodis, seorsim explicentur; præsertim verbis commutatis, ita vt in vna dicamus paupertatem; in alia inopiã, in alia egestatem, &c.

### *Cap. II. De amplificatione ex fine.*

**I**N fine, quæ causarum omniũ prima, & nobilissima est, hæc sunt amplificandi consulenda principia. Primò, videndum, an sit ex vno fine proposito ineunda laus, aut deliberatio. Secundò, an ex multiplici fine: vt si nunc res eas causas, quibus Christus Dominus dispensauit redemptionem nostram, & in singulis immo-  
ris



ris. Tertiò formam, & dignitatem finis amplifica. Quartò finis cum efficiente causa comparetur. Quintò cum effectis, & utilitatum enumeratione, eadem fiat comparatio. Sextò quæ similia, vel dissimilia exempla euenerint, quibusque instrumentis contigerint, dum alij ad finem similem, vel dissimilem aspirarent. Septimò repugnantia cum fine dignoscantur, & ex illis depromuntur argumenta, ut quis fini vicinus, vel alienus sit, comparetur.

Octauò iuxta capita tractatus primi ex comparatione finis, multa fiet amplificatio. Nonò pleraque ex fine officia petenda sunt: laus, vituperatio, suasio, dissuasio, coniectura, gaudium, odium, spes, obtestationes, exaggerationes, & cætera. Hinc illustrantur narrationes, confirmationes, epilogi: augentur figurarum ornamenta. Nihil denique est, quod non ex fine ad argumentandum, redarguendum, laudandum, atque suadendum summum accipiat vigorem, & leporem.

*Cap. III De amplificatione ex causa efficienti, & effectis.*

**N**Ota est triplex illa distributio causa: in absolutam, & adiuuantem: in procreantem, & conseruantem: in agentem sua sponte, & consilio, vel sine consi-

lio, & necessitate. Fusio rem partitionem habet tractatus primus. Amplificatio petenda est primo ex collatione efficientis cum materia huius considerata nobilitate, resistentia, dignitate, & cætera. Secundò efficiens comparetur cum effectis, & eorum numero. Tertiò cum similibus, vel superioribus causis efficientibus. Quartò cum aliorum formis erit latior comparatio, si efficientis natura fusius declaretur. Quintò argumenta sumentur cum exemplis, ab efficiente minori, vel maiori. Sextò effecta conglobentur, vel præteritione, vel vehementi interrogatione, repetitione, adiunctione, & cætera. Septimò effecta cum efficiente, & fine conferantur. Octauò effecta ipsa inter se, & cum causis comparatione certent. Nonò effecta cum dissimilibus proponantur, accersito figurarum incremento. Denique nullum est Rhetoris officium laudandi, suadendi, & accusandi, quod non ab efficiente sumat in tractatione incrementum.

*Cap. IIII. De amplificatione à partium distributione.*

**P**Rimò genus in suas formas distribuetur, quot illæ sint, tractabitur, & quem dignitatis ordinem seruent inter se se. Secundò totum, aut integrum in suas partes distributum estendemus. Tertiò

G

tiò



## *Liber primus,*

vid vocem totius, & singularum partium, in suas significationes partemur. Quartò dabunt amplificandi materiam fortuita distributiones, cum subiectum in accidentia, aut accidens in subiecta, aut accidens in accidentia distribuitur.

Quintò temporum, & locorū distributio observanda: ut quolibet pars temporis & loci propria suppeditet argumenta.

Sextò in enumeratione causarum, partes cuiusque causae notentur, & examinentur. Septimò conducet, non parum, si hæ distributiones similibus, & exemplis, & descriptionibus illustrentur. Octavò iuvat ad amplificandum, si antecedentia & consequentia ad partium distributionem insinuemus. Nonò illustrandæ sunt enumerationes, seu partium distributiones, figurarum ornamentis; interdum sient cum repetitione in singulis periodis, interdum per præteritionem, cum repetitione; traductione, interrogatione, subiectione, frequentius utemur, quo & claritatem, & voluptatem conciliemus.

Decimò exercenda partium distributio, cum enumeratione coniuncta in narratione, confirmatione, epologo, & exordio ad quamlibet orationis materiam. Denique omnes illi affectus, quos tractatus sextus docuit, mirum est quantum enumeratione excitentur.

### *Cap. V. De amplificatione ex adiunctis, & consequentibus.*

**Q**uid adiuncta sint, & quæ, habet tractatus primus, nunc pro amplificatione hæc observa. Primò coniunges adiuncta rei, quam tractas, cum adiunctis efficientium. Secundò conglobabis causas efficientes, & adiuncta. Tertiò nectes adiuncta, cum fine, forma, & materia. Quartò cum effectis. Quintò cum antecedentibus, consequentibus, similibus, & dissimilibus.

Sextò adiuncta personæ loci & temporis considerabis.

Septimò adiuncta cum exemplis, & comparatione tractabis. Octavò descriptione adiunctorum uteris. Easdem vias ad amplificationem desument argumenta ex consequentibus, & ea fere omnia quæ ex Rhetorum locis depromuntur. Huc spectant commorationes, & expositiones, quæ ex solis fere adiunctis incrementum habent.

Quid expolitio sit, doceo tractatu 8. cap. 5.

### *C. VI. De amplificatione ad affectus.*

**P**rimò fiat amplificatio ex sermonibus multorum, & iniusta nomini macula, vel acquisita gloria. Secundò ex ocluso, vel aperto ad honores aditu. Tertiò affines eidem culpæ, quam infamiam subierint, declarabimus.

Quartò per partium distributionem.



tionem, & adiuncta affectus causa exaggerentur. Denique ex tractatu sexto harum commotionum legenda sunt semina, & ex his quæ nuper de amplificatione, & suo loco de figuris dicuntur. Tandem accedent tria illa Rhetoricæ præsidia: postulatio quæ simpliciter poscit, postulatione quæ humiliter ac demisse supplicat, obtestatio quæ flagrantem, & ardentem omnino vim testandi habet.

Horum capita plura dedit tractatus tertius de genere deliberativo; & quartus de iudiciali. In obtestationibus, repetitionibus frequenter utendum est: ut. Te ipsam testor terra te testor mare, testor quoque iudices, & cæt.

*Cap. VII. De amplificatione similium & dissimilium.*

**P**rimò tractatur simile per solam similitudinis propositionem. Secundò similiū propositione, & assumptione. Tertiò adhiberi posset similitudo ad probandum in nulla ahibita assumptione, neque cōclusionē. Quarto possunt illustrari similia contentione, siue collatione qua eorū tractatio dilatur, propositis etiā adiunctis, & exemplis. Quintò ex similiū cōglobatione habet oratio incrementū. Sextò cū antithetis, & cōparatione amplificatur similia. Septimò, si cū dissimilibus cōponas dissimilia, dabis summū orationi augmentū. Octauò per descriptionē latius

euagatur simile. Nonò obseruare oportet, ut paria paribus, similia similibus, dissimilia dissimilibus accommodemus. Denique ex historijs præptuaria habebimus, unde & similia crescant & exēpla. Eandē tunc viam pro amplificatione repugnantium, & contrariorum. Alia capita dabit tractatus primus.

*Cap. VIII. De amplificatione testimoniorum, & sententiarum.*

**P**rimum genus amplificandi testimonium erit ex propositione historiarum, aut testimonij, cū exempli breuiore usurpatione. Secundò adhiberi posset testimonium, adiuncta propositione exempli, & assumptione. Tertiò per inductionem, & enumerationem, cum plura testimonia, & exempla conglobantur, augetur auctoritatis pondus.

Quarto comparanda sunt testimonia nostra cum contrarijs, ex capite sexto partis 1. tractatus 4. Quintò prius persona, aut gens, aut natio, aut auctor exempli, & testimonij laudetur: deinde introducatur exemplum, postea accommodetur. Sextò ex antecedentibus, consequentibus, & adiunctis testimonij, & auctoris fumentur incrementa orationis. Septimò ab auctoritate maiorum, & testium capiemus argumenta. Octauò contentiones inducantur inter testimonia, quæ probant,

G 2 & res



*Liber primus,*

& res quibus probandis adiunguntur. Nonò orationis lumina per subiectionem, repetitionem, apostrophen, & alias figuras adijciemus. Denique verborum sonum, breuitatem, grauitatem expendemus: metaphoras, figuras, quibus alijs verbis eadem sententia expendi potuisset: quare non alijs, sed his prolata fuerit, examinabimus.

In sententia, Primò per locum communem declaretur dignitas eius rei, quæ commendatur. Secundò exponatur sententia. Tertiò ratio sententiæ subijciatur. Quartò à contrario sententiæ vituperatio, laudabitur sensus in ea contentus. Quintò à simili al-

terius historiæ, vel sententiæ, dilatur. Sextò ab exemplis, quæ nihil aliud præ se ferant, nisi illius sententiæ obseruantiam. Septimò à testimonijs Doctorum, Poetarum, Historicorum eandem sententiam commendabimus. Octauò damna ex non obseruata sententia numerabimus, iuxta tractatum de genere deliberatiuo. Nonò partes honestatis, ex eodem tractatu mutuabimus, percurrentes singulas virtutes, & virtutum capita. Decimò ea quæ de amplificatione testimoniorum diximus, in sententiarum amplificatione locum habent.  
(.?.)

TRACTATVS  
OCTAVVS DE ARGV-  
MENTATIONIBVS.

**C**VM Argumenti per inuentionem excogitati nulla sit vtilitas, nisi argumentatione tractetur, nobis, qui præter simplicem locorum inuentionem, etiam vsum demonstrare conamur, aliquid etiam de iudicio, hoc est, de ratione, qua inuenta argumenta tractari debeant, differendum fuit. Iudi-

cium in argumenti recta tractatione, at dispositione positum est, qua ratione inuentio in argumenti excogitatione consistit. Est itaque iudicium, argumentorum quæ inuenta sunt, ordine certo tractandorum scientia, quæ doctrinam argumentandi complectitur.

*Cap.*



## Tractatus octauus.

51

### Cap. I. quid argumentatio sit, & de epichere mate, seu ratioci- natione.

**A**Rgumentatio est inuenti  
argumenti tractatio, dilata-  
tio, atque oratio. *Argumentum*  
*est dubia rei fidem faciens oratio:*  
*vel ad rem accommodatus, Ar-*  
*gumentatio est oratio, in qua v-*  
*num ex alio colligitur, vel in qua*  
*argumento explicato, altera pars*  
*proposita questionis concluditur.*  
Tribus contine debet, nimirum  
ea parte ex qua aliquid colligi-  
tur, quæ antecedens vocatur,  
& ea, quæ infertur, quam con-  
sequens, & conclusionem ap-  
pellant, & particula ratiocina-  
tiua, quæ consecutio, & conne-  
xio designatur, vt contingit in  
hac oratione, Est viuens; ergo  
mortale: ex qua, si coniunctio-  
nem remoues, nulla est argu-  
mentatio, cuius tota vis in con-  
secutione, & connexionem sita  
est.

Prima argumentationis spe-  
cies est epichere ma, seu ratioci-  
natio liberio rem argumentor-  
um collectionem includens, &  
syllogismorum. Quæ autem in-  
ter epichere ma & syllogismum  
vicinitas, ostenditur à Quintilia-  
no libro quinto, capite decimo.  
Huius quinque partes, propositio,  
ratio, confirmatio rationis,  
exornatio, & complexio. Propo-  
sitione breuiter ostendimus,  
quid intendamus. Ratione, veri-

tas propositionis, vnò, vel plu-  
ribus ostenditur argumentis. Ra-  
tionis confirmatio, si quid infir-  
mum rationi fuerit, instaurat, &  
roborat. Exornatio per dictio-  
nis ornamenta expatiatur vr-  
gendi contrarij causa. Comple-  
xio argumentationis partes bre-  
uiter colligit. Hæc est argumen-  
tatio plena, quæ vires & ele-  
gantiam habet; vires ab argu-  
mentis, elegantiam ab ornatu.  
Non plena, solum est ad fidem  
accommodata, vt Dialecticorum  
syllogismi. Hæc omnia amplè,  
dilucidè, ac robustè tractat M.  
Tullius i. de inuentione, his fe-  
rè verbis.

Ratiocinatio est oratio ex ip-  
sa re probabili aliquid eliciens,  
ex quo posito, & per se cogni-  
to, sua se vi, & ratione confir-  
met. Hanc quinquepartitam cre-  
dimus esse oportere; nam pri-  
mum conuenit exponere sum-  
mam argumentationis. Secundò  
rationibus varijs, & quàm co-  
piosis verbis approbemus:  
hic nam duæ partes transferunt  
ratiocinationis. Tertiò, cum pro-  
positio sit hoc pacto approba-  
ta, quod ostendere velis ex vi  
propositionis oportet assume-  
re, & huius assumptionis quar-  
to in loco aliam induces appro-  
bationem. Quintò, fiet comple-  
xio, vel enumerans omnia, vel  
id solum inferens, quod conten-  
dit. Est propositio, quam Dia-  
lectici maiorem, assumptio,  
G 3 quam



## *Liber primus,*

quam minorem propositionem appellant. Aliæ ratiocinationes quadripartitæ; tripartitæ aliæ possunt consistere, si vel altera tantum, aut neutra ex propositione, & assumptione indigeat approbatione. Hæc declarat Tull. exemplis, & nos propria adhibebimus in exercitamentis huius primi voluminis, & fusius monstrabuntur in secundo Rhetoricæ nostræ volumine.

### *Cap. II. Quid sit Syllogismus, & de illius materia, forma, figura, modis.*

**S**Yllogismus tribus potissimum partibus conficitur, propositione, assumptione, conclusione. Propositio frequenter versatur in vniuersali. Assumptio in minus vniuersali, quia est ad certitudinem materiæ magis adstricta.

Figurarum tres modi sunt, sine quibus in nullo genere doctrinarum est aliquid legitimum, ut ita nihi in vnaquaque recoligamus, quod non Syllogismi aliquam formam præ se tereat, quod in libris contra Academicos seruauit Augustinus. præsertim lib. 3. cap. 16. contra Pyrronios, qui nihil in rebus certum, sed dubia cuncta consingebant.

Huius argumentationis vires ex Dialectica declarandæ sunt Syllogismus est argumen-

tandi ratio, quæ ex duabus enuntiationibus concessis, tertiam necessario concludit. Eundem in hunc modum Aristoteles definiuit. *Est oratio, in qua quibusdam positis, & concessis, duabus scilicet propositionibus, aliud ab his quæ posita sunt, conclusio videlicet à præmissis diuersa, ex necessitate accedit, hoc est necessario concluditur; eo quod veræ, probabiles, seu apparentes sint duæ illæ propositiones antecedentes.*

Termini, quibus tota Syllogismi complexio constat, sunt tres; ille qui bis ponitur in duplici propositione antecedenti, vocatur medium. Terminus qui in prima propositione vnâ cum medio collocatur, dicitur maior extremum, seu maior extremitas; qui verò in secunda, minus extremum, seu minor extremitas. Declaremus rem exemplo. Omnis consuetudo sancta est virtus; patientia est consuetudo sancta: ergo patientia est virtus.

Illa pars, *consuetudo sancta*, est medius terminus, *virtus*, est maior extremitas, *patientia*, est minor extremitas. Haftenus de materia Syllogismi.

Forma verò, est legitima propositionum dispositio, & terminorum mensura, quæ figuram & modum complectitur, ita ut forma, & figura constet & modo. Figura est medij, vel sub-

ij.



ijciendi vel attribuendi collocatio & ordo; seu extremorum cum medio ad aliquid concludendum apta collocatio, id est, quæ sic illos terminos disponit, vt medium cum maiori extremo in prima propositione, & iterum cum minori extremo in secunda propositione collocetur; & denique maius & minus extremum vniantur inconclusionem. Hæc si absint, non est Syllogismi figura. Modus Syllogismi in eo litus est, quod propositiones vniuersales sint, vel particulares, affirmatiuæ, vel negatiuæ. Quare modorum alij vniuersales sunt, alij particulares, alij affirmatiui, alij negatiui.

Figure Syllogismorum sunt tres. Si medius terminus subiiciatur in prima propositione, hoc est, in primo loco statuatur; & in secunda est attributum, id est, vltimo loco ponatur, oritur prima figura. Exemplum est. *Omnis felix est laudandus: omnis sanctus est felix: ergo omnis sanctus est laudandus.*

Si in prima, & secunda propositione medium est attributum, seu prædicatum, hoc est in fine positum, erit secunda figura, vt *Omnis sanctus est laudandus: nullus auarus est laudandus: ergo nullus auarus est sanctus.*

Si in prima, & secunda propositione medium est subiectum, oritur tertia figura: vt *Omnis religio est laudanda: omnis religio est humi-*

*lis: ergo aliquod humile est laudandū.*

Has tres agnoscimus Syllogismi figuras, in quibus, si conclusio num varietas spectetur, quod alia sit affirmata, alia negata; alia vniuersa, alia singularis; alia directæ, alia indirectæ conclusa, plures habebunt sub se modos.

Sub prima figura primus modus qui directæ cōcludit, est in quo conficitur vniuersalis conclusio affirmatiua. Exemplū sit; *Omnis felicitas est expetenda: omnis vita beata est felicitas: ergo omnis vita beata est expetenda.* Secundus, quo insertur vniuersalis conclusio negatiua; hoc pacto; *Nulla violentia est perpetua: omnis tyrannus est violentia: ergo nulla tyrannus est perpetua.* Tertius infert conclusionem particularem affirmatiuam; vt *Omnis homo est mortalis: aliquod animal est homo: ergo aliquod animal est mortale.* Quartus conficit conclusionem particularem negantem; vt *Nulla virtus est despicienda: sed prudentia est virtus: ergo prudentia non est despicienda.*

Eos modos, qui indirectæ concludunt, & minutiores notas circa secundam, & tertiam figuram Dialecticis relinquimus; hæc pro Rhetoricis sufficient.

Ca. III. De Enthymemate, inductione, & exemplo.

Enthymema, Imperfectus Syllogismus est, in quo desideratur propositio, vel assumptio. Si antecedens,



## *Liber primus,*

cedens & consequens in enthymemate sint eiusdem subiecti; propositio subintelligitur, id est, maior; neque enim in enthymemate apparet medium, nisi signum claudat argumentationem. Si antecedens & consequens sint eiusdem prædicati, minor vel assumptio, quæ signum habet subintelligitur, ut sapientes sunt utiles: ergo Ioannes est utilis, hic subintelligitur Ioannes est sapiens, & accommodandum est alteri propositioni vniuersale signum.

Inductio, teste Quintiliano, est à rebus non dubijs ad id, quod dubium est, liquida collectio. Exempla dialectica pulueraria, satis sunt obuia; sic ergo collige, Si natus gubernator non sorte, sed arte eligitur: Si aurigam non fors, sed artis commendatio profert, relinquatur nil inusitatum quodam administrari posse, quod non ex deliberatione eligeretur. Si inductio fiat interrogatione, maiorem habet epithesim. Sed hanc argumentandi formam sic magis declaro ex Tullio.

Inductio est oratio, quæ rebus non dubijs captat assensionem, ut dubia quædam res, propter similitudinem earum, quibus assensio fit, probetur, ut in exemplo Xenophontis de uxore Alpasia, cuius Tullius 1. de inuentione meminit. Hoc in genere præcipiendum videtur. Primum, ut similitudines tales proponamus, quas necesse sit concedi; nam illud esse

dubium non debet, unde alteri fidem facere volumus.

Secundò, illud, quod confirmamus, ei rei, quam proposuimus, simile esse debet, ne nihil egerit propositio, si illud dissimile est, cuius causa posuimus.

Tertiò, id agere debemus, ut nemo intelligat quod spectet similitudinis propositio: si enim respondens ignorat, quò tendat similitudinis propositio, securus confitetur. Postea debemus responsionem contendentis attendere; vnum autem de tribus faciat necesse est; nam aut tacebit, aut confitebitur, aut negabit. Si negabitur, aut ostendenda est similitudo earum rerum, quæ antea concessæ sunt, aut alia vtendum inductione: si concedit, concludenda argumentatio est: si tacebit, vel elicienda est responsio, aut quoniam taciturnitas imitatur confessionem pro eo; at si concessum sit, argumentationem concludemus.

Exempli genus more dialectico tractat Arist. sed more Rhetorico Quintilianus lib. 6. cap. 11. Cicerò de inuentione lib. 1. cum tractat locum à comparabili, tres species collocat, imaginem, collationem, & exemplum. Imago demonstratur corporum & raturarum similitudo: collatio, rerum conformatio: exemplo, authoritas, aut casus hominis, ut negotium firmet, vel infirmet.

Cap.



Cap. IIII. de nonnullis argumentationibus ad voluptatem & varietatem.

**D**icæ quatuor argumentandi formæ capite præcedenti sunt, ad quas omnes argumentationes referuntur. At Oratores cū nolint similitudine satiata rem parere, sed variè dicendo, delectatione afficere, multò aliter has argumentationes tractant, ac proinde quasdam formas, non natura, sed qualitate differentes adhibere solent. Sunt autem istæ, quas percurrere explico.

Prima, complexio, in qua verum è duobus concesseris, reprehendetur. Græci dilemma vocant, quòd summptionem habeat duarum propositionum, quarum quævis urgeat aduersarium. Quam ob causam D. Hieronymus syllogismum cornutum appellauit, ea fortassè de causa, quod apud Cicer. 2. de diuin. cornua argumentationis legerit. Si neutra propositio infirmari potest, validum est argumentum.

Secunda, est enumeratio, in qua pluribus rebus expositis, & cæteris infirmatis, vna reliqua necessariò confirmatur. Quæ argumentandi forma, si omnes prosequatur partes, easq; corroboret, reprehendi non potest. Exemplum sunt nonnulla in Tullio pro Roscio Comædo.

Tertia est subiectio. cum nos interrogamus frequen- tius, & nos

ipsi respondemus. Cum itaque quærimus, quid pro aduersario aut contra nos dici possit, & statim subiicimus rationem, qua id quod dictum est, non ita esse ostendimus. Exemplum habes in Tullio Parad. 4. & in orat. pro P. Quinctio.

Quarta, est submissio, in qua à nobis ipsis rationem interrogantes poscimus, ac respondemus, cur quidquam dicamus. Cicero pro P. Quinctio, *Non fuit causa, cur postulares? qui hoc fieri potest? &c.*

Quinta oppositio est argumentatio, in qua ex opposito propositionis ad ipsam reuertimur propositionem; vt *quando dies est, oportet operari; nam si nox esset, quiescere oporteret: nunc autem cum dies sit, operari necesse erit.*

Sexta, violentum, seu violatio est argumentationis modus, quo ex aduersariorum ratione, non quod pro se conficere conabantur, sed quod à nobis est, confici contendimus: & ita contortum telum in aduersarium retorquemus. Hoc argumento in confutatione plerumque vtitur.

Septima, sorites est argumentatio, qua gradibus quibusdam ad conclusionem peruenitur, quæ ex propositionibus necessariò sequentibus ita construitur, vt prædicatum primæ fiat subiectum alterius, & sic deinceps, vt tandem prædicatum postremæ attribuitur subiecto propositionis primæ.



## Liber primus,

ma. Cicero in Parad. Cuius mores laudantur, eius vita laudanda est, & cuius vita laudatur, ea fugienda non est: quæ fugienda non est, ea non est misera: ergo cuius mores laudantur, is miser non est. Hoc argumentum Stoicis familiare, ut solvatur, re- texendum est, cum pronuntiata non ex necessitate sequi ostendi mus, vel effectus ex causis remo- tis, & improprie collectos decla- ramus.

Similis argumentandi forma est climax, gradatio, & ascensus: & in eo differt à sorte, quod hæc in complexione non repetit prin- cipium, & magis ornat, quàm pro- bet, v. g. ut ex innumeris homini- bus pauci Senatores, ita ex Senatori- bus pauci nobiles genere: & ex his Consularibus, pauci boni, & ex his bonis, pauci docti. Dialectici hanc argumentationem vocant de pri- mo ad ultimum, & Tullius libr. de diuinatione syllogismum acer- ualem. Hoc argumentum effi- cax est, si partes sint connexæ, vel effectus ex causis proximis colligantur.

Cap. V. de inuentione confirmationū,  
& expolitionum.

**O**Mnis confirmatio profluit ab exemplo, maiori, mino- ri, æquali, & contrario, quibus præcedit propositio. Succedet postea expolitio, quæ ex ratio- ne, confirmationeq; conflatur per illas circumstantias, quas nu-

merauimus tract. i. Est autem ex- politio, quoties eodem in loco diutius immoramur, & eandem sententiam alijs atq; alijs modis variamus, & locupletamus.

Copiosissima expolitio septē constat partibus, propositione, ratione, duplici sententia, cui ra- tio etiam gemina subiungetur, contrario, simili, exemplo, con- clusione, v. g. *Christianus nullam pro virtute vitabit periculum; ideo quod sæpe fit, ut cum pro virtute pa- ci noluerit, necessario sine virtute pereat; & quoniam sunt omnia com- moda à virtute, nullum pro ea in cō- modum graue ducendum est.* Hæc est prima pars rationibus confir- mata, cui subdetur duplex sentē- tia, totidem aucta rationibus, vel pluribus: Ergo qui fugiunt eum do- lorem, qui pro virtute subeundus est, stultè faciunt. Hæc est sententia, cui subnectitur ratio: Nam neque effugere possunt, & ingrati in Deum reperiuntur. Deinde additur alte- ra sententiæ pars: *At qui in virtu- tem incumbunt, omni posthabito detri- mento, ipsi sapientes putandi sunt: mox adijciuntur rationes: deinde ad- iungitur contrarium: Etenim ini- quam est sæpe vitium cum dolore completi; virtutem, quæ decus est, non completi.* Deinde adhibetur simile; itaque ut contemnendus quæ in navigando nauim, quàm se manule incolumens; ita vituperandus qui vir- tuti, quæ ut lembo ad cælum defer- tur, non prius consulit: naue effracta multi incolumes su. rūt, ex naufragio virtutis



virtutis nemo saluus esse potest. Sub  
hæc exemplum annectitur, quod  
mibi videtur Laurentius, & alij  
Martyres intellexisse, &c. Demum  
apponitur conclusio, vt epilo-  
gus, ad breuē summam. redactis,  
quæ fusiùs dicebantur. Locuple-  
tari potest expolitio, si congeras  
plures rationes, sententias, simi-  
lia, exempla.

Profluit etiam expolitio à  
tempore, à causa, à re, à persona,  
à ficta narratione, à similibus enu-  
meratione, ab incisione totius in  
pauciora, ab incisione in plura,  
ab incisione in minora, à genere,  
specie, differentia, proprio, defi-  
nitione, toto, partibus, causis, ef-  
fectis, vsibus, adiunctis, iudicato,  
simili, maiori, minori, pari, pro-  
portione, oppositis, transumptio-  
ne, casu, coniugatis, diuisione.

Sed declàremus ex his, quæ ob-  
scuriora videbuntur nonnullis,  
cætera superioribus tractatibus  
declaraui. Est incisio totius in  
pauciora in hunc modum: *Pater  
tres simul inter fecit filios, si duos in-  
terfecisset, si vnum, non erat ferendū,  
&c.* Incisio in plura sic fit. *Non si  
mille dedisset, non si decem millia, si  
ciuitates, gentes, &c.* Incisio in mi-

nora ita fit: *Non Crasum, non Ale-  
xandrum, sed ne infimum hominem  
vincet.* Proprium est, quod soli  
speciei accidit. Ab vsibus: *Equita-  
re oportet, ergo & equi habendi.*

A generatione: *Malum est ex-  
tinguere Rempublicam: ergo est bo-  
na Respublica.* Ab adiunctis, vt  
*Dialecticus; ergo contentiosus.* A  
iudicatis, id est, autoritate gra-  
uissimorum hominum. A maio-  
ri: *Patrem non audit; ergo nec alic-  
num.* A minori: *Furem cadere li-  
cet; ergo latronem.* A pari: *Lex  
paricidam damnat; ergo matricidā.*  
Ostenditur verò simile par, aut  
maius à genere, natura, vi, mag-  
nitudine, multitudine, tempore,  
loco, causa, persona, opinione,  
modo.

Locus à proportionem est, cū  
inter similitudines ipsas fit col-  
latio. Locus ab oppositis quin-  
que partibus diuiditur, à priua-  
tis, negatiuis, relatiuis, contrarijs,  
disparatis. Locus à transumptio-  
ne est, cū à verbo notiori  
minus notum infertur, vt

*Philosophus non inuidet:*

*ergo nec sa-  
piens.*

(?)

TRACTA-



*Liber primus,*

# TRACTATUS NONVS DE ELOCV- TIONE.

**C**VM varia sint genera loquen-  
di, varia nobis præcepta, sed  
breui summa præscribentur. Vnũ  
genus est loquendi sua sponte fu-  
tum, quotidiano sermoni conue-  
niens. Aliud versum, atque muta-  
tum contentionibus, & grauiori-  
bus sermonibus aptissimũ. Exẽ-  
plum prioris sit, *Virtus potest om-  
nia*. Sed posterius, versum, muta-  
tum, varium, & multiplex est, vt  
si eandem sententiam ita per in-  
terrogationem commutemus:  
*Quid est quod virtus efficere non pos-  
sit?* Vel 2. per circuitionem, vt

*nihil tam altè positum à natura,  
quo virtutis amor eniti non valeat.*  
Vel 3. & sublimius per cogno-  
minationem amplificetur, *Quid  
est in omni rerum natura, atque in  
vniuerso cœli ambitu tam arduum,  
tam difficile, tam abditum, quod nõ  
facile virtus amplecti, superare, atq;  
in lucem edere possit?* Vel 4 per epi-  
phonema, seu acclamationem, vt  
*tanta est vis, ac potestas in viriute  
festa, vt quæ plerique nullo modo  
fieri posse existimant, ea sine  
vl a penè difficultate  
perficiat.*

## PARS PRIMA DE elocutione in genere.

**H**ermogenes in hac parte, ac  
curatissimus benedicendi  
magister, plures inuenit dicen-  
di formas, quas ideas nomina-  
uit: legat illas, & obseruet attẽ-  
tè, qui eloquentiæ desiderat in-  
crementa, nobis monuisse suffi-  
ciat, quo alia necessaria magis  
pertractemus.

*Cap. I. de verbis simplicibus &  
reperis.*

**E**X verbis alia simplicia sunt,  
alia coniuncta. Oportet autẽ  
quæ simplicia sunt, excogitare, &  
inuenire: quæ sunt coniuncta, ap-  
tè collocare. Sed in verbis sim-  
plicibus intuemur, quæ sint La-  
tina, an perspicua, an ornata,  
quibus



quibus ex altera parte totidem vitia respondent, ut si barbara sint verba, si obscura, si sordida, denique si insolita. Post verborum inuentionem, superest ut ea artificiosè coniungamus, ita ut recta structura seruetur. Primò, ne solècismi foeditas inquinet: deinde ne sit hiulca, atque aspera compositio. Tertiò, sint figurae plures, velut lumina. Concursum plurium vocalium, nimis hiantem orationem facit: concursus vero consonantium, nimis asperum.

Ex verbis simplicibus partim sunt nativa; partim reperta. Nativa sunt, quae non ab alijs verbis deducta, sed primò imposita ad rem significandam: at reperta à natiuis deducta sunt, & quasi deriuata. In natiuis præcipuè spectanda proprietas, quae his modis intelligitur iuxta Quintilianum. Primò, ratio ipsa significandi est sua cuique; appellatio, ut cum hominem vocamus hominem, quae proprietas in obscuris vitanda est.

Secundò, cum verbum unam habens significationem cum similitudine ad alias transfertur, ut vertex, qui propriè est contorta in se aqua, flexum capillorum in summa parte capitis significat, & montium eminentiam.

Tertiò, cum res communis pluribus, in uno habet nomen eximium, ut rithmum, & metrum habentia, carmina dicuntur; sed carmen funebre, proprio nomine nenia dicitur.

Quartò, cum nomen commune multis, propter excellentiam uni tribuitur, ut Orator pro Tullio.

Quintò, ex adiectis nominibus proprium dicitur, ut dulce mulsum.

Sextò, quod bene translatum est, proprium esse dicitur, ut *ira ardere*.

Septimò, quod in aliquo præcipuum est, ut *diuinus Plato*: hæ proprietates illustrem efficiunt orationem.

Reperta verò nomina quatuor modis potissimum efficiuntur. Primò, similitudine, quae analogia Græco nomine vocatur, ut sicut bonus bonitas facit; ita *beatus beatitas*; sic Cicero *perspicientiam dicit sicut sapientiam*, & *fauorem sicut pauorem*, hanc analogiam nolo esse legem loquendi, sed observationem.

Secundo modo verba reperiuntur imitatione, sic Cicero Græcorum imitatione, libro de fato, moralem philosophiam dixit, & in *Academ. incomprehensibile*, in *Tusculan. plurima*, ut *vitiositas, & mulierositas, patibile, & latabile*, & Sergius Fabius, ut Quintilianus testatur, Græcorum more dixit ens, & essentiam, quo in genere Philosophi recentiores omnia conspurcant.

Tertiò per inflexionem verba reperiuntur, vel ut Grammatici dicunt per deriuationem, ut in comparatiuis, possessiuis; in-

super :



## *Liber primus,*

super in diminutiuis, vt à cor *corculum*; vel à vino *uiuax*, à fido *fiducia*: vel à partium mutatione, vt à membro *membratim*.

Quartò, adiunctione verborū noua reperiuntur, vt *expeſſorare*, apud Ennium, referente L. Crasso, tertio de oratione, & ibidem, *versuiloquas malinas*, & Cicero 5. *Tusculanarum*; *soluaga bestias*. Sunt in hoc genere plura poetica, vt *veluolum mare*, horriſſer *Boreas*; alia oratoria, vt *conſcietatus*, *circumvallatus*.

### *Cap. II. de verborum simplicium consonantia, & grauitate.*

**S**unt aliqua verba natura sua consonantiora; alia minus sonantia: sed qua ratione verba fiūt consonantiora.

Primò, si superlatiua pro absoluto ponantur. Cicero pro lege Manilia: *Quamquam mihi frequens conſpectus veſter multò incundiſſimus*; hic autem locus ad agendum amplisſimus, ad dicendum ornatisſimus est vsus. Poſitiua ſubſtitue, & videbis quantus ſonus, & venuſtas auferatur. Hæc autem consonantiora ſient in plurali, vt pro Cornelio Balbo, *Si ab ampliſſimis viris L. Cornelij cauſa deſenſa eſt, ſi vsus à peritiſſimis, ſi ingenia ab eloquentiſſimis, ſi ſtudia ab amiſſimis*.

Secundò, verbalia pro abſolutis consonantiora ſunt, vt *dominatrix animi cupiditas*, consonantior quàm *domina*, apud Tullium 5.

*Tuſcul. & Virgilius, Reſtatorem Aſia, Luſtores Lanæm*. In hoc multus Tullius, nam quoties datur occaſio, verbalia uſurpat, ſic in proœmio librorum de Oratore philoſophiam ait, *Laudandam artium procreatricem eſſe quandam, teque parentem*.

Tertio, verba composita grandiora habentur. Pro Roſcio Amerino, *Parentum pœnas à conſceteratiſſimis filiis repetunt*. Act. 4. in Verrem; *Timarchidis omnium rerū tranſactor, & adminiſter, ita conſuſſare, pernoscere, excruciare, &c.*

Quartò, quæ plures habent ſyllabas consonantiora ſunt, vt tempeſtas, quàm tempus; immanis, quàm magnus.

Quinto, quæ ſyllabas habent longiores, eſſi pares numero ſint, grandiora videntur, vt *Princeps*, quàm *primus*; *parens*, quàm *pater*, *ciſi*, quàm *licet*.

Nunc de grauitate verborum ſimplicium quatuor regulis dignoſcendum eſt. Primo, ea ſunt grauiora, quæ maiorem vim bonitatis oſtendunt, vt *charitas* & *pietas*, grauius quid eſt, quàm *amor* & *benevolentia*; *clementia* grauius quid eſt, quàm *lenitas*, *magnificentia*, quàm *liberalitas*.

Secundò, quæ maiorem vim vitioſitatis oſtendunt, grauiora ſunt, vt *latro*, *prædo*, *raptor*, ſi cōparenter cum fure: grauius quid eſt *parricida*, quàm *homicida*; & *proſſigatus*, quàm *malus*; & *car-*



& carnifex, quàm sicarius.

Tertiò, quæ magis prodesse videntur, grauiora sunt: vt robur, quâ valetudo; curare, quâ mederi; restituere, quàm reducere.

Quartò, quæ nocendi maiorem vim habent, vt vulnerare, & ferire grauius sunt, quàm percutere; exterminare, quàm eijcere; trucidare, quàm occidere. Sic sibi quisque alias confinget regulas.

De lenitate, & nitore verborum illud obseruetur, ne inquinata sumat Orator, de quo genere rectissimè præcipit 3. de Oratore, L. Crassus. Legatur Quintilianus lib. 8. cap. 3.

*Cap. III. de tractatione verborum simplicium.*

**I**N tractatione verborum vis eloquentiæ maximè perspicitur, iudicio adhibito, quæ cuique loco conueniant. Nam quæ optimæ sunt vocabula, venustatè amittunt, nisi quis opportunè vsus fuerit.

Primus tractandi modus est, cū nomina propria sumuntur, de quibus supradictū. Hæc autè propria nomina interdum circuitione verborum notantur, vt *Troiani belli scriptor*, quod sæpenumero Cicero facit, vt *furiam muliebrum religionum*, Clodium appellat, & *importuni gladiatoris amentiam*, id est, M. Antonij.

Secundus, sunt epitheta, quæ à Grammaticis adiectiua, à Tullio addita ad nomen appellantur,

in quibus est orationis splendor: quo in genere tantopere excellit Tullius, vt existimem eius eloquentiam; idè tam mirabilem esse, quod vbique tam appositè sciat epitheta copulare; imò nulla in Tullio est periodus, quæ non epithetis scateat. Eandem serè vim etiam aduerbia opportunè verbis addita, habere solent, vt si quis ita dicat, *Apollonius Ciceronem Græcè declamantem audiens admiratus est*, non ita augebit orationem, ac si dicat: *Apollonius aptè, distinctè, & ornatè Ciceronem Græcè declamantem diligenter audiens, maiorem in modum admiratus est.*

Noua vocabula non ita frequenter licet vsurparè, nisi quando necessitas cogit, vt Cicero dixit, *Appietatem, entulitatem, sylaturire, syluescere, herbescere*, Hortensius *cernicem* in singulari dixit primus: quod si quid periculosius finxisse videbimur, quibusdam remedijs præmunemus, quasi præcastigantes, *Si licet dicere, perimite sic loqui, &c.* In quo multus Tullius in Academicis, & libr. de natura deorum.

Secundò, prisca, & inusitata adiectiua, si rara maiestatem orationi conciliant. Quintilianus libro 1. capite 6. iubet, ne sint manifesta; nihil enim odiosius affectatione. L. Crassus apud Ciceronem 3. de orat. inusitata hæc, & vetusta poetica esse credit, & aliena ab oratoribus.

Ter-



## *Liber primus,*

Tertiò, est tractatio verborum, & nominum per modificationem, & inflexionem troporum & figurarum, qualia sunt ea, quæ transferuntur. Hic tropus quodam modo naturalis esse videtur, quem metaphoram Græci appellant: verum minutior tractatio troporum est apud tabulam Cypriani, quam post omnes tractatus habes.

Quartò, verba immutantur per hypallagem, seu metonymiam, ac cæteras figuras, præsertim periphrasim.

*Cap. IIII. de verbis adiunctis, numero, qualitatibus.*

**N**Vmeri quidam sunt in coniunctione seruandi, consecutioneq; verborum. Numerum dico concinnitatem quandam in oratione, cum paria paribus, contraria contrarijs respondent. Obseruantur pedes, & in initio, & in fine periodorum: sed finis maiorem diligentiam requirit; initium liberius est. Breuiiores syllabæ in principio, & in fine minus habent grauitatis; ideò tribrachus rarissimè, vel nunquam in principio, aut in fine ponitur, Iambus, pirrichius, choræus, pedes sunt humiles familiari sermoni magis apti. Spondæus, dactylus, anapestus, qui pedes heroici vocantur, & creticus, orationem optimè incipiunt, in exordijs Ciceroni maxime familiares.

Ex pedibus, qui duas habent syllabas, spondæus optimè claudit orationem, nisi dactylus, vel alter spondæus præcedat.

Iambus, & choræus fini venustatem addunt, quoties vltimum spondæum antecedunt.

Trium syllabarum omnes pedes præter tribrachum bene claudunt; sed omnium optimè creticus, deinde bacchius, & palymbacchius.

Quatuor syllabarum pedes in fine frequentissimi, & magnam orationi dignitatem afferunt, sed dispondæi nimis tardi videntur. Dichoræi sunt omnium pulcherrimi; pessimi diiambi; præones laudabiles, & epitriti.

Multi sunt etiam quinque syllabarum pedes, quorum maxime dochimum Cicero probat, qui constat ex palymbacchio & iambo, vt *amicos tenes*.

Communia simplicium, coniunctorumq; sunt hæc quinque. Primò, sit nomen, aut verbum *dilucidum*, quod apertum, clarum, & perspicuum dicitur, & totius orationis est lumen; vna quidem perspicuitas rerum est, etsi verba obscura sint, vt si pro coclea dicas terrigenam, herbigradam. Alia perspicuitas est, in qua verba sunt clara; sed res obscuræ, qualia sunt Aristotelis opera, in quibus, vt ait Cicero, flumen orationis aureum est; sed magna rerum obscuritas.

Fiet dilucida oratio, Primò, si  
verba



verba vſitata fuerint. Secundò, ſi propria.

Breuitas orationis conficitur primò; ſi verbis ſimplicibus utamur, hoc eſt detractis epithetis, qua virtute maximè excelluit Cæſar.

Secundò, ſi ſemel tantū vnāquamq; rem dicamus. Tertiò, ſi res nudas exponamus ſine amplificationibus.

Probabile genus orationis eſt, ſi non nimis comptum atq; expositum; nimius enim ornatus, & eloquentia, non eſt probabilis in iudiciali genere, & deliberatio. Secundò, ſi ſit autoritas, & pondus in verbis. Tertiò, ſi ſententiæ graues, & aptæ opinionibus hominum, & moribus adhibeantur. Itaq; concinnitates verborum, in quibus paria paribus, contraria contrarijs respondent, amputentur; in quibus ſunt iterata, duplicata, ſimiliter cadentia, agnominata; admiſceatur pondus verborum, ut pro A. Cluētio, *Vxor generi, no uerca filij, filia pellex.* Pro Roſcio, *Quid eſt tam commune, quàm ſpiritus uiuis, terra mortuis, mare fluctuantibus, litus ciecitur?* &c.

Illuſtris ſit oratio, primò, ſi verba grauitate delecta ponuntur. Secundò, translata verba plurimum illuſtrant orationem. Tertiò, accedūt verba ſuperlata, quæ per hyperbolen, & ſuperlacionē efferuntur. Quartò, adiuncta per epithetū. Quintò duplicata. Sexto, ſynonyma. Septimò, verba

imitantia actionem, aut rem per descriptionem.

Et quæ dicta ſunt de oratione dilucida, cadunt in illuſtrem; eſt enim plus aliquatō illuſtre, quàm dilucidum: altero ſit, ut intelligamus, altero, ut videre videamur.

Suaue genus dicendi in verbis, tribus potiſſimum rebus comparatur.

Primò, elegantia verborū, quæ iucunda, ſonantia, & lenia ſunt.

Secundò, compositione, ſi verborū concurſus nō ſit aſper: ſunt enim quædā conſonantes, quæ quoties concurrunt, aſperam, & moleſtam faciunt orationem, ut *Sola mihi caſus tales Caſſandra cane bat, & Rex Perſarum Xerxes Pontiū pedibus pertraſiuit.* Præterea ſit iucūda compositio, ſi ſit circumſcripta, non longo an fractu, ſed ad ſpiritum vocis apto, ubi cum claritate ſuauiſ copuletur.

Tertiò, ſit ſuauiſ oratio figuris, & Rhetoricis exornationibus, quarū prima eſt, cū contraria contrarijs referuntur, diciturq; antithetiſis, ſeu contentio. Secunda, cū crebra crebris respondent, congeries, vel frequentia dicta, ut pro Milone, *Eſt enim hæc indices non ſcripta, ſed nata lex, quam non didicimus, accepimus, legimus; verum ex natura ipſa arripimus, hauſimus, expreſſimus.* Tertia, cū paria paribus respondent, ut *Ilii fortuna felicitatem dedit, huic induſtria virtutem comparauit;* dicitur iſocolon, ſeu

H

com-



## Liber primus,

compar. Quarta figura, in qua plura sunt relata ad verbum, ut *Neque enim is es Catilina, ut te, aut pudor unquam à turpitudine, aut metus à periculo, aut ratio à furore renouerit.* Quinta geminatio, aut duplicatio, seu verborum, seu sententiarum, ut *In horum etiam conspectum venire audes proditor patriæ, proditor, inquam, patriæ venire audes in horum conspectum.* Sexta, cum iterata verba ponuntur, & repetitio dicitur, huic complexio iungitur. Septima coniunctionibus copulatur, dicitur polysyntheton. Octaua dissolutionibus relaxatur, polysyntheton dicitur.

Denique fit suavis oratio, cum aliquid adducitur, aut inuisum, aut inauditum, aut nouum, aut promouens animum, aut docens.

### Cap. V. de conuersa oratione, atque mutata.

**P**Lura iam præcepta sunt data simplicibus verbis, nunc de conuersis, ac mutatis dicendum. Ac primò quidem in simplicibus verbis solet vnũ verbum ita variari, ut fiat oratio, interdum in coniunctis ita oratio contrahi, ut ad vnum verbum reducat. Eiusdem enim artificis est orationem ampliare, & contrahere.

Verba siue propria, siue impropria, sic in plures orationes dilatamus, ut per definitionem, vel

per enumerationem, vel per interpretationem, vel per incrementum producamus. Primò, per definitionem, seu descriptionem, ut cum dicere posset Tullius pro Milone; vidimus curiam incendi; tamen illud verbum, *curiam*, definiens, sic dilatauit, *Vidimus templum sanctitatis, amplitudinis, mentis, consiliorum sociorum, portum omnium gentium; sedem ab vniuerso populo Romano concessam, vni ordini inflammari, &c.*

Secundò per enumerationem partium, sic, cum dicere posset, omnes lugent Clodium; tamen ita partibus enumeratis dilatat orationem, *Lugent Senatus, mare, equester ordo, tota ciuitas confecta senio, &c.*

Tertiò per interpretationem ex verbo dilatatur oratio, cum quod semel vno verbo dictum est, alijs verbis eiusdem significationis repetitur, ut 7. in Verr. *Rem publicam radicibus eueristi, ciuitatem funditus delcisti, &c.* Philip. 2. *Tu ingredi in illam domum ausus es, tu illud sanctissimum limen intrare; tu illarum adium dijs penatibus os illud importunissimum ostendere.*

Quartò, per incrementum, ut in Verrem, *Non enim furem, sed raptorem; non adulterum, sed expugnatorem pudicitiae; non sacrilegum, sed hostem sacrorum, religionumque; non ficiarium, sed crudelissimam carnificem ciuium, sociorumque in vestram conspectum adduximus.*

Qua-



Quatuor etiam modis oratio contrahi potest, qui sunt superioribus oppositi. Primò, cum definitionem ad vnum verbū reuocamus. Secūdò, cū assumpta verba remouentur. Tertiò, cū plura verba idem significantia in vnum circuitum diriguntur. Quartò, cum duobus verbis in coniunctione fit vnum, vt cum pro patris interfectore, particidam dicimus.

Coniuncta verba tribus modis vertuntur, ac commutantur. Primò, cū directè aliquid dicitur, vt *Cicero liberavit patriam à coniuratione Catilinae*. Secundò, cum vnum quasi sursum versus, retroque dicitur, *À Catilina coniuratione patriam liberavit Cicero*. Tertiò, cum idem intercise, atque per mixtè profertur, vt *patriam à coniuratione Catilinae Cicero liberavit*.

Cap. VI. De dicendi genere graui.

**F**lt genus dicendi graue, si ornatissima verba, graues sententiae, & earum exornationes inueniantur. Huic figurae graui loquendi dignitatem, asperitatē, vehementiā, splendorem, vigorem, circumductionem tribuimus.

Dignitas aestimatur ornatu sententiarum, cum de rebus diuinis, de naturalibus, de Repub. de bello, de virtute loquimur.

Asperitas in dissolutione sententiarum constat, ne oratio sit cōposita & continuata, sed inter-

uallis directæ, vt in diuisionibus, & exclamationibus fieri solet. Quod enim in humano corpore extrātes humeri, pectus hirsutum, barbatus vultus, horror est, id est, in oratione asperitas addita dignitati, vt sit virilis, ac senatoria.

Vehementia firmam facit grauitatem, ne asperitas sit spinosa: vt enim saxa cursum fluminis non impediunt, sed augent: ita asperitas orationem impedire non debet, sed concitare. Ne verò cursus ille nimium verticosus sit, additur splendor. Vigor orationi tribuit sanguinem iuuenilem: sed circumductio, quæ in longis membris, ac periodis consideratur, hæc omnia digniora facit. Hæc igitur grauitas in verbis, sententijs, & figuris consistit.

Cap. VII. de mediocri dicendi genere.

**I**N mediocri dicendi genere eadem retinenda, ac in graui, sed ita vt non ad infimum demittantur. Quod fiet primò, si materia sit humilior. Secundò, si affectus non sit ex altioribus, sed ex alijs ordinis inferioris, qualis est contemptus aduersarij. Tertiò, si verba nō sint excelsa, sed mediocria. Quartò, si figurae ex inferiori ordine conuocentur, quales sunt interrogationes, occupationes disceptatoriæ. Quintò, si tractatio sit per modum inuestigationis, non per modum commemorationis, & amplificationis.

H 2. Cap.



## *Liber primus,*

### *Cap. VIII. de submisso dicendi genere.*

**P**rimò, sententiæ sint tenues, & perspicuæ, ad docendum accommodatæ quales sunt in comœdijs & colloquijs. Secundò, verba sint humilia, trita, propria, non exquisita, nec rara. Tertiò, ornamenta pauca, tropi rariore, metaphoræ faciles, non longè petita. Quartò, iunctura libera, non tam vaga. Quintò, periodi breuiore, simplices, non circumductæ.

### *Cap. IX. ubi admonitiones & præcepta ad rectè imitandum necessaria.*

**C**um summa sit oratori præclaros quosque imitandi necessitas; de imitatione nonnulla dicenda arbitror.

Primò, ea imitandi forma, quæ omni ex parte scriptori alteri est addita, ut ne vnâ syllabâ audeat ab eo discedere, tanquam inepta, & perniciofa est reiicienda, ut latè Fabius lib. 10. confirmat. Neque tamen idè debet imitatio ab exemplari esse diuersa, ut nullâ cognitionem, nullamque similitudinè habeat; sed temperata sit & liberalis, non seruilis, neque timida: similis, inquam, & dissimilis, ita ut idè fiat, & non idem sit. Adhibenda itaque est occultatio, ut omnis remouetur furti suspicio, & ut non nisi à doctis imitatio deprehendatur. Neque hoc est omnino difficile, cum aliena aliquando illustrari, aliquâ

do dilatari, aliquando constringi, & interdum ad meliorem formam reuocari queant. Mutationis verò modos sic perstringo.

Primus est ordinis commutatio, cum diuersus instituitur ordo ab eo, qui in exemplo ad imitandum proposito deprehenditur, ut si quæ sunt primo loco posita, in medio, aut postremo ponantur.

Secundus dilatatio, cum quæ in exemplo breuiter & concisè sunt tractata, copiosius imitator prosequitur, ea adhibendo, quæ in tractatu de amplificatione diximus.

Tertius superiori contrarius, breuitas, & contractio, cum quæ prolixè ab alijs sunt explicata, in pauca conferuntur.

Quartus, omisio est ablatio eorum, quæ in exemplo sunt posita: neque enim est necesse, ut quæ apud alios inueniuntur, omnia retineantur; sed aliqua ad rem minus accommodata omitti poterunt.

Quintus est appositio eorum, quæ desiderari poterant in argumento, quod nobis sequendū sumimus, quod facile fiet ex doctrina modi sequentis.

Sextus circumstantiarum variatio: mutantur enim res, tempora, loca, personæ, agendi modi, & fines.

Septimus in verbis, figuris, numeris, membris, periodis, & in tota exornatione positus est. Hæc qui tenuerit in similibus dissimilidinè, in dissimilibus similitudinè inueniet, imitationem occultabit, & varietate fastidium detrahet.

Deni-



Denique is erit ad imitandum idoneus, qui magnam verborum supellectilem sibi comparauerit: phrasim, inquam, cultam, & non puerili fucō tinctam: qui M. Tulij, & aliorum libros diu nō atq; contriuerit: qui eorundem virtutes hauserit; artis præcepta percalluerit: denique locos communes verborum, & fontes familiares habuerit.

Cap. X. De imitatione elocutionis per verborum commutationem, ubi observationes nonnullæ al imitationem affectuum.

**E**locutionis imitatio, tum in verbis singulis, tum in coniunctis spectatur: tamen maior in eorum coniunctione cura est ponenda. Licet enim duo verba seorsim sumpta sint Latina; iuncta tamē proprietati aduersantur: quæ admodum duarum herbarum succi ex se boni, coniuncti tamē perniciosi fiunt.

Elocutionis imitatio, quæ totidem verbis nihil immutando fit, mutatio potius, quàm imitatio dicenda est, cuiusmodi sunt proverbia, dicta, definitiones, & siquæ huius generis alia.

Secundò, ea commutandi ratio, quæ totidem verbis conuerso ordine repetitis fit, tanquam puerilis & inanis industria, deuitanda est: at intercisa cōmutandi ratio, quæ fit, cū ambitus inciditur, & oratio percola in aliū ordinem conuertitur, & tota compre-

hensio partibus integris cōmutatis, in alienam quasi formā disponitur, non est omnino reiicienda, sed vt interdum vsurpari potest; ita non est frequentanda.

Tertiò, commutatio, quæ eisdē verbis fit, nulla ordinis, & ornatus ratione habita, vt alia inducatur forma liberior & commodior, crebrius vsurpari potest. Fit autē hæc cōmutatio, vel per casus, numeros, genera, modos, & alia, quæ tradidit Erasimus r. de verborū copia; vel cū alterū alteri verbo substituitur, seu figuratū verbū, seu proprium sit. Mutentur etiam figuræ in alias venustiores, aut infirmiores.

Sententiæ cū imitatione commutari possunt, si dilatentur, aut contrahantur per incrementū, & decrementū, vel transponantur. Bene imitari volenti maxima diligentia in affectibus notandis, & imitandis, ponenda est. Orationi pathetiæ, seu perturbatæ conueniunt verba duplicata, composita, nouata, translata, circumscripta, & peregrina: ijs enim qui cōcitātē loquuntur, aliquid condonatur.

Ornamenta pro motu varietate debent esse varia. Iratis, & indignantibus, & illudentibus ac cōmodatur subsanatio, dissimulatio, vrbana, & hostilis irrisio, apertū conuiuiū, execratio, hyperbole, territatio, interrogatio, reticētia, motū expressio, cōglobatio, emphasis, & harū similes forme.

H 3 Ti-



## *Liber primus,*

Timēti deprecatio, dubitatio, votum, spei abiectio, excogitata excusatio, & huius generis aliarum figurarum.

Confidēti interrogatio, communicatio, confessio, concessio, provocatio, submonitio, & iusiurandum.

In cōmiseratione dolenti, atque conquerenti sermocinatio, votum, compellatio, siue conuersio, imitatio, futurorum denuntiatio, dubitatio, personarum fictio.

Laudatibus personarum fictiones, prateritiones, admirationes, bonarum ominationes, superlationes

Reprehendentibus futurorum denuntiatio, compellatio, prateritio; admiratio, dictorum emendatio, personarumque conformationes.

Refellentibus contradictio, obiectio, declinatio, extenuatio, reiectio, communicatio.

Monentibus adhortatio, precatio, imitatio, reprehensio, & personarum fictio. Hæc & plurarum similis generis in imitandis affectibus obseruabit: orator, indicasse sufficiat quæ diximus ex probatis authoribus.

## PARS SECVNDA DE ELOCUTIONE figurata, in qua nobiliores figuræ definiuntur.

**R**hetoricorum schema est, quod verborum & sententiarum concinnitate supra grammaticum modum exornat orationem. Diuisio schematum subiectis capitibus declaratur.

*Cap. I. de figuris verborum per repetitionem.*

**P**rima figura est repetitio, cum idem verbum in eadem significatione proximè repetitur, quem alij anadiplosin, alij palilogiam vocant; Latini duplicationem, & subiectionem, ut *uiuis, & uiuis*. Omnis autem vocum geminatio vim, vehemētiā, emphasim, & euidētiā tribuit.

Secunda, cum idem verbum, quod erat in fine sententiæ, statim repe-

titur initio alterius, quā alij Epianastrophē, alij reduplicationem dicunt, ut *seruabis munera, munera hostis tui*.

Tertia, cum idem verbum repetitur, sed vno, vel altero interiecto, Græcè, Diacope, Latine sectio nominatur, ut *donum gratitudinis, donum fidele*.

Quarta, cum idem verbum sæpius in principio incisorum repetitur, quā Beda Anaphorā, & Epianaphorā, id est, relationem, & egressionem nominat; alij Epibolem, id est, adiectionem, ut *alij quæstura, alij Consulatus, alij triumphatus diuisi sunt*.

Quinta, cum plura verba in principio repetuntur, quā Cassiodorus epimonē, id est, perseverantiā; alij epiana-



epānalepsin, id est, resumptionē nominant, vt grauis *Catilina Sena-  
tui, grauis Catilina populo.*

Sexta, cū idem verbū, vel plu-  
ra in fine repetuntur, seu cū eo  
dem verbo commata clauduntur;  
hanc alij epistrophē, id est, con-  
uersionem, & reuersionem; alij  
epiphorā vocarunt, vt *casti  
sunt, fugati sunt, etc.*

Septima, cū idem verbum re-  
petitur in initio & fine in eadem  
sententia, quam alij redditionem,  
alij epanalepsin; Cicero condu-  
plicationem vocat, vt *ducite cho-  
reas, ducite, ducite salzantes, duci-  
te.*

Octaua, cū fit repetitio in  
initio & fine, in versis periodis,  
quam Coenotem aliqui, alij con-  
nexum, & complexionem vo-  
cant, exemplum succurrit in ta-  
bula Cypriani Suarez. Omitti-  
mus quæ ille clarè & copiosè do-  
cet in figuris.

Nona, cū ita fit repetitio, vt  
verbum priori loco positum de-  
signet personam: posteriori verò  
loco qualitatem personæ, quam  
alij anastasin vocant, vt si dice-  
res, *Athanasius siluit diu, quasi non  
vellet esse Athanasius*, id est, con-  
stans.

Decima, cū idem verbum repe-  
titur, sed diuersa significatione,  
quæ Latine reciproca motio, seu  
reuerberatio dicitur, vt *accipiunt  
curas, vt viuunt sine curis.*

Vndecima, cū per iocū, vel di-  
cacitatem vox aliquo pacto im-

mutata repetitur, vt *si vis illum  
amare, cura, ne quid sit amari.*

Duodecima, cū idem verbum  
cum quadam distinctione & va-  
rietate non ingrata repetitur, quā  
metabolem & traductionem nomi-  
nant, vt *mors mortis, morti  
mortem, mors morte redemit,* &  
alius, *Mala mali malo mala con-  
tulit omnia mundo.* Huc refer-  
tur casuum variatio, id est, polyp-  
toton.

Decimatertia, cū talis est repe-  
titio, vt quod erat prius, ponatur  
posterius, & e contra, quā cōmu-  
tationē appellant, vt *cibus propter  
vitam est, non vita propter cibum.*

Decimaquarta cū idem ver-  
bum, sententiæve repetitur, vt pro-  
posita perficiatur sententia, nomi-  
natur implicatio, seu retractio;  
seu epanodon, id est, reditus, *Ac-  
cessit cum optimatibus, optimatibus  
Romani populi.*

Decimaquinta, climax, seu gra-  
datio, in qua ita fit repetitio, vt  
plura verba quandam catenam &  
scalam faciant. Huius & succedē-  
tium figurarum exempla dabit  
Cypriani tabula.

Decimasexta, cū fit repetitio  
per frequentationem coniunctio-  
num copulatiuarum, vel disiu-  
ctiuarum, quā polysyntheton, id  
est, variè coniunctum vocant.  
Huic contraria figura est, quæ  
per detractionem coniunctionū  
euenit, & appellari solet asynthe-  
ton, & dialiton, id est, inconiun-  
ctum, dissolutum, articulus.

H 4 Deci.



## *Liber primus,*

Decimoseptimò, adiunctio, in quo unum verbum, sine sui mutatione, pluribus orationibus subseruit, in quo à Zeugmate Grammatico differt.

Decimooctauò, Homæoptoton, cū duo, vel plura commata similicasu uno desinunt.

Decimononò, Homæoreleuton, cū verba similia, vel cola, & commata eodem exitu terminantur.

Vigesimò, Isocolon Latinè cōpar, seu membrum, cū orationis membra ex pari numero syllabarum constant. Harum sex posteriorum figurarum infra dabit exempla noster Cyprianus.

### *Cap. II. de figuris, quæ interrogationis vim habent.*

**S**ermo est non de interrogatione simplici, sed figurata, quæ animi habitum, affectumq; exprimit. Prima interrogationis forma est ad asseuerandum, vt *nōne hæc manifesta?* Secunda instandi, & urgendi gratia, *An tumultuantem, & frententem te video?* Tertia indignationis ergo. Quarta admirationis causa. Quinta miserendi gratia, *Quis det capiti meo aquam, & oculis meis fontem lacrymarum?* Sexta ad dubitationem animi exprimendam, vt *quo deliberationis mea rationem conferam?* Denique ad irridendum, contemnendum, negandum, insultandum, comparandum, desperandum, acriter im-

perandum, exhortandumque deserviet. Hæ sunt figuræ interrogationis ad affectus exprimendos, quod est primum interrogationis genus.

Secundum interrogationis genus est hypophora, Latinè subiectio, seu oppositio, quæ fit cū nostræ interrogationi respondemus. Itaq; interrogationem, & responsionem continet. Exemplum dat Cyprianus.

Tertium genus percunctatio est, cū interrogatio non patitur responsionem, sed illico refutatur, quod interrogatione conari videbamus, vt *latrone dictus absit.*

Quartum genus est, quod periphrasin appellant, cū interrogatio talis est, vt responsio sit in præputio.

Quintum est erotema, id est, in interrogatum, quo, vt ait Aquila, utimur, vt augeamus; vel, vt scribit Cassiodorus, cū amplificare volumus, vel cū interrogamus, vt postea confutemus.

Sextum genus est apophasis, Latinè responsio, cū quasi alio interrogante nos ipsi respondemus, & quasi rationem reddimus, ita vt defensio confessionem præcurrat, v. g. *Quæro, an occideris hominem, respondes, latronem occidi.*

Septimum genus, epitrocasmos, quod est interrogatio seuerissima, vbi multa terribiliter interrogantur, quæ ad figuras amplificationis referri posset.

Octauum genus diaporesis, seu



seu Aporia, latinè addubitatio, cum interrogando nescire nos aliquid significamus.

Nonò anacænosis, latinè communicatio, cū ipsos aduersarios, vel iudices consulimus, harum exempla facile sibi quisq; confingere possit.

*Cap. III. De figuris, in quibus animi affectus exprimuntur.*

**P**Rima est exclamatio, quæ ex maiore animi commotione oritur, maiori vocum tumultu. Fit per alicuius personæ compellationem, quo fit, vt fere semper apostrophæ contineat.

Secundò, admiratio, quæ est quædam exclamatio sine maiore animi commotione.

Tertiò, Epiphonema, seu acclamationis, id est rei narratæ, probatæve per acclamationem oratio, sententia, seu ratio, siue ad consolandum, siue ad delectandum, &c. Denique quicquid in fine clausulæ aures acutè ferit, Epiphonema dicitur.

Quartò, apostrophe, seu auersio, cum sermo ab ijs, quibus cum loquimur, vel à re, de qua loquimur, ad aliam personam, vel rem cōuertitur. Cæterum res, ad quā sermonem vertimus, absens, vel præsens esse potest; interdum ad se, interdum ad aduersarios. Plerumque cum prosopopœia nungitur apostrophe.

Quintò, aposiopesis, seu reticentia, seu interruptio, in qua incho-

atæ sententiæ cursus reuocatur, vt altera pars non expressa intelligatur ob iram, indignationem, dolorem, vel alium affectum.

Sextò, sunt aliæ figuræ ex desiderio inuentæ, vt optatio, vel votum, ex re multum desiderata. Deprecatio, seu supplicatio, cum auxilium imploramus. Obtestatio, cum per rem sacram, vel caram poscimus. Obsecratio, qua obnixè aliquid petimus ab auditoribus, post rem probatam, & amplificatam. Inuitatio, in qua hortatio, & dehortatio continentur.

Aliæ ex timore & odio profiscuntur, vel amore, vt ominatio, qua futura mala prædicuntur. Comminatio, id est admonitio cū prædictione mali. Abominatio, cum malum aliquod auertimus, vt *Abstine à me, vt castes vos esse iudicem*. Indignatio quæ maximè in pronuntiatione spectatur. Obiurgatio, & increpatio. Admonitio, id est memoriæ reuocatio. Castigatio, vt *Vsq; quo piger dormies?* Querela, seu lamentatio, & conquestio, exprobratio sceleris possent pro figuris haberi. Gratiarum actio, exultatio, & declaratio per signa, consolatio, iuramentum, & Epichereca Kia, hoc est, gaudium de alienis malis.

*Cap. IIII. De figuris, quæ vim arguendi, & confirmandi habent.*

**P**Rima prolepsis, latinè præsumptio, præceptio, occupatio,



## *Liber primus.*

tio, qua præoccupamus id, quod contra nos in aliorum cogitatione futurum credimus, & illud dissoluimus.

Secundò, antipophora, vel hypopophora, Latine opposita, cum dicta aduersariorū proponuntur, ut respondeatur.

Tertiò, antisagoge, seu compensatio, qua tollitur quaestio, argumento fortiori opposito.

Quartò, procataceue, seu præparatio, cum eius quod dicturi sumus semina spargimus, & ad dicendam viam munimus.

Quintò, paralepsis, seu præteritio, cum dicimus nos omittere, quod dicimus.

Sextò, permissio, seu concessio, cum alijs rem iudicandam relinquimus, freti nostræ causæ subsidijs.

Septimò, paromologia, seu confessio, quando aduersario aliquod concedimus, ut inde maius aliquod inferatur, aut quæ posita sunt, magis infirmantur, & ut reliqua exaggerare possimus.

Octauò, commemoratio, quæ est veluti quædam communicatio, qua tacita ratione extorquetur ab aduersario confessio; vel tacitæ opinionis, siue veræ, siue fictæ, iudicium.

Nonò, parrhesia, Latine licentia, id est, maior quædam, non sine causa, & modo loquendi libertas, commonendi, obiurgandi, aut adulandi causa.

Decimo, apodosis, Latine reiectio, vel reprobatio rerum indig-

narū, quæ in quaestione veniant.

Vndecimò, Schesis, Latine adfectio, qua aduersarij affectus fingimus, ut respondeamus.

Duodecimò, anasceue, Latine destructio, vel euacuatio, cum quæ ab aduersarijs posita sunt, redarguimus, & destruimus.

Decimotertiò, epitthemesis, Latine obiurgatio, seu antistrophe, hoc est, inuersio, quam alij violationem appellat, cum eisdem verbis quibus lacelessi sumus, percutimus.

Decimoquarto, Metastasis, seu translatio, cum in alios factum transfertur, ut primi parentes fecerunt.

In hoc numero habentur Epicherema, quando ex similibus sumitur argumentatio, dilemma, & Enthymema, Epeditio, seu enumeratio, de quibus in tractatu de argumentationibus.

Decimoquintò, AEtologia, id est, cum rei dictæ, vel propositæ statim ratio subiicitur.

Decimosexto, Prosapodosis, cum pluribus propositis sententijs, sua cuique ratio, posterius, aut statim redditur.

Decimoseptimò, Anageon, seu necessitudo, cum vi, & coactos nos fecisse, vel alios dicimus.

Decimo octauò, Chroma, seu color probabilis suspectæ causæ, ubi sui insit vel alterius excusatio.

*Cap. V. De figuris, quæ vim habent similitudinis aut dissimilitudinis.*

**P**rima Omæosis, seu similitudo, quæ rem minus cognitam, per



per aliā magis cognitā demonstrat.

Secūdō, Icon, Latine imago, id est, personarū in terse, vel eorum quæ personis accidunt, cōparatio.

Tertiō, Parabole, Cicero collationē vocat, est rerū genere dissimilitudinē cōparatio, vel lōgior quæ dā similitudo, quanvis brevis etiā similitudo parabola nominetur.

Quartō, paradigma, Latine exemplū, quod ut scribit Beda, est narratio exempli hortātis, aut dehortantis, vel rei gestæ ad aliquid persuadendū, vel orationē illustrandā cōmemoratio. Differt exemplū à similitudine, quod solū à rebus gestis personarū verarū, seu quæ factæ sint; interdū etiam à brutis desumatur: similitudo verò à rebus omnibus.

Quintō, Ison Latine æquale, quæ sit, ut Cassiodorus scribit, cū res parilitate similes adhibita laude, vel detractioe sumuntur.

Sextō, parison, id est, propè æquale, cū duæ res è diverso proponuntur, & vna magis eligitur.

Septimō, Syncrisis, id est, personarū inter se contrariarū collatio, ut, *Illi armis, nos doctrinis fidemus.*

Octauō, antithesis, Latine contritio, contrapositū, contrariū, cum contrarijs opponuntur cōtraria. Cassiodorus appellat Syndicasmō seu collationem, sic illud psalmi, *Os habent, & non loquentur.*

Nonō, paradistole, Latine discriminatio, cū res dissimiles discernuntur cōtrarijs redditis; vel cū res quæ vidētur similes, disiunguntur,

*Nolo te parvū appellare, cū sis avarus.*

Decimo, Antimetabole, seu cōmutatio, cū aliqua sententia per cōtrariū immutatur, 2. Macab. 6. *Nō propter locū gentē, sed propter gentem locum elegit Dominus.*

Vndecimō, Sinecæosis, Latine cohabitatio, cū contraria colliguntur, *Tam deest avaro, quod habet, quā quod non habet.*

Duodecimō, Epanorthosis, seu correctio, quæ correctio prioris verbo, aptius aliud statuit; alij Netaneam, id est sententiæ mutationē nuncupant. Fit his particulis, *Imò, atq; adeò, si tamē, potius, quin imò, &c.*

Decimotertiō, Adynaton, Latine nefas, & impossibile, *Sol deficiet, non mea fides.*

Decimoquarto; paradoxon, id est inopinatum, cū aliquid præter communem opinionem accidisse dicimus, vel facimus. Huc pertinet Rhetorū sustētatio.

Decimoquintō, Oximeron, id est acutū dictū, ut Iustinus Martyr, *Occidere potestis, sed nō ladere.* Cap. VI. De figuris, quæ vim augenda orationis habent.

**P**Rima est epexegetis, id est, addita interpretatio, cū multa verba eiusdē ferè significationis, vni rei attribuuntur; alij Synonymiā, seu verborū communionem vocant.

Secūdō, Tautologia, Latine iteratio, cū eadē sententiā alijs, atq; alijs verbis iteramus, quā alij Aetiologiam dicunt.

Ter-



## *Liber primus,*

Tertiò, exegesis, & hermenia, Latine interpretatio, qua quod breuiter dictum est, latius explicatur.

Quartò, exergasia, & epexergasia, Latine expositio, suffiguratio, cum eadem rem tractamus, varijsq; figuris ornamus. Partes verò expositionis diximus alibi.

Quintò, epimone, seu commoratio, cum in loco firmissimo, in quo tota causa subsistit, manetur, eodemque reditur.

Sextò, gradatio, de qua supra dictum.

Septimò, incrementum, ubi ab infimo usque ad summum, & supra summum peruenitur.

Octauò, duxesis, cum amplificandæ rei causa, verbum grauius, & atrocius subiicimus, loco proprij.

Nonò, hyperbole, id est superlatio, quæ satis nota ex Grammaticis ipsis.

Decimò, emphasis, id est expressior quædam denotatio, cum prius cogitandum relinquitur, quàm exprimatur; vel cum ex dicto aliquid latens eruitur.

Vndecimò, hyperthesis, id est superpositio, cum rem aliquam omnium opinione notam, sententia nostra superare contendimus, *Super niuem albus*. Hanc ab hyperbole non distinguo.

Duodecimò, diminutio, extenuatio, Græcè Tapinosis, quæ autem contraria; contingit autem, cum vel verbo diminuimus, ut si crudelem appelles, seuerum; vel

diminutio utimur. Contingit etiam in sententijs; ut cum obiectis vocibus utimur.

Decimotertiò, lithote, id est temuitas, cum plus intelligitur, & minus dicitur, ut *Non ignoro*, id est scio, *Non laudo*, id est reprehendo.

Decimoquartò, pleonasmos, Latine superabundantia, cum adiunguntur verba, non tam ad enuntiandum, quàm ad exprimendum magnitudinem, ut *Viuam*, & *non moriar*.

Decimoquintò, epitroasmos, id est summaria percursio, seu collectio, ita ut quæ pluribus dici possent, velociter perstringantur.

Decimosextò, frequentatio seu dinumeratio, cum quæ per totam orationem sparsim dicta in vnum locum colliguntur, ut grauior sit oratio.

Decimoseptimò. Comparatio, cum aliquid laudatur, ut aliud preferatur.

Decimo octauò, Ratiocinatio, cum res amplificatur per coniecturam signis: *Vt Goliath ab armis*.

Decimononò, Merismos, seu distributio, cum totum, vel genus in partes dilatatur.

Vigesimo, epanodus, id est reditus, cum pluribus propositis, ad singulorum expositionem reuertimur.

Vigesimalprimò, Dialogismus, seu sermocinatio, cum quis secum disputans quid sibi agendum sit, cogitat.

Vige-



Vigesimo secundò, Gnome, id est sententia, vel generale, ac breue pronunciatum de moribus, ac communi vita, quo quid faciendū sit, demonstratur.

Vigesimo tertio, Brachilogia, cū breuiter dicitur, quod latius dicendū erat, & *campus, vbi Troia fuit*, inquit Poeta, breui tantum excidium tantulis verbis manifestat.

Cap. VII. De figuris, quæ vim definitionis, ac descriptionis habent.

**D**efinitio, Græcè orismos, id est rei occultæ patefactio. Fit primò per dictionem, vt *Dij gentium*. Secundò per differentiationem. Tertio per remotionem contrarij. Quarto per defectum, vt *homo est creatura Angelis inferior*. Quintò per Metaphoram. Sextò per Analogiam. Septimò per laudationem. Octauò per exempla. Nonò per periphrasim. Decimò, per Etimologiam; & sic alij modi reperiuntur, quos tractatu primo exemplis illustrauimus.

Secundò, descriptio, quæ per qualitates, & adiuncta congesta rem exprimit. Huc reducitur *Hypotyposis*, quam demonstrationem, notationem, illustrationem, effictionem vocant.

Tertio, Pragmatographia, cū non solum factum, sed quod fit, vel faciendū fingitur, vt *præliū, naufragium, alluuio*.

Quartò, Prosopographia, id

est personæ, ex sui corporis attributis effictio.

Quintò, Characterismus, id est designatio, & figuratio, cū speciatim personæ ingenium, & mores depinguntur.

Sextò, Somatopœia, cū rebus incorporeis corpora tribuuntur.

Septimò, Idolopœia, cū persona defuncta ad loquendum introducitur.

Octauò, Prosopopœia, cū rebus mutis sensum, sermonemque tribuimus.

Nonò, Pathopœia, id est maiorum affectuum, perturbationumque expressio, vt in *Tragædijs*, & *Poemate heroico* contingit.

Decimò, Ethopœia, expressio morum, affectionumque mitiorum, vt si fingeres quid *Iacob* diceret ob dilaniatum *Ioseph*.

Vndecimò, Diatyposis, cū personarum habitus, rerumque exprimuntur.

Duodecimò, Topographia, id est dilucida loci descriptio, sic *Cicero* in *Verr. provinciam Sici-liensem* descripsit.

Decimotertio, Chronographia, id est, temporis descriptio, noctis, vel diei, vel anni, &c.

Decimoquartò, Catalogus, quo personarum, rerumve numerus designatur.

Cap. VIII. De figuris constructionis perturbantibus, seu *Hyperbatis*.

**P**rima Anastrophe, seu perperuersio, verborum ordine in-



## Liber primus,

inuerso, Cinerem tanquam panem manducabam, id est, panem tanquam cinerem.

Secundò, Hysteron, proterò, siue prothysterò, id est inuersus ordo, cum id quod posterius fit, priori loco ponitur.

Tertiò, Hysterologia, hoc est, sermo præposterus, cum præpositio, non cum casu, quem regit, sed cum verbo coniungitur, *Ad-ueneris urbem*, pro ad urbem.

Quartò, Hypallage, seu submutatio, cum oratio rerum ordine conuerso exprimitur, *Gladius vagina vacuus*, pro vagina vacua gladio.

Quintò, Dialysis, Latine dissolutio, seu parenthesis, id est interpositio, interclusio, cum aliquis sensus interferitur. Exempla obuia sunt.

Sextò, Synchysis, Latine confusio, cum omni ex parte verborum ordo est perturbatus: hæc figura communi nomine hyperbaton dicitur.

Septimò, Diacope, seu Timesis, seu intercisio, seu compositæ vocis diuisio, vno, vel pluribus interiectis verbis, vt *Iero, quem genuit Solymis, Dauidica proles*.

Octauò, Anacoluthon, seu non consequens, cum non subiicitur id, quod cum orationibus conueniat, vt si præcessit quot, *Et non subsequatur tot*.

tur tot.

### Cap. XI. De vitijs orationis.

Præter illa cõmunia vitia Solcismi & Barbarismi, occurrit. Primò, Barbaralexis, id est di-ctio non Latina, aut qua non in propria significatione vtimur, vt benedictio pro munere.

Secundò, Acyron, id est, impropria verbi usurpatio, vt *Humilitas* Pro demissione.

Tertiò, Hypertesis, Latine traiectio, cum verborum traiectione obscura redditur oratio.

Quartò, Eclipsis, cum oratio deficit verbo ad sententiam necessario, quod non facile subauditur.

Quintò, Homonymia, cum vtimur voce, quæ ob multas significationes sententiam reddit obscuram, vt vox, *Spiritus*.

Sextò, Acyrologia, id est, verbis non proprijs obscurata sententia, cum plurium verborum abusione redditur sermo obscurus.

Septimò, Syncrasis, sermo obscurus, qui verborum traiectione, & interiectione fieri solet, vt sæpè in historijs contingit.

Octauò, Meosis, seu diminutio, oratio nimirum imperfecta propter verborum prætermisionem; vel cum nimium serpit oratio, quæ se deberet attollere.

Nond, Amphibolia, id est, anceps, oratio, quæ in plures sensus diuidi potest.

Decimò, ænigma sensu obscura sententia, licet verbis aliàs esset aperta.

Vnde:



Vndecimò, Cacophonia, id est, cum syllabæ, vel diæctiones asperè sonant, vt *Caca caligo*.

Duodecimò, Tapinosus verbi humilitas.

Decimotertiò, Ongos, seu inflatio, cum res parua tumido exprimitur verbo.

Decimoquartò, Pleonasmos, cum verbis superuacuis oneratur oratio, sine causa, sine illustratione, vel claritate.

Decimoquintò, Cacofinetò, id est indecens verborum structura.

Decimosextò, Dissolutum, vel arithmon; quod numeris caret, cum oratio longa copia verborum hæret, aut breuium abundantia interfistit: quod vitium vicetur longa breuibus temperando.

Decimoseptimò, Atactò, id est, indistinctum, cum oratio est confusa, carens œconomia, quam ars requirit.

Decimo octauò, Pensologia, id est, multorum verborum adiectio superuacanea sine vi eorum, seu sententiarum: sed in Epilogo sæpè vt vitium numerari non debet.

Decimononò, Periergia, id est, superuacanea elocutio, & nimis operosa, vt cum ex re humili multum verborum infumitur.

Vigesimo, Cautologia, nugatio eiusdem sermonis, & iteratio inopiæ causa, quod vitium tribuit Fabius Ciceroni.

Vigesimo primò, Macrologia,

seu peribole, plus æquo longa oratio, & cum inculcantur, quæ auditorum aures obtundunt.

Vigesimo secundò, Soremos, Latine miscellanea, variarum linguarum mixtura.

Hoc vitio laborant, qui materno, & Latino sermone, nulla adiecta declaratione, vtuntur apud imperitos. Alij hoc vitium Cœnismum vocant.

Vigesimo tertiò, Oximoron ostentationis ineptæ vitium, sententia affectatè pronunciata, ita vt fatua videatur.

Vigesimo quartò, Polyschematicon, sermo solutus figuris, & vitijs coopertus.

Vigesimo quintò, Pamphologia, vel Bomphiologia, tumor immodicus orationis.

Vigesimo sextò, Homæologia, vbique similis oratio varietate carens.

Vigesimo septimò, PyKilogia, immodicè variata oratio, pueriliterque effœminata, nihil habens natium, vt Apuleiana.

Vigesimo octauò, Leptologia, id est, rei grauis contempta & humilis explicatio, sine neruis.

Vigesimo nonò, Archæologia, id est, sententia, quæ verbis nimis antiquis exprimitur.

Huc refertur archæsmos, cum vetustè aliquid dicitur, vt Plautus, & Terentius faciunt.

Trigesimò, Idiotismus, cum quasi vulgari sermone loquimur, ita vt nec à sordidis verbis abstineamus.

Tri



## *Liber primus,*

Trigesimoprimo, laconismus, id est breuiloquentia, nimia breuitas. Huc pertinet Brachilogia.

Trigesimosecundo, Asiaticismus laconismo contrarius, genus dicendi immodicum, verbis redūdans.

Trigesimotertio, Cacozelia, id est inepta imitatio, & cum nulla felicitate.

### *Cap. X. De recto verborum, & figurarum usu.*

**Q**Uæ mente concepimus, planè in auditorum animos dicendo transmittimus. Deinde ornatorum verborum is erit usus, qui ornamentorum corporis esse solet, quæ non in omnibus partibus, sed certis in locis adhibentur. Neque omnia in omnibus, sed personarum, & locorum, & temporum habeatur ratio: non enim eodem modo ornantur sponsa, & vidua; vir, & scæmina; puer, & senex. Quare orator rem ipsam subiectâ animaduertet, an sit humilis, vel splendida, vel mediocris, ut diuersa statuât ornamenta.

Similiter considerandum, in quo genere causarum versetur, an in demonstratiuo; deliberatiuo,

vel iudiciali, quæ non eadem, nec eodem modo admittunt ornamentum: rursus quæ singulis partibus orationis accommodentur.

Præterea, si ad docendum nos præparamus, deseruiet illæ figuræ, quæ ordinis, atque distinctionis vim habet, & transitiones, diuisiones, partitiones, epilogi, præparationes, occupationes, commemoratio, dicæologia, ratiocinatio, & quædam alia.

Si delectare conamur, eas eligimus figuras, quæ proportionem, & concinnitatem habent; quæ etiam similitudinem, & contrarietatem, ut duplicatio, repetitio, traductio, isocola, similiter cadentia, & desinentia, similitudo, imago, expolitio, &c.

Ad mouendum illæ figuræ cõferunt, quæ affectum indicant, ut exclamatio, admiratio, acclamatio, adiuratio, &c.

Quædam esse fateor schemata, quæ hæc omnia munera præstant, ut definitiones, descriptiones, & similes. Caueat orator, ne nimis figuratus sit sermo, ne easdem sæpè inculcet figuras, præsertim illustriores.

## PARS TERTIA DE COLLATIONE verborum.

**Q**UO purius ornatisque discat loqui studiosa iuuentus, has dicendi præceptiones scribendas suscepimus, ex oratorum de-

sumptis obseruatione: neque tamen dicimus vllam tradi posse, à qua sæpè declinandum non sit. Sed quia imbecillioris ætatis aures



res minus prudentes sunt, quàm quæ de verborum collocatione iudicare possint: eam ob rem, præceptis quibusdam imbuendæ inculcandæque sunt, vt aliorum dicendi generum, quæ præceptis non sunt inclusa, liberiores notitiam habeant.

C.I. De collocatione vocum in genere.

Primò, cum vox quæpiam est, quæ in sermone eodem bis poni possit, videbimus primò quo in loco vulgus dicere soleat; dein de in alio collocemus. Plin. in Ep. Nec desidia nostræ præcedamus alienam.

Sermo vulgaris aliter multò collocaret postremam vocem.

Secundò, Voces multæ vnius syllabæ nunquam coniunguntur, vt, *Hac in re, nos hic qui flet, nō fert.*

Tertiò, Voces multæ dissyllabæ separentur, ne ingratus fiat sonus, vt, *Tuos ego vidi bonos libros nihil mali habentes.*

Quartò, Plura polysyllaba si coniungantur, insuavis est sonus, vt in illo carmine, *Collachrymabantur, Constantinopolitani.* Vbique autem nimis longa fugiantur.

Quintò, Vnius, duarum, pluriumque syllabarum voces commisceantur, nisi materia sit grauis, & sublimis, & tunc in polysyllaborum usurpatione, quæ prope se collocentur, cauendum est ne penultima acuatur, sed lon-

ge magis ne antepenultima, vt, *Iuuenilem voluptatem reprimendam putamus, & cupiditas nimia commouet.*

Sextò, Duo vocabula in eadem oratione, quæ contrarium habeant significatum, si proximè ponantur, orationem reddunt vberiores. Tullius, *Qui enim citius adolescentiæ senectus, quàm pueritiæ adolescentia obre-*

Septimò, Ea quæ licet contraria non sint, ita sunt discreta, vt de eodem eadem ratione dici nō possint: hæc si iuxta ponantur, multum habent venustatis. Tullius, *Quid est fletu muliebri viro turpius?*

Octauò, Si alterum horum contrariorum, aut tanquam contrarium præpositionem præpositam sibi habeat, præponetur. D. Hieron. *Multum in utramque partem crebrò fama mentitur, & tam de bonis mala, quàm de malis bona falsorum ora concelebrant.*

Nonò, Venusta locutio est, quæ per negationem effertur. Quum enim per affirmationem loqueris, ea solum dicis quæ affirmas: quum verò per negationem contrarij, quicquid contrarium est negas. Quintil. *Probi verò mores, & antea vitæ integritas nunquam non plurimum profuerint.*

Decimò, Vocabula duo ab eodem inclinata, aut quorum ab altero alterum factum sit, proximè sibi ponenda, Plautus. *O mel-*

I le



*Liber primus,*  
*le dulci dulcior tu est. Tale est illud Ennij.*

*Qui lepidè postulat alterum frustrari,  
Quem frustratur, frustra cum dicit frustra esse:  
Nam qui sese frustrari, quem frustra sentit.  
Qui frustratur, is frustra est, si non ille frustra.*

Vndecimò, vocabulum vnum bis in oratione eadem positum, proximè sibi sine vllò medio cōponatur. Tull. *Reddenda est terræ terra.* Idem, *Diligentia, qua vna vir tue virtutes reliquæ continentur.*

Duodecimò, pulchrum etiam est vocabula duoproximè sibi ponere, quæ vnum esse videantur. Tull. *Otio fruor, non illo quidem, qui debeat is, qui quondam peperisset otii ciuitati.*

Decimotertiò, inter vocabula duo copulata coniunctione copulatiua eleganter quidpiam ponitur, quod cum vtroque conueniat. Tull. *Notatio naturæ, & animaduersio peperit artem.* Idem, *Hecubam putant propter animi acerbiterem quandam, ac rabiem, fingi in canem esse conuersam.*

Decimoquartò, cū vnica clausula duo dicimus, duoque correspondentia, aut conuenientia adiungimus, ordinem hunc retinebimus, vt priori prius, posteriori posterius correspondeat. Tul. *In amicitia nihil fictū, nihil simulacrum; quicquid est, id est verū, ac voluntarium.* Verum ficto, voluntarium simulato respondet.

Decimoquintò, apud veteres vitiosum non fuit vocabula mul-

ta sibi proximè posita dicere, quibus idem esset principium. Ennius, *Sæuum suspicionem ferre falsam faciliū est,* particula, *sæuum,* sumitur pro aduerbio. Idē, *Neque miserè lauere lachrymæ salsum sanguinem.* Et sic plura in Pacuio, Lucilio, Turpilio, Plauto, & Terentio inuenies. Quamquam hoc dicendi genus veteribus familiare fuerit, ætas sequens ab eiusmodi asperitate nō prorsus abstinuit. Virgil. *Saxe sonabant.* Idem *Sed qui te talem tanti genere parentes.* Propertius, *Si fas est, omnes pariter peccatis auari.*

Decimosexto, à genitiuo vno genitiuus alius in eodē numero nō regitur; nec ab vno infinitiuo alterum. Raræ sunt hæ locutiones, *Conseruare amicitiam sperare se dicebat: & Amicitia utilitatis causa id factum est.* Sed hoc peccatum commiserunt nonnulli. A. Gellius, *Babo in columna adis Iouis sedens conspectus est.* Sueton. *Expectatio aduentus Iulæ.* Tull. *Africani necis socius fuisti.* Verum vt infinitiui duo in diuersa voce, ita genitiui duo in diuerso numero sæpius inueniuntur.

Deci-



Decimoseptimò, hæc vitia in collocatione vitabimus. Primò Iotacismus, vbi nimium frequēs est literæ i. repetitio, *Iunio Iunio Iouis ire irascitur*. Secundò, Landacismus, vt *Sol & Luna luce lucent alba*. Tertiò, Myotacismus, vt *Maior mihi moles, maior miscendum malum*. Quartò, Polyigma, vbi literæ s. crebra nimium positio, *Sofias in solaris soleas sarciebat suas*. Tunc præsertim vitium istud vitabimus, cum dictio in s. desinens ab alia excipitur, cuius eadem litera initium sit, vel litera x. vt *mollis Xerxes*. Similes etiam aliarum consonantium adiunctiones quiscue considerabit, ne omnia pertractemus.

Decimooctauò, vocalis eiusdē crebra nimis repetitio auribus iniucunda est, in ijs præsertim quibus exilis est sonus.

Decimononò, vocales multæ eiusdem mensuræ non sunt commiscendæ, sed breues longis, & longæ breuibz adiungantur.

Cap. II. De collocatione pronominum, & eorum nominum, quæ incompleta sunt.

PRimò, duo, tria, plurave pronomina iuxta se sine vllō medio posita, siue eiusdem speciei, siue vtriusque orationem reddunt venustiore, vt *Venio à patre tuo, is se tibi commendat*

Secundò, cū duo pronomina sunt, vnum speciei prioris; alterū posterioris; si id quod posterioris est, substantiuo præponitur, ei postponatur alterum; sin contrā præponatur. Tull. *In forum venit, ad amicitiam se meam contulit*.

Tertiò, cū duo pronomina sunt speciei vtriusque, quorum ei, quod prioris est, apposita præpositio est præposito nomine substantiuo; pronomen speciei posterioris postponitur, eique præponitur alterum. Quod loquendi genus Politiano vsitatissimum, vt *Benevolentia in me tua*.

Quartò, cū pronomen primitiuum ante se regit infinitiuus, infinitiuo postponi solet, vt *Contemnite putas. Plin. Scripsit se se credidit*.

Quintò, cū participium, aut nomen substantiuum habet pronomen primitiuum, tanquam substantiuum ei non inusitatē præponitur, vt *Amantem me contemnis. Plin. Defunctos se multis fittilibz dolijs condi maluerunt*.

Sextò, præceptio illa vsu multo obseruata est, vt pronomini adiectiuo substantiuum suum præponatur, vt *Ingenium tuum, honor meus. Plinius, Oleum ipsum sale vindicatur à pinguedinis vitio*.

Septimò, si duo adiectiua sunt; vnū nominale, alterum pronominale: quæ vni substantiuo attributa sint, nominale præponas, inter quod & substantiuum



## *Liber primus,*

pronomiale interponas, vt, *Admirabilis tua virtus. Tull. Quam terrae discessisset magnis quibusdam im-*  
*bibus.*

Octauo, Si quid inter adiectiuum pronomiale, & substantiuum interferas, quod cum utroque, aut cum altero conueniat, maiorem senties elegantiam, vt, *Mag-*  
*na tua in omnes liberalitas. Gell. Te-*  
*nuit me grauis quidem in principio ad-*  
*miratio.*

Nono, Oratio omnis ferè solet esse venustior, in qua vox, *Nullus, omnis, alienum, aliud, al-*  
*terum, utrumque, solum, illum,*  
*tale, singula,* aliaque hoc genus substantiuus postponuntur, vt, *Virtus omnis, labor nullus.* Exem-  
pla cuique succurrent.

### *C.III. De collocatione nominis sub-* *iuini.*

**P**rimo, nomen substantiuum syllabis multis constans in orationis principio collocetur, idq; praecipue si orationis suppositum sit. Tull. *Commemoratio autem antiquitatis, exemplorumque probatio summa cum delectatione, & auctoritatem orationi affert, & fidem.*

Secundo, Multa etiam inerit elegantia, ubi substantiuum nomen, quod plurimum quam duarum syllabarum est, ponitur in fine orationis: id cum saepe alias fit, tum maxime si id substantiuum nomen verbi suppositum sit. Tull. *Est eloquentia sicut reliquarum re-*

*rum fundamentum sapientia. Sub-*  
*stantiuum autem syllabis duabus*  
*constans, locum hunc raro admo-*  
*dum sibi vendicat.*

Tertio, Substantiua nomina ab adiectiuis facta, pro adiectiuis ipsis lepide dicuntur. Plin. in Ep. *Te-*  
*memorem huius muneris amicitiae nos-*  
*trae dururnitas spondet.*

Quarto, Substantiuum, quod facile in adiectiuo intelligatur, omit-  
tendum est, vt, *Natalis, oriens, par-*  
*ca, arida.* Seorsum dicenda erunt, cum eorum substantiua Dies, sol, dea, terra ibi contineantur. Neq; verò cum dixeris sumpsisse te Bubulam, aut virulinam, aut ferinam, semper adiungendum censeas substantiuum, *Caro.*

Quinto, Dignitatis nomen, aut officij, nomini proprio elegantius anteponitur, et si Valerius Max. saepius postposuerit, vt *Societatis Iesu institutor Loyola.*

Sexto, Nominibus proprijs quod additum est ad laudem, & vituperationem, vsitatus praepositur, vt, *Parentibus clarissimis ortus Loyola. Quintil. Tanti amator secreti Demosthenes, &c.*

Septimo, Cognomina nominibus proprijs praeposita multam dicendi gratiam relinquunt. Etenim quod generale magis est, elegantius praeponi solet. Cicero, *Phalarus Demetrius, meo iudicio praestitit ceteris. Sueton. Ad Pompeium Mar-*  
*cum, cui ordinandas Bibliothecas de-*  
*legauerat, misit.*

Octa-



Octauò, Inter prænomen & nomen, aut inter nomen propriũ & cognomen, eleganter aliquid interponitur. Tull. *Tiberius item Gracchus*. Et alibi. *Quintus quidem Scruola*. A. Gellio id tam familiarē est, vt quasi ex affectatione vsurpet.

Cap. IIII. De collocatione adiectiui nominis.

PRimò, cũ adiectiuum duas habens syllabas, postpositum est substantiuo, quod pluribus syllabis constet, multa est tunc orationis elegantia. Tull. *Erat opinio bona de Piantio, bona de Lepido*.

Secundò, Nomina ea quæ numerum significant, substantiuis eleganter postponũtur, vt *annus tertius*. Plin. *Homini non ante diem septimum lethalis inedia*. Tull. *Annorum septingentorum memoriam vno libro colligauit*.

Tertiò, Si duo adiectiua sint, vnũ nominale, & alterum pronominale, quæ vni substantiuo attributa sunt, nominale præponẽdũ est, inter quod & substantiuum pronominale interpones, vt *honesti tui mores*. Quint. *Mollis illa educatio, quam indulgentiam vocamus*. Tull. *Novo quodam amore veterem amorem tanquam clauum clauo eijciendum putant*. Quod si inter adiectiuũ pronominale & substantiuum quidpiam interferas, quod cum vtroq; aut altero conveniat, maiorem quandam senties elegantiam, vt *Magna tua in omnes*

*liberalitas*, Gellius, *tenuit me grauis quidem in principio admiratio*. Cũ verò adiectiua duo nominalia sunt copulatiua iuncta particula, inter vtrumque pronomē adiectiuum collocetur, vt *Liberotuo & admirabili ingenio delector*.

Quartò, Nulla duo adiectiua plena vni substantiuo sine vlla coniunctione adiungantur, vt monet Seruius. Quæ causa est, cur pronomina, *Omne, nullum*. Et nomina numerum significantia plena non sint.

Hæc autẽ id habent, vt omnẽ orationis locum æquẽ sortiantur: si cum alio adiectiuo non pleno vni substantiuo coniuncta sint, vt *Omnis mea felicitas*, vel *mea omnis felicitas*, vel *felicitas mea omnis*.

Quintò, Inter adiectiuũ & substantiuũ si quid interponitur, nihil refert utrũ præponatur, sed præponitur crebrius substantiuum.

Sextò, Elegantem cõstrues orationem, si adiectiuũ, quod in orationis principio collocaueris, multas habeat syllabas. Plin. *Luxuriosa pabula pinguis soli semper indicium habent*.

Septimò, Adiectiuum multis syllabis constans, si ad finem orationis collocetur, canoram efficit orationẽ. Plin. *Tonitrua matutina vëtum significant, imbrẽ meridiana*.

Octauò, Cũ adiectiuũ ad genus neutrũ traductũ est, regitq; in casu patrio id, quod eius substantiuũ erat, inter eum genitiuum, regen-

I 3 temq;



## Liber primus,

temque vocem aliquid, non ineleganter interponitur. Quintil. *Fatigantibus iter multum detrahunt fatigationis, notata in scriptis lapidibus spatia.*

Nonò, Post adiectiva dignum, promptum, idoneum, & similia, elegantius collocabitur finitum verbū cum pronomine. Brutus, *Dignissimus, quos habeas tui consilij participes.* Terentius, *Dignum me putas quem illudas.* Huius generis adiectiva sunt, *Egregius, bonus, infusus, honestus, par, paratus.*

Decimò, Elegante cōpones orationē, in qua aduerbiū postpositū sit adiectiuo, aut adverbio quod factū sit ab adiectiuo, quod si praeponatur, vel adiaceat, aliquid miscebitur in medio. Quintil. *Stylus intermissione paululum admodum de celeritate perdit.* Tull. *Nemo est in ludo gladiatorio paulo ad facinus audacior, qui se non intimum Catilinae fateatur.*

Vndecimò, *Alienum, aliud, alterum, utrumque solum, vllum, tale, singula.* Aliaque hoc genus adiectiva, substantiuis postponenda sunt. Tull. *Quae flamma est, per quam non currerunt ij, qui haec olim punctis singulis colligebant.*

**Cap. V. de collocazione nominis comparatiui, & superlatiui.**

**P**rimò, si comparatiuū, aut superlatiuū substantiuo postponamus, maiore sentiemus elegantia. Tull. *Imperatorē liberalissimū, atque opportunissimū, commendationē*

*certē singulare habes.* Id Val. Max. parum diligenter obseruat.

Secundò, si comparatiuum colles in principio, orationē constitues orationem. Quint. *Decentior equus, cuius ascripta sunt illa, se idem velocior.*

Tertiò, comparatiuum in orationis fine ponitur vltatiū, Cicerone, *Nihil visum est pene illo incundius.*

Quartò, cum duo accesserint comparatiua, ommissa voce, magis, per particulam, *quā*, elegantius coniunguntur, vt *Fortunacior quā sapientior est.* Idem in aduerbijs cōparatis solet accidere. Plin in ep. *Non quia eloquentius, quā verius, sed quia liberius, idēque licentius scribitur.*

Quintò, particula, *quā*, ratione comparatiui posita inter vocabula duo, elegantius collocabitur, si cōparatiuū antecedit, vt *Diuitijs quā virtuti plures innigilant.*

Sextò, cōparatiuum ante vocabula duo coniuncta cōiunctio ne, *quā*, non ineleganter praeponitur. Vegetius, *Sapiens penuria, quā pugna consumit exercitum.*

Septimò, superlatiuum in fronte orationis positum, canorū est, siue nomen sit, siue adverbium. Quint. *Optimus quisque praeceptor frequentia gaudet, ac maiore se theatro diuinum putat.*

Octauò, superlatiuo in fine orationis collocato, stylus nascitur elegantior. Plinius, *Quid enim tam circumisum, tam breue, quā*



## Tractatus nonus.

o 3

*quæm hominis vita longissima.*

Nonò, si supra nomen superlatium comparatiuo excessus detur, elegantem construes orationem, Tullius, *Tibi persuade, te mihi quidem esse charissimum, sed multò fore chariorem, si talibus monimentis, præceptisque iutabere.* Cum verò per gradus comparationis sit quardam velut gradatio, cum dicendi venustate vis acquiritur orationi. Plautus, *Miser homo est, qui ipse sibi quod edat, quarat, & id ægrè inuenit: sed ille est miserior, qui & ægrè quarit, & non inuenit: ille miserimus est, qui cùm esse cepit, quod edat non habet.*

*Cap. VI. de collocatione verbi substantiui, sum.*

**P**rimò, etsi oratio, cuius principium & finis sunt voces polysyllaba, magis sit canora, verbum substantiuum, siue monosyllabum, siue dissyllabum, siue polysyllabum, in orationis principio non ineleganter collocatur. Neque id propterea alienum videbitur: verbum enim substantiuum appellatum est, quod vocibus omnibus substat. Quintil. *Est enim naturalis favor pro laborantibus.*

Secundò, si comparatum præcedat, aut superlatiuum, verbum substantiuum sine vlllo medio substituetur. Tull. *Consciētia beneactæ vitæ, multorumq; benefactorum recordatio incundissima est.*

Tertiò, post comparatiuum, aut superlatiuum in orationis principio positum, verbum substantiuum ponitur non ineleganter. Quint. *Difficillima est grauissimi cuiusq; sceleris fides.*

Quartò, aptus locus est verbo substantiuo in fine orationis posito, si nomen substantiuum præcesserit, illud præsertim, quod polysyllabum est. Aul. Geil. *Acerbitas plerumque vlciscendi maleficij, bonè atque castè viuendi disciplina est.*

Quintò, verbum, sum, post adiectiuum in orationis principio rectè collocatur, siue nomen sit, siue participium, siue dissyllabum, siue polysyllabum. Plin. in ep. *Temerarium est enim in secundis non esse contentum.*

Sextò, verbum, sum, in fine orationis vltimatè multum ponitur, si adiectiuum præcedat dissyllabum, aut polysyllabum, Quintil. *Calpam præsertim deprehensam pertinaciter tueri, culpa altera est.*

Septimò, verbum, sum, in fine orationis eleganter collocatur, si nomen in dus, da, dum exiens præponatur. Sallustius, *Quocumque ire placet; ferro iter aperiendum est.*

Octauò, verbum, sum, in orationis medio, si ponitur, ei præponetur aut comparatiuum, aut superlatiuum, aut substantiuum, aut adiectiuum, aut negatiuum, aut nomen in dus, da, dum, exiens.



## *Liber primus,*

exiēs. Tull. *Tardi ingenij est riuulos conseruari, fontes rerum non videre.* Contra has præceptiones dictū rarò inuenies, quale illud est Tullij, *Cui in voluptate summum bonum est, huic omnia sensu, non ratione sunt indicanda, eaque dicenda optima, quæ sunt suauissima.*

Nonò, ante verbum *sum* in fine orationis particula non ponitur eleganter. Quint. *Mors misera non est, aditus ad mortem miser est.* Idem, *Vox ultra vires vrgenda non est.*

### *Cap. VII. De collocatione verbi, & participij.*

**C**Vm Duo verba sunt actiui significatus, copulatiua particula coniuncta, si idem habeant suppositum, oppositumque, eorum prius tum mutatur in participium præteriti temporis, quod ab altero regatur. Plin. *pro, fuste percussit, & interemit, sic variavit, Fuste percussam interemit.* Tull. *Renouatum bellum gerere conamur, Pro, renouamus bellum, & gerere conamur.*

Secundò, In sermone generali infinitiuus cum verbo, *esse*, aut *liere*, rectè collocatur, vt audire *liet.* Animaduertere est. A Gell. *Animaduertere est in tota ista Catonis oratione.*

Tertiò, verborum modi subiunctiui personæ secundæ, numeri singularis, rectè collocatur, si oratio generalis sit. Quatil. *Nocet etiã diu pugnare in ijs, quæ obsistere non possis.* Id est, nemo possit.

Quartò, In historia, fabulaue narranda, elegantius præsentis temporis verbum, quàm præteriti dicitur: magis enim mouent aut delectant quæ videmus, quàm quæ audimus; & quæ præsentia repræsentantur, quàm præterita. Exēpla obuia sunt in Gellio, & Tullio, ea præsertim oratione, quæ habetur in Milonem.

Quintò, iuuabit ad collocationē sonoram verborum in promptu habere, quæ de enallage dicuntur à Grammaticis. Quò enim maior fuerit variandi eiusdem verbi in diuersa tempora varietas, eò facilius erit collocatio, quæ aurium concentui deseruiat. Dabit Erasmus 1. de copia verborum Syluam, qua & contrahere, & dilatare possis temporis eiusdem significationem.

Hæc insinuassee sufficiat, quoad obseruanda similia documenta in aduerbijs, verbis, & nominibus, possit esse iuuentus expeditior.

(.2.)

## TRACTA-



69

# TRACTATUS

## DECIMVS DE TRANSITIONIBVS RHETORICIS, PRONVNTIATIONE, & memoria.

### *Caput I. de transitionibus.*

**N**E transitus ex abrupto fiat, & inconcinne, hæc habebis exposita exempla.

Prima transitio est, quæ Græcè dicitur *Mætabasis*, cum ab una re explicata, ad aliam nos conferimus. Hæc duplex est; altera tacita, cum transimus nulla data transitionis significatione; altera expressa, cum nos transire significamus.

Secunda *Parecbasis*, Latine digressio, quæ duplex est; altera brevis, quæ est veluti parenthesis: altera longior, quæ ornandi, vituperandi, delectandive causa fit.

Tertia *Epanodos*, seu reditus, cum reditur ad interruptam orationem.

Quarta, *præcisio*, cum orationis filum abruptimus: vel quia non est longiore oratione opus: vel quia rei magnitudine vincimur: vel quia in affectum prorupimus.

Quinta *protasis*, seu propositio, qua vel orationem auspica-

mur, vel argumentationis, vel similitudinis, comparisonisve, priorem partem ponimus.

Sexta *Antapodosis*, seu redditio, quæ superiori respondet, cum altera pars argumentationis, nimirum assumptio, seu minor, aut altera pars similitudinis adijcitur.

Septima transitio est, vel per exordium, vel per narrationem, vel per partitionem, confirmationem, confutationem, clausulam, & reliquas orationis partes, præsertim per epilogum, seu *anacaphaleosin*, quæ est brevis dictorum summa: vel per conclusionem, & perorationem.

Octava *Prolepsis*, cum quæ posterius gesta, prius narrantur.

Nona, *Recapitulatio*, cum illa, quæ fuerant omissa, aut prius dicti debuissent, posterius dicuntur.

Decima *Reiectio*, cum aliquid tacetur, & in alium locum dicendum, aut legendum reijcitur.

Vndecima, transitio ab æquali, ut hæc gratia, & illa gratia.

I. uo-



## *Liber primus,*

Duodecima à simili, *hæc perfidia ostendit cuius generis fuerit alia.*

Decimatertia à contrario, *hæc priuatim, nunc quæ publicè: hæc iuuenis, nunc quæ senex fecerit, dicemus.*

Decimaquarta à diuerso, *de v. oribus habas, nunc de doctrina accipe.*

Decimaquinta quasi per occupationem, *tam ad reliqua proberimus, si prius illud vñ adiecerimus.*

Decimasexta per reprehensionem, *Quid immo orator ad rem redeamus, festinemus ad rem.*

Decimasseptima à consequentibus, seu reatiuis, *Vidisti beneficia, nunc considera gratiam.* Alia plura transitionum genera, & obferuet, & impleat nouus orator.

*Cap. II. De necessitate pronuntiationis, & actionis, ex antiquis oratoribus.*

**C**VM pronuntiatio magnam vim semper habuerit ad oratoris robur, & elegantiam, oportebit de actione, ac voce præcepta tradi, etsi longè melius re ipsa, quàm literis traderentur. Confert recta pronuntiandi & agendi ratio ad docendum, delectandum, atque mouendum. Etenim quod ad docendum attinet sæpe oratio, atque sententia, quantaq; sit verborum energia, sola pronuntiatione dignoscitur, vt omitam vitia inferius relata, quæ orationem obscuram reddunt. Quare nulla probatio tam firma est, quæ non perdat vires suas asse-

uatione dicentis exclusa.

Quod verò ad delectationem attinet, quid oratione bellè enuntiata delectabilius, cum auditū, & aspectum oblectet, non secus ac lumen & harmonia eosdem sensus solèt afficere: humanus enim sermo ineptè pronuntiatus, est quasi cibus sine sale, pictura sine coloribus, corpus sine anima: si humilia superbè, grandia leniter, læta inæste pronuntiamus, quis decor erit orationi?

Denique quod atinet ad motum, vocis moderatione, & corporis gestu, aliquando maximæ flammæ excitatæ, & affectus omnes languescant, necesse est, nisi voce, vultu, totiūque corporis habitu inardescant. Quare Demosthenes interrogatus, quid primum, secundum, tertium esset in oratione, actio inquit: ipse histrionibus operam dedit, & actionem ad speculum conformauit, vt non tam agere, quàm tonare videretur.

*Cap. III. quæ pronuntiationis vitia ex natura & consuetudine.*

**P**rimum naturæ vitium est vocis exilitas, cum nimium tenuis est, & semiclausis labris pronuntiantur. Secundum hæsitantia in verbis, cum magna difficultate vix tandem oratio proferatur, vt pueri solent. Tertium est, cum vox in ore, quasi in speculo obscuratur, & tantū velut in recessu



cessu auditur. Quartum blesitas, cū certa aliqua litera exprimi nequit, vt in Demosthene. R. & Iud. 12. Schibboleth.

Consuetudinis, vel prauæ imitationis vitia hæc sunt, agrestis, & subrustica pronuntiatio, cum diductis nimium labijs pronuntiat. Hoc qui faciunt, simplicitatē agrestem produnt. Secundò, celeritas, ac volubilitas, qua dicenda cōfunduntur, affectus pereūt, & verba aliqua sui parte fraudantur. Tertiò, tarditas, qua omnes numerare literas videmur. Quartò vocis nimia contentio, quo vitio Demosthenes, & Tullius laborarunt aliquando. Quintò, syllabarum decurtatio, cum extremæ syllabæ deglutiuntur. Sextò cantus non laudatur in oratore, quia non grauis, neq; aptus ad affectus: admittit tamen Cicero cātum quendam obscurum. Septimò, qui spiritus maiorem partem per nares effundunt, vitiose pronuntiant. Octauò, qui finales syllabas multum acuunt.

Hæc vitia corriguntur exercitatione, Demosthenis exemplo, qui in locis concauis, & in litore maris se exercere solebat: sitq; exercitatio, & quotidiana, & operi simillima; ea dicantur, quæ varium, flexumque sermonem requirunt. Secundò, adhibeatur obseruatio, & aliorum imitatio, etiā ab ijs qui perperam dicunt, discendum est, vt Cicero in Antonio vocem minus elaram, in

Cotta subrusticā, in Aristthio ineptias, & claudicationem notabat. Tertiò, exercendus spiritus, vt sit quā longissimus.

*Cap. IIII. de recta pronuntiationis forma.*

**P**rimò, vox sit dilucida. Id fiet, si tota verba exegerit, nec extremas syllabas omiserit, dum prioribus indulget. Secundò, pronuntiatio sit distincta, quod continget, si incipiat, & desinat vbi oportet: deinde si vitetur cōiunctionum multitudo, & periodorum magnitudo: nam sicut corpus magnis oneribus, ita vox magnis periodis grauatur. Præterea querendæ sunt distinctiones, & interpunctiones iuxta sensum, non secundum oratoris spiritum. Tertiò, sit vocis mutatio & varietas; vitanda enim vocis similitudo, vt aures renouentur, & orator reficiatur, sicut standi, sedendi, & ambulandi vires reficiunt, cū nihil diu pati possimus. Qui clamose omnia proferunt, insani sunt, qui submisso marmure risum moueant necesse est.

*Cap. V. Quid & quod duplex sit pronuntiatio, & quæ eius partes.*

**V**ox ratione quantitatis diuiditur in parvam, magnā, & mediā, quæ ex eo sic appellatur, quod



## *Liber primus,*

quod longius exaudiri possint, vel non exaudiri. Huc referes tres vocis sonos, quorum vnus grauis, quo canora, & sedata voce aliquid pronunciatur: alter acutus, quo aliquid magna voce effertur: alter medius, inter grauem & acutum interiectus. Qui omnes spectari possunt in tota oratione, in sententia, in dictione, in syllaba, & in litera, in probatione, amplificatione, &c.

Ratione qualitatis diuiditur vox in lenem, & asperam. Rursus alia est continens; alia interrupta, & intercisā: alia tarda; alia velox; alia sedata, siue tranquilla; alia vehemens, & concitata; alia clara & canora; alia obscura; alia mollis & flexibilis; alia dura; alia firma & constans; alia contraria.

Animaduertit Quintilianus, debere esse pronuntiationem emendatam, ita vt nec rudis sit, nec exilis, nec nimis plena, nec aspera, nec absona. Secunda erit dilucida, si clara, canora, articulata, expressa, non velox, non tarda, non obscura: si literæ rectè pronuntientur, ita vt non numerentur: si distinctionum, punctorumque ratio habeatur, & sumatur suis locis spiritus, antequam deficiat. Tertia erit ornata, si facilis, firma, grauis, acuta, temperata, concitata, sedata, & pro rerum varietate, figuris, & formis expressa: si suavis & iucunda, non effœminata; si non nimis effusa, aut compressa, vel vi expressa: si ini-

tia, progressus, & terminos habeat idoneos. Quarta sit varietas, ita vt non omnia vno sono dicantur: denique commoda affectibus & figuris.

### *Cap. VI. de gestu, seu motu vniuerso, & singularum partium.*

**G**estu intimas animi cogitationes homines manifestāt, qui idem mansit apud omnes, linguarum nata varietate. Animalia quidem bruta gestibus suos affectus declarant, & interdum indocti magis mouentur gestu, quàm voce.

Illud non prætereo inter actionem scenicam & oratoriam immane esse discrimen: illa veritatē imitatur; oratoria ipsa veritatem suscipit: histriones non dolent, sed dolorem simulant; nec villo verò animi motu commouentur: at oratores ex animo eosdem ipsi motus suscipiunt, quos in aliorum animis excitare cupiunt. Has & plures differentias prosecutus est Cicero li. 2. & 3. de oratore. Postremo, ne plura afferā discrimina, in motu actio nimia est ridicula, crassius solum hominibus nata, ideo scenici motus in oratore damnantur. Huius tractatus magistri sunt præcipui Tullius, Quintilianus, & alij nonnulli, ex quibus verba ferè desumpsit Ludouicus Carbo, & ab ijs omnibus nos plura mutuamur integris sæpe relatis periodis.

Quod



Quod igitur ad totum corpus attinet, ſtatus ſit erectus; non incuruatus, quia ruſticitas eſt; non vacillans, quia eſt leuitas; non deiectus, quia animum mollem indicat: contrā erectus magnum & conſtantem, & fortē demonſtrat. Concitata, & frequens in vtramque partem corporis mutatio, aut ſi ad ſuggeſtum cubitum adhibeatur, leuitas eſt.

Caput in actione ſit erectum, nam deiectio humilitatem, ſupinatio arrogantiam, inclinatio in latus languorem, rigor barbariem oſtendit. Vultus ſit triſtis in triſtibus, ſeuerus in obiurgatione, mobilis in contentione, acris in cura, conturbatus in conqueſtione, deiectus in modeltia & verecundia. In ipſo nihil ſit immodicum, ſed cum prudentia & conſtantia.

Oculorum habenda exacta ratio, non ſint extenſi, aut languidi, aut mobiles, quia id leuitas eſt: nec ſint operti, quia ſtultitiam indicant. Non vno obtutu orator aſpiciat, nec ſe auertat, lacunarum reſpiciens, ruſtico more.

Supercilia in triſtitia ſint contracta, in hilaritate deducta, in metu demiffa, in pudore verecunda: quæ alleuentur, vel demittantur, prout abnuendum, vel annuendum ſit.

Naribus nihil decenter oſtenditur, niſi deriſus, & ſaſtidium.

Labia malè porriguntur, vel deducuntur, vel aſtringuntur;

non laudantur qui ea mordent, aut rixantur ore concorrente, ſi memoria fallat.

Ceruices erectæ ſint, non molles & flexæ, quia adulatorius eſt geſtus. In demonſtratione & in probatione inclinandæ, cū natura comparatum ſit, vt quàm proximè vultum auditoribus adinuicemus, cū docere velimus.

Laterū flexio ſit virilis, ſi enim nulla ſit motio, ingratus orator: ſi nimia, ludiones imitatur. Quare à palæſtra, non à ſcena motus petantur. Humerorum alleuatio, vel contractio rarò decent; ſic enim ſæpe humile, vel ſeruile, vel fraudulentum exprimitur.

Brachium, cū vehementer agendum, deducatur, contrahatur cum verecundè; nunquā ad pectus incuruandum, quod gladiatorum eſt. Siniftra manus ſola nunquam geſtum faciat, ſed cum dextra aut diſtinguat, aut abominetur. Manibus effingere quidquid dicitur, vitioſum eſt: eas ſupra oculos attollere, aut infra pectus demittere, aut vltra ſinum proferre, non eſt laudabile, neque etiam manuum pugna.

Digitorum varij ſunt motus, in quibus vitioſæ ſunt argutiæ, vibrationes, eleuationes quæ leuitatem oſtendunt. Qui in ſiniſtro pede inſiſtit, dextrum non attollat, aut ſummis digitis ſuſpēdat. Pedes multum variare eius eſt, qui ſtare neſciat. Denique videat.



## *Liber primus,*

videat orator Christianus, qualis fuerit sanctorum primitiæ Ecclesiæ actio, & quàm moderata vox, apud Philonem, dum reprehendit oratores & Sophistas. Paulus Samosatenus in quodam Concilio in Asia habito, auctore Eusebio, grauissimè accusatus est, quòd ad conciones dextram immoderatè iactaret, palmam fœmori illideret, pede suggestum percuteret, oratorem denique, & Sophistam esse potius, quàm Ecclesiæ Doctorem: cum tamen referente Eschine, antiqui oratores, vt Pericles, Themistocles, & Aristides fuerint in dicendo modesti.

*Cap. VII. Qua ratione actionis vitia emendentur, & præcepta rectè agendi accommodentur ad vsum.*

**Q**Uæ in agendo sunt vitia, emendentur considerata natura, personaque: deinde meditatio, & commentatio accedent, ita vt nihil dicatur, quod domi non fuerit meditatum. Secundò, accedat exercitatio, quæ vitia corrigat, aut laudabilia laudabiliora reddat, exemplo Ciceronis, qui decem annos oratores in foro audiuit. Denique loquemur nō aliter quàm natura docet; ipsi infantes, cum sui animi affectiones exprimunt, sint nobis documentū.

Vocis sonus tantus erit in principio, quantum locus, vel audi-

tores postulabunt. Principijs summissis grauis tonus est accommodatus, vehementioribus acutus, ita tamen vt ad temperatum redeatur.

Tenuis materia summissam, grauem, canoramque vocem requirit, & gestum parciolem: grauis verò & difficilis vocem plenam, & grauiorem affectum: at verò temperata vocem suauem, & mediam.

Grauis tonus ad docendum est accommodatus, qui dum quādam vocis æquabilitatem seruat, suas habet elationes, & remissiones, sed modicas: cum hoc tono exordimur, narramus, transimus. Medius tonus est ad delectandum, vt cum laudamus, & blandè monemus, amicè hortamur, ex amore indignamur. Acutus tonus est ad commouendum in aspera contentione, acri indignatione, exclamatione, vbi cauendum est, ne continuis clamoribus vox frangatur.

Voce tenui exponendum est, media argumentandum, acuta amplificandum, vt per singulas orationis partes iam doceo.

In exordio graui & leni utemur voce, & moderata, cum nihil, vt ait Fabius, ad conciliandū grauius verecundia. Quare qui in genij, aut libertatis ostentandæ causa audacius incipiunt, grauius peccant, cum suos auditores despiciant, & in summum omnia delinunt, post summos clamores, & inc-



& ineptas gestulationes manuum, capitis accubitus, & alia quædã ex libertate, insipientia, seu in uerecundia, profecta. Gestus sit totius corporis cum leni laterum inflexione, eodem spectantibus oculis: manus vel sint immotæ, vel sola dextera gestetur.

Narratio vocem magis claram, & contentam postulat, gestum magis distinctum, & manum prolatam: & cum narratio sit minime actiua, & ardens, eius actio dicentis arte, & prudentia moderanda, & varianda erit, ut gesta, dicta, & cogitata, congruenti voce, & actione exponantur. Quo fit, ut narrationis pronuntiatio sit difficillima.

Confirmatio vocem grauiorem, acriorem, agiliorem postulat, & gestum maiorem. Hic vox augenda, gestus variandus.

In digressionibus lenis, dulcis, remissa, & expers contentionis debet esse vox.

In epologo varia vocis & actionis desideratur figura pro affectuum varietate. Quod ad res & sententias attinet, in blandiendo, fatendo, ac petendo, leni ac summissa opus est voce: in suadendo, monendo, promittendo, graui & forti: in consolando, tristi ac summissa: in exponendo, recta, & inter acutum & grauem sonum media: in laudando, & gratiarum actione, & similibus læta ac sublimi: in motu iræ, vox acuta, incitata, aspera, & aspira-

tione crebra: in inuidia paulò lenior requiritur. Amor inclinatam lenitatem amat: misericordia, flebilem, interruptam, & obscuriorem exigit: metus demissam, hæsitantem, & abiectam: voluptas & lætitia, plenam, effusam, hilaram postulat: tristitia grauem, vnoque tono obductam: verecundia contractam flagitat. In summa omnes sententiæ & figuræ, quæ aliquem affectum continent, certam vocis & gestus formam postulant, ut optatio, imprecatio, conquestio, comminatio, indignatio, admiratio, exclamatio, adiuratio, interrogatio, dubitatio; imò eadẽ sententia diuersis locis, non eodẽ modo pronuntianda, ut in exclamatione, & interrogatione cernitur.

*Cap. VIII. De memoria naturali, & artificiosa.*

**M**emoria est firma animi rerum, & verborum dispositionis perceptio, ut ait Tullius, In ea excolenda multum operæ posuere antiqui, de qua posteriores multa literis commendarunt. Hanc si quis exactius vellet describere, nostram recipiat definitionem, in hunc modum, Memoria est facultas arte, & exercitatione acquisita, qua citò res comprehenduntur, firmiter retinentur, ac faciliè promuntur. Hæc enim tria ad perfectam memoriam constituendam necessaria esse videntur. Solet autem memoria in duas partes disti-



## *Liber primus,*

distribui; quarum altera naturalis, id est, sine præceptis: artificiosa altera, quæ præceptis & exercitatione comparatur. Rursus artificiosam diuidunt in memoriâ singulorum verborum & sententiarum. Memoria singulorum verborum est, cum singulæ constituantur imagines, quæ singula verba repræsentent: sententiarum autem, cum aliquod signum fingitur, cuius monitu alicuius integræ sententiæ recordamur. Denique artificiosa memoria duabus constat rebus, locis, & imaginibus. Loca sunt velut charta, in qua scribitur. Imagines sunt quæ si characteres, quorum intuitu memoria excitata faciliè recordamur. Sed qua ratione sic excolenda memoria sit, videamus.

Primò, locus sit solitarius, & sine strepitu; nam quæ audiuntur, memoriam disturbant.

Secundò, faciliùs discimus lecta, quàm audita, & scripta, quàm lecta, & nostra, quàm aliena, & quæ intelliguntur, quàm quæ non intelliguntur, & quæ numero continentur, quàm quæ sunt numero soluta. Danda ergo opera, ut ediscenda legantur, sapientius intelligantur, attentè scribantur, cum per stylum non modò in chartâ, sed in memoriam infigantur. Scribentur certo ordine, cum rerum numerus & ordo, quibus tollitur omnis confusio, memoriam iuuat, & confirmet. Quare qui faciliè ediscere cupit, cum ordine

& numero componat, & in alienis ordinem inueniat, & discenda in partes secet, & ad certa capita instar tabulæ conficiat.

Tertiò, si quis locus, aut sententia difficiliter hæret, apponatur notula, quæ magis renouabit memoriam, si affinitatem habeat cū re, cuius meminisse volumus.

Quartò, circa modum ediscendi, satius est per partes orationem longam memoriæ mandare, quia minore onere memoriæ grauat, quàm si totam simul ediscamus. Adolescentibus melius est ad verbum ediscere: alij verò adulti, & exercitati, non omnia ad verbum ediscere tenentur. Quintò, non tacite, sed voce ediscendum; nam tacenti, velut otioso aliæ cogitationes subeunt. Deinde qui clarè dicendo memoriam exercet, alacrior & erectior redditur, & minus impeditur, si aliquid exaudiat. Accedit, hæc forma simul per auditum & visum influere res in memoriam.

Sextò, sit animus vacuus occupationibus, nam maxime, & alia mentem distrahunt. Denique crebra ediscendi exercitatio multum memoriam fouet, & augeat. Hæc dixerim pro naturali memoria. De artificiosa illud in genere dictum sufficiat locis, atque imaginibus constare. Loca sunt instar tabulæ, imagines velut scripturæ & similitudines. Omnia ergo, quæ de hac memoracionis arte dicuntur, ad imagines reuocantur,



*Tractatus decimus.*

73

tur, in quo hæc obserua.

Primò, loca sint maximè notata, & insignia, distinctionemque habeant, & si fieri possit, dissimilitudinem.

Secundò, mediocri distantia separentur, ne vel nimia compressio memoriam turbet, vel distantia distrahat.

Tertiò, loca sint subobscura, & separata ab hominum frequentia, ne vel locus frequens vagari mentem faciat; vel nimis obscurus imagines obæcet.

Quartò, quintus quisque locus, vel decimus sua nota distinguantur.

Quintò, imagines iuxta modum magis facilem, & cuique fa-

miliarem denotentur. Hæc & alia non tam præcepta, quàm imagines, ab alijs traduntur, & vix deserviunt ad ediscendum verba, sed sententias. Vidi plura longioraque volumina circa artificiosam memoriam, quæ tamen nihil habent, quòd in dictis non contineatur, nisi imagines, quas sibi quisque ex notis sibi spatijs potest confingere. quæ omisimus in nostris tractatibus, dabit tabula prima Cypriani Suarez, quæ in gratiam scholarum Societatis nostræ excusam, ad huius operis finem damus.

(.?.)



K LI-



# LIBER SECVNDVS

## RHETORICÆ AD PRAXIM DEDVCTAE.

*Rhetorica exercitamenta eorum quæ superiori-  
bus tractatibus præcepta sunt.*

### PROLOGVS.

**P**ossem, amice lector, in omni causarum genere vltra quatuor  
centurias exemplarium proponere, quæ dissoluto artificio do-  
ceant rudiores, non secus ac illa quæ paulò post subiicienda sunt.  
Sed ne præter gratiam primum excreceret volumen, primam sel. gi  
Auctoris centuriam, qua novos eloquentiæ discipulos informabat,  
ut breui quasi deducti semita quidquid foret artificij, non intelli-  
rent solum accurate, verum etiam feliciter exercerent. Dabit for-  
tè Deus opportunam viam, qua alias tres eiusdem Auctoris centu-  
rias euulgemus. Hic te monitum velim in argumento felici, &  
quod à Doctoribus tractaretur, esse nonnunquam integras clausu-  
las antiquorum, mutato tamen ordine iuxta Rhetoricæ præcepta.  
Quare non à Tullio solum, & Lactantio, sed à facundioribus Eccle-  
siæ Patribus, nobis etiam oratoribus Christianis quæ bene, eleganter  
que dicta sunt, assumuntur integre, si quando in idem inciderunt  
argumentum: Semper tamen ordo, modus & connexio innouan-  
tur, ne nos regulas violemus: eo namque intendimus oculos,  
ut dissolutum patensque artificium animos alliciat  
ad exercenda Rhetoricæ præcepta.

( . . . )

Pars



*Pars prima in laudem per-  
sonarum.*

**N**ON Omnia cuiusvis pro-  
positi exempli percurrere-  
mus loca, sed præcipuis selectis  
nouos Oratores eo deducemus,  
vnde & ipsi facilius possint inue-  
nire, & inuentæ, sine difficulta-  
te redigere in Rhetoricæ artis  
concordiam. Primus tractatus  
de inuentione, & secundus de  
exornatione, si præsto cuique  
succurrant, & in promptu sint,  
multam adferent opem ad di-  
cendum.

*In laudem Christi optimima-  
ximi.*

**E**Xordium à rei magnitudine,  
& excusatione temeritatis.  
In magnis enim rebus voluisse  
sat est. Non potest oculorum ac-  
cies tantum solis sustinere splen-  
dorem, sed submissionis nube  
temperata confirmabitur, &c.  
Vos igitur auditores cum tanta  
res afferatur, quanta adesse o-  
pporteat, attentione iudicante.

*Narratio.*

**C**V M Humana natura à  
Deo instituta ante primo-  
rum hominum lapsum prope  
fœlicitatis portum nauigaret,  
ob gubernatorum inertiam flu-  
ctibus circumuenta vehemen-  
terque impulsu vagabatur; eo-  
que demum calamitatis deuenit,

vt tenebris obducta, à piratis  
vexata, præsidij destituta vni-  
uersis periclitaretur. Cum verò  
frequens Sanctorum Patrum cla-  
mor pulsaret cœlum, nauisque  
diu multumque laborasset in  
fluctibus, repente sese illis cœ-  
lum patefaciens solem misit  
Christum, qui statim expeditis-  
simum illis reditum in portum  
recludit; factaque tanta tranquil-  
litas est tantaque nauigandi fa-  
cultas, vt nulla vis eorum ad fœ-  
licitatem cursum retardare pos-  
set. Quare tantam rerum vicissi-  
tudinem, tam inusitatam, inau-  
ditamque lætitiā, tantam salu-  
tis recipiendæ facultatem, tam  
incredibilem eius clementiam,  
tacitus præterire non debeo.

*Propositio.*

**D**icam igitur primum, quæ  
ante necis acerbissimæ tem-  
pora Christus gesserit; deinde  
verò attingam quæ extremam  
vsque horam mortis beneficia  
concesserit. Postremo autem  
ostendam quæ donec ad cœlum  
rediit, nostra causa fecerit.

*Confirmatio.*

**P**rimò, cum ortus in terris  
apparuit natura rerum vni-  
uersa nascentis dignitatem pro-  
didit, vt verè omnium Domi-  
nus esse ex eo declaratur, quòd  
omnia illius aduentum testarè-  
ur. Extiterant ante hunc homi-  
nes virtutibus varijs præcellen-  
tes



## *Liber secundus.*

tes vt Abraham multarum gentium pater, Isaac, Iacob, Moyſes, &c. Sed hic vnus omnes infinitis partibus ſuperauit. Illuſtretur hic locus comparatione, aut ſimilitudine ſolis ad reliqua aſtra. Augeatur hic locus hortatione ad Chriſtianos, vt hunc venerentur, colant, amplectantur, quod ideò ad nos venerit, vt nos pleno ſplendore illuſtraret, plena virtute edoceret, pleno gurgite potaret.

Secundo, labores numera, quos noſtra cauſa exantlauit: cum enim Chriſtus is eſſet, qui omnia contineret, fons omniũ voluptatum, factus eſt omniũ egenus, talemque inſtituit vitæ rationem, quæ perpetuus quidam labor eſſet. Hic hic eſt ille Chriſtus, cui non infantia, non adoleſcentia, non iuuentus, nullum denique tempus, licet breuiſſimum, nullus locus, nulla actio fuit labore vacua. Eiusque vitæ exitum, vt integra oratione dicemus, ita omnis doloris genere voluit eſſe cumulatum, vt ne cogitatione quidem id quiſque videatur poſſe completi.

### *Similitudo.*

**V**T Enim nauis pars infima vndiq; cõfluentes in ſe ſordes colligit, ita Chriſtus, vt omnes omnium noſtrum poenæ vnus ferret, ſeſe ſubiecit omnibꝰ.

### *Hortatio.*

**Q**VANTO Igitur ſtudio hunc complectemur, cum hoc ille geſſerit, vt noſtram incolumitatem ex acerbisſima vexatione, vt noſtram libertatem ex extrema ſeruitute eriperet; quorum tanta eſt copia, nullis vt eloquentiæ terminis concludi poſſit. Teſtis eſt amplisſima Palæſtina regio, cuius nulla pars, nulla ciuitas, nulla fere domus eſt, quæ non frequenter diuina eius geſta ſit experta. Teſtis eſt ægrotorum ingens multitudo, quorum varia genera morborum curauit. Teſtis Pharifæorum conuentus, quorum perdifficiles contentiones perſæpe diſſoluit. Teſtis eſt dæmonũ manus quos è multorum corporibus, menſibusq; proiecit, ſed quorſum hæc exigua illius facinora proſequor. Teſtis eſt non ſemel, ſed frequens orbis terrarum vniuerſus, qui ſclerum labyrinthis inclufus, errorum laqueis irretitus, cacodæmonum furijs exagitatus in placidiſſimum locum eſt adductus.

### *In laudem Catholice Eccleſie argumentum.*

**O**Ratio completetur principium, propoſitionem, confirmationẽ & perorationẽ. Exordium duces à maiestate & dignitate rei, de qua dicturus es



es per comparationē Rerū publicarū, & inferiorū, per cōparationē Ecclesiæ, quæ quondā floruit, illisque tum dignitate, tum maiestate, tum honore, tū antiquitate, tum opibus, tū immortalitate antepones hanc diuinā Rēpublicam, de qua verba facturus sis, desumes cōparationis capita ex tractatu 1. ca. 10. Atq; sententiam tuam probabis, tum exemplis, tum vaticinijs, tum præmonstrationibus veteris testamenti, tum dignitate, tum auctoritate huius fundatoris, quæ non à Theseo, vt Atheniensis Respublica, nō à Licurgo, vt Lacedæmonica, non à Didone, vt Carthaginen sis, non à Romulo & Remo, vt Romana; sed ab ipso omnium rerum parente Deo, & ab ipso generis humani liberatore Christo.

Sequatur deinde propositiō qua oratorię docilitatem & beneuolentiam comparabis ex tractatu 5. cap. 2.

*Loci confirmationis.*

**P**rimus locus laudationis ducetur à genere, siue natalibus Ecclesiæ. Nam cū à Christo fuit ædificata primò in petra, scilicet in Petro. Deinde à Petro Apostolo instituta Antiochiæ, ibique primum nomē Christianorum per eius prædicationem est exortum.

Secundus, ab educatione &

institutione, quod à Christo instituta atque educata est. Christus enim primus Apostolos docuit. Deinde Spiritum sanctum misit, quo imbuti Apostoli fidem vbique gentium cōstituerunt, & Sedem Antiochiæ primum Princeps Apostolorum posuit, quam tandem Romam transtulit, vt vbi caput, & orbis terrarum esset arx, ibi etiam Ecclesia Dei constitueretur.

Tertius, à corporis bonis, quod sit pulchra, sincera, & integra Ecclesiā, est enim corpus Christi, Sponsa & Regina cælorum, qua quidem re, quid augustius, quid florentius dici potest? Fiat enumeratio partium, &c.

Quartus, ab opibus & fortunis, nā Ecclesiā locupletata est à Christo sponso eximijs & singularibus virtutibus atque muneribus; illam enim Christus docuit, & exornauit suo spiritu, qui primū est paracletus, idest consolator Ecclesiæ suæ; deinde in æternum manet in Ecclesia. Tertiò, quæ futura essent, illi multo ante denunciauit. Quartò, quod verba Christi illa interpretatur. Quintò, quod est in illa spiritus veritatis, qui ducit illā in omnē veritatem. Ecclesia enim sælicissima & sanctissima prole fuit decorata. In primis enim procreauit nobis sanctissimū illū Apostolorū senatū, deinde etiam florentissimum



## *Liber secundus.*

Martyrum exercitum, quorū sanguine est illustrata; infinita virginum agmina, quarum virtutibus stabilita est; & reliquorum confessorum & Patrum multitudinem, quorum rebus gestis & factis formata est, & longe latēque propagata atq; amplificata quæ omnia ex tractatu septimo amplificentur.

Quintus à dignitate, & maiestate, à prudentia & sapiētia, nā Ecclesia instituta à Deo, illuminata, & docta à spiritu sancto, verā habet sapiētiā, neque vnquā errare potest, quia non solū hoc tēpore, sed semper habet Christum sponsum, & semper regitur magisterio spiritus sancti, illā nunquā deserētis. Hunc locum amplificatū collatione, tū antiquitate Philosophorū, tum hæreticorū calliditate, quippe qui nullam habent sapiētiā.

Sextus à temperantia, quantā temperantia, & moderatione rerum Ecclesia Dei fuerit illustrata, hunc etiam locum exaggera enumeratione.

Septimus à fortitudine, quantā enim fortitudine venientibus malis obstitit, omnes hæreticorum errores repulit, effrenatasque repressit libidines.

Octauus à patientia, quanta animi altitudine iniurias, aut falsorum filiorum, aut ærhetorum insultationes, aut ethnicorum supplicia, aut cædes

toleravit. Hanc propositiōnem exaggera longa & graui enumeratione, tum hæreticorum, tum ethnicorum, quos tandem diuino consilio oppressit, & exterminauit, quia portæ infernorum Ecclesiam Dei labefactare nulla vnquam vi potuerunt.

Nonus à iustitia, quam distribues in religionem erga Deum, in pietatem erga parentes, & alia quæ tractatu secundo cap. 8. & tractatu 3. cap. diximus. Quem locum amplificabis exponendo religionē, pietatē, & reliquas virtutes, quibus maxime creuit, & corroborata est Ecclesia Dei.

Decimus à virtute & gratia, quod sola hæc Catholica Ecclesia vbique gentiū viguit, & floruit admirandis & stupendis miraculis, prodigijsq; & reliquis diuini numinis virtutibus.

Vndecimus à pace & coniunctione: vincita semper fuit, & est concordia in Ecclesia Dei, vt in infinito hominum numero nullus vnquam fuerit reperiendus, qui sibi contradiceret, qui in rebus fidei discordaret ab Ecclesia, nā sicut Ecclesia vna est, ita vnitas & consensus, vt sit in Ecclesia oportet. Hic commendabis animorum coniunctionē, concordiam, pacem Rei publicæ Christianæ: contra verò diuersa omnia in hæreticorum domicilijs.

Hinc



Hinc descendes ad amplificationem, enumerationem, & maximè ad exornandam illam sententiã, quòd Ecclesia à Deo instituta sit super Petrã, quòd vna sit Ecclesia Dei spõsa, quod eximjs, & præstantibus virtutibus sit ab eodem decorata. Quare his illustratis & expolitjs, reprehendes illos nefarios homines, qui hanc Christi sponsam omni scelere polluere conantur, vt suis inserviant libidinibus, & suas expleant voluptates. Deinde inuehes in falsos Christianos, quòd non singulari amore prosequatur & tueantur hanc Christi sponsam, sed per ignaviam & socordiam se à fidei tyrannis irrideri sinant.

Deinde induces Ecclesiam per Protopopœiã loquentem, & primum quidem ostendet suam dignitatem & auctoritatem. Deinde verò de ploret de fidiam filiorum suorum, & rerum diuinarum contemptiõnem, quòd eo dementiæ ventũ sit, vt plus fidei habere velimus improbo & nefario homini, quàm ipsis Apostolis, ipsi sponso Christo & omnibus denique Apostolicis viris: plura in hanc sententiã introducito.

Peroratio continebit enumerationem laudum expositarũ & cohortationem ad sectandum fidem nostrorum maiorum, & vt grauius auditorum animos commoueat, Christum

ipsũ in terras reuocabis, vt suã Ecclesiam, & suam Virginem intueatur, &c.

*De puerorum innocentium cæde.*

**E**Xordium in hanc sententiã instituetur: vtinam Deus Opt. Max. faceret, vt de me etiam pronuntiari posset, *Ex ore infantum perfecisti laudem.* Sic enim sperarem me minus pro dignitate, saltem minus indignè in eorum sanctorum laudatione posse versari, quos hodierno die infantes in ipso mortalis vitæ limine innocentes Tyranni gladio contrucidatos Ecclesia Catholica, vt in cœlo beatos pie sancteq; veneratur in terris; ego tamè, quod innocentia merito & nominis copia assequi nequeo, vt eos digna laudatione prosequar, id omni studio, atq; in sanctos, beatosq; infantes religionem, obsequioq; commotus præstare, quoad vires ferent, conabor.

*Propositio.*

**T**Ria mihi dicenda sunt. Primum de crudeli Regis scelere, atq; immanitate: deinde de infantium felicissima condicione: postremo de innocentia, atq; integritatis beneficio, atq; præstantia.

Regis crudelitas quanta sit videatis. Primum, magna crudelitas est sequi in pueros; maior

k 4 in



## *Liber secundus.*

in innocētes, ob indignissimam causam; & eade nihil aliud agitur, nisi ut Christus interceptus occidatur. Augustus. Caesar audito Herodis tam inmanis scelere dixisse fertur: Satiusest Herodis porcū esse, quā filiū; nā & filios cū cæteris pueris inmanissima illa bellua interfecit. Demōstranda est stultitia eiusdem, qui putabat se impedire posse diuinū consiliū, & vitā adimere vitæ auctori. Augēda est crudelitas exēplis, cōparatione cū alijs tyrannis, excurrēdū ad infinitā, quæstionē, locūq; cōmunē de crudelitate, de ambitione, de cupiditate regnandī, de amitēdi metu; quæ omnes perturbationes præcipitē egerūt hanc teterrimā pestē in tāto scelere, quibus debitas pēnas, suppliciaq; illum apud inferos persolueret ne dubitetis.

Sed omisso hoc portento, ac monstro, ad felices illos pueros nostra traducatur oratio, quorū conditio mihi eiusmodi videtur, ut inuidere illis tantā felicitatem vnusquisq; maximē possit, ac debeat. Sed dum rei gestæ rationē, ordinem, memoriāq; repero, & lætitia perfundor & luctu. Et quod enim vnquā fuit tam triste, miserū spectaculum? Hinc enim puerorum sanguis, inde parentum lachrymæ profluunt; hinc morientium puerorū vagitus, illinc lamentantiū vlulatus, plāctusq; exau-

diūtur. Sed si excogitemus, ex quibus periculis erepti sunt pueri, intelligemus nō satis honestā esse causam lachrymarū; nā si vitā suppeditasset, nihilo fortasse hi meliores fuissent, quā illorū proximi, qui Christū postea sustulerūt in crucem. Quapropter si volumus etiā summū bonū, quo illi potiti sunt, adipisci, innocentia studeamus, & in fantes pueros imitemur; quandoquidem nisi efficiamur, sicut paruuli, aditus nobis in celū, ut Christus loquitur, patere nō potest.

*In laudē S. Ioannis Baptistæ.*

**E**Xordiū duces à more & cōsuetudine huius scholæ, quod cū videris aliorū eloquiæ studiosos habuisse elaboratas & copiosas orationes, de scientiarū, linguarumque laudibus, ijs Diuorum quoque laudes adiungēdas putaueris, eiusque potissimum, cuius vita, ut iucundissima commemoratione, ita utilissima imitatione digna censeatur: si enim res gestas imitabimur, certissimis gradibus euehemur in celū. Adde te ad hoc faciendum adductum occasione, quod in eo Matritensi Rhetorum gymnasio sis dicturus, in quo D. Ioannes sit patronus delectus, qui ut nobis apud Deum perpetuus aduocatus sit futurus, ita nobis moribus exprimendus sit propositus. Quam obrem cū de re tanta, &c.

*Pro-*



*Proposuitio.*

**P**rimum, videtur dicendum de his quæ ad ingressum D. Ioannis in hanc lucem contigerunt; deinde de rebus ab eodē gestis quibus viam sibi parauit in cœlum; postremo de genere mortis quoad laborum suorum fructum percipiendum à Deo vocatus est, quæ omnia sunt eiusmodi, vt summis eloquentiæ viribus indigeant: verum quantum in me erit, si non augere & exonerare, exprimere quidem certè conabor.

*Confirmatio.*

**Q**uam admodum vir aliquis præclarus, si quo iter habeat, nonnullos præmittit vt suum illic aduentum declarent, ita hic Diuus theatrum hoc mundanum ingressurus, præclarissimis sacrorum vatum oraculis multo ante significatus est; atque illo potissimū quod per Malachiam Deus optimus maximus tam præclarum elogium prædicauit. *Ecce ego mitto Angelum meum, qui præparabit viam tuam ante te.* Ad hæc quidem Angelus Gabriel, qui Domini Nostri Iesu Christi aduentum prædixit, Diui Ioannis ingressum pronunciauit, ex quo quanta esset futura eius cū Christo cognatio, vel similitudo, declarat. Eius quoque nomen quod paucis fuisse concessum accepimus à Deo positū, &

ab Angelis nuntiatum est. Idem vero quid nisi gratia significat, quæ omnia singularē huic dignitatē à Deo fuisse attributā declarat, eandē verò confirmat, quæ ad diē natalitium huius Diui contigerunt; nā quicūq; aderāt Diuino numine afflati mira de illo prædicarunt, quin etiam eius mater in singularia erupit verba, imò, & pater qui adhuc mutus fuerat, incredibilia vaticinia pronunciauit, quæ quidē omnia tanta sunt, vt diuinitatem quandam nascentis præferat. Nomina plura Sancti Ioannis ex tractatu 2. cap. 1. perquiremus. Et quæ pro illo præclara testimonia ex tractatu 1. ca. 11.

*Ab educatione.*

**H**inc ad educationem veniamus, quæ sane fuit admirabilis. Cū à religiosissimis fuerit educatus, imò vt quadam Dei virtute mortalium numero adscriptus est, ita etiam vt opinor, eadem quoque virtute per omnem illi ætatem affulset Deus, quousque perfectionis verticem attigit, in primo illo post hominū memoriam nunquam audito facinore, quod vix quinque annos natus parentibus relictis, contemptis honoribus, atque diuinijs sese in locum remotissimum incluserit, hominum consuetudinem fugiens, vel nec leuem quidem maculam inde contraheret. Hic spatia



## *Liber secundus.*

tiaberis aliquantis per in eorum laudibus, qui à tenera ætate ad perfectionem contendunt Euangelicam.

### *A temperantia, & alijs virtutibus*

**H**ic cibis præter modum habiectus fuit: vestitus camelorum setis contextus. Erūpe hic in ætatis nostræ Epicureos, qui sibi sanctum Christi nomen attribuunt, ex tractatu sexto cap. 6. & undecimo. Percurres virtutes cæteras tractatus secundi, cap. sexto, 7. 8. 9. 10. & 11. eorum quoque partes ex capitis quinti doctrina examinabis.

### *Ab officio.*

**Q**uod diuinæ pietatis præcofuit, nec tam verbo quàm exemplo contemnens huius vitæ illecebras, monuit vnicum salutis perfugiū innocentiae statu delapsis, pœnitentiam esse. Est hoc amplificandum per compactionem tractatus 1. capit. 10.

### *Ab animi submissione.*

**S**ine qua non patere nobis cœlum intelligebat, vt sciscitantibus se an Christus esset, aut vnus ex vatum numero, clamantis vocem in deserto sese professus est. Amplificetur hæc animi submitio ex tractatu secundo, cap. 5. illustretur figuris & sententijs ex tractatu. 9.

### *A dignitate.*

**Q**uod vates reliqui ad futurum mundo iubar illud cecinerunt, quo noua quadam luce, hic terrarum orbis illustraretur. At Ioannes indice ipsū prodidit: ternam est adeptus laureolam. Fuit enim virgo, fuit martyr, fuit veritatis diuinę propugnator. Hæc dilatanda sunt ex secundo & septimo tractatu.

### *A genere mortis.*

**P**ro veritatis arce tuenda profundit vitam, cum veritatis mundo nuntius extitisset. Hic profero illud encomium, quod de ipso Filius Dei protulit. Amplifica à dignitate martyris, & illius oratore, qui est Christus, quod ille vnus omnium qui lucem hanc respexerunt, Deū habuit laudum suarum laudatorē. Lege tractatū secundum. c. 12.

### *Peroratio.*

**C**ontinebit breuem adhortationem ad auditores, vt toto pectore nitantur pie vitā transfigere, sibi ob oculos huius exemplum ponentes, vt suæ & aliorum possint saluti consulere. Ex tractatu 3. cap. 7.

### *De D. Ioanne Euangelista.*

**E**xor lium erit eiusmodi, vt explicentur causæ, quare obrem sint institutæ Diuorum laudationes publicę. Prima fuit, vt Dei Opt. Max. potentiā, sapien-



pietiam, benignitatēq; perspicimus; ipse enim sanctos homines facit. Altera, ut aliquod grati animi officium erga Deū, Diuosque exhiberemus, à quibus tot, ac tanta accepimus beneficia. Tertia, ut intelligamus eos mortales fuisse homines, & cōmunē nobiscum sortitos naturā, iisdē periculis, incōmodis, difficultatibus, erumnisq; obnoxios, & ad illam beatitudinem per summos labores aspirasse, consequutosq; pugnan- do cum vitijs, & cupiditatibus eam victoriam atque felicitatē, quam nobis quoque Deus propositā esse voluit: vbi subiiciendum est. Tū quod nos ad res gestas, virtutesq; sanctorum exorandas impellit, ut imitationis studio inflammemur.

*Propositio.*

**D**icendum est primū de D. Ioannis singularibus diuinisq; muneribus, quæ à Christo Domino cōsequutus est. Deinde de rebus ab eo sanctē, admirabiliter, & diuinitus gestis: postremò de eius apud Deum auctoritate, ac potestate.

*Primæ partis loci:* fuit hic Diuus Christi cōsobrinus, vel propinquus, fuit virgo ex nuptijs vocatus à Christo, & in Apostolorum Collegiū cooptatus. Fuit Christo præter ceteros præcipuē charus. Ab eodē sæpè miraculorū testis adhibitus. Idē v-

nus ex tribus fuit, qui Christū in mōte trāsformatū cōspexerunt. Huic vni proditorem sui Christus indicauit; Christi peccatori super cœnā incubuit, ex quo illam singularē, inauditamq; sapientiam hausit. Eidē Christus Matrem Virginem Virgini commendauit.

*Loci secundæ partis.* Fuit D. Ioānes nō solū virgo, sed etiā Apostolus, & Euāgelista: dū Euāgeliiū scribit tanta mysteriorū, arcanorumq; maiestate. Mirabilis, & inestimabilis mansuetudinis, amoris, charitatisq; plenissimus. Vates itidem fuit, dum Apocalypsim literis mandat futurorū mysteria continentem. Fuit deniq; martyr, dū feruenti oleo immersus, incolumis exiit. Addite tot populos Asiæ, & ciuitates eius sapiētia ad Christi cultū traductas, moderatas, cōseruatas; reuocatos ad vitam mortuos, ad virtutē improbos ac scelestos homines, cū semper vsq; ad extremū diē in ore haberet illud, *Filioli deligite inuicē.* Quid enim aliud vel Euangelium, vel Epistolæ eius nisi misericordiā, beneuolentiamq; spirant? Postremò, hic adhuc à nōnullis permanere creditur, ut in mundi conflagratione atque interitu ad homines qui tunc erant in Christi Religione, aduersus Antichristi fabulas, præstigiasque confutandas reuertatur.

Lo-



## *Liber secundus.*

**Loci tertiæ partis.** Vos igitur etiã atq; etiã cogitate quanto in honore esse debeat is, quẽ tot, tãtisq; beneficijs & honoribus Deus Opt. Max. exornauit, & pro studio eius patrocinium expetere doceat, quem tantũ apud Dei tribunal valere, & tã studiosum salutis hominũ tanquã misericordem, ac benignũ in omnes mortales fuisse accepimus. Reliquũ igitur est, vt ad eius virtutes imitandas, quoad possumus incũbamus; ita enim fiet, vt eũ patronũ benignissimũ in nos fuisse cognoscamus.

### *De D. Petro & Paulo Apostolorum Principibus.*

**D**Vces exordium à communĩ lætitiã totius Ecclesiæ, nã si martyriũ omnĩũ incredibilem hominum mentibus versẽ Christianis & Religiosis lætitiã affert, quantũ gaudiũ percipi parest ex eo, quo Principes totius Ecclesiæ, sanguine & vita fortiter constanterq; pro Christi nomine profusis, consequuti sunt triũphum? Merito igitur toto orbe incredibilis lætitiæ significatio ab omni hominũ genere omnium consensione exhibetur. Quã ob rẽ nemini mirũ videri debet, sit tanta hominũ multitudo vnus oratoris orationẽ spectet, miretur potius cõtinerere se quenquã, & intanta hominũ, & tantũ, atq; ordinũ exultatione, nõ exclama-

re omnes, & lætitiæ magnitudinẽ quacũq; ratione possint, voce cantuq; declarare, equidem quod me vnũ cæteris tacentibus dicere necesse est, quanuis & rei magnitudini, & loci dignitati, & expectationi vestræ parẽ me orationẽ afferre posse non spero, tamen eo vel maxime recreor, quòd non ipse tantũ, cuius nulla est exercitatio, &c. nec aliũ quẽcunq; quanuis summũ oratorẽ, pro rei veritate, de eorũ virorũ laudibus dicere posse certo scio. Aliter exordiũ si placuerit, formare licebit ex tractatu 5. cap. 2.

### *Primus locus.*

**C**ontinebit narrationẽ, quoniam Petrus quidem piscatione ad Apostolorũ Collegiũ, Paulus autẽ dũ Damascũ profiscisceretur, diuinitus vocatus est, & quid in vtroq; admirabile videtur, diligentius replicadũ, perlege tractatũ quintum cap. 4. 5. & sexto.

### *Secundus locus.*

**D**iligentia vtriusque in proximorum salute procuranda explicabitur; nam ille quidem statim ac Spiritum Sanctũ diuinitus recepit, concionabundus ad Iudæos properat, de que rebus diuinis verba faciens, multa hominũ millia ad Christi fidem traduxit; hic autem in  
fini-



finitas prope totius orbis terrarum partes, pro hoc Dei & proximorum amore incensus peragravit; omnia omnibus est factus, ut omnes posset ad veram Christi fidem, cultumque pertrahere. Sunt hæc dilatanda ex temporibus, locis, difficultatibus obiectis. Ex Apostolorum animo atque constantia.

*Tertius locus.*

**Q**uid quod uterque ad Apostolatus dignitatem, qua nulla potest esse in terra præstantior, singulari Dei beneficio assumptus est? quid enim aliud Apostoli nomen significare credimus, quam Christi ministrum, qui ad omnium salutem procurandam mittatur? quid quod uterque hoc quasi magistratu inito nomen mutat? Petrus Simon appellabatur, postea Petrus, quasi totius Ecclesie fundamentum. Paulus autem cum antea Saulus vocaretur, Pauli fortasse nomen accepit, cum eius opera ab omnibus prope modum periculis imminentibus liberanda esset Ecclesia Catholica. Atque adeo ipsum firmissimum Christianæ Religionis propugnaculum futurum. Est hoc beneficium considerandum, ex his quæ circa beneficia, & actionem gratiarum diximus tract. 4. part. 2. cap. 9.

*Quartus locus.*

**I**A M Verò quid de animi promptitudine, de que subi-

ta Christi imitatione dicemus? Ille unius Christi viventis voce admonitus nullius premij spe allectus, nulla externa pompa commotus, solo diuino amore incensus Christum pauperem pauper est consequutus: hic coelitus tactus & diuina voce suauiter perterritus, nulla suspensa mora sese statim in eius fidem & clientelam, totum tradidit, cuius paulo ante discipulos persequabatur acerrime. Gratulabimur Christo Domino pro nouis novæ militiæ ducebus ex tractatu 4. part. 2. capit. 10.

*Quintus locus.*

**C**onstantia in laboribus tolerandis, & periculis pro Christi fide fortiter subeundis tanta fuit quanta vix in hominem cadere maior potest. Nam ut omitram illius labores, vigilias, peregrinationes, præces lacrymas, carceres; huius autem virgas, vincula, lapidationes, aliaque id generis per multa pro Christi fide tolerata, ipsa urbis Romæ mœnia aperte docuerunt: horum virorum virtutem, atque constantiam cruciari, affligi, necari denique posse; à vera religione flecti, aut dimoueri non posse. O vis diuini amoris increditilis, quid non in pectoribus vere, & christianis, & religiosis efficit.

*Sextus*



## *Liber secundus.*

### *Sextus locus.*

**N**Eque verò facile explicari potest, quanta fuerit in utroque iustitia summa, cum facilitate & lenitate coniuncta. Nā Petrus quidem diuino amore in census sacrilegos & periuros illos Ananiam & Sapphiram, qui fraude ac dolo malo vsi erant, perpetuæ damnationi, sempiternisque supplicijs, & subitæ morti continuò addixit. Simonem Magum diuina Spiritus sancti charismata pretio comparare meditantem acerbissimè reprehendit, & Romæ inani specie & fucato artificio dæmonis auxilio nixum populos à vera Christi fide abducentem sublimeniam in aere (dæmonis arte elatum) sermonis & precum vi præcipitem egit. Paulus autem populos sibi commissos & mone- & increpare nunquam desistit; nonnunquam etiam diuino instinctu non leuissimas poenas, à sceleratis hominibus repositas; id quod indicat is, quæ ob graue, atque atrox nescio quod facinus anathematis ictu iugulauit. Cæteræ virtutes exponendæ iuxta ea quæ monuimus tractatu secundo, à cap. quarto, vsque ad vndecimum.

### *Vltimus locus.*

**Q**UID Porro diuinius dici aut excogitari potest, quā extremum vitæ spiritum pro

Christi religionē in supplicijs atque tormentis effundere; per peti iniurias præclarum est; vincula, & verbera, singulare, & illustre; propè diuinum occumbere? Quid dicam in crucem tolli? Aut securi percuti? hi videlicet sunt qui lauerunt stolas suas in sanguine agni; hi purpura induti, martyrij corona ornati Christum sequuntur; hi quasi mundi panes effecti in cœlesti illo conuiuio ante Deum optimum maximum apponuntur; hi quoniam publicè Christi fidem sine vlllo timore professi sunt, diuinum Christi virtutis, ac probitatis suæ testimonium collegerunt. Hi verò reliquisse omnia dicuntur, qui non honores, non diuitias, non voluptates, vt pauci, sed seipsos, atque adeò vitam propriam, vt paucissimi, vltro ac sponte reliquerunt. Hæc vrgebis ex tractatu secundo, cap. 12. de oratione funebri.

### *Peroratio.*

**Q**UAM obrem si horum obtinere præmia, horum consequi gloriam & felicitatem optamus, quin expergiscimur tandem aliquando? Quin hanc nostram socordiam & negligentiam excitamus; quin eorum & vitam exprimimus, & præclara facta imitamur? Ergo multa in hanc sententiam per adhortationem & dictorum enu-



enumerationem asserentur; atque ita tota oratio claudetur.

*Aliud Apostolorum Petri & Pauli Argumentum.*

**P**incipiem duces à communi omnium populorum lætitia.

Ingradies in disputationem de dignitate ordinis Apostolorum; quam tractabis comparatione amplissimarum personarum, Patriarcharum, Prophetarum, Pontificum, Regum, tunc concludes Petrum & Paulum non modò Apostolos, sed Principes etiam esse Apostolorum, in quo imitaberis, si voles, primam orationem post reditum ad Quirites.

Aut si mauis ita, nullus vnquam post homines natos hominum ordo fuit, neque dignitate muneris, neque amplitudine potestatis, neque vitæ sanctitate, nec ornamentorum magnitudine cum Apostolis comparandis. Amplifica singula per comparationem, & concludes, quibus igitur laudibus effereamus, qui fecunditate Patriarchas, vaticinatione Prophetas, auctoritate Pontifices, potestate Reges ipsos longe multumque superarunt? Tum occupabis imitatione orationis post reditum ad Quirites.

Secundò, fiat comparatio Principum Apostolorum cum reliquis Apostolis. Duo fuerunt

ordines Apostolorum, vnus à Christo adhuc mortali, alter ab immortalis institutus; illius Petrus, huius Paulus facile Princeps est habitus. Ac cæteri quidem Apostoli alij alias nationes Christo adiunxerunt, Petrus & Paulus Romanam urbem, domicilium Imperij, sedem superstitionum, arcem orbis terrarum imperpetuum occuparunt. Hinc ad imitationem progredieris. Catil. hos binos Apostolos antepones per reticentiam in miraculis, &c. Imitaberis reticentiam illam pro lege Manilia, *Socijs vestris ego, &c.*

Tertiò, ad inauditam horum summorum hominum amicitiam explicandam dilaberis. Dices nihil tam iucundum, nihil tam amabile videri solere, quam par amicorum. Declaretur fabula Pacuij. Nullum autem par amicorum vnquam post hominum memoriam extitisse, quod cum his possit, aut morum similitudine, aut voluntatum coniunctione, aut laudum gloria, aut rerum societate conferri.

Tandem de mortis coniunctione, sepulchri, gloriæ dicendum est per consueta capita tractatus de exornatione.

*De Diuī Bartholomæi laudibus.*

*Exordium.*

**E**Xordies ab illo Christianorum instituto, qui eorum quos præcipuo honore profecti



## *Liber secundus.*

qui volunt, non eius quidem dici, quo in hanc lucem venerunt, memoriam faciunt, sed eius tantum, quo ex hac vita discessere. Cuius rei ratio illa est, quia cum nihil in orbe terrarum sit, quod bono viro voluptatem afferre possit, plurima autem, quæ multos dolores ac molestias, lugendum est potius, cum in hunc terrarum orbem venimus; ij verò qui bene, & sancte hoc exiguo vitæ spatio confecto discedunt, non dolore & lacrymis, sed præcipua quadam gratulatione prosequendi sunt.

Quod etiam barbari quidem populi cognouerunt, qui liberorum, & affinium suorum natalem diem multis lacrymis & mærore, mortem autem maxima quadam & insolita animi iucunditate celebrabant. Quod si barbari illi populi non nihil de animorum immortalitate percepissent, præsentia tamen malorum permoti, non solum æquo, verum etiam libentissimo animo, mortem quam æternam fore putabant, excipiebant, quid nos tandem facere æquum est? Hæc igitur fuit consuetudinis huiusce ratio, ut natalem vniuscuiusque diem putarent, non quo in hanc vitam venissent, sed quo ex tot curis & laboribus, ad requiem, & beatitudinem illam euolassent. Quo fit, ut immenso quoddam gaudio

diem hunc Diui Bartholomæi memoriam dicatum celebrare debeamus.

### *Propositio.*

**T**Ria igitur te tractaturum dicemus: primum de eximia eius dignitate; tum de mortis causa; denique de supplicij genere.

### *Loci primæ partis.*

**A**C Primum quod ad maximam eius dignitatem attinet, nomen ipsum indicare Apostoli, quod amplissimo illo ordini à Christo est impositum; quod nomen nihil aliud significat nisi missum. Videndum est ergo primum à quo missus: deinde quò missus fuerit; deum qua de causa. Non enim parum refert, à quo aliquis missus sit, cuius sit iudicio delectus, cuius auctoritate comprobatus, cuius sententia ad tantum munus aptissimus iudicatus. Huius dignitatis cum cæteris fiet comparatio ex tractatu 1. capit. 10.

Atqui Deus illum elegit; missus est autem primum in totum terrarum orbem, missus est ad vniuersum mortale genus. Deinde cum Prouinciarum sortitio facta esset alijs quidem alias, ipsi autem à Iudæa remotissimam ac distractissimam regionem obtigisse. Causa autem, qua ille tam longam, tam difficilem peregrinationem suscepit,



pit, honestissimā sanē, ac præclarissimā fuit. Peruagantur alij maria, & terras mercaturæ grātia, vt se suosque locupletent; alij visendi studio, alij denique imperij propagādi gratia. Hūc autem non avaritia impulit, nō permouit ambitio, non quædam curiositas, sed vna illa causa, vt homines à vera virtutum via aberrantes reuocaret, doceret, instrueret, qua quidem re, nihil est nobilius, nihil diuinus.

Secundò, duabus rebus potest dignitas dignitatem superare; honore, & potestate; tantus autem honor, tanta potestas ei concessa est, quanta mortali vili concedi potest. Nam quod ad honorem attinet, nō est honoris verus censendus, qui à plebe aut ab aliquo populo alicui deferretur. Hic enim primum levis est, & exiguus. Deinde qui facile mutari possit, ad extremum indignis sæpe deferretur; quare verum virtutis iudicium esse nō potest. Qui verò à Deo deferretur. Verus est honor.

Potestas autem Diuo Bartholomæo à Deo collata maxima, & amplissima fuit; Deus enim qui omnia potest, illum quoque omnia posse voluit, itaque terra, maria, aer, ei adnutum adferrebat, & in ipsum etiam cælū potestatem habebat.

*Loci secundæ partis.* Causa verò mortis non scelus aliquod,

non aliqua turpitudine fuit, sed certo cum capitis sui periculo, quod Christi religionem propagasset; cum enim post Domini in cælum reditum Bartholomæus in barbaram regionē aduenisset, ad eius aduentum præcipuum eius gentis idolum cōcidit, & oraculū obmutuit, quæ causa fuit, cur ad Regis aures eius fama peruenerit. Polemō Rex filiam quam habebat, iamdiu à dæmone vexatam, ad illū misit, quam ille statim ab illa vexatione liberauit.

Amplificatio de sanctorum omnium potestate, etiam in ipsos hostes, fiat iuxta ea quæ tractatu 7. disseruimus. Tum Polemō ad eum præmij loco, iumenta multa gemmis vestibisque onusta misit. Quæ omnia Apostolus magno animo contempsit, eumque vltro adiens tanta vi dicendi, tanto animi ardore de rebus diuinis verba fecit, vt eum vna cū vxore, duobus liberis, & familia tota, & denique populo vniuerso ad Christianam religionem converteret, & omnes salutari aqua baptizaret. Amplificabis hūc illius animi magnitudinem, qui humana omnia contemnens, non aurum, non argentum, non alia denique huiusmodi quæ homines vsque adeo æstimare solent magnifecerit, sed illud vnum curat, vt Regem ad veram religionem perduceret.

L

Lo-



## *Liber secundus.*

*Loci tertie partis.* Narrabis deinde, vt Astiages frater natu maior indigne hoc ferens, & à sacerdotibus suis stimulatus comprehendi illum iusserit, & ad se deduxerit.

Describes hic Apostoli ad Astiagē euntis animū & constantiā loquentis, describes etiā per Hypothiposim iratū Ty rannū, vt se nihil proficere ani maduertit, qui, nullo vulgari supplicio contentus, sed in auditum aliquod nouū pœnarū, & cruciatuū genus excogitat. Aduocatis statim carnificibus iussit eum crudelissime expoliari, nudumque alligari ad arborem; & cultris paulatim totam cutim discindi, pellēque omnem à toto corpore detrahi.

Describes etiam hic corporis deformitatem, cui nulla iā forma, nullus decor inerat, neque iam vlla tunc humani corporis figura atque disruptis omnibus venis riuus sanguinis profluebant, & cruor vndiq; copiose in terram manabat, cū que hoc supplicij genere diuisisset ex cruciatus, ad extremum caput ei abscissum est. Absoluta narratione adhibebis exclamationem, in qua amplificabis & tyranni crudelitatem, & martyris inuictam illam, animi constantiam & magnitudinem.

Crudelitatem autem tyrann

ni exagitabis apostrophe ad ipsum, cui videlicet parum videbitur non illum hominem lucis huius vsura priuari, nisi etiam eum tantis cruciatibus afficeret, quos omnes in humanum corpus cadere posse, vix credibile sit, qui adeo se hominem oblitus erat, vt hominis sanguinem haurire, homini vitam eripere vellet; at cui homini? à quo tanta acceperat beneficia. Cominendabis deinde Martyris constantiam, qui in tot doloribus stabat immobilis, & inter tot cruciatus nullū vnquā gemitū, nullū nisi cū dignitate & honestate verbū protulit, & immotis oculis, ipse suū spectauit suppliciū, & quē aliena mala cōmouissent, in suis cruciatibus triūphabat, & animo intrepido perfluētē ex omnibus membris sanguinem aspiciebat.

Augebis hic Romani illius Imperatoris crudelissimi sauitiam, qui quos diris supplicijs mastare vellet, non quidem vno ictu occidi (nam ei quidem id leue videbatur) sed minutissimis ictibus excarnificari iubebat, vt quem admodum ipse dicebat, mori se sentiret. Comparabis enim D. Bartholomæi supplicium cum aliorum martyrum supplicijs, in quo dices intelligere te quidem, quā difficili & scopuloso loco verferis, quoniam

niam



nam omnis sanctorum hominum comparatio odiosa esse solet, te tamen nunc, non de vnius cuiusque sanctitate & virtute, sed de supplicij genere disputare: aperte te dicere, nullum fere esse mortis genus, etiam insignium illorum Martyrum, quod non solum huic præferri, verum etiam conferri possit. Etenim illa omnia quod erant magnitudine acerbiora, eò etiam necessario erant breviora. Ita que celeritate sua magnitudinis sensum adimebant: solum igitur propemodum Bartholomæi supplicium magnitudinem diuturnitati coniunxit, neque in eo acerbitas longitudinem minuit. Quid quod in alijs fere si pars vna vexabatur, aliæ certe dolore vacabant, in hoc nulla parserat corporis, quæ non sentiret cruciatum. Hæc autem te ideo disputare dices, vt intelligatur, quanta in illo homine fuerit patientiæ tolerantia, charitatis virtus, non enim potest, qui intus non sit armatus, qui magnis illis virtutum præsidijs egregie instructus, ac munitus, non sit, vt tantas pugnas, tantos contentionum æstus, tanta certamina toleraret. Itaque si hæc omnia ita sunt, si eos animo ac corpore dolores pertulit, quos

vix percipere, nedum oratione explicare possimus, etsi doloribus, & laboribus, his toleratis suum in cælum præmium respondet, quam gloriam, quas laudes, quam beatitudinem consequutum illum esse credimus.

Dices igitur, illum nos exemplo suo admonere aperiendum esse, nobis aditum in cælum labore, vigilijs, sanguine, etiam si opus sit, comparandum. Itaque auditores hortaberis, vt si illos cœlestia delectant, ad quæ ille hodiernæ die peruenit, sibi ipsis persuadeant, eandem etiam capeSSendam viam, vt quam nunc ex alienis bonis lætitiæ voluptatem percipiunt, ea tandem aliquando, ex sua beatitudine perfruantur.

*De S. Stephano Protomartyre.*

**E**Xordium ducetur à vaticis adhortatione, qua Deum optimum max. in sanctis hominibus collaudare iubemur. licet autem sanctorum virorum, qui nunc æterno ævo fruuntur, laudes maiores sint, quàm vt nostra orationis facultate explicari possent, non tamen nostro deesse debemus officio.

L 2 *Pro-*



## Liber secundus.

### Propositio & confirmatio.

**D**icendum est de sancti Stephani primum sapientia, deinde charitate, tum de pudicitia, postremo de cæteris singularibus beneficijs, quibus fuit diuinitus exornatus, quælia sunt esse virginem, fuisse delectum diuino instinctu ad mensæ ministerium. Tertiò, fuisse occisum eo anno quo Christus. Quartò, in ea ipsa urbe ab eisdem dæmonum ministris interfectum fuisse discipulum qui magistro vitam eripuerant. Quintò, fuisse primū ex omnibus pro Christi confessione ac nomine trucidatū. Reliquæ quæ ad patientiam, sapientiam, charitatem demonstrandam pertinent ex actis Apostolorum petenda sunt, enarrandæ quæ sunt illarum virtutum potestates atque effecta.

Peroratio continebit dictorum enumerationem breuem; deinde cohortationem auditorum ad imitandum, venerandum, inuocandumque tam sanctum, benignum, misericordem, Deo charum, & familiarum virum.

### Laudationis D. Nicolai.

**P**incipium duces à difficultate, idque ex oratione pro Cornelio Balbo imitatione expressum; verū in tantis difficultatibus te lætari dices, oblatū ti

bi tēpus, in quo tuū in D. Nicolai studiū aliqua oratio possit declarare. Tum propones te de D. Nicolao studiosissimo discipulorū patrono, noua quadam ratione, sed breuiter esse dicturū. Præcipue autē eius facta eo ordine narrabis, quo omnia æquabili varietate distinguiamus: *Cū magna paruis, &c.* Vt est in partitionibus, vbi Cicero loquitur de collocatione. *Nam aut tēporū seruat gradus, aut generum distributiones, & cætera. Aut hæc in æquabili varietate, cū magna paruis, &c.*

Quod si maioris orationis exordium pro Archia imitari, modò id elegāter & sine particulari specie fiat, nō reprehendā. Vnde deo enim causam esse cōsimile inec mihi sanè displiceat, si quā collocadi rationem tenuit Tullius in 2. Philippicorum in Antonio vituperando, eam tu in Diuo Nicolao laudādo cōserues, seruatis nimirū, tēporū & ætatum gradibus, vbi ille: *Vis ne igitur te inspiciamus à pueris?* Deinde reliqua huius summi Episcopi facta, vt ille Antonij vitia, ad certa virtutum genera reijcies, & tūc à minoribus ad maiora ascendas, tūc à maioribus ad minora delabaris.

Exornationis autē initiū, scilicet à paruis ducere, vt de generis splendore, diuitijs, educatione dicas, quib⁹ breuiter laudatis magnaquēdā intexes; aut amissis



amissis parentibus, distributio-  
nem facultatum in pauperes,  
singularem temperantiam, sum-  
mam verecundiam, incredibilē  
modestiam ex tractatu 2. cap.  
4. 5. 6. 7. 8. & sequentibus; dein  
de aliqua simplicia facta expo-  
nes, ut quod infans reliquis die-  
bus lac nutricis suggeret, quarta  
& sexta feria semel dūtaxat,  
idque vesperi.

Tum, quod cū noctu augu-  
stissimum, religiosissimumque  
vrbis templum frequentare so-  
litus est, diuinitus deprehensus  
est, & Myrex Episcopus crea-  
tus. Qui locus conformari po-  
test ad similitudinem eius qui  
est in 2. Philipp. *At videte homi-  
nis leuitatem, obuoluto capite do-  
mum venit, ianitor, quis tu?* &c.

Tertiò, coniuncta aliqua fa-  
cta proferes, quod cū in Palæ-  
stinam ad loca illa sancta visen-  
da trāsmitteretur sereno cœlo,  
& tranquillo mari, turbulenti-  
ssimā nautis tēpestatē, procellam  
q; prædixit, quam mox exor-  
tam cū omnes in summo discri-  
mine versarētur, precibus Deū  
exorans, sedauit. In quo facto,  
duo elucet permagna miracu-  
la, prædicere, & sedare. Peregri-  
natio autem hæc augeri pote-  
rit ex narratione, & expressio-  
ne locorum, quos v. sit in Palæ-  
stina, ex eo quod verisimile  
est, eum in singulis locis fecif-  
se. Magnam ad hanc amplifica-  
tionem materiam D. Hierony

mus in epitaphio S. Paulæ sup-  
peditabit. Deinde tanquam ob-  
curum narrabis, quod quidam  
commemorant cū recens na-  
tus lauaretur in labro, per se mi-  
rabiliter constitisse. Lege tracta-  
tum secundum cap. 4.

Quartò, illud autem tanquā  
dilucidum, quod tres puellas  
nubiles, quarum pudicitia ob-  
inopiam periclitabatur, in ma-  
trimonio collocauit. Est hoc am-  
plificandum per comparatio-  
nem, & subiectionem.

Quintò, deinde illa tanquam  
probabilia expones, eum in  
omni vita, tum maximè in E-  
piscopatu, frugalitatem, & vi-  
gilantiam, & pietatem mirificè  
coluisse, ceteraque generis ei-  
usdē, quæ in summo Episcopo  
laudantur. Tum illud tamquam  
prope incredibile adiungen-  
dum, quod tamen clarissimis est  
antiquitatis monumentis testa-  
tum, atque consignatum, quod  
tres Tribunos per calumniam  
à Constantino Augusto con-  
demnatos, qui eius fama per-  
moti, miraculorum eius longe  
absentis opem imploraue-  
runt, adhuc viuens, Impera-  
tore per quietem, per visum  
territo, liberauit. Item illud,  
quod ieiunium ex sepulchro o-  
leum in modum fontis emana-  
uerit.

Denique ut triste quoddam  
imitari poteris præfatio. 3. lib.  
de orat. Commemorabis quod



## *Liber secundus.*

contra edictum Diocleciani & Maximiani; Christianæ religionis mysteria Myræ predicaret, ab Imperatorum satellitibus comprehensus atque constrictus, longissimeque abductus, & in carcerem coniectus est, ubi innumerabilibus pressus ærumnis in sordibus ac squallore usquead Constantinum Imperatorem iacuit. Ex quo loco, ubi miserationem breui commemoratione moueris, ex tractatu sexto, c. 10. lætissimum illud subiicies, quod Constantini iussu è custodia eductus, Myræam que ad Episcopatum honorifice reuocatus est, nec ita multo post instante iam morte suspiciens in cælum, cum Angelorum manusibi occurrentes cerneret, illo Psalmo pronunciatum, *In te Domine speravi*, usque ad eum locum, *In manus tuas Domine commendo spiritum meum*, in cœli palatia, ad Deum perfruendum penetrauit; atque hic locus modicè, per hypotyposim tractandus, eique apposita aliqua, & lenis exclamatio adiungenda.

Ad extremum eum cum Diuo Ioanne Baptista comparabis, ita ut Tullius in 3. Philipp. non longè ab initio, Marcum Antonium cum Tarquinio Superbo, ex quo discipulus ad sancti viri, eiusdemque certissimi patroni studium, cohortando perorabis.

*In laudem S. Gregorij.*

**E**Xordium ab eo sit, quod Gregorij res gestæ sunt auditu iucundissimæ, tum verò utilissimæ omnibus Christianis, ut quemadmodum ille recte factis viam in cælum sibi munierit, ita & nos faciamus illius imitatione.

*Propositio.*

**P**rius de rebus, quas ille gessit, dicemus; tum de prudentia, qua sibi commissam Ecclesiam gubernauit.

*Confirmatio.*

**I**N Confirmatione serua temporum gradus. Primus locus à patria natus est in illa urbe, quæ caput fuit & est orbis terrarum. Secundò, ab educatione summa cum diligentia à religiosissimis parentibus. Tertio, ab studijs Rhetoricæ, Mathematicæ & Theologiæ, ubi pretiosissimis scientiarum thesauris animum locupletauit. Quarto, à pietate & religione qua adhuc iuuenis in solitudinem se consulit. Quintò à doctrina & sapientia, qua lucubratissimis scriptorum monumentis Christianum nomen propagauit. Sextò, à Summi Pontificis creatione; nam magno consensu inuitus in amplissimo Christianæ dignitatis loco atque in



in illa omnium terrarum arce collocatus est.

Deinde institues illius laudes in summo magistratu gerendo, primum à pendentia ubi plura sapienter facta ex illius historia depromes. Secundò, à iustitia, quam & morum suauitate, & diligentia in rebus gerendis præ se tulit. Tertiò, à liberalitate erga pauperes; domi pauperes aiebat, &c. Quartò, à temperantia, qui pro nihilo duxit dignitates opulentas, opes & epulas exquisitissimas contempsit. Quintò, à fortitudine, quam declarauit in suscipiendis magnis periculis rebusque turbulentis pro seruandis Christianis. Sexto, à cōparatione. Conferes illum cum Patriarchis, Prophetis, &c. Septimò, fiat digressio contra nostrorū temporum mores.

Epilogus de more per adhortationem.

*Laudatio Sancti Francisci.*

**I**N exordio satisfaciendū est illis, qui fortè admirarentur laudari sanctum virum hoc tēpore, tanquam alieno, dicēdū est, semper laudari posse illos, qui nunquam rectè semel laudari possunt. Deinde si ita res habeat, si expectetur anniuersarius dies, nunquā laudabitur, quia dies ille incidit in dies quibus abscedēte in Academiis iuuenū multitudi-  
tudine; vacua est Matritensis

schola, atque ita vir sanctus laude, auditor voluptate, orator pietatis officio fraudaretur.

Laus ducēda est à triplici tēpore, antequā nasceretur, cū vixit; post mortē, & cū mortu⁹ est.

Antequam nasceretur, laudari potest Italia, vel Afissium, ut quemadmodum Italia est sol totius orbis; ita sanctus Franciscus lumen Italiæ.

A parentibus, quia domi nobiles fuerunt, quanquam has laudes repudiaret sanctus Franciscus, cui patria cœlum, Parens Deus fuit.

Potest laudari ex oraculo, ab eo quod prædictum est matri de filio antequam nasceretur.

A tempore quo vixit vten- dum præteritione est. Dicas te non laudare externa bona, neque corporis attingendo.

Mittamus diuitias, quas ipse in pauperum subsidium effudit, nobilitatem, quam contempsit, amicos, quos neglexerit, ut vnum amicum haberet Deum, in quo omnes etiam amicos amauit. Prætermittenda bona animi, ut fortitudo, iustitia, prudentia, temperantia, maiora fuisse bona in sancto Francisco: veniendum denique ad bona cœlestia gratiæ. Leuiter attingantur capita illa quæ tractatu secundo à capit. 6. vsque ad decimum numerabis.

L 4 Lau-



## *Liber secundus.*

Laudandus diuitiarum contemptus, qui cum diuitiarum paupertatem abiecisset, paupertatis diuitias amplexus est; dicas in hoc fuisse maiorem naturam hominum, qui natura diuitias expetunt; is non tantum non expetit alienas, ut haberet; verum etiam quas habebat abiecit, ut Christum aliquo modo lucraretur.

Laudandus est contemptus voluptatum, qui tantus in eo fuit, ut videretur in terris vitam imitari Angelorum, nimirum alijs voluptatibus abundabat, & veris, synceris, liquidis solidis.

Contemptus horum, quos pauci admodum homines contemnunt, quo quisque maiori splendore est & ingenio, eo maiore cupiditate, ad honores rapitur: intelligebat, quam fluxa, quam caduca mortalia sint, & his negligendis quantum honores diuturniores parentur.

De studio precandi. Deum enim alloquebatur, qua ex re factum est; ut omnia à Deo impetraret.

A cupiditate perferendi martyrij. Is enim ad Soldanum contendit. Quod si Deus voluntatem spectat, Martyr fuit, imò grauius fuit non interfici pro Christo, quam si interfectus esset; laudanda est mors ex tractatu 2. cap. 12.

Post mortem coniungenda

sunt quædam, quæ viuēs fecit. Ab ordine, imò ordinibus, neque enim vnum habuit. Sed plures, qui quantum stabit humanum genus permanebunt. Commemorandi aliquot viri, qui ex ordine illius fuerunt. Compara præterea filios sancti Francisci cum filijs hominum.

Postremò vtendum est præmunitione ad maximam omnium laudum, dicendum enim est de stigmatibus, ut qui Christum animo ferebat, eundem corpore ferre videretur. Amplifica hoc factum à minore. Si Daniel honoratus in veste Regia, si Mardocheus item: quid sanctus Franciscus signifer Christi? Hæc facta, ut dum viueret, videretur esse Christus, & non solum eundem animo imitaretur, verum idem corpus haberet, quia amor coniungeret ardentissime.

Peroratio. Petenda venia à sanctissimo viro, si pauca dixit. Sunt enim plura multò quam comprehendere animo aut cogitatione possint. Deinde adhortandi auditores, ut eximie sanctitatis simulacrum oculis exponant, & imitentur.

Alterum exordium, Ab infinitis sanctissimis laudibus, & nunquam ante hoc loco auditis, promittenda est veritas, & simplicitas orationis, quia ut vir sanctus & humilis fuit: ita orationis humilitate delectatur.

San-



*Sancta Catherine Virginis & martyris. laudationis. Argumentum.*

*Exordium.*

**E**Xordium ducendum est à persona, quæ laudanda est, & ab officio laudationis. Laudatio enim ad imitationem rerum laudatarum incitare debet, in hæc fere formam. Gaudeo diuinitus effectum, ut illud mihi primum laudationis argumentum obtigerit, quod tum præclarum sit ad audiendum, tum etiam propositum ad imitandum. Addatur aliquid de persona dicentis. Hoc me male habet, non posse me paræ facultatem afferre ad tantam materiam. Concludatur exordium hac consolatione, scilicet non mirum esse ab eius laude superari humanam eloquentiam, à cuius virtute superata est propè modum humana natura, danda mihi opinor venia, malle opprimi ab onere, quàm deficere.

Primus locus à natalibus, & à puerili institutione. Orta est Alexandria, quæ vrbs erat totius Asiæ florentissima, Cuius multum ornamentum ex Virginis natalibus accessit, nobilibus parentibus fuit, ut quæ verè foelix erat futura, huic nihil de esset beatitudinis. Instituta liberalibus omnibus disciplinis, ut mirum sit puellam excelluisse omnibus, cum multis viris hunc stissimum sit in vna excel-

lere. Poteris vti gradatione. Magnum est viro in vna disciplina excellere, maius in multis, quid vni puellæ in omnibus?

Secundus locus à coniunctione pietatis cum scientia; neque enim à scientia inanes spiritus sumpsit, neque ita rerum scientiæ sededit, ut Dei obliuisceretur. Digressione vti poteris in eos qui dicunt difficilem esse cum pietate scientiæ coniunctionem. Discant à virgine, & pudeat in eis non audere conari, quod puella præstitit.

Tertius locus à benefactis, & studio hominum adiuuandorum; quippe cum videret Christianos homines miris modis à Maxentio Tyranno excrucia-  
ri, eorū patrociniū suscepit, hominem adiit, & grauiter accusauit. Est hoc amplificandū per subiectionem. Quæraturn à Virgine, vnde ille tam magnus & virilis animus, cum non vereatur eum alloqui, quem vel aspicere cæteri timent? sed quid dico alloqui? Obiurgare in medijs satellitibus. Cum non veritasit eum verbis reprehendere, qui pro verbis verbera retulisset. Sed hoc poterat Dei amor, qui illam confirmabat, & erudiebat. Sequitur in eodem loco interrogatio ad tyrannum. Quid non metu dignitatem virginis vereris? obiurgationem horres; vidistine vnquam similem



## *Liber secundus.*

lem in virò animum, similem mentis altitudinem, quid deinde? quid putatis?

Quartus locus permotus Tyrannus: minime, sed quod sciebat eam multarum artium scientia præditam, statuit per sapientes, & eorum sophismata virginem à Christiana fide deducere. Itaque quinquaginta qui doctrina maximè & ingenio valerent, accersit, & cū puella disputationem iniri iubet; sequitur descriptio disputationis in hunc fere modum. Constituitur solenne Alexandriæ spectaculū. Puella certamen suscipit cum quinquaginta senibus, interrogantibus respondet, sophismata evertit. Quis non existimasset feminam daturam manus. Exclamatio ad sanctum Spiritum. O diuine Spiritus, tuam hic ego virtutem agnosco. Contra autem cecidit, nam senes virgini cesserunt, nec diutius eius vocem atque impetum sustinuerūt, docti ab ea sunt, & ducti ad Christi gregē, pro quo etiam non dubitarunt mortem oppetere.

Sequitur amplificatio victorie, quæ ita gloriosa Virgini, utilis victis fuit. Sequitur altera subiectio.

Quid agis Maxenti? quos sapientes accersieras, sapientiam ostenderunt suam; respuerunt, te, ut idem facias, admonent, sequere sapientium

tuorum consilium; sed his rebus non mouetur Tyrannus.

Quintus locus, ubi vidit Tyrannus primum certamen parum profecisse, alia experitur arma, adhibet blanditias, & quadam comitate, pollicitationibus scilicet, puellam de proposito deducere conatur. Est locus amplificandus hoc modo, exere vngues leo; quid adularis? neque hac arte puella capitur.

Sextus locus, intenētur verbera, expellantur virgæ, condatur in tenebroso carcere; ita ne immanis Maxenti? Quorum hæc tanta crudelitas? Quod tandem hoc facinus. Describenda hoc loco Virginis fortitudo, atque animi excellentia, quæ in medio virgarum crepitu læto semper animo fuerit, & Deo gratias egerit. Recordabatur scilicet Christum Dominum pronobis verberibus affectum; hac se, hac consolatione sustentabat; neque tanta lux & virtus occultari potuit in tenebris, quippe qui Porphyriam duces belli, & Iustinam uxorem Imperatoris ad Dei lucem conuertit, qui vitam maluerunt amittere, quam recens susceptam fidem.

Septimus locus, quid agis crudelior fera? annon Dei virtutem agnoscis? dum Catherinā quæris, uxorem amittis, & principes viros tuos, quanquam illi quidem



quidem, beati sunt, tu infelix, & multò inferior quàm illa, quam miseriam esse voluisti, cum in eam ultimum supplicium decreueris, ultimas vires ex prompteris. Accipite auditores crudelitatem inauditam; & quæ nisi literis consignata esset, plus famæ esset habitura quàm fidei. Describatur rota acutis prætexta mucronibus ad Virginis corpus dilacerandum, non timet illa, offert se lætam: sed cum ad solitum precationum auxilium confugisset, diffractum est argumentum rotæ, quo viso multi ad Deum conuersi.

Conuertatur oratio ad Virginem, laudetur constantia, fortitudo, victoria, laudetur Dei, providentia, quinos nunquam destituit.

Octauus locus, atq; idem potestremus est de morte; dicatur de Tyranno. Addatur, quòd cum existimaret se non posse vivere, Catherina viueret, eà de medio tolli, & caput amputari iubet. Describatur supplicium, & Virgo quæ ducebatur læta, tanquàm ad cõuiuium & nuptias proficisceretur. Exclamatio ad imitationem Virginis, quæ ad sponsum sanguine conspersum non sine sanguine tincta aduolauit. *Peroratio.* Excitandi sunt auditores ad eà colendā, præcipue qui sunt studiosi eloquentiæ, & excitentur ad eà imitandam, imò

iungenda pietate cum scientia; in hominibus Christo adiungendis; & pro eius nomine rebus omnibus aduersis constanter perferendis.

*Aliud eiusdem.*

**E**Xordiū à tēpore, & die ipsi sacro, cuius religio suo iure postulare videtur, ut aliquo nostræ orationis officio eius singulares laudes prosequamur, et mirabile Christi potentiam in tantā tenera ætate, fragilique sexu demonstratam taciti prætereamus. Et profecto martyrum victoriæ sunt huiusmodi, ut in his celebrandis ac prædicandis omnium eloquentium ac Doctorum hominum studiū & industria debeat collocari.

*Narrationis & cõfirmationis loci.*

**P**rima laus à Virginis sapientiæ, quæ Philosophorum supercilia subiecit Christo.

Secunda à constantia animi, qua tot ac tanta tormenta superauit.

Tertia à Virginitatis candore, vitæ innocentia, morum sanctitate.

Quarta quomodo educata, quibus artibus erudita, quæ disciplina excolta, quibus studiis apertis annis dedicata ostendatur.

Quinta sumitur ab ipsa quæ in omni tempore ipsius consecuta sunt honoribus, beneficijs, prærogatiuis, Angelorum exequijs.

Epilogus per enumerationem, & adhortationem ad huius Virginis



## *Liber secundus.*

ginis, & Martyris cultum retinendum, patrocinium postulandum, &c.

### *Argumentum laudationis. Diua Cæcilia.*

**P**Rincipiū à dissuasiōe duces, & coniunctiōe Diuæ Cæciliæ, cū auditoribus, ita ut dicas nō semper eos diuos laudādos esse, quorum virtuti propter eorum singularem excel lē tiam passim præconia tribui solent ab omnibus, sed interdū eos etiam laudibus exornādos, qui cū multa laudanda fecerint, minimē tamē à vulgo pro eorum meritis & dignitate laudantur; itaque cæteris Diuis omisissis, quorum laudes sæpius ex hoc loco prædicatę sunt, Cæciliæ præstantissimæ Virginis laudes, quātū intererit, celebrare conaturum, quod eo libentius te facturum dices, quod huius puellæ laudem celebrem per gratam speres futurā. Dein de attentionē breuitatem pollicendo comparabis.

Primum igitur generis nobilitatem, diuitias, opes, indolē, educationem reticēdo perstringes; deinde ad eximiam eius in Christum charitatem, atque ad mirabile vitæ institutum venies. Dices eam ab ineunte ætate, ita Christi amore flagrasse, ut Euangeliorum librum, in quo Christi quasi imago expressa literis cernitur, perpe-

tuō insinu gestaret, & virginitatem suam cœlesti Sponso voueret. Quod exaggerabis ex adiunctis, formæ præstantia, propinquorū splendore, magnitudine pecuniarum, & de cōstantia in vitæ ratione suscepta retinenda dicendum est.

Cū enim Valeriano adolescenti pari nobilitate, inuita disponsa esset, et si splendido vestitu coacta vteretur, sed tamen ad custodiam pudicitia, & cilicium aureis vestibus occultabat, & cibo potuque, quam maximē poterat abstinebat, & dū symphoniacorum vocibus tecta personarent, clam ita Deum rogabat; *Fiat Domine cor meum, & corpus meum immaculātū*, suamque Virginitatem Deo, Angelis Diuisq; omnibus, commendabat. Atque hæc singula modicē amplificabis. Illud autē maximē, quod prima nuptiarū nocte cum Valeriano sponso sermonem habuit, & cū mei persuasisset se in Angeli esse tutela, non modō eius libidinis æstus restingeret, verum etiā Angeli videndi cupiditatem incenderet. Quod præclarum Cæciliæ facinus per contētionem cum Lucretia, cuius castitas à Sexto. Tar. minis expugnata est, deinde cū Iudith, quæ Olophernum ex insidijs obtruncavit, comparandum sit, ut longissimē anteponatur.

Hinc ad narrationem redibis,



bis, & primum res hasce pene diuulgatas fateberis. Deinde id quod es dicturus, antequam dicas, ad attentionem renouandā augebis.

Tunc illud narrabis, Valerianum virginis hortatu ab Urbano Pontifice Maximo baptizatum rediisse domum, & cum Cæcilia Angelum incubiculo incredibili splendore fulgentē inuenisse, qui coronas ex celestibus rosis, & lilijs textas, in manu tenens, vtrumquē ad pudiciam colendam cum esset hortatus, alteram Cæciliæ capiti, alteram Valeriano dedit. Ea quæ diximus, cum didicisset Valeriani frater incubiculum ad Cæciliam ab eodem introductus odorē eum, qui ex celestibus floribus afflabatur olfecit, sed ita vt ferta ipsa non videret, itaque cum tempestas esset alienissima obstupuit. Licebit autem hanc rem, quia præter expectationem est, sustentatione exornari; deinde ita ad rē redibis. Ergo Tiburtius ab Urbano Christianus initiatus sacris, Angelum Cæciliæ custodem sapissimē vidit. Hic exclamabis ad nitorem, candoremque animi amplificandum, qui celestis aspectu dignatur à Deo.

Inde Valerianus & Tiburtij martyrio, ad Cæciliæ laudē breuiter exposito, ad Cæciliæ martirium delaberis, quæ ab Almachio accersita, fortunas omnes

& suas & Valeriani sponsi periculis cum describisset, dijs immolare iussit, mori semalle dixit; deinde hætoribus, quibus tradita erat incustodia, eius vicem deplorantibus ita de æternæ vitæ præmijs & diuina liberalitate disseruit, vt quadringētos eorum qui aderant, Christo adiungeret. Denique ad Cæciliæ extremum actum, totamque rem dolenter expones. In suas enim ædēs, præfati iussu redacta à hætoribus in ignem conijcitur, vbi cum diem noctemque in medijs flammis intacta permaneret, in eā carnifex immittitur, qui cum, ne tertio quidē securis ictu, caput illi potuisset abscindere, semiuiuā reliquit. Hic misericordia excitanda ex sensu Populi Romani. Itaque cum triduum ita vixisset, quod triduum sibi diuinitus ad domum suam Deo consecrandam, datū, dicebat, ædibus ab Urbano Pontifice maximo consecratis læta, atque alacris ad Virginitatis & Martirij coronas in cœli palatia penetrauit.

Hic ad illam, orationem exclamando conuerteris, eiusdemque opem aduersus intemperantiam maximam adolescentiæ aduersariam edomandam implorando perorabis, dixi.

*De fortitudine Martyrum.*

**I**N exordio hæc dicipoterūt, libenter & attentē audire de-



## *Liber secundus.*

de militari fortitudine dicētes tanto nunc attentius accipere debere de fortitudine Martyrū, quanto fuerit illa & admirabilior omnibus & utilior, quā fortitudo militaris. Hæc enim conservare vitā & fortunas, illa non solū ipsis, verū etiam nobis diligenter imitari studentibus, vitam æternam, & beatam, & cumulata omnibus bonis peperisse.

In confirmationis initio insti-  
tui poterit comparatio fortitudinis Martyrum cum fortitudine optimorum militum, ea ratione qua. M. Tullius Cæsaris clemētiā cum eius rebus bello gestis comparavit.

Primò causa conferetur, quòd fortitudo militaris, partim à disciplina, & exercitatione nascitur; Martyribus autem illa tanta constantia fuerit tributa divinitus.

Deinde effectus non militari fortitudine illa fieri dicemus quæ humanis opibus fieri possunt, & à Martyribus res esse gestas omnibus hominum viribus longè superiores. Id illustrabitur exemplis, tum eorum qui fuerunt fortes in bello, tū eorum qui pro religione acerbissimos cruciatus pertulerūt, supra vires aut ætatem, vt senum, virginum, & puerorum, ex historia Ecclesiastica Eusebij; tū adiunge, quòd fortitudo militaris alios oppugnando

se defendit, & perniciem pro iure depellit, vt vix fortis in bello suis prodesse possit, quin noceat multis. Martyrum autem fortitudo non oppugnando, sed perferendo vicerit, cum multis mortalibus profuerint exemplo, nemini factis obfuerint. Quid verò difficilius esse putatis, an omnia iniucunda, omnes pœnas æquo animo sustinere; an hostem repugnantem occidere? totantum martyrum virtus bonorum Imperatorum virtuti antecellit.

### *Epilogus.*

**C**oncludetur oratio erudita cohortatione ad fortitudinem illam Martyrum plane diuinam imitandam: erit autem in oratione pro M. Marcello aptum exemplum, quod sequamur in scribendo, dabimusq; operam, vt ad eam similitudinem nostram orationem conferamus.

*De hominis dignitate ex sententia illa nosce te ipsum.*

**N**on potest satis laudari diuinum illud monitum nobis à maioribus traditum nosce te ipsum, quo humanus animus commouetur, ne sibi interris sedem esse separatam existimet. Constat hominem rerum omnium similitudinem conuicere, siquidem cum inanimatis

tis



nis conuenit per essentiam, cum plantis per vegetationem, cum pecudibus per sensum, cum Angelis per intelligētiā. Quid? quod ipse Dei conditoris sui imaginem refert, qui vnus cum sit, personis tribus distinguitur, atq; item animus quisq; vnus tribus facultatibus est præditus. Quam obrè asseruit Plato animos esse speculum quoddam, quibus diuinitatis summæ diuinior splendet imago, & quo cum tres ipsi mundos fingere possumus, vnum intelligibilem, cælestem alterum, tertium verò infirmum, qui tres sint vnum quid ab eodem in eundem manans fontem, immo tanquam omnium Epilogus quidam à Deo in Deum tendens hanc in lucem venit; sed quo nobilior est, si suam nouerit nobilitatem, hoc sanè calamitosior sinelexerit. Quare se ipsum noscat necesse est. Rectus qui demerat cum iam pareret Deo rationique sensus: ybi à Deo ratio recessit, ipse eidem, sensus rationi cœpit aduersari. Hæc est contentio deploranda, quam inter mentē ac sensum ter maximus ille Paulus concitari asserit; sensus enim ratio affectionem bigis duabus in præceps rapit, nisi ipsis modum adhibeat ad virtutis normam; prescriptam autem cupiditas cohibenda, ac frænā

da est, quæ secum reliquas perturbationes adducit. Quam obrem aptissime quodam figmento, sapientissimi quidam animi viri admonuerunt, quod Venus furias, excipiens tres, ipsas sibi conciliaffet in Martis ædibus. Memores igitur, vnde ortum duxerimus, cursum in illā patriam dirigamus.

*Pars secunda in laudem virtutū.*

**P**Leraque tractatus secundicapita consideranda sunt: ad inuentionis materiam accurate; illa præterea quæ subiecta monebūt exēplaria.

*De laude virtutum in genere.*

**E**Xordium duci potest à reipræstātia, ac magnitudine, hunc in modū. Cum nulla oratio, vel vnus possit virtutis laudem adæquare, quænam tanta dicendi vbertas existet, quæ omniū pariter virtutū excellētiam, & dignitatē valeat, non dicendo exprimere, sed adūbrare. Quapropter nō ea pollicemur quæ omnē dicendī facultatē longe superant, sed ea de re, in qua oratio nemini deesse potest, ita dicemus, ut cum multa dixerimus, nihil tamē prope attigisse videamur.

*Propositio.*

**O**MNE M verò hanc causam in tres potissimum partes distribuendam:



## *Liber secundus.*

dam censemus, vt primum de ipsarum virtutum præstantia, tum de mutuarum inter se cōiunctione, postremò de singulæri vtilitate, breuiter ista perspicuè, dilucideq; dicamus.

### *Confirmationis loci.*

**P**Rimum igitur, vt virtutum singularem & admirabilem prorsus dignitatem ostēdamus, est ne in rerum natura aliquid, in quo diuinæ illius benignitatis & potentiæ maiora & certiora appareant indicia, quàm ijs in rebus, quæ sic animos nostros componunt atque conformant, vt sedatis perturbationibus, prauisque cupiditatibus extinctis, vitam in terris agamus eiusmodi, quæ cum Angelorum integritate penè conferri possit. Sunt verò virtutes, quarum ope adiuti, præsidioque confirmati, ad vitam sanctimoniamque cœlestium spirituum quàm proximè accedamus.

Quod si antiquitatem illam Christianæ religionis euoluamus, & beatorum exempla respiciamus, innumerabilem profecto hominum multitudinem reperiemus; qui cum se ad virtutum studia contulissent, morū sanctitate virtutumque cultu, nobilissima illa & præstantissima Angelorum præmia coæquarunt.

Quid verò est, quod Deo

nos charos & gratos efficiat, quàm virtutum amor, & studiū? cū in sacris literis illud singulare admiratione dignū, legamus, Deum Optimū Maximum quibusdā hominibus summa virtutē præditis tantum detulisse, vt se in rebus grauissimis ad eorum voluntatem accomodaret.

### *Loci secundæ partis.*

**P**Rimus, ea porro est inter se virtutum coniunctio, vt vna sine reliquis omnibus in hominum animis locum habere non possit; neque enim is iustus dicendus est, qui temperantiā aut fortitudinē negligit.

Adhæc virtutum studia hinc maior accedit commendatio, quod vna ab altera seiungi non potest; etsi enim multum operę studijq; in ijs est collocandū, illud tamen multo, & vtilissimum & iucundissimum est, quod omnes adeptus esse videatur, qui vnā perfectè fuerit consequutus.

### *Loci tertiæ partis.*

**P**Rimus, tantus est virtutum fructus, vtilitasq; vt nulla possit oratione exprimi. Cū enim illę sint, quarū beneficio summum bonum, veramque beatitudinem, vt consequamur, magna ex parte digni atque idonei efficiamur, quanto in pretio & honore illa nobis esse, & quo studio,



## *Pars prima.*

89

studio, quæde cura excoli, exerceri, conservari, augeri; à nobis debent.

Secundus, nisi virtutes colerentur, hominum certè inter se societas nulla existeret, nullus Dei cultus, nulla vigeret religio, bonæ artes, & disciplinæ, aut nunquam essent inuentæ, aut neglectæ iacerent, nihil denique humanus animus dignum, in quo se exercere, suas vires ostendere, & ex quo tantam voluptatem percipere posset, haberet. Nam virtutum studia eam secum afferunt delectationem: quæ epilogus turpissimis corporis voluptatibus & perniciosissimis longè anteponitur.

In epologo duo sunt nobis facienda, alterum & auditorum animos oratione nostra ad virtutum studia, cultumque accedamus, & inflamemus, earumque exempla in medium proponamus, quæ ad permouendos animos plurimum valent. Alterum est, ut adeos nostram orationem conuertamus, qui ita in animum suum induxerunt, ut non pietatem colant, iustitiam tueantur, castimoniam retineant, virtutesque denique omnes amplectantur, sed potius ut omnem Christianæ religionis pulchritudinem labefactent, antiquissima maiorum nostrorum instituta deleant, auctoritatem euertant, cultum denique omnem ex hominum animis euellant: hos autem tam

sceleratos homines propositis idoneis exemplis ad sanio rem mentem, & meliores vitæ rationes reuocare conabimur.

### *In laudem castitatis exordium.*

ET si meæ consuetudinis est initio dicendi rationem reddere, qua de causa virtutem aliquam prædicandam susceperim: propterea quod omnium honestarum rerum, quibus Christianorum Respublica sustentatur, satis est mihi, ut iustam rationem suscipi existimem, iam in castitatis nostrorum temporum robore laudando, mei muneris ratio proponenda esse videtur, ut quæ iustissima mihi causa ad hanc commendandam esse visa est, eadem vobis ad amplectendam esse videatur. Nam me, cum huius virtutis species, fructus, dignitas ad hoc adhortata est, tum ut idem studiosius facerem, contra institutum maiorum nostrorum, baccantium hæreticorum furor coegit. Non enim castitatem eius difficultas, non eorum qui hanc fouent inuidia, non suarum libidinum faces in contemptionem apud hæreticos vocaverunt: sed potissimum, ut summum religionis præsidium, quod nobis à maioribus esset, ab Ecclesia tolleretur, ut nihil religiosorum auctoritas, nihil summarum virtutum splendor, nihil bonorum omnium contentio contra istorum pestes valeret. Idcirco in

M

his



## *Liber secundus.*

his euertendis, eius virtutis, qua  
semper Ecclesia floruit, robur  
tentarunt. Quare est oratoris  
Christiani, cum tanta religionis  
auxilia euellantur, Reipublicæ  
opem ferre, Catholicorum faue  
re rationibus, fidem bonorum  
implorare, omnesq; errorū vias  
intercludere, summam deniq;  
maioribus auctoritatem deferre.  
Quamobrem labor in hac virtu  
te ex istorum faucibus eruenda  
meus erit; studium verò eius am  
pletendæ mecum, vobiscum cō  
mune esse, semper, debet: sic  
enim existimate, postea quā  
apud vos dicere cœperim, rem  
nullam maiorem magis è Repu  
blica, magis prædicandam om  
nibus, neque à me propositam,  
neque hoc in loco tractatā fuisse.  
Quæ cum ita sint, primum  
quod in re tanta fieri oportet, à  
Christo optimo maximo, cuius  
spe, & auxilio magis hæc Chris  
tianorum Respublica, & vniuer  
sitas, quā hominum ratione, &  
consilio gubernatur, robur, &  
vires postulo, precorque, vt ho  
diernum diem ad huius virtutis  
prædicandam laudem illuxisse  
patiatur. Deinde vos, quorum  
pietas proximè ad maiorum re  
ligionem accedere contendit,  
oro, atq; obsecro, vt adhibeatis  
meis rationibus attentionem, in  
qua Reipublicæ salutē, vel Catho  
licorum, contra hæreticorum  
furorem, diligentiam adhibea  
tis.

*Narratio.*

Cum summus artifex Deus  
hanc rerum vniuersitatem  
condidisset, eius & principem,  
& contemplatorem fecit homi  
nē, vt tantā rerū pulchritudinē  
admiratus, atq; ad auctore cōuer  
sus hunc sibi finē statueret, quò  
se ipsum, omniūq; rationū suarū  
ordinē referret. Videmus igitur  
primū speciem, candoremq; cœ  
lorū, deinde conuersionem, cele  
ritatē tantam, quantam cogitare  
non possumus, hinc vicissitudi  
nes dierum, & noctium, commu  
tationesq; temporum quadripar  
titas ad frugū maturitatem, & tē  
perationem corporū, eorumq;  
omnium moderatorem Solem,  
& Lunam, accretione luminis  
diminutioneq; quasi fastorū de  
signantem dies, tum sub eodem  
orbe in duodecim partes distri  
buto, alias quinq; stellas, eosdēq;  
cursus, licet disparibus inter se  
motibus, semper ordinē seruā  
tes; nocturnamq; cœlorum for  
mā vndiq; sideribus ornatam, tū  
globū terræ eminentē mari cin  
ctū, orisq; duabus distinctū, qua  
rū altera est, quā nos incolimus,  
sub axe posita ad stellas septē,  
altera est nobis abdita. Hic autē  
admirabilē rerū pulchritudinē,  
metallorū, pisciū, frugū, bellua  
rū, hominū diuersitatem; homi  
nū verò ipsorū tantā varietatē,  
vt nec duos omnino similes sibi  
reperias. Deniq; artū, scientiarū,  
virtutum pulchritudinē, qui  
bus



bus hæc rerum vniuersitas distinguitur. Hæc igitur cum spectamus, possumusue dubitare quin sit aliquis effector, moderatorq; tanti operis, qui hominem idcirco induxerit in hoc spectaculū, vt suum, rerumq; omnium, quibus homo præsit, auctorem agnoscens, ipse sibi finem constituat? Hæc verò nisi à sensibus quam longissimè animus euolare possit, sed voluptatum sordibus tanquam sus inhæreat, dignoscet nemo; quare castitas in primis amplectenda est, vt ad ea, quæ verè bona sunt, aliquando perueniamus.

*A. definitione.*

**C**astitas est, qua homo se purum Deo seruat à voluptatū illecebris. Quæ res à M. Tullio maximè prædicatur, optimam enim, inquit ille, curâ esse, quaq; in cælesti domū celeriter animus peruolare possit, etsi iā diu erit in corpore, eminebit foras, vt ea quæ extra sunt contēplans, quā maxime se à corpore abstrahat. Quibus verbis ea virtus commēdatur, quæ mentē à sensibus auocat. Adhibeatur hæc similitudo Magni illius Basilij, quæ rē illustret: efficit enim castitas, vt mēs quasi lāpas infra clausa supra pateat, in qua oleū est spiritus, cui diuina lux inhæret, à qua verò sensus illi subiectus; quod si spiritus infra sensum reperiatur, lux illa restringitur, quemadmodū cum oleum sub aquam impelli-

tur, ignea lux emoritur: facit ergo castitas, vt spiritus sensum sibi subijciens diuinā in se lucē cōtineat. Hinc etiā vis castitatis elucescit, si cōparetur arbori, cuius truncus syluestris, rami verò fructiferi eisdē insiti fuerint: si enim ē, radicibus humores rami hauriunt, omnes maximos fructus sperare possis: nullos verò, si eisdē truncus ebiberit. Nec ineptè declaratur hæc virtus similitudine, vel specie militaris cinguli; hoc enim primū ex mortui animalis corio cōficitur; illa verè facit vt animus bonis cæducis tanquā emortuus, supernis & sempiternis viuat: illud superiores corporis partes ab inferioribus distinguit, hæc à sensibus mentē reuocat: illud ense, quo & semet protegat, & hostē inuadat, continet, hæc Dei verbū maximè percipit.

*A. causis efficientibus.*

**E**T enim huius virtutis parens est Deus; nō enim ratio sensū adeò ferū, & concitatū superare posset (vt enim nobilior est, ita firmior) nisi Deus vires illi suppeditarit: quēadmodū nec Isaac Ismaelē superasset, si mater Sarra sibi non adfuisset, quæ Ismaelis potentiam coerceret.

*A. fine.*

**E**Vndem quoq; Deum, qui verè castus est, vt finē spectat: hæc enim virtus ad ipsum, qui summum bonum est, adipiscendum se comparat, & præparat.



## *Liber secundus.*

### *A materia.*

**I**Am verò circa quas res versatur castitas, videndum est, debellat autem hostes immanissimos, hoc est voluptates, quarum vis est tanta, ut has qui edomuerit, facile dæmonum vires, qui illis ad decipiendum vtuntur, frangere possit, tum diuitiarum illecebras, quæ voluptatibus opes administrant, contemneret.

### *Ab effectis, cum inuettina in aduersarios.*

**H**Vius autem tanta est potestas, ut ad innocentiae statum homines quodammodo reuehat: quamuis enim dum superstitessumus in terris, efficere non possumus, ut cupiditates parumper non sentiamus, efficere tamen possumus, ut nunquam eis consentiamus, quod innocentiae similimum est. Quid quod ad Martyrum coronam homines promouet? Est enim castitas genus quoddam Martyrij, idque diuturnum, cum perpetuum sit rationis cum appetitu bellum. Quare comparatur rosæ castus animus, cuius candor castitatis nitorem, rubedo quidem Martyrii, pallor certaminis metum declarat. Quid plura? Christus enim ex matre Virgine ortus extitit; Christo in mundum venturo Ioannes virgo præcursor fuit; Christo cum pueris, qui turpitudinis fuerunt immunes, frequens

erat consuetudo, Christum vita defunctum nouum atque purum sepulchrum excepit; à Christo denique in omnem posteritatem, rerum diuinarum administratio Apostolis, Sacerdotibus, aliisque Religiosis, qui hanc virtutem etiam voto coluerunt, commissa est. Quod si ea res diuorum exemplis est illustranda, magna suppetit copia. Est enim Abimelechus Sacerdos, qui panem sacrum nec Dauidi dedisset, nisi prius ab omni mulierum congressu mundum agnouisset, est vates Ioel vastitatem à Chaldeis imminentem auertendam ieiunio, & fletu, ita indixerat, ut neutrum esset profuturum, nisi à castis fieri existimaret. Est Elias & Eliseus duo eiusdem ordinis Principes, qui quod coelibes viuerent, soli veterum mortuos excitauerunt. Sed quid dicam de ijs qui post Christi aduentum floruerunt? Quid enim Beatam Mariam supra dignitatem Angelorum extulit? castitas. Quid B. Ioannem, ut baptismatis vnda Saluatorem aspergeret dignum fecit? castitas. Quid alterum Ioannem Zebedei filium apud Christum tantopere commendauit, ut ab eo Matrem, thesaurum nempe maximum creditum acciperet? castitas. Quid Iacobum huius fratrem tanta dignitate ornauit, ut Pontificis permissu aditum templi Sacerdotibus tantum permissum subiret? casti-



castitas. Sed quid ego arenā numero? Fuerunt enim multa hominū millia, qui castitatis amore, non modò diuitias, opes, voluptates contemnerent, remotissimas solitudines adirent, verum etiam grauissimis se cruciatibus conficerent, vt Euarius presbyter, qui noctes hybernas in puteis agebat; vt abbas Bernardus, qui in laeu se frequenter mergebat; vt Benedictus, qui corpus per vepres volutabat; vt Assisius Fraciscus, qui in niuibz sæpe decūbebat. Prætereo innumera biles Martyres, nō dico Tyrannorum minas, taceo grauissima poenarū genera, omitto innumera carnicū maledicta; non cōmemoro quanta Martyres tolerantia hæc pertulerint; tantum hominibus fuit castitatis studiū, tantumq; impudentiæ odium. Quis igitur non detestetur hæreticorum nequitiam? O deplorandam Septétrionis plagā, cū hoc hominum genus in eam, tanquā serpens prominentibus oculis, inflatis ceruicibus, totoq; ex ore venenū afflans, ingressū! O quā dispares excepit: quæ antè in edibus, quæ intēplis, quæ potissimū in pulpitis dicebantur Christianorū iura, maiorū monumenta, omnis sanctimonix, pietatisq; ratio: at verò his direptoribus (non enim cultoribus) personat pulpita bacehantiū vocibus, fordescunt omnia stupris, ardēt cupiditatū faces; nunc pro tēplis

porcorū stabulā, pro sanctis virginibus meretrices existunt! O tantarū pestiū auctor Luthere! Fune solus veritatē deprehēdisti! Tibi soli rerū sacrarum intelligentia est data! Te solū errare Deus non est passus! Quid hoc impudentius? Quid inanū magis? Quid omnibus supplicijs dignius? Num spectas dū te stimulis fodiā? Hæc te, si vllā partē sensus habes, mea non cruentat oratio? Sed habes quidē sensus, vt dignas meritis poenas recipias, O audaciā incredibilē, vt te solū oracula diuina ex tot hominum millibus intellexisse putes! Attēde, attende paulisper, cogitationemq; sobrij hominis ad punctū temporis suscipe. Quid tandē videras? Quid audieras? Quid senseras, vt nouū viuendi ritū induceres? Tu ne pestis (quæ enim nomine sis dignior, ignoro) Tu, inquam, Ecclesiæ pacē perturbare? Tu maiorū institutis obstrepere es ausus, quæ aliquādo nemo violare audebat, nemo sine magna veneratione cōmendare: hæc te labefactare nō pudet? O mōstrū in vltimas vsq; terras deportandū! Sed quid in vltimas terras? imò in Regiones tartareas deturbandū, quod iā tibi optare cū euenerit non est necesse. Sed redeat oratio, vnde animo meo infixus dolor deflectere ipsam coegerat.

Sumantur deinde alij loci ad laudandum.

M 3 Epi:



## *Liber secundus.*

Epilogus per exhortationem.  
*De corporis atque animi castitate.*

**E**Xordiū ducetur à re, auctore,  
atq; auditoribus. Probationis  
loci partim ab honesto, partim  
ab utili. Ab honesto, quod hæc  
virtus ita videtur hominē decere,  
vt eū à pecudū etiā natura distin-  
guat. Quid enim aliud agat in ho-  
mine ratio, nisi effrenatos animi  
motus coerceat? Impetū exper-  
tē rationis reprimat? Cupidita-  
tes immoderatas tēperet? Et libi-  
dinē rationi aduersantē edomet?  
Nā si appetitui obsequatur, nō  
video, cur sibi hominis nomen  
assumat.

Hoc cū intelligerent veteres  
illi mortales, ab ipsa rerū natura  
edocti, pudicitia semper maxi-  
mo honore & laude prosequēbā-  
tur; cōtraq; libidinē, vt rē fœdis-  
simā, tēterrimā detestabantur.  
Hinc legimus apud Romanos in  
summo honore fuisse Vestales  
virgines; hinc grauissimis suppli-  
cijs vindicata stupra, adulteria,  
incestus; hinc perpetuas ignomi-  
niæ notas impurissimis, nequissi-  
misq; hominibus iniustas; hinc de-  
niq; impudicorū hominū vitam,  
non solū disertissimorū eloquē-  
tia laceratā, sed etiā optimi cuius-  
q; iudicio, sententiaq; dānatam.

Quid quod istiusmodi Epicu-  
ri ac Sardanapali non possunt,  
nō etiā sibi ipsi hoc nomine ma-  
ximē displicere, ex quo intelli-  
gitur eius vitij turpitudine?

Quod si libido tā fœda est,

tā execrabilis, tā homine indig-  
na, profectō sequitur, vt huic vi-  
tio cōtraria virtus, tēperātia, pu-  
dicitia, castitas sit lōgē pulcherri-  
ma, atq; dignissima, summeq; ala-  
mabilis & laudabilis. Quid ita?  
Quia necessariō est, vt quod per  
se bonū, pulcherrimūq; est, vel  
inuitos delectet, hac profectō  
vni homines ad Angelos proxi-  
mē accedunt, hac vniā maximē  
homines sunt.

Ab utilitate autē argumenta  
ducuntur, vt libidinosa volup-  
tas corporis vires debilitat, ner-  
uos frangit, sensus labefaciat,  
morbos generat; sic pudicitia ve-  
getū, firmū, & robustū cōseruat,  
hæc, nomen, famamq; honestat;  
parit illa infamiā, inuidiæ offen-  
sionē conciliat; hæc rem familia-  
rem tuetur; illa bona patria, for-  
tunaq; dilapidat. Sumantur exē-  
pla in vtramq; partē, enumeren-  
tur mala, damna, calamitates, cla-  
des, strages, eversiones vrbiū, re-  
gionū vastationes, excidia reg-  
norū, interitus populorū, intesti-  
næ discordiæ, cruenta, & funes-  
ta bella ex intēperantia & libidi-  
ne orta, proferantur, non præter-  
mittatur portentosa Martini  
Lutheri, aliorūq; impudicissimo-  
rū hæreticorum libido, sacrile-  
ga connubia, incestæ nuptiæ.

Fac nihil aliud mali, ab hoc vi-  
tio existere, an non grauissimū  
est, quod diuina lex violatur; &  
Christi cōtemnitur Imperium?

*Hanc virtutem nobis omnia  
sacra-*



sacrarum literarum volumina commendant, vita & exempla sanctorum, qui pro castitate tuenda tot labores subierunt, atque adeo in se ipsos sauebant, suaque corpora grauissimè sauisimeque tractabant, & in officio continebāt.

Subiungatur æternum præmium castitati propositum, & sempiternum supplicium libidini constitutum.

*De cōstātia atque perseverantia, quæ est in ratione benè considerata, firma stabilisq; permanfio.*

*Ad huiusce rei laudes asserēdas per multa suppetūt argumenta.*

**P**rimò Sacrarum literarum auctoritas, ex qua sunt illa, Non qui incoepit, sed qui perseverauerit usque in finem, saluus erit, & Non coronabitur, nisi qui legitime certauerit.

Secundò, nihil virtus, nihil ante actæ vitæ sanctitas, nihil laborum pro iustitia perpessio, nihil periculorum susceptio prodesse homini potest, si constantia & perseverantia desit. Id enim perinde est, quasi quis in medio cursu, vel iam metæ proximis, deficiat atque subsistat. Hic ostenditur quanta dementia, quanta insania, & quidam quasi furor, quanta denique miseria, atque calamitas, dolor, luctus sit, per inconstantiam & temeritatē collectū, tot, tantorumque laborum, vitæque honestæ & innocenter actæ, fru-

ctum tam subito effundere, ac perdere: sed digna virtutum mercede præmioque defraudare. Subijciantur exempla eorum, qui cum præteritam ætatem integre sanctèque maxima cum laude & hominum admiratione duxissent, extremum tamen vitæ tempus turpissimo exitu obierunt, & vitam cum summa ignominia atque dedecore finierunt.

Tertiò indignissimum est hominem hac in re à mutis & inanimis superari, quæ ingentem sibi vim sequuntur, ac retinent, legemque sibi à natura tributam continenter tuentur, id quod in cœlo, elementis, & mutis animantibus declaratur.

Quartò, quæ ratione nobis, ac iudicio, cœlesti numine vel diuinis oraculis, maximè convenire semel intelleximus, cur non perpetuò expetimus, sequimur amplectimur, retinemus? Quæ verò nostræ utilitati, excellentiæ, salutique contraria esse perspicimus, cur non fugimus, avertimus, detestamur?

Summa stultitia est hominem ratione præditum temeritate aut perturbationibus duci; cum potius ita ratiocinari debet, hoc aut bonum est, aut malum; si bonum esse constat, cur non constanter quærendum & conservandum? si malum, cur non perpetuò declinandum, fugiendumque sit? Peroratio per enumerationem.



## *Liber secundus.*

*In laudem fortitudinis.*

**E**Xordium à fortitudinis commendatione, nam & cum iustitia, prudentia, tēperātia, honestas, officiūq; semper maximis viris & praestantissimis splēdidissimū visum est, quod animo magno elatoq; humanas res despiciēte factum sit.

Hinc patet auditores Rhetorum Christianorum campus de Catharina, Lucia, Agnete, Dorothea, Cæcilia, & reliquis sacris Virginibus, quæ magno fortiq; animo corporis libidines vicerūt, mundi q; gloriā despexerūt, & vincula, & verbera, omnēq; cruciatū subierunt pro Christi nomine. Hinc Petrus, & Paulus, hinc Laurentius, & Sebastianus Martyr, hinc Polycarpus, Ancyramus Clemens, & Chrysostomus, &c.

Deinde propones, & dices te dicturū de fortitudinis laudib<sup>9</sup>, rogabisq; auditores, vt animos intēdant ad laudes eximiae virtutis, quæ propriæ præter ceteros sunt iuuetutis, & virorum Christianorum.

Cōfirmationē inchoabis à definitione. Fortitudo est virtus pugnans pro æquitate.

A proprio seu officio, fortitudinis est animū supra periculi metū agere, nihilq; nisi turpe timere, tolerare fortiter, vel aduersa vel prospera.

A partibus, fortitudo præstat magnitudinē animi, securitatē,

fiduciā, constātiā, tolerantiam.

A coniunctis seu cōtingētibus, nā in hac virtute inest rerū humanarū contēptio, & animi altitudo, summa tranquillitas, pax, honestas, vtilitas: nā vir fortis casus aduersus sapiēter perfert, omnes motus fortunæ mutationesq; rerū ac tēporū leues & imbecilles intelligi, voluptates, libidines, & illecebras: carnis spernit, seseq; totū ad animi cultū & honestatē confert.

Ab effectis, veramagnitudo animi duabus in rebus sita est, & in cōtēnendis prosperis, & in rebus arduis pro Deo nomine gerēdis.

A causis efficiētib<sup>9</sup>, cognitio fūmi boni: amor Dei, cupiditas rerū diuinarū pariūt hanc nobis virtutē diuinā: nā animus cognitis perceptisq; rebus diuinis a corporis obsequio & indulgētia discedit, voluptatesq; & illecebras mūdi, sicuti labē quādā dedecoris opprimit, omnēq; turpitudinē ex animo depellit suo, honestatēq; amplectitur, & cultū Dei, verāq; religionē suscipit. Hanc partē amplifica exēplis maiorū nostrorū, qui incensi & inflāmati diuino amore hūc mundū contēpserunt, & res magnas & arduas pro iustitia gesserunt, ad imitationē Ciceronis in Paradoxis.

Quibus tandē gradibus id effecerint, à dictis & sentētijs Philosophorū, & sapientiū, ab exēplis ethicorū, & deniq; per reditio-  
nē à minori ad maius dices, si illi  
anti-



antiqui tā fortiter se gesserunt, quibus sola naturæ scintilla præ lucebat, id nos Christiani nō præstabimus, qui sub Christi vexillis militamus, qui stipendiū immortalitatis ab eo expectamus, Dein de ab exēplis Virginū & Martyrū. Et deinde in reditione à paridicas, si illi maiores pro salute communi, pro diuino cultu res magnas & præclaras gesserunt, & mortē pro Christi nomine suscepērunt, & nos etiā qui Christi gratia sumus illustrati, & liberati, debemus & mundū, & illius rationes, & apparatū relinquere, & gloriæ maiestatis diuinæ inferuire. Itē à maiori ad minus, si illi qui Deū in carne viderūt, qui primitias Spiritus sancti acceperunt, tantopere elaborarunt, ut mundū calcarent, ut sese totos à carnis societate seiungerent, quāto vehementius nos omni opemiti, conariq; debemus, ut mūdū, carnem, & Epicureos fugiamus, & acapite & corpore propulsemus. Perorationē ornabis breui repetitione rerū prædictarum, & exhortatione ad tantam virtutem amplectendam.

*De laudibus perseverantiæ.*

**V** Ideo plerofq; hominū, cum multos, & graues, religionis virtutisq; causa, labores susceperint, summaq; opinione, & studio ad immortalitē beatitudinēq; cōtendant, ita in medio cursu, vel inertia retardatos, vel desperatione debilitatos, vel itineris dif-

ficultate defessos, vel deniq; errore aliquo implicatos deficere ac frangi, ut spē omnē cōceptā abijciant, fructumq; præteriti laboris amittāt, atq; profundāt. Est hoc profectō leuitatis, & incōstatiæ malū, quod inter Christianos his tēporibus tam longē lateq; grassatur, ut passim perniciem incautis, & inertiū animis moliatur. Itaq; mei confirmandi potiusquā vestri adhortandi causa, cū vestra sponte, quod prudēter sapienterq; semel arripuistis, cōstāter teneatis, & nullius opera indigeatis, pauca pro tēporis angustijs de perseverantiæ utilitate, ac præstantia dicā. Vos autē hoc mihi interim dabit, ut quāuis ea quę dicturus sum, multo vobis sint notiora quā mihi, tamen cū pro vestra facilitate, & mansuetudine, tū pro nostri instituti ratione, Gymnasijq; cōsuetudine, me, ut facitis, de pulcherrima virtute dicentem, attendatis.

*Confirmatio.*

**H** Vius virtutis vis, utilitas, magnitudo, præstantia, multis argumētis probari potest, & primum rectæ rationis est propriū, quæ bona & salutaria esse cognouerimus, probare, persequi, tueri ac perpetuo, constanterq; retinere; qui hoc nō facit, longe à ratione recedit, & hominis officium deserit.

Quemadmodū summa laus est in virtute esse cōstantem, sic ab ea vel latū digitū declinare, maximum.



## *Liber secundus.*

imum dedecus, summaq; stultitia ac dementię est; cū videas meliora, deteriora sequi, vt est apud Poetā, & quę semel sapiēter inchoaueris, temere relinqueret.

Quis (quæso) sanū putare posset eū, qui diuinę gratię fructū multorum annorum labore collectum per summam leuitatem tēporis momento profundat?

Ad hanc nos virtutem natura omnis hortatur, cuius vniuersa opera traditas & impositas à summo mundi architecto, ac sapientissimo conditore leges, ordinesq; conseruant.

Eodē faciunt verba illa diuina, non qui incœperit, sed qui perseuerauerit, hic saluus erit.

Huc spectant exempla sanctorum virorum, quos nulla vnquā vis ab incœpto potuit renocare, aut de sententia dimouere.

Præmia constantibus & perseuerantibus in virtute proposita, & leuibus, & inconstantibus constituta supplicia, nihil ne apud nos ponderis & momenti habebunt? *De patientia.*

**M**ulta quidem sunt quę in aduersis, & difficilibus rebus retinendā esse constantiā, animiq; magnitudinē docere nos possunt; sed illa præcipuē.

Primò, lex Christum cōsequi volētibus proposita, quę est, vt vnusquisq; crucem suam tollat, quam legislatoris sententiā Doctor gentium re ipsa tota vita ac

verbis declarauit, dū dixit: Oportet per multas tribulationes introire in regnū cœlorū, & quicumq; volūt pie viuere in Christo, persecutionem patientur.

Secundò, quę admodū inter mortales nō nisi per multos labores, corporis cōmoda, & virtutū insignia & ornamenta comparantur, sic ad cœlestia præmia aspirare minimē licet, nisi fuerit diu multumq; desudatum.

Tertiò, Turpe est militibus otio indulgere, & res difficiles & aduersas declinare, laboresq; subterfugere Imperatore laborāte: longē verò turpius, nec vllō modo ferendū, vt præclare scribit Bernardus, vt sub capite spinoso membra sint delicata. Hic, si placet, breuiter perstringantur ea, quę humanę salutis assertor nostra causa in terris perpeffus est, vt vel hinc intelligamus quę sint nostrę partes, quoue animo nobis ferenda sint, quæcūq; illius, vel iussu, vel permissu, nobis aduersa contingunt: cū in sacris voluminibus sciamus, hunc esse diuinę prouidentię morē, vt quos amat, corrigat atq; castiget. Affligimur enim, vt boni simus, vt probemur; sin mali, vt resipiscamus, Deoq; à quo nostra culpa alienati sumus, reconciliemur.

Quartò, qui rebus duris & aduersis franguntur, quem fructū impatientiæ ferunt? nonne quod stultissimum est, sponte miseri sunt,



fiunt, cum nequeant æquo animo ærumnas vel internas, vel externas ferre? Quod si omnia quæcumq; accidere possunt, animo inferiora putarent, profectò neq; ita animum desponderent, & constantiâ in aduersis retinerent.

Quintò, quot fructus virtus hæc pariat, si cogitemus, facile (vt opinor) eius amore accendemur. Hic breuiter enumerentur fructus patiëntiæ. Peroratio per enumerationem cū amplificatio-  
ne.

*De laudibus temperantiæ.*

**E**Xordium potest duci à tempore. Temperantiæ autē laus partim ab vtilitate, partim ab honestate ducetur. Loci confirmationis sunt quatuor.

*Vtilitatis loci.*

**A**ffert corpori salubritatem: sicut enim crapula & ebrietas corporis vires enervat ac frangit: sic virtus, parsimonia, temperantia, frugalitas, atq; corpus, animūq; confirmat. Eadē virtus cupiditates ac vitia cōprimit, quemadmodum ex intemperantia multa mala nascuntur. Animū mentemq; excitat, atq; erigit, & ad cœlestes, diuināsque res cōtemplandas reddit idoneum, robur ad debellandos hostes præbet, præmium exhausti laboris largitur, atq; hæc tria postrema cōmoda in quotidiano sacrificio signantur, cum à sacerdotibus pronuntiatur illud: Qui corporali ieiunio vitia comprimis, inē-

tem eleuas, virtutem largiris, & præmia.

*Honestatis loci sunt septem.*

**P**rimus, decet homines Christianos maxima tēperantia vivere, qui nō ad delicias epularū vocantur, sed potius ad tolerandā famē, sitim, cæteraq; corporis incommoda: neq; enim veneri seruire nos voluit Deus, sed vt cœlū spectaremus, & ad hoc cogitationes omnes conferremus, creauit. Turpissimum est, frui delicijs homines seruos & gregarios milites, Christū verē Deū siti, vigiliāq; afflicti: ieiunauit dominus, ieiunet seruus, & sitiuit Magister, sitiāt & discipulus, esuriuit Imperator, esuriāt miles. Quod fecit Deus, homines nefacere pigeat. Exēplū enim nobis ad imitandū proposuit: neq; verò Apostoli, Martyres, cæteri q; sancti viri aliā viā tenuerūt. Pauli siquidē vox illa est: *In ieiunijs multis, in frigore, & nuditate, & fame, &c.* Non temerè hoc: primum enim apud Hebræos, deinde apud Christianos ab orthodoxa Ecclesia fuit institutū, sed maximis grauissimisque de causis communi ipsius Spiritus voce sancitum, vt publicè ieiunium populo Christiano indiceretur. Hanc nos laudabilē consuetudinem diuinitus institutā, à sapientissimis hominibus inductam, tot sæculorum consensu, receptā, probatā, cōfirmatā, vetustate  
robor-



## *Liber secundus.*

roboratam, à sanctissimis hominibus rationem commendatam, sed & vsurpatam, contra novos hæreticorum errores conseruamus retineamus, tueamur. Quid ego de Christianis loquor, cum memoriæ proditum sit, Ethnicos hoc frugalitatis genere fuisse plurimum delectatos? nam cū & in Siciliam quidam venisset, mensasque Syracufanas vidisset, miratus est bis in die hominem saturum fieri. Contra istos gula procures, & immanissimos gurgites, profundissimasq; voragine, Epicureos, inquam, nostrorum temporum, bene foelicitatque pugnabimus, si non eodem, quo illi armorum genere muniamur. Illi enim bene poti, epulisq; distenti, conquistissimis cibus referti, tanquam opimi boues nos aggrediuntur. Nos contra, illorum impetus, inedia, ieiunio, parsimonia, sobrietate, propulsare debemus: ad hoc pugnae genus nos instans tempus hortatur, quod Ecclesia Catholica, vt commodissimum, aptissimumq; præscribit, propositis Christi, sanctorumq; virorum exemplis, & amplissimis præmijs, quod sobrijs, ac temperantibus debetur.

### *Peroratio.*

**S**Vbi cietur enumeratio brevis, qua comoda huius virtutis exponamus, & simul miseras, ac ærūnas, suppliciaq; parata helluonibus & voracibus,

### *De ieiunio.*

**E**Xordium ducatur ab errore nouorum hæreticorum, qui suæ dignitatis obliti, sic rebus terrenis inhærent, quemadmodum si in epulis, ac libidinibus, cæterisq; voluptatibus, extremum hominis bonum sit propositum, cum à Deo Optimo Maximo præceptum sit, &c. Narrationis sententia. Ratio ipsa docet, non esse nostrum animum rerū humanarum angustijs terminatum, neq; in his quæ interitum sentiunt, quæq; aliquando terminatur, posse penitus acquiescere. Quare ea à nobis expetenda videntur, quæ nostrum animum à rebus caducis ad sempiternas maximè transferunt, quo in genere princeps est temperantia, his potissimum temporibus Christianis commendata, de qua mihi dicendum est.

Ab vtilitate, quo loco conteditur ieiunium asferre corporis salubritatē, vt enim luxus, crapula, ebrietas corpori vires adimit, ac frangit; sic temperantia vitus, & sobrietas, corpus animūq; maximè confirmant. Deinde ieiunium, vt Catholica testatur Ecclesia, vitia comprimit, quod quidem in eius contrario declaratum: è crapula enim tetra malorum colluies nascatur, vt etiam in hominem suæ dignitatis obliuionem inducat, sensus obruat, templum Spiritus sancti popinā peccati faciat,

Deni-



Denique imaginationem vehementer deturbat, hinc labitur tanquam cæca mens in varios vitiorum astus, quæ omnia sobrietas moderatur. Quin etiam his ponderibus cupiditatum solutos attollit ad cælum, ex quo vires haurit maximas, quibus animus ad virtutem semper colendam confirmatur.

Tandem exhaustis vite laboribus, præmiū quam amplissimū consequitur.

Ab honestate decet homines & Christianos imprimis temperantiam, qui non ad epularum delicias nati sunt, sed ad voluptatum effrenatas cupiditates edomandas, variosque labores fortiter ferendos, usque adeo vltro subeundos, ut immortalitatem, assequantur. Turpissimum est nos dedere voluptatibus, in laboribus Christum deserere. Ieiunavit Dominus, ieiunet & servus, esuriit magister, esuriant & discipuli, quod Deus pro homine fecit, hoc pro se ipso homo facere dubitabit? Exemplum enim dedit nobis, ut quemadmodum ipse fecit, ita & nos faciamus, nec modo veteris, sed & novæ legis, quotquot ad Angelorum apicem se exulerunt, non aliam tenuerunt viam, ut vox illa Pauli declarat, in ieiunijs multis, in frigore, in siti, & nuditate, ex quo, non verbis modo ad sobrietatem nos hortati sunt diui, sed magis exemplo.

Ab instituto Ecclesiæ, neque temere hoc primum penes Hebræos, deinde apud Christianos institutum est, & Spiritus sancti instinctu sancitum, ut quotannis publicè ieiunium institueretur. Hoc potissimum tempore ieiunandum ob hereticos, hoc enim ieiunio immanissimas belluas superamus. Illi enim benè potius, & pulis que distenti, libidinibusque referti, tanquam opimi boues nos aggrediuntur: illorum igitur impetus parsimonia, ieiunio, inedia propulsemus, ad quod pugne genus nos Ecclesiæ cohortatur.

Epilogus ergo laudabilem consuetudinem diuinitus institutam, à sanctissimis viris indictam, tot sæculorum consensu receptam, tot sapientissimorum virorum exemplo confirmatam, hoc potissimum tempore, ob recentes hæreticorum errores contra nobilissimos Orthodoxæ religionis transfugas, contra denique potentissimos Catholicæ religionis desertores, ac proditores, conseruemus, atque tueamur.

*De laudibus ieiunij.*

PRIMò ieiunium ab his locis commodè accommodari, ac sua deripote, à salubritate corporis. Secundò ab animi multiplici fructu Tertiò à corporis commoditate. Quartò à veteri instituto Iudæorum, ut Moy sis. Quintò ab institutione Christi & exemplo.



## *Liber secundus.*

plo. Sextò à perpetua Ecclesiæ consuetudine. Septimò à sancto- rum Patrum religione; & cōmē- datione, & exemplo, &c. Pero- ratio fiat per enumerationem.

### *De temperantia.*

**A**D commendationem verò temperantiæ hæc faciunt. Primò ea hominem liberum fa- cit, à pecudibus separat, in qui- bus est quidem naturalis appeti- tus, & cupiditatis seruitus, quæ huic hominis libertati aduerfa- tur.

Secundò, hoc maximè Chris- tiani, hoc est, filij Dei, à cæteris gentibus, id est dæmonis manci- pijs, quorum Deus venter est, differunt.

Tertiò, hæc vna virtus est, quæ nos Deo conciliat. Quartò est quasi quoddam frenum, quo cor- pus spiritu regitur, & sine quo appetitū ratio coercere non po- test. Quintò, domesticum hostē cædit grauitè. Sextò, corpus confirmat, integrumquē conser- uat. Temperantiæ beneficio reli- quæ virtutes commendantur, imò verò virtutes sunt; & nomi- nantur.

*Temperantiæ partes tres numeren- tur, continentia, clementia, & modestia.*

**P**Rima videtur animum rege- re, quoad boni appetitum; al- tera quoad alieni mali desiderium. Tertia, quoad externa hominū iudicia & argumenta.

### *De continentia.*

**C**ontinentia duas partes ha- bere videtur, quarum altera voluptatum, altera diuitiarum appetitum & cupiditatem coer- cet.

*Voluptatum porro cupiditatem, duodecim & nobis dissuadent.*

**P**Rimus locus, vbi nūc sumus, ærumnis, calamitatibus, mise- rijsquē tam multis obnoxij, vbi cō magis nobis flendum, do- lendum atq; lugendum esset, quò minus flemus, dolemus, lu- gemus, quippe cum, quem exit- um in hoc exilio vita nostra sit habitura, ignoremus. Et sane ho- minem è Paradiso Deus eie- cit, non vt voluptates conquire- ret, sed vt assiduus se laboribus exerceret.

Secundò tempus hoc pœnitē- tiæ (inquam) non deliciarū est. Tertiò exemplum Christi & san- ctorum, vt Paulus, qui in fame & siti, in frigore, & ieiunijs, idē no- bis apprimè persuadent.

Quartò eorum exēpla, quibus voluptas nocuit, vt Salomō, &c. Quintò periculū in quæritēdis vo- luptatibus, & sumptus deliciarū. Sextò, labor in cōparando. Sep- timò breuitas voluptatum. Octa- uo, indignitas, quia in his nihil est magnificū, nihil quod natu- ram nostram Deo proximam do- ceat. Nonò egestas fratrum nos- trorum, & filiorum Dei: neque enim



enim consentit Christianum delicias querere, cum sciat Christum in tot membris suis, etiam necesse sarijs carere.

Decimò voluptatū amaritudo, separant enim, & alienant animū à Deo: quare etiā voluptas acerbior est quā ipsa mors corporis.

Vndecimò, voluptatū vanitas, siquidem percepta voluptas famem, non satietatem affert, & animus delectationis avidus, ubi à veritate discessit, satiari non potest.

*Earum damna & incommoda, quæ sunt vndecim.*

**P**rimò, quod voluptas ferè ali cuius morbi, sæpequetiā mortis causa extitit. Secundò, hominem in servitutem redigit. Tertiò carnē spiritui, sensum rationi contumacem reddit. Quartò iter nobis ad salutē intercludit. Quintò obliuionē inducit. Sextò à sapientia mentē retardat. Septimò ne vllum virtutis opus, aut studiosam & honestam actionē edamus, nos impedit. Octauò, loquacitatis est procreatrix. Nonò hominem inhumanum & immisericordem efficit, ut alienæ penurix atque egestatis penitus obliuiscatur, ut de epulone euangelico scribitur. Decimò celestibus illis, & sempiternis delicijs mortuos, viuentes autem honestis animi voluptatibus & spiritus consolatione nos priuat. Vndecimò, Hæc voluptas in æ-

ternam poenam, suppliciumque commutatur.

*De laudibus Christianæ poenitentia.*

**P**ROpositio instituetur in hac sententiā: cū omnibus hominibus insita sit summi boni, & beatitudinis, foelicitatis cupiditas: & cū nemo sit à peccato & culpava cuus, nisi hanc per poenitentiā expiauerit, summū illud bonum, quod tāto opere expetitur, nūquā sine illa consequetur. Veritas enim loquitur, *Nisi poenitentiam egeritis, omnes similiter peribitis; si cui ergo curæ est sui ipsius salus, animi morbos hac poenitentia medicina curare studeat.* Necesse est enim, ut quod nostra iniquitas ingrati animi vitio contraxit, poenitentia deleat.

Primum enim id æquitas & iustitia postulat, ut Dei offensionis satisfaciamus, deinde id nobis Christus edixit. Digressio in hæreticos & Lutheranos, qui cū Deum grauitex semper offendant, placare poenitentia recusant.

Tertio loco idem Apostoli, idem Martyres, idem optimi, quiq; orthodoxa Ecclesia & Christiana Respublica, non solum verbo, sed rebus etiam gestis docuerunt; neque ad alia nos vitæ studia: toto vitæ tempore inuitat Ecclesia, cū omnes ritus, sacra supplicationes, caeremonia ab ea instituta eò referantur.

Hic



## *Liber secundus.*

Hic, si velis, ante epilogum tractabis communes poenitentiae locos ex tractatu primo de inuentione. Explorata definitione, causa, contrarijs, antecedentibus, & similibus. Institues comparationem ex cap. decimo, ut videas cuius virtutis indigentia sit maior.

Præterea quæ tractatu secundo cap. 5. dicta sunt, circa virtutem istam aduocentur.

### *De nitore cordis.*

**A**Nimi candor & innocentia; vitæ integritas, & mens nullius sceleris sibi conscia, morum probitas, & tranquillitas conscientiae propria sunt hominis Christiani, quæ quanto studio quærenda sint, & quanto opere nobis necessaria, & ut sine quibus beati, felicesque esse non possumus, expetenda, & quam verè, & quam sola demum hæc sint bona contra atque imperitum vulgus existimat, quanta potero, maxima breuitate demonstrabo.

Res quanta sit videtis, ut mihi necesse non sit attentionem vestram pluribus verbis exponere, reliquum est, ut meas partes exequar. Dicam igitur imprimis hanc animi integritatem nobis esse propositam, ad quam persequendam multa nos adhortantur, inuitant, impellunt.

Christianæ religionis, quæ profitemur, excellentia, per quam

singulari & diuino Christi beneficio ab omni labe peccati mundati, & pristinae innocentiae restituti, ut rectè, piè & sanctè viuamus.

Deinde animus noster sedes Dei est, templumque spiritus sancti: itaque huiusmodi habitator & hospes domum se dignam desiderat, splendido nimirum apparatu instructam & exornatam, eius enim illa vox est, *Domum tuam decet sanctitudo* & profecto hac una re distamus à cæteris gentibus, quibus verus Deus ignotus est, quòd vitæ sanctitate, animique integritate pollemus, nec in templis tantum, & rebus externis, quæ sub sensum cadunt, ut illæ dæmones colentes, & saxis supplicantes faciunt, sed etiam multoque magis in animo Deum colere, venerari, ac gestare nos profitemur.

Quid aliud, obsecro, sonant, utriusque Testamenti volumina? Quid Prophetæ hortantur? Quid Sanctissima Deigenitrix? Quid cæteri Apostoli docebant? Quid Martyres testantur? Quid Doctores declarant? Quid cæteri Confessores loquuntur? Quid Virgines ostendunt? Quid denique Sanctissimi quique, & Christiani nominis obseruatissimi clamant? Nisi hanc unam esse ad cælum viam, alioqui quid causæ fuisset, cur tot labores susciperent? tot difficultates subirent? tot se periculis exponerent? tot tormen-

tis



tis obijcerēt? Tot poenas, suppliciaq; perferrent.

Vt enim prætermittam com-  
moda, quæ in hac vita contin-  
gunt atq; existunt, ab hac animi,  
de qua loquimur, simplicitate  
atq; munditia; nonne summum  
hominis bonum, quod Deus est,  
in hac virtute situm est? nã quid,  
ait Christus, beati mundo corde,  
quoniam ipsi, &c. Id quod olim  
Regius Vates non obscurè præ-  
dixerat: *Quis ascendet in montem  
Domini, aut quis stabit in loco San-  
cto eius? innocens manibus, & mun-  
do corde. Quare cum tantum  
huic virtuti sit propositum præ-  
mium, mirum non est, eundem  
illum diuinum Vatem sic Deo  
supplicare: Cor mundum crea in  
me Deus, & Spiritũ Sanctum, &c.*  
Declarauit nimirum Sanctissi-  
mus Psalter, quibus verbis, &  
quid nos à Deo petere debeat-  
mus. Epilogus de more.

*De laudibus submissionis, quæ in sa-  
cra Scriptura humilitas dicitur.*

**I**Nitio orationis purgatione  
iutemur, nam si morum, & vi-  
tæ nostræ ratio habeatur, nul-  
lum certè de hac virtute ius no-  
bis dicendi relinquitur, cum  
eam non solum non assecuti si-  
mus, sed ne leuiter quidem adũ  
brauerimus: sed profectò illi  
etiam de virtutibus dicere, ea-  
rumque laudes extollere pos-  
sunt, qui singulari earum amo-

re capti, & illecti animos suos  
veteri vitiorum iugo eximere  
conantur.

*Propositio.*

**P**ROpositio fere in hunc mō-  
dum subiiciatur, imprimis à  
dubitatione exordiemur, dice-  
musq; nos ignorare quid primũ  
aut postremum dicamus, nostris  
viribus etiã parum fidere, qui &  
ingenio rudes, & sermone in-  
compti simus, cum hæc virtus  
licet humilis, ornato tamen &  
sublimi dicendi genere sit præ-  
dicanda. Ne igitur nihil dicamus,  
eius imprimis dignitatem, tum  
vtilitatem quàm breuissimè fie-  
ri potest, perstringemus. Postre-  
mò verò, si vos attentos habebi-  
mus, ad eius studium, quamuis sa-  
tis vestra sponte currentes, inci-  
tabimus.

*Loci primæ partis.*

**P**rimus, dignitas hoc loco of-  
tendatur, ea est, quæ omnium  
artifici tantopere semper placuit,  
cum illis tantũ sit familiaris, qui  
humiles sunt. Nam super quem  
(inquit) requiescit Spiritus. nisi  
super humilem & quietum? Ad  
hæc summus ille & clemens hu-  
mani generis Redemptor eam  
tantopere commendauit, & dile-  
xit, vt eius ipse solus auctor &  
Magister esse voluerit. Discite  
(inquit) à me, nō (vt beatus Au-  
gusti-



## *Liber secundus.*

Justinus dixit ) mundos & coelos fabricare, non mortuos excitare, sed quia, &c. Hic locus est egressioni, ubi eorum exempla proferuntur, qui huius virtutis praesidio supra humanam dignitatem & fastigium elati sunt.

*His vero locis utilitatem demonstrabimus.*

**P**rimus, etsi quotidianis sceleribus, peccatisque gravissimis Deum laceamus, & ob haec pluribus ac maximis signis ostendat se & ciuitatibus, & Regnis exitium machinari, nulla tamen tam acerba nobis unquam, tamque perniciose poena diuinitus portenta fuit, quam non humilitas, aut certe omnino amouerit, aut magna ex parte mitigarit.

Secundus, si pacis & quietis, rationem habemus, si non in postremis ducimus profundissimam, atque altissimam mentis nostrae tranquillitatem, ea certe aut ab humilitate petenda est, aut nulla omnino in rebus humanis extat, nisi ea sit tranquillitas, & quies appellanda, qua illi suauissimè perfruuntur, qui animos suos diuinæ voluntati subiecerunt, imò nisi humilitas tranquillitatem pariat, summaque animi quietem afferat, quorsum illud spectat, *Et inuenietis requiem animabus vestris.*

Denique si hominum benevolentiam nequaquam negligendam esse existimamus, imò verò quoad fieri potest, reconcilian-

dam atque comparandam; est ne inter homines ullus ipsis hominibus charior, quam is, qui se omnibus inferiorem existimat, nam etsi natura ipsa homo sit Principatus appetens; id tamen in alio non libenter videt, neque quisquam maiore odio dignus, quam qui ceteris antepone se non dubitat. Eos verò & amamus & diligimus, qui se sua sponte nobis subijciunt, quodque in ferocissimis atque in crudelissimis feris perspicuum est. Ferunt leonem quemdam in abditissimis Libyæ nemoribus, supplici mulierculæ, quæ herili seruitio diu afflicta fugam ceperat, vitam condonasse. Neque illud omitte dum, quod ille à Phrygia oriundus demusca à leone intercepta commemorat, lege Plinium lib. 8. cap. 16.

In peroratione repetitis paulo altius, breuiter tamen orationis nostræ argumentis, viam breuiter ad humilitatem ostendimus, ad eam scilicet comparandam auditorum animos excitabimus; omnia enim praesidia nobis esse, multas nos & grauissimas causas habere, cur animos subijciamus. Præter enim frequentes lapsus, impuros mores, vitæ breuitatem, infirmitatem corporis, mentis imbecillitatem, externa etiam esse damna & pericula, quæ nos ad huius virtutis studium non hortantur modò, sed impellunt. Denique,

vs.



Et rem multò ambitu circumscriptam paucis comprehendamus, proponamus quorum mores in hoc singulari certamine imitamur, atque imprimis Christi humilitatem, atque integer matris eius matris, quorum ille humilitatem sic docuit, ut eam semper constantissimè tenuerit, hæc verò illam sic habuerit, ut non minus humilitatis, quàm virginitatis nomine sit commendata. Habuit illa non quidem paucos suæ virginitatis amatores, humilitatis autem rarios admodum adumbratores. Meritò igitur de se loquitur commemorans humilitatem. Quia respexit humilitatem, &c.

*Laudatio sanctæ pacis.*

**D**Vcetur exordium à rei magnitudine, & dignitate, virtus enim pacis omnem honestatem elicit, ornat, conservat, res publicas constituit, vrbes parit. Homines denique in summa quiete retinet.

*Loci confirmationis.*

**P**rimus à definitione ducitur, huius virtutis dignitatem ac præsentiam ipsa descriptio declarat, est enim pax tranquilla, libertas, & multorum inter ipsos amicitia.

Secundò, ab auctore, qui primus Spiritus Sanctus extitit, qui est ætissimus quidam nexus, qui patrem & filium inter se de-

vincit, nosquè adiungit utrique. Hunc autem Spiritum Christus mundo impertivit, ex quo cum sæpe alias, tum maxime excitatus à mortuis nobis pacem commendavit, illam vocem dulcissimam inculcans ac iterans, *Pax vobis, & alteram, Pacem meam do vobis, pacem relinquo vobis.* Idque non meritò: venerat enim Christus, ut inter nos pacem ferret, qui nos Deo coniungens ad suavisimum felicitatis fructum carpendum promoueret.

Tertiò, à causa efficièti, pacis causa Deus est, à quo omnis virtus promanat, cuius rei specimè non exiguum dedit, cum mundum hunc constituit. In quo tanta rerum varietas non alia re quàm specie quadam pacis continetur. Vnde Empedocles ille omnium rerum causam amicitiam esse dixit. Quid quod Aristoteles ille omnium Philosophorum princeps ordinem (quem pacem quàmdam interpretor) esse rerum universarum bonum asseruit? Imò quis nostrum non sentiat etiam in se ipso ægritudinem, in quam interdum incidit esse nihil aliud quàm earum rerum perturbatio nem, quarum temperie constat valetudo.

Quartò, ab effectis, pax efficit Dei filios, cumulat eosdè, immensis bonorum delicijs sonet, humanam societatem alit, benevolentiam inter ipsos nutrit: denique omnes virtutes, bonasque artes.

N 2

Quin-



## *Liber secundus.*

Quintò, ab adiunctis, pacis tēpo-  
re coluntur agri, florent arua, vi-  
gent bonæ artes. Sextò, à contra-  
rijs, comparetur pax cū discor-  
dia, & in altera parte constituan-  
tur omnia quę ex bello oriūtur.  
Hæc verò cum sententijs illus-  
tribus, tū exemplis ornentur.  
Postremò prosopopeia institua-  
tur, qua inducatur pax conquē-  
rens de Christianis ijs, qui à se  
pacis auctorē repudiant, bello-  
rum verò malorumq; omnium  
procreatricem discordiam sectā-  
tur. Peroratio habeat breuem  
repetitionem rerum dictarū, &  
hortationem ad pacem.

### *In laudem amicitia.*

**O** Ratio erit exornationis, &  
complectetur exordium.  
Propositionem, partitionē, con-  
firmationem, & perorationem.

Exordiū duces ab amicitia cō-  
mendatione, hoc est, à re ipsa,  
quod homini nihil sit utilius, ni-  
hil magis accommodatum, quam  
amicitia, & quod natura ipsa im-  
pellat ad præclarū amicitia stu-  
dium. Deinde sequatur propo-  
sitiō, cui adiunges partitionē, nam  
amicitia duplex est, vera, synce-  
ra, & ex animo profecta, quæ est  
inter bonos; altera ficta, quæ est  
improborum, & vulgi.

Confirmationem duces à lo-  
cis. Primus erit definitio; nam  
*Amicitia est diuinarum humana-  
rumq; rerum, cum beneuolentia, &*

*charitate summa consensio.*

A coniugatis, nihil pulchrius  
amicitia, quæ amicos parit, ami-  
cē viuere docet, amicis & paca-  
tis rebus, vt vtamur, efficit.

A proprio, proprium amicitia  
est monere, & moneri.

Ab efficiente causa, amicitia  
verę causa à Deo profecta, amor  
est, quę virtus gignit, & retinet.  
Ab effectibus, & virtutibus ami-  
citia, amicitia conseruat societa-  
tem humanam, beneuolentiam  
alit, secundas res ornat, & aduer-  
sas efficit leuiiores.

Ab adiunctis, & similibus,  
amicitiam consequuntur bene-  
uolentia, fauor, candor, synceri-  
tas, opes, amicorum gaudium,  
cura de amicis tuēdis, obsequiū,  
honestum, beneficentia. A re-  
pugnantibus, amicitia repugnat  
inimicitia, maleuolentia, odium,  
assentatio, pestis amicitia ma-  
xima simulatio. Hanc partem  
per contentionem amplificato,  
quod amicitia sit genere cœlestis  
Dei summi filia, Angelorum so-  
ror, cœlestium vniuersorum cog-  
nata. At discordia genere tarta-  
rea, antiqui serpentis filia, fu-  
riarum soror, omnium inferno-  
rum cognata, illa vitæ beatæ ar-  
tifex, amicorum magistra, com-  
munitatis societatisq; parens:  
hæc mortis æternæ dux, scelerū  
& impietatis inuentrix.

A testimonijs, Aristoteles  
amicitiam vocat virtutem,  
aut cum virtute copulatam.  
Em-



Empedocles dicebat res omnes  
& mundum ex amicitia cōstare.  
Ennius inquit, Amicus certus in  
incertare cognoscitur. Amicorū  
communia sunt omnia. Vbi ami-  
cus ibi opes, aliaque plurima, de  
quibus vide Chiliadas, & eos qui  
locis cōmunibus ex auctōribus  
plura tribuunt testimonijs onus-  
ta.

Ab exemplis, & imprimis à  
Christo optimo maximo, qui è  
cœlis in terras charitatem deu-  
cavit, vt humano generi opem  
ferret.

Peroratio continebit breuem  
antedictorum repetitionem, &  
exhortationem ad præclarissi-  
mum huius virtutis studium.

*De necessitate, utilitate, & potesta-  
te orationis.*

**N**Ecessitas probari potest his  
modis. Primus, cōditio vitæ  
nostræ, exilisea est, vt in tot tā-  
tisq; periculis & ærumnis citra di-  
uinā opē subsilire nequeamus;  
hanc autem diuinam opem per  
orationem consequi possumus.

Secundò, nisi maximè neces-  
saria esset oratio, non eam tanto  
pere nobis Christus & Aposto-  
li commendassent. Hęc de neces-  
sitate.

Utilitas autem in multis appa-  
ret. Primò nos proximè cum  
Deo coniungit, vera & solida bo-  
na, hoc est virtutes nobis parat,  
conciliat.

Secundò, diuina munera, &

beneficia præsidiaque ad vitam,  
salutemq; tuendam nobis perne-  
cessaria impetrat.

Vis autem & potestas ex mul-  
tis colligitur, nam cacodæmo-  
nes fugat, morbos pellit, mor-  
tuos ad vitam reuocat, famem;  
pestilentiam, bellum auertit, tē-  
pestates sedat, ipsorum elemen-  
torum cæterarumq; rerum natu-  
ram immutat, Deum vincit pos-  
tremo, ac flectit. Hęc cū ita sint,  
mirandum non est, si oratio tam  
familiaris fuit Sanctissimis ho-  
minibus, si tam sæpe scriptores  
sacri ad eius studium nos adhor-  
tantur, si idemque eius vsus plu-  
rimus ac perpetuus in orthodo-  
xâ Ecclesia conseruatur, quem  
tamen hostis humani generis, cū  
eius vim continenter in Sanctis  
experiatur, & suis perditissimis  
conatibus cōsilijsq; officere sen-  
tiat, his potissimum temporibus  
per homines sacrilegos, vilissi-  
mosq; Catholicæ Religionis de-  
sertores, cæterisq; Satanæ satel-  
litibus, funditus tollere, & abo-  
lere contendit; quomagus nos  
deceat aduigilare, ne hoc formi-  
dolosissimum orationis telum  
de manibus nostris antiquus hos-  
tis extorqueat, atque ita iner-  
mes adoriatur, & opprimat, &c.

*De subleuanda pauperum egestate.*

**P**Auperes, egenos, calamito-  
sos, media laborantes, quan-  
quam ope possemus iuuare,  
subleuare & recreare debemus.



## *Liber secundus.*

Id verò multis argumentis probatur. Primum ad hoc officium, nos adhortemur, ut nimirum operam mutuo præstemus: & quæadmodum cætera omnia, quæ gignuntur, hominum causa creata sunt; sic homines ipsos hominum causa procreatos esse, veteres etiam Philosophi censuerunt, ut non solum sibi vivant, sed etiam alijs artis suæ partem tribuant, id quod veteres humanæ sapientiæ professores & cognouerunt, & locis consignarunt.

Secundò, vulgare etiam scitum est illud documentum, Quod tibi fieri velis, alteri facias.

Deus tamen, cum sit non modo iustus, verum etiam ipse iustitia omnibus omnia creauit. Cur igitur ea, quæ communia omnibus fecit, tibi soli vendicas? Quod si tibi data sunt, ne id factum existimes, ut tu solus utaris, sed cæteris quoque impertias, ut te inquam, non dominum, sed dispensatorem cognoscant.

Summæ indignitatis est eos destituere, tuoque auxilio egentes negligere, quibus Deus beneficia, imaginem suam impressit, & tot, ac tanta in filio suo munera communicauit, & tu externa bona negabis, cui Christus suum sanguinem, vitam, se ipsum denique ac regnum totum, & cœlestia illa bona largitur.

Quæ maior potest inhumanitas existere? quod certius in gratissimi animi argumentum,

quàm de se tot nominibus, & rationibus optimè meritum obliuisci? Atque cum egenis dees, Christo dees, qui suis in membris humanitaris, & pietatis, & grati animi officium requirit, contendit, efflagitat; imò verò quod suum est, reposcit, ac repetit: ipsius enim sunt illa verba, *Quod uni ex minimis meis fecistis, mihi fecistis.*

Si in memoriam reuocemus extremi, metuendique iudicii diem, (cuius seueritatem nemo prorsus effugiet) facile intelligemus quantam Deus rationem habeat & eorum, qui adsunt, & qui de sunt egenis, cum peruersos digna mercede, præmioque defraudet. Peroratio de more.

*De tranquillitate animi, ac mente sibi conscia recti.*

PRIMUM argumentum ducitur ab hominis natura, & conditione, qui cum ad virtutem se natum esse intelligat, ut pretij officium, beatitudinem tandem consequatur: quemadmodum ex rectè factis, ac studiosis actionibus ad voluptatem purissimam, & lætitiæ excitatur, & quietus animo est; ita sceleribus obstrictus, vitijque inquinatus mæret; dolet, angitur, cruciatur sic, ut eum pudeat, pigeatque; unde eos, qui aliquid impiè, sceleratèque commiserint, agitari semper, & flammis furiarum ardentibus perterritos (ut poetæ fabulantur)



ur) videmus. Fieri enim non potest, ut qui sibi flagitij conscius est, vlllo tempore conquiescat, sua quemq; fraus, suus error maximè vexat, suum quemq; scelus exagitat, amentiaq; afficit, suæ malæ cogitationes terrenæ sunt improbis assiduæ, domesticæq; furia, quæ dies, noctesq; à sceleratis hominibus repetunt poenas.

Ponite vobis ante oculos istorum hominum, quos malefactorum conscientia torquet, miserissimam conditionem. Nonne iam incipiunt mente Tartaræ damnationis sentire supplicium? Contra verò qui se castos, puros, integrosq; conseruant, æternæ beatitudinis initium capere?

Nihil est quod non ab omni periculo, metu, cura, perturbatione vacuos præstet, nisi hæc, quæ diximus innocētia: qui enim tales se præbuerint, tunc, si fractus illabatur orbis, impavidum feriunt ruinæ pericula, inquit Poeta; quare ut idem sapienter admonuit, nil conscire sibi nulla pallefcere culpa.

Hoc testimonium conscientia quicumq; post homines natos Deo chari extitere, contenti; hominum iudicia anteposuerunt, & imperitæ multitudinis voces, ac rumores pro nihilo semper duxerunt.

Postremo si omnia ratione animoq; iustraueris, hac vna re, si nulla in terris potest esse bea-

titudo, intelliges vel his solum, qui innocentiam viui, vel coluerint, vel recuperarint amissam, cœlestem, & sempiternam felicitatem mortuis importari.

*De laudibus paupertatis.*

**P**Aupertas malum non est; sed bonum potius. Primum argumentum: nam bonis paucis contenta est, & non plura petere, aut appetere quàm necessitas exigat; ipsa nos bruta animantia docent, quæ tantum quærunt, quantum satis est.

Vt opulentia periculis, & inuidiæ obnoxia est, & expofita; sic paupertati nemo inuidet, nemo insidiatur. Hic demonstratur breuiter quàm misera sit pecuniosorum vita; contrà quàm felix, tenuisq; fors, & conditio. Exempla Sanctorum Patrum afferantur, ut Hilarionis, &c.

Vt alia omittam incommoda; quibus refertissima est opulentia; vacua, & libera paupertas, nonne illa maximè sunt animi bona, quæ ex paupertate proficiuntur; animi submissio, modestia, sobrietas, frugalitas, reuerentia, & cultus diuini numinis, à quibus bonis longissimè ferè esse solent diuitiæ.

Sed nihil horum rationes menti habeant. Quid illud quod Christus pronuntiavit, quanti esse putabimus? *Beati pauperes spiritu, quoniam ipsorum est regnum cælorum* ? De hac enim

N 4 velunt



## *Liber secundus.*

voluntaria paupertate loquitur, ut minus hic philosophorū exempla desideretis, quorum permultas legimus opes, fortunaſq; proprias, & habitas, vel abieciſſe, vel reliquiſſe, vel certe contempſiſſe, & virtuti poſſe habuiſſe diuitias. Quod quidem factum, eſſi veram laudem, & ſolidam virtutis gloriam non attingit, admonere tamen nos poteſt, ac debet quanti homines illi, quibus & naturæ radices perlucebant, iſta fecerint, quæ paſſim, & certatim à Chriſtianis, quibus ſol ille iuſtitia, diuinæq; ſapientia lumen aſfulſit, tanquam vel ſola, vel præcipua dona ſint, expetuntur.

Niſi multo melior, & præſtabilior hominum generi paupertas, quàm opulencia eſſet, Chriſtus verus Deus, qui nec errare poteſt vnquam, in ſumma rerū inopia, & egeſtate, quàm copia, & abundantia viuere noluiſſet; neq; diſcipulos pauperes delegiſſet, niſi alijs, ut opem relinquerent, ſuaſiſſet. Proferantur aliqua inſignia exempla Sanctorū, qui cōculcatis diuitijs Chriſtū in maxima paupertate ſecuti ſunt.

Poſtremò conferatur ſors, merces, præmium opulenti & pauperis, ut illius diuitijs epulo nis in Euangelio cruciatus cum Lazari Mendici felicitate.

### *De laudibus obedientia.*

**E**Xordium à re & auditoribus; quod oratio futura ſit apud

eos, quos cum omnium virtutū laus & pulchritudo delectat, tum maxime obedientia ſtudiū tenet.

Prius locus ab honeſtate, quid æquius & honeſtius quàm Dei cuiusq; vicem gerentibus obtemperare, quem omnes debent amare, qui pater eſt, & reuereri quia Dominus, & omnipotens prædicatur: Amor igitur vacare obedientia nullo modo poteſt ait enim Chriſtus: Si quis diligit me, ſermonem meum ſeruabit.

Secundò ab exemplis, & primò ipſius Chriſti, qui patri pronobis obediens uſque ad mortē fuit. Secundò Angelorum. Tertiò Sanctorum virorum. Quartò brutorum animalium, ut videre eſt in vitis geſtiſque Sanctorum. Quintò rerum mutarum, ut Solis qui Ioſue paruit, terræ quæ Moyſi, mari quod Petro, &c.

Tertiò, Ratio ipſa docet, & poſtulat, ut ſtultus ſapienti obtemperet, & inferior ſuperiori obediat; ſeruus domino pareat, magiſtro diſcipulus obſequatur, homo denique Deo.

Quartò, ab utilitate, quid utiliſ quàm ei ſe præſtare morigerum, qui nihil aliud niſi noſtram rem agit, & noſtræ ſaluti conſulit? Nihil enim iubet, quod ſi a nobis alienum, imò verò omnia eiſmodi, ſine quibus ſalui eſſe non poſſumus.

Quintò, huic obedientia omnia



nia sunt à Deo promissa; huic datur singularis animi quies atq; libertas, serenitas mentis, tranquillitas conscientia; postea summa quies, beatitudo, immortalitas impertitur. Denique enumerantur mala, quibus cõtumaces ac perfidi quamdiu viuunt, premuntur, & supplicia quæ olim impijs ac superbis per inobedientiam irrogata sacra testatur historia, & quæ poena homines apud inferos maneat, subiiciatur.

*Laus fortitudinis militaris.*

**E**Xordium in hanc sententiam duci poterit. Cum in fortitudinis tutela Respublica vniuersa contineatur, omniumque vita, & fortunæ eius præsidij contineatur, debet à nobis hoc officium omnium patrone, ac cõseruatrici, vt magnitudinẽ eius verbis explicemus.

Hoc exordium sequetur confirmatio. Ea sumi poterit præcipuè ex his rebus, quas effecit fortitudo: enumerabimus enim mala omnia, quibus liberat ciuitates, & obsidiones, populationes agrorum, inflammationes, vastationes, euerfiones, seruitutem, & alia generis eiusdem, atq; hæc bona amplificabimus dicendo; tandemq; concludamus, quo maiora illa sint, eo mirabiliorem videri eam fortitudinẽ, quæ tantam salutem afferat rebus vniuersis. Docebimus forti-

tudinem esse, qua & pericula, quamuis maxima contemnantur, & res illustres gerantur pro salute communi: vt emurq; exemplis Alexandri Magni, Scipionis, & aliorum, quibus fortitudinem tantam animi vim tribuisse dicemus, vt vitæ, incolumitatisq; suæ anteposuerint vitam ciuium suorum, & Reipublicæ vniuersæ. Deinde ostendemus, quos honores, quas opes, & quam potentiam assequuti sunt, & quotidie assequantur viri fortitudine præstantes. Et hunc locum antiquitatis exemplis illustrabimus, & ad extremum ita concludemus, vt nulla alia virtute ad amplioris dignitatis gradus homines venire posse demonstramus. Sed in omnibus ijs tractandis hoc memoria tenere debemus, valere plurimum comparationes non solum minorum, sed similium, & dissimilium, & contrariorum ad amplificandum, & ornandum.

*De immortalitate animi.*

**E**Xordium, miror inter mortales reperiri quosdam, qui animos hominum cum corporibus interire asserant, qui tamen sapientissimos se esse vindicent, quorum ego pestilentissimam sententiam, ne serpens nostrorum ciuium mentes perturbet, mihi retundendam apud vos proposui. Videbam enim quantam in nostram Rempublicam pestem esset



## *Liber secundus.*

esset allatura, si hominum animis imprimeretur, nā statim omnē virtutū splendorē tolleret, & obscuraret: hoc igitur munus, dū à me præstatur, efficite quæso, ne vestra desideretur attentio, quanta sit voluptatū corruptela, vel hinc maxime deprehēdi potest, quòd cum mentis sedē occupauerit, eā ita prosternat, vt nec quid inter bonum malūq; distet, dignoscere possit. Sed cū sensus præceps rapiatur, quod q; ille probet, ipsa probet, quod neget ille, hæc quoque neget. Hoc autem imprimis Epicuro accidisse constat, qui animū mortale faciebat, ex eo quod sensus capere non possit, cū ille mentē ob voluptatis titillationē mancipauit, atq; subiecit. Primū igitur hac de re nobis erit sermo.

### *Confirmatio.*

**P**Robabis esse immortalē, primū ex antiquis rationibus deductis, qui si excessu vitæ huius deleri hominem penitus putassent, nunquā cæremonias curassent, tam religiosē coluissent, tā accuratē sanxissent.

Adduces naturā ipsam quasi iudicē immortalitatis, quæ omnibus ingenuit atq; inseruit, vt ea maxime curent, quæ post mortem futura sunt.

Proferes poetarū auctoritatē, qui animos quidem æternos cū scirent, quales tamen essent, cū ignorarent, infernum statuerūt, vbi formas quasdam corporeas

animi sementes eādem quā incorporibus ducerent animam. Referes Philosophorum sententias, qui omnium Principes habeantur, vt Aristoteles, & vituperabiseorum dementiam, qui sensu omnia metiuntur. Seliges plures rationes oratorias ex ijs quas Lessius lib. de immortalitate animi meditatus est.

### *Sapientiam cum pietate coniungendam propositio.*

**S**apientiæ cū pietate, seu religione coniunctæ vsus, ac dignitas multis rationibus & argumentis probari potest.

Primò; Doctrina pietate coniuncta cōtra Philosophos Ethnicos, ceterosq; Christianæ religionis hostes plurimum valet, vt exemplis non modò veterū, verū etiam recentium, ac præsentium scriptorum probari potest.

Secundò, valet contra hæreticos, contra malos, & nomine potius, quàm re Christianos.

Tertiò, totus homo debet esse perfectus: is cōstat ex anima, & corpore; præcipua pars est anima, cuius duæ facultates primariæ, voluntas, & vis intelligēdi. Voluntas probitate, omniq; pietate perficitur: vis autem intelligendi excolitur, alitur confirmaturq; sapientia.

Quarto, res à Deo factæ sunt, vt ab hominibus cognoscantur, si origo earū, & cognitio contēnatur, Deo auctori fieri videtur iniu-



iniuria, quasi eius opera indigna iudicentur, quæ à nobis cognoscantur.

Quintò, indignum est, ut mendacium ab aduersarijs, & hæreticis confirmetur rationibus: veritas autem destituatur argumentorum præsidio, quo defendi possit à nobis.

Sexto, ex operum cognitione cognoscitur opifex. Vnde D. Paulus inuisibilia Dei à creatura mundi, &c.

Septimò, pulchrū est aduersariū suis ipsius armis vincere: ergo Catholicę veritatis hostes suis ipsorum artibus, & doctrinis superare gloriosum est.

Octauò, doctrinæ comparanda ratio vna naturalis, altera diuina: quę possumus naturaliter consequi, ad ea nō debemus alia via contendere; id enim esset Deum tentare, quemadmodum si quis posset à medico curari, & vellet tamen miraculo conualescere: vbi verò à natura destituimur, altera tentanda est via.

Nonò, eruditio, & doctrina rationes affert, fidem ornat, confirmat illustrat, &c.

Decimò, valet ad institutionē Christianæ vitæ, ad consolandū, ad castigandum, hortandum, admonendum, consilium dandum.

Decimò, autoritas Sanctorū Patrum, qui hæc studia probant, & ad ea cæteros adhortantur.

Duodecimò, eorundē exēpla,

qui easdem Doctrinas, disciplinasque didicerunt.

*Paupertatem diuitijs gloriosorem esse.*

**S**Tatus est qualitatis, & comparationis, cuius hæc sunt firmamenta.

Primò, nullā nec maior, nec vterior cogitari pōtest laus, & gloria, quā Christianorum. At hi si modò Christianè velint agere, omnē partē gloriæ, non in diuitiarū, sed in paupertatis opibus positā esse dicent, ac palām profitebuntur.

Secundò, quis Christi Opt. Max. nostri liberatoris, ac ducis gloriā, & amplitudinē animo cōplecti, nedū imitari vnquā poterit? At is rerū omniū egentissimus calamitosus, & egentibus angustæ, & Sacrosanctæ Religionis arcana mysteria enuntiauit; tantoq; studio, & charitate est paupertatem amplexus; ut cum in acerbissimo supplicio, atq; extrema illa perpersione, ab ingratiſſimæ patriæ, mæſtiſſimæ, chariſſimæq; parentis, ab amabiliſſimorum fratrum gremio abstractus grauissimè laboraret, vnus paupertatis aspectu, & comitatu calamitosissimæ necis cruciatum leuaret.

Tertiò, ea demum est solida, sinceraq; gloria existimāda, quę via est, & dux ad immortalitatē, & gloriæ æternitatem. Verum  
quis



## *Liber secundus.*

quis adeo est Christianarum legum ignarus, qui nesciat affluentes rerum copias ad felicitatem aditum hominibus præcludere; paupertatem verò aperire?

Quartò, quæ speciosior gloria reperiri potest, quàm ea, quæ exæquet beatitudinem: at beatitudinis quandam formam, & speciem paupertatem esse docuit Christus certissimæ gloriæ, atq; salutis auctor, & magister.

Quintò, nec verò solum Christi Iesu, eorumq; omnium, qui in eiusdem disciplinæ societate permanserunt, est hæc sententia confirmata consensu; verum etiã gravissimis rationibus, & per illustrium virorum exemplis, factisq; comprobata.

Sextò, nam quid virtute, quæ vel sciëntia, vel actione cernitur, maiorem gloriæ cumulum homini potest asferre? nihil, quidè certe: Atqui paupertatis stimulis concitati, atq; inopiæ acuminibus compuncti mortales quàm plurimi ad scientiarum, virtutūq; studia accesserunt.

Septimò, an non summa hæc est hominis gloria, & dignitas pacatam, & tranquillam vitam agere, otio frui, omnia infra seposita re, adversa fortuna non frangi, nulli violèto casui succumbere, nulla spe inani decipi, atq; debilitari; nullo deniq; rerum omnium humanarum euentu perturbari; non fortunatum, non Magistratum, non Imperij, nò

Regni amissionem pertimescere: sed enim tanta bona, vtrum è fonte diuitiarum, an ex paupertatis manant domicilio?

Octauò, o egregiã laudè, atq; gloriam diuitiarum, quæ vel sæpè immutatur in turpissimam infamiam, vel cum splendore diuitiarum penitus extinguitur! Num aliquando famam paupertatis in aliquod dedecus conuersam esse aut legimus, aut audiimus?

Nonò, nihil mihi videor mere ri posse aliquam laudem, quod nec naturæ assensionem, nec sapientum virorum approbationem meretur. Quare ex sapientibus, quære à natura, aum potior rem esse ducant diuitum gloriã, quàm eorum, qui rerum maximarum abundantia egestatem anteponunt? certe negabunt.


Decimò, Malim equidem cū Curtio Fabricio, cum Anacharside Scytha, cum Platone, Aristotele, Cicerone, Demosthène, aliisq; tenuis conditionis hominibus numerari, eandem cū ipsis gloriæ hereditatem cernere, quàm in Midæ, Cræsi, Darij, Artaxerxis, & Alexandri immensas opes, atq; diuitiarum, facultatum, auri, argenti infinitam possessionē, hiantē, immensaq; libidine, & auaritia inuolare. Exempli paupertatis præclara pete ex Valerio Maximo lib. 4. c. 4. Multa etiã trāsferri possūt ex primo, & postremo paradoxo Ciceronis.

P A R S



# PARS TERTIA IN VI- TVPERATIONEM VI- TIORVM.

## *De vitijs in genere.*



**N** Orationis nostrę exordio causas aliquot grauiiores in medium adducamus, quibus, vt ad hanc vitiorum vituperationem animum nostrum adiungere-  
mus, & orationem nostram conuerteremus, commoti sumus. Atq; imprimis illud dici potest, quod cum exijs quę de virtutū laudibus paulo ante in eodem grauissimo hominum consensu, maxima cum attentione dicta sunt, & eiusmodi oratione maximam illos voluptatem animo percepisse, existimemus, illud non omnino ab instituto nostro alienum esse duxerimus, si de vitiorum genere, turpitudine & immanitate diceremus, quę tantam in hominum societatem perniciem ac pestem inuehant, atq; important, quemadmodum virtutes illę præclarissimas afferunt utilitates.

Deinde illud etiā dici potest, nos quidem de ea re orationem habituros, quę per se imprimis turpis, & capitalis est: ita tamen nos conaturos orationem tem-

perare, ne vllas iustas & modestas aures offendamus. Postremò dicemus nos summam operam daturus, vt cum res tota ad hominum mores pertineat, nullū tamen vel leui conuicio oratio nostra perstringat, sed eum modum in orando seruaturus, vt omnes ex hodierna oratione, nō molestiam aut laborem vllum, sed summam voluptatem atq; amplissimum fructum percipiant.

Imprimis enim ad omnium vitiorum singularem perniciem demonstrandam, eam perensebimus historiam, qua communis omnium parentis lapsus turpissimus, atq; miserrimus continetur, ex quo, tanquam ex fonte quodam omnia mala, calamitates, pestes, exridia, parricidia, furta, cædes, & id genus scelera atq; flagitia in perditā atq; afflictam, & nequissimam denique posteritatem redundant. Quod si quantis se bonis, & commoditatibus, suosq; posteros spoliauerit primus ille parens, quanto se, quamque admirabili vitæ statu deiecerit, recensebimus, illud pro-



### *Liber tertius.*

perfecto intelligemus, nihil esse quod in eo lapsu magis dolendum fuerit, quam quod ad vitia propensiores, & multo quam dici potest prauiores euadamus. Ceterum ut vitiorum, & scelorem omnium, quæ quidem nominari aut excogitari non possunt, gravitatem ostendamus, illud ob oculos proponatur, quod in rebus humanis est supra quam credi potest, tam vile, miserabile, calamitosum, ut Deus optimus Maximus deprauatis hominum moribus, perditissimisq; vitæ rationibus, vitiorum denique omnium turpitudine laceratus, ea interdum supplicia inferat, easq; terris poenas infligat, ut non vrbes modò, aut oppida, sed provincias, regiones, regna, Imperia denique funditus deleat. Atque hic locus erit recensendis eorum exemplis accommodatus, quos Deus optimus Maximus iustissima ira concitatus atque inflammatus vexavit, afflixit, perdidit.

Nec omitti debet, ad scelerum vitiorumq; turpitudinem ostendendam, quod illi, qui se pravis animi cupiditatibus, & turpissimis libidinibus constringendos tradiderunt, omni denique vitio ac scelere inquinaverunt; ita rationem nobilissimam, atq; præstantissimam hominis partem labefecerunt, atq; opprimerunt, ut eorum vita non hominum, sed pecudum omnino esse videa-

tur. Hic evolvantur cæterorum scriptorum monumenta, atque eorum exempla proferantur, qui cum cognovissent Deum, quarundam virtutum adminiculo, atque auxilio fulti, eum non sicut Deum laudaverunt, vitiorum postea caligine oppressi, sed evanuerunt, & existimantes se sapientes, stulti facti sunt.

In peroratione ad inflammandos auditorum animos, & a vitijs & sceleribus deterrendos hæc brevissimè pertractentur; neminem esse, qui si vitiorum turpitudinem cerneret, & quantum animis nostris labem afferat, intelligat, qui unquam nolit se suaq; omnia ab huiusmodi monstris teterrimis, & perniciosissimis belluis esse quam alienissimam. Neque enim vestrum est, auditores, ullus qui non ita ab ineunte ætate vitam suam instituerit, ut nihil in omni vita & moribus appareat, quod animum alicuius, aut ingenium contamineat, ut omnia studia atque cogitationes ad Deum qui adsunt, referat, ut cunctis cupiditatibus, voluptatibusque reiectis tanto cæteris hominibus præstantiores sint, quanto cæteri homines belluis digniores sunt. Aliàs enim eveniet, ut hebescat ingeniorum acies, quæ nobis divinitus investigationem concessit, si nos sceleribus turpissimis contaminare, & voluptatibus mancipari non dubitamus. Quædiu virtutes ve-

terez



terres illi cōferuērūt, & vitijs ab-  
stinerunt, tādū bonæ artes &  
disciplinæ liberales. Dei immor-  
talis cultus, & religio, fides de-  
nique & Christianæ religionis  
præstantia durauerunt.

*In superbos argumentum.*

**N**isi mihi persuaderem plus  
apud vos christianā legē Euā-  
gelicā auctoritatis habere, quā  
deprauatæ naturæ cōsuetudinē,  
& illorū stultā opinionē, qui in  
densissimis errorū tenebris cali-  
gātes, & diuini luminis atq; cog-  
nitionis expertes, suis perturba-  
tionibus huc atq; illuc præcipi-  
tes rapiūtur, superuacaneā atq;  
inanē operā mihi videret susci-  
pere, si ea de re apud vos dicerē,  
quæ probari nisi christianis nō  
possit. Sed quoniā ij estis, qui  
plus religioni, christianæque fi-  
dei, quā hominū perditorū com-  
mentis, & humanæ naturæ vitio  
tribuendū putetis, nō abs re mi-  
hi facturus videor, si paucis o-  
stendā vobis, nunquā vos sempi-  
terno illo æuo toties nobis pro-  
missō potituros, etsi reliqua no-  
bis imperata faceremus, nisi  
illud nostri legislatoris decretū,  
quod de vitanda superbia, de do-  
mandis perturbationibus pro-  
posuit, accuratē seruemus. Quā-  
obrē cū propositæ rei necessita-  
tē iā planē intelligatis, vestræ  
auctoritatis ac prudentiæ fuerit,  
dū meū ego munus, partesq; per-  
soluo, vt corporibus sic animis  
adesse.

*Propositio.*

**V**T nos Deus similiores sibi  
efficeret, appetitū nobis in-  
generauit, qui ab alijs nos euo-  
cans ad bona impelleret; verum  
in bonis eligēdis frequēter erra-  
mus. Cū enim vnū sit, & verū  
bonū multa nos æque caduca  
statuimus, ex quo efficitur, vt  
illæ per motiones animorū, quæ  
nos ad bonū deducere debebāt,  
in varia malorū genera sæpe co-  
rripiant, nimirū, amor, odiū, læti-  
tia & mæror, quibus tanquā ven-  
tis stultorū mentes præcipientes  
in vitia feruntur. Ex his verò po-  
tissimū illud, quod superbiā vo-  
cant, conflat; quod quia tan-  
quā varijs ex naturis cōpositū  
est, recte monstrū appellare pos-  
sumus. De hoc igitur nostra in-  
stituetur oratio.

*A definitione.*

**S**uperbia est tumor mētis ex  
opinionē boni præcellentis,  
licet id nō adsit; quare inter infi-  
piētes dominatur: sapiētes enim  
in se se oculos deflectūt, probeq;  
intelligunt, nihil esse quod se se  
mortales efferant. Est igitur su-  
perbia mentiū caligo, vitiōrū ra-  
dix, virtutū pestis. *A causis.*

**E**tus autē tāquā radices sunt no-  
stris pectoribus infixæ, ex eo  
enim amore nascitur, quo se vnus-  
quisq; natura diligit, qui nisi colū  
beatur, ad mētis arcē euectus, illā  
vitiōrū machinis quatit, breuiq;  
in turpitudines deuoluit, ex quo  
potissima est superbiæ origo.

*Ab.*



### *Liber tertius.*

*Ab enumeratione.*

**Q**uod si superbiæ comitatum spectes, quis esse potest scelestior; adest illi arrogantia, cum sua tantum optima putet superbus, aliorum verò bona infra dignitatem suã spectet, adest iactantia, hoc est quædam ostentandorum bonorum cupiditas, ut admirandus appareat, cui dedecorum occultatio se se libenter adiungit. Adest rerum novarum, quæ admirationem faciunt, inuestigatio, ex qua illa opinio- num absurditas in scientijs præfertim sacris nascitur. Superbus enim suam sententiam omnibus anteposit. Adest præterea inuidencia in alios, qui cum potiora, vel similia habeant bona, faciunt ne hæc superbis sint propria. Hanc verò inuidenciam aliorum contemptio comitatur, ut quoniam sua reliquis anteposit, superbus alia contemnit. Adest pertinacia, quæ quod semel apprehendit, ita retinet, ut rerum naturam, quàm suam asseuerationem mutare malit, licet sæpe falsam agnoscat, tantus illius mentem dedecoris pudor occupat. Adest, ut semel siniam, reliquorum vitiorum agmen, quorum omnium dux est superbia. Hic intelligetur, quàm latè hæc pateat, ut omnium scelerum nequitiam non modò compleat, verum etiam in virtutum cætum se se insinuet, & quandam illarum spe-

ciem referens, earundem pulchritudinem omnè deturpet. Quid quod ita mirè se. flectit hic serpens tortuosus, ut dum se aliquis superbum esse animaduertit, etiam hinc superbiat, quod à se superbus sit cognitus. Hæc enim illi virtus excellens videtur superbia, igitur ægrescit mendando, ut ille ait: quàm verò homines dedecet, hinc maxime intelligitur, quod vel arbores quo sunt fructibus oneratiores, hoc magis se se demittunt ad terram. Homines autem, quo sunt bonorum magis inopes, hoc magis intumescunt. Eius autem rei turpitudinem quis non auerteret, cum Deus ipse, qui fons est bonorum omnium, tantopere se se submiserit? Erit ne igitur discipulus supra magistrum? an supra dominum seruus? an homo supra Deum? Si enim omnium nostrum Princeps Christus etiam inimicis, & interfectoribus se submisit, quod nos discipuli, serui, homunculi? Superbi præterea perpetuis fluctibus agitantur, & dum omnibus se anteponunt, nihil intentatum relinquunt, omnem mouent lapidē, cælum terra miscēt, omnia denique ferre malunt, quàm iniuriam condonare, quàm contumeliam dissimulare, quàm ad aliorum æqualitatem se submittere, nullum recusant laborē, denique a se ipsis pœnas prius quàm ab inferis exigunt.

*Epi-*



*Epilogus.*

**H**Anc ergo detestabilem bel-  
luam è cœlo detrusam in in-  
fernum, à sanctissimis viris de bel-  
latam, tot seculorum consensu re-  
probatam, sanctissimorum homi-  
num exemplo vituperatam, hoc  
potissimū tempore, ob insurgen-  
tes quorundam superbiorum hæ-  
reses, contra superbissimorum ho-  
minum audaciam, contra amen-  
tissimos submissionis hostes, cō-  
tra vilissimos veritatis eversores,  
contra denique pestilentissimos  
omniū honestarum rerum deser-  
tores, proditores, oppugnatores  
faciamus, persequamur, abomi-  
nemur.

*Ambitionis detestatio.*

**P**Rincipium sumatur à præsen-  
tibus hominum studijs, necnō  
in Rempublicam Christianam of-  
ficio. Ad probandam porro, de-  
monstrandumq; huiuscevitij tur-  
pitudinem, indignitatem, mise-  
rias, calamitates, ex his locis po-  
tissimū argumenta sumuntur.

Primum, cum ambitio iniu-  
sta sit, & immoderata dignitatū,  
honorumq; cupiditas atque con-  
tentio, in promptu est prospice-  
re, quàm sit Christianis animis in-  
digna, quæ veterum quoque sã-  
pientum, quos venerata est anti-  
quitas, non modò tacito iudicio,  
sententiaque damnatur: verum-  
etiam literarum monumentis,  
scriptisq;, vt tetrerrima pestis &  
labes perniciosissima à Rebuspu-

blicis eijcitur, exturbatur, ex-  
terminatur.

Nec mirum, cū ex ea tot incō-  
moda, malaq; oriantur, necesse  
est enim eū qui honoribus inser-  
uit, sæpe indignissimis homini-  
bus servire, & sordidissimos quos-  
que interdū ambire, pensare, ora-  
re, alijs supplicare, alijs munera  
mittere, blandiri, assentire, arride-  
re, omnia denique eorum gratia  
facere & polliceri, quibus se tam  
leuem ob causam mancipaverit:  
ita qui multis excellere, alijsque  
imperare contendunt, vt id ip-  
sum quod tantopere concupis-  
cunt, assequantur, vilissimo cui-  
que sese subijciunt, & quasi in ser-  
uitutem tradunt. Incredibilis hic  
& indignus labor à viro bono  
& sapiente suscipietur, ne dicam  
à Christiano.

Tertio cogita deinde, quot pe-  
riculis exposita sit, quot ærum-  
nis, animiq; perturbationibus, si  
multatibus, odijs obnoxia, qui-  
bus inuidiæ stimulis, quibusque  
cupiditatibus agitata istorum vi-  
ta, qui Principatum tenent, qui  
honoribus potiuntur, qui digni-  
tate & gloria cæteris conantur  
anteire, qui denique in alios im-  
periū, vel affectant, vel obtinēt.

Quartò non potest sine multis  
miserijs & sceleribus, si ambitio-  
ne nitatur, ad honores quisque  
peruenire: declarant id complu-  
res omnibus seculis in quouis ge-  
nere mortales. Illustratur hic lo-  
cus exemplis.

O *Quin*



### *Liber tertius.*

Quintò id cū esset à Romanis animaduersum per multos sapientissimos viros sæpè de ambitu sunt latæ leges, certaq; poena huiusmodi mulctata cupiditas.

Sextò, quis hic miretur tantopere à Christo Dño hoc superbiæ & arrogantiae genus fuisse damnatum? Monet enim, *Qui vult maximus esse inter vos, &c. Et nisi efficiamini sicut paruuli, &c.* Neque verbo solū, hic prædicauit, sed etiam re ipsa declarauit. Hoc Apostoli, hoc Martyres, hoc Confessores, hoc denique quicunq; Deo probati sunt, docuerunt, & factis confirmarunt.

Septimò, sed quam diuturna est istorū gloria? Imo verò quā breuis, quā incerta, quā lubrica? Cū videas multos hodie in supremo fastigio, graduq; collocatos, crās ad ima deuolutos. Intellexit hoc ille, quid dixit, *Vidi impium superexaltatum, &c.* Nō possumus hic florere & exultare inter homines, deinde regnare cum Christo. Epilogus de more.

#### *Auaritiæ vituperatio.*

**Q**uam odiosum, quā pestiferū quā perniciosum malum sit Auaritia, pecuniæq; cupiditas, cū ex pluribus alijs, tū ex his maximè locis intelligi potest. Primò, quòd avari & sordidi homines, non modo rationi, verū etiā ipsius naturæ legibus aduersantur, quæ prohibent, nemini quēpiā nocere, & prodesse quā plurimis iubent: isti verò tantū

abest, vt aliorū egestatem & inopiā subleuent, vt etiam quoscūque possunt fortunis exturbēt, & alienis semper manus afferāt, atq; adeo sibi ipsi necessaria subtrahant, geniumq; suum (vt Comicus ait) defraudent, dū semper quæsitis parcut. & partis abstinēt, & ad pecuniā coaceruandā qua nunquā vtantur, incūbant.

Secundò, quid istis hominibus dici aut excogitari potest inferius, qui in amplissimis alioquin opibus & fortunis pauperrimi sunt, & egentissimi, qui omni copiarum genere abundantes: summa tamen inopia & mendicitate sordere videntur: qui denique in omnium penè rerum affluentia tamen egent: in hos scilicet Tantali fabula optimè quadrat: quippe qui in aquis positi, perpetua siti torquentur, & inter lautissimas & copiosissimas epulas fame cruciantur.

Tertiò, quid dicam, quā insatiabilis sit illorum cupiditas, quibus nec Cresiopes, nec Mydæ aurū satis sit, vt rectè ille dixerit: Crescit amor nūmi, quantum ipsa pecunia crescit: & Moralisis Philosophus: *Tū deest anaro quod habet, quā quod non habet.*

Quartò, neque verò minùs miseri & infelices cēsendi sunt, vel etiam ea ipsa qua torquentur & cruciātur cura augēdæ pecuniæ, vel amittendæ metu, vel quod sæpè vsu venit, ipsius vitæ periculo; necesse enim est, vt mul-

tos



Eos timeat ille, qui habet quod placet multis, quod qui tanto pe- re appetitur, & scelere sæpe & maleficio quæritur, longum esset re- censere, quibus pecuniavitā adim- mit, ueq; in re alioqui perspicua cuius quotidiana exēpla suppe- rūt, diutius immorari necesse est.

Quintò, sic homines istos, pe- cunia transuersos agit, ita præci- pites rapit, sic à mēte, consilioq; deducit, vt se homines esse obli- ti videantur; neque enim possūt ista potentia humani generis, & naturæ prodigia (nimis parum dico) cum pecudibus conferri, quas tantum videmus appe- tere & persequi, quantum ad vi- tam tuendam satis esse possit. Isti verò quò plura habent, eò plura concupiscunt, vt verum sit Poe- tæ dictū, *Quo plus sunt poeta, plus si- tiuntur aqua*. Postremò, quem a- lium istius modi homines suorū laborū fructum colligunt, nisi di- uinam iram, æternumq; suppli- rium. Hæc enim proposita est auaritiæ merces. Quamobrē, &c.

*Contra quorundam molliem infe- rendis aduersis.*

POst exordium, argumentis & ampliationibus confirmatio instituetur.

Primò, tam molles & effœmi- natos animos, recta hominū ra- tio, & natura conuincit, quæ nul- li iniuriæ ac difficultatis succūbit. Vnde virorū est pati fortia, qui recta ratione ducuntur,

Secundò, hoc quo facilius est Christianis, eo grauius reprehē- dēdi sunt isti, quos tā turpiter vi- deat animo frangi, si aduersus re- rum euentus prospiciantur.

Tertio reprehendit eos afflicta & ærumnosa humanæ vitæ cor- ditio, quæ animis hoc ergastulo corporis inclusis, nullam certam quietem, & diurnam, nullā so- lidam voluptatem, nullam deni- que veram felicitatem, vel præ- sentem beatitudinem pollicetur, sed futuram immortalitatem, & sempiternum æuum, per patien- tiæ, constātiæ, & pietatis in Deū studium alibi sperare nos do- cet.

Quartò, Christianæ militiæ rā- tio, & Christiani hominis nomē hoc profitetur, hoc suscipit, vt benè, continenter, sanctè & in- nocenter uiuat, & aduersa om- nia damna, incommoda, calamita- tes, ærumnas, forti, constantiq; animo ferat, atque hoc ne mirum arbitretur, intueatur, si placet paulisper inuictissimi Imperato- ris sui res gestas, mores, studia, consilia, inspiciat fortissimorū Martyrum, cæterorumque san- ctorum hominum vitam, tum intelliget, quàm longè à Chri- stiana virtute & fortitudine ab- sit.

*Contra ea, quæ fiunt in Bac- chanalibus.*

EXordiū ducetur à tēpore. Cō- firmationis loci multisūt, siquē dē quæ vituperari merito possūt



### *Liber quartus.*

quinque numerantur. Primum est  
crapula, luxurq; conuiuiorū, &  
studiorum ventris. Secundū est  
consuetudo, quæ a veteribus Eth-  
nicis emanauit, latus induendi,  
& personas. Tertium obscenif-  
imarum comoediarum actio.  
Quartū chorea, atque saltatio.  
Quintū postremò ludi publici,  
spectacula, atque venationes tau-  
rorū ¶ Contra primū spectanda  
primò sunt ea, quæ faciūt ad de-  
testationē eius vitij. Deinde par-  
tes eius, siue genera. Tertio satel-  
lites atque ministri, quibus vtun-  
tur. Ad detestationē faciūt hæc.  
Primum, quòd intemperantiā vi-  
ctus atque crapulam nobis natu-  
ra ipsa dissuadet: quæ ex omni-  
bus animalibus grandioribus vni  
hominē os paruum dedit, ex quo  
illum ad temperantiā produxis-  
se videtur, Secundū hoc vitio qui  
laborant, serui sunt turpissimi, &  
importunissimi domini; ventris  
inquā, atq; adeò cacodæmonis.  
Tertiū, Gula perniciosa est, & si-  
bi, & alijs, quippe cū intemperā-  
tes ipso vitæ genere, exemploq;  
cæteris noceant, & absument, de-  
uorent, abliguriant tantum: vn-  
de multi egeni ali, sustentarique  
possent, tum vino obruti & be-  
ne poti, epulisq; distenti, tanquā  
opimi boues, maledictis, contu-  
melijs, conuiuijsq; alios incescunt  
& damnis afficiunt. Quartū,  
crapula odiosa est, ac detestabi-  
lis in primis. Deo optimo maxi-  
mo? Quid ita, quia vitium hoc, seu

verius pestis ventrem Deum fa-  
cit quandoquidem. Sancti Pau-  
li testimonio istiusmodi hominū  
Deus vter est. Adde, quod hæc  
intemperatiā diuinam deformat  
imaginem, & numinis domiciliū  
profanat, ac polluit, cū nihil æ-  
quē obruat intelligentiā, vt eda-  
citas & ebrietas, vt hoc vnū ho-  
minē a Deo optimo maximo a-  
lienet, eiusque obliuionem in-  
ducat. Quid ergò corporis incō-  
moda proferam? Quid morbos  
enumerem, quos crapula parit,  
vt verissimè dici possit, cibo-  
rum, epularumque, voluptati  
comitem iungi dolorem & pœ-  
nam. Quapropter omnibus ex  
partibus damnanda est, & exe-  
cranda intemperantia, luxu-  
ria, crapula, quæ inimica est ho-  
nestati, tot, tantorumque ma-  
lorum procreatrix, ac parens.  
Epilogus per enumerationem,  
cum hortatione ad tēperantiā.  
In laruatos, seu personatos in-  
uehi possumus, ita vt illorum  
leuitatem, deinde insaniam, &  
stoliditatem, tertio incommo-  
da demonstramus, & insolent-  
iam. Comoedias (de turpibus lo-  
quor & obscenis) vituperabi-  
mus, si ostendamus, nihil aliud  
illas docere, nisi obscenitatem,  
impudicitiam, & omnis turpitu-  
dinis licentiā de hac re S. Aug.  
de ciuit. Dei, Lact. Firm. De cho-  
reis verò & saltatione illa quid  
dicā? Cū nihil aliud, nisi leuitatē,  
mollitiē, impuritatem ostendet.

De



de hac re. Cicerō prō Murena.

Postremo contra spectacula ludorum dicemus, eorumque singularē feritatem, immanitatē que declarabimus. Peroratio cōtinebit adhortationem adhuc fugienda & detestanda.

*Otiij desidiaque detestatio.*

**D**Vcetur exordiū à tempore; & moribus huius ætatis, ut in illud potissimum vitium inuehamur, cui obnoxij sunt plerique nostræ memoriæ homines, ut ostendatur quàm sit turpe, quàm fœdum, quàm perniciosum marcescere otio, desidiaque languescere, homini præsertim Christiano.

Primum argumentum quare fugiendū sit otium, ab hominis natura ducetur, cum is ad agendum sit procreatus: amplifcetur à simili, quid si sol calore nō foueret, &c.

Secundò, huius autem officij à cæteris etiam animatibus, atq; inanimatis quoque rebus homo admonetur: nonne vides, coelestes orbes nunquam conquiescere? non animaduertis omnia elementa in perpetua actione versari; non denique animalia mutare fere semper aliquid agere intuemur? quæ cum ita sint, solus ipse otiabitur.

Tertiò, cur animo, cur mēte, cur ratione ornatus est homo, nisi, ut his diuinis muneribus dignam vitam traducat? cur victu-

tum quosdam igniculos acceperit, nisi ut ad honestas actiones & pulcherrima artium studia incitaretur.

Quartò, à simili, homo otiosus nihil aliud esse videtur, quàm saxum, cum nihil utile, nihil rectum, nihil laudabile edere possit.

Quintò, nihil agendo homines discūt maleagere. Quid enim est aliud otium, nisi vitiorum esca, & malorum alimentum? Perantur exempla ex libris ethnicorum, sacrisque voluminibus; enumerent mala, damna, & calamitates per otium inuectæ.

Sextò, quæ pœna desides, ignauos, inertes, segnes consequatur quis non videt? si enim honeste, fœliciter, vtiliterque laborantibus proposita est sempiterna fœlicitas, & perpetua quies, si quæ industrijs & solertibus operarijs reposita est debita merces, otiosos, & vitijs occupatos, quæ pœna, quod supplicium expectabit?

Septimò, postremo adhortatiò subiiciatur per exempla veterum ethnicorum, qui tanto opere desidiam detestati sunt, & tot labores, vigilias, doctrinæ, gloriæ inanis, opum studio susceperunt. At quid nobis tantis propositis præmijs, tam solidis, tam certis, tam denique expetendis bonis promissis agendum sit perspicimus; quos etiam tot Sancti viri atq; adeo ipse Christus docuit;

O 3

quod



### *Liber tertius.*

quod esset nostrū officium, qui  
tot, tantisq; laboribus nobis suā  
vitam addixit.

*Voluptuaria vitæ vituperatio,  
ac detestatio.*

**E**Xordium in hanc sententiam  
contexetur, cum sit boni viri,  
quæ rectè ad hominū salutem &  
incolumitatem conseruandā sen-  
sit, in mediū proferre, & oratio-  
nē explicare; qui semper publi-  
cis cōmodis consuluerim, nolui  
hoc tēpore officio meo deesse,  
quominus ad eā partē Reipubli-  
cæ subleuandā, quæ omnibus no-  
ta, perspicuaq; est, versaret. Quo-  
tus quisq; enim est; qui depraua-  
tissimā huius nostri seculi cōsue-  
tudinē, moresq; profligatissimos  
non videat, intueatur, intelligat?  
Cum se omnes certatim volupta-  
tibus manciparint, & in Epicuri  
castra coniecerint, atque ita de-  
nique vitā instituerint, vt nihil  
inter eos & quadrupedes inter-  
esse videatur. In hos igitur ho-  
dierno die faces, & argumēto-  
rū fulmina, si quæ in nobis essēt,  
libenter cōtorqueremus. De eo  
tamen quod vires nostræ præsta-  
re poterunt, aut dicendi facultas  
efficere, nihil remitemus.

*Narrationis & confirmationis loci  
hi erunt.*

**N**ihil esse voluptate indignius,  
nihil fœdus, nihil detestabi-  
lius argumento est, ipsa hominis  
dignitas & excellentia, quæ ra-  
tionis est particeps, qua mente  
præditus, rerum cœlestium, ac

diuinarum cāpax, quā deniquē  
ad immortalitatem conditus est.  
Ex quibus omnibus longē (vt vi-  
demus) cæteris animantibus ante-  
cellit. Quod si tam diuinum ani-  
mal ita se se abijciat, vt in rē tam  
humilem, cogitationē, animūq;  
cōferat, qua in re pecudibus præ-  
stabit, quæ voluptatū sensu dū-  
taxat mouentur.

Secundō, qui voluptati sese de-  
dunt, nihil altū, nihil magnificū,  
nihil præclarum, nihil honestū,  
nihil rectum, nihil denique homi-  
ni dignum, vel facere, vel cogi-  
tare possunt. Declarant hoc o-  
lim tot Sardanapali, tot Philoxe-  
ni, tot Galbæ, tot Alleti, tot po-  
stremo Basi, quorum imitatores  
studiosissimos non paucos hæc  
nostra ætas tulit, ac fert quotidie  
quorum vita nihil fingi, aut ex-  
cogitari potest, nec fœdus, nec  
turpius, nec detestabilius, cum  
omnibus flagitijs, sceleribusque  
obstricta sit, omni vitiorum ge-  
nere inquinata atque contami-  
nata.

Tertiō, quid obsecro sibi vo-  
lunt homines isti delicatuli, an  
fortè id agunt, vt soli sapere vi-  
deantur, dum omnia voluptati-  
bus metiuntur. Atque cōmuni sa-  
pientum virorum consensu, sem-  
per ex hominū cœtu explosa est  
voluptas, neq; Christianorū mo-  
dō, ac sanctorum Patrū, verum-  
etiam veterum Philosophorum  
sententia, iudicioq; damnata: so-  
libergò stulti, ac cōmuni sensu ca-  
ren;



entēs, ac penè rationis exper crosancta volumina, & humanæ  
tes cū sint, aut definant asserere salutis instrumenta, æquè ac vo-  
re & tueri, quod perniciosissimo luptatem, crapulam, luxuriam,  
errore decepti, & effrenatarū cu ac carnis turpitudinem detestan-  
piditatum impetu compulsi arri tur. Longum est eos recensere,  
puerunt, aut ad bonā frugem se quos hoc vitio, vel grauissimè  
aliquando recipiant, & in viā vir mulctatos, vel de medio subla-  
tutis ac veritatis redeant. tos Historia sacra commemorat.

Quartò, quòd nisi multis, ac Subijciatur tamè exēpla nōnulla  
maximis laboribus voluptas cō- Peroratio fiet per enumera-  
staret, posset hic error hominibus tionē, indignationē in voluptua-  
condonari, verū cō maior te rios, ac vehemētē ad tēperantiā  
meritas, stulticiaq; videatur, quo adhortationem, amplificationi-  
minus quod quærant assequatur: bus aptè interpositis.

*Contra bellum & discordiam,  
argumentum.*

fit enim vt dum voluptates sum- Ratio versabitur in genere  
mo studio persequuntur, grauif- demonstratiuo, cuius quæ-  
simis ærumnas, dolores, pericu- stio erit infinita. An bellū sit om-  
laq; experiantur. Quot curæ in nium malorū causa. Exordium  
conquirendis voluptatibus atq; ducetur ab officio, & sine homi-  
delicijs, sumptus in comparadis, nis, & ingenij nostri, nā quod ho-  
morbi in perficiendis reperiun- mo sit natus ad pacē, illiusq; offi-  
tur, cū etiam mortem nonnul- cij sit pacem & amicitia colere,  
lis eas attulisse sciamus. bellum autē & discordiā omni-  
bus modis effugere: ex infinitis  
propè sacrorū voluminum locis  
cognosci potest. Hanc proposi-  
tionem exornat, tum rationibus,  
tum sententijs, tum ipsa corpo-  
ris humani constitutione & for-  
ma. Quocirca, vt pacis vim intel-  
ligāt auditores, & belli & discor-  
diæ calamitates videāt, pollicèbe-  
ris te breuiter dicturū cōtra bel-  
lū. Bellū enim nihil aliud est, nī  
si simultas plurimorū & discor-  
dia. Secundus à descriptione:  
tertius ab etymologia, quod

Quinto, si nullum aliud incō- O Ratio  
modū, ac salutis periculū impor- 4 Gram-  
tarent, vel hoc maximè homines  
ab eorum studio deterrere debe-  
ret: quod qui vel vnū diem in vo-  
luptate poluerunt, nō modo qui  
totam ætatem in ea degerunt,  
perpetua infamia, odio, inuidia,  
turpitudine laborarunt; hinc no-  
bilitata veterum imperatorum  
luxuria: hinc celebrata Æsopi pa-  
tina, sexcentis taxata sextertijs,  
hinc Antoni & Cleopatrz de-  
portentoso luxu, & profusione  
certamen.

Sextò, & quoniam apud Chri-  
stianos agimus, quid obsecro sa-



### *Liber tertius.*

Grammatici dictum esse volunt, nam nihil habet belli, nihil boni, nihil præclari. Alij malunt à belluis dictum, quod belluarum sit nō hominum in mutuum exitiū congregi.

A causis efficientibus, hostis antiquus est parēs, & auctor omnium malorum & discordiarum, & furia tartarea, omnesque cacodæmones, coadiutores & ministri omnium dissensionum. At Deus optimus max. pacis & concordia parens, & pater. Hic poteris narrare initium huius belli ab hoste antiquo, primum Deo, deinde hominibus illatum.

A forma, belli apparatus, cohortes, ipso vultu sonoque horrendæ, ipsæ acies gladijs, hastis, & reliquo apparatu instructæ. Quare hoc in loco per hypotyposin describe, & pone ob oculos apparatū formidabilē belli, & inferes quātū illa res ab ingenio & natura humana discrepet.

A fine, miseriæ, calamitates, mors denique ipsa finis est belli. Ab actibus, perturbat bellum Respublicas, ad flagitia & scelera vocat iuventutem, aperit fenestras ad omnia vitia, opprimit ciuitates, & euertit denique regna. Ab effectis, à bello pietatis contemptus, legum, magistratus. Rerū publicarū euerfiones, exercitus, legionum, infinitæ cædes, supra, denique flagitia omnia & mala oriuntur. Ab exemplis & similibus, quos millia homi-

num consumpsit discordia inter Græcos & Troianos, quōt calamitates, & miseriæ, tum Atheniensibus, tum Lacedæmonijs bellum intestinum attulit? Ab antecedentibus, antecedunt bellum rixæ, similtates, odia, maledicta; proditioes patriæ, habet comites furias ipsas, tumultus, clamorem, famem, pericula, labores, vigiliæ: consequuntur fuga, cordis desperatio, miseriæ accruenta hominum carnificina. Hunc locum poteris tractare descriptione siue hypotyposi. A contrarijs, per contentionem in altera parte, bona & cōmoda quæ à pace; in altera, mala quæ à bellō profiscuntur, constitues?

Peroratio contineat breuem enumerationem præcedentium dictorum, deinde amplificationem & prosopopœiam. Induces enim Christū, qui doceat se fecisse hominem ad pacis & sapientiæ, non ad belli, & discordiæ studium, illi pacem, non bellum reliquisse, & tandem de nostra impietate conqueratur, & ad pacem amplectendam, & ad bellū repellendum adhortetur.

*Deploratio nostrorum temporum.*

**E**xordij sententia. Calamitates huius miserrimæ tempestatis apud vos recensere in animo est, nō quod illavos fugere possint, quæ in omnium oculis versantur: sed vt quod magis nota sunt, eo vehementius illorum commemoratione, animi vestri commoueat

tur,



ut, ut de salute sua quisque sollicitus, tandem expurgatus, & ad implorandam diuinam opem & misericordiam excitetur. Nam tum demum Deus placabitur, nostrique miserebitur, ubi nostrorum vitiorum nos tædere ac pigere peccatorum pariterque resipiscere viderit.

*Narrationis. & confirmationis partes.*

**A**C primum quidem mihi de moribus profligatissimis huius ætatis cogitanti, & in Christianorum vitam intuenti tantus & tam latus dicendi campus offertur, ut vnde potissimum initiū sumam, ignorem, quo magis initio elaborandum esse intelligo, ut quidam motus orationi adhibeatur. Principio igitur, quanto pere vita Christianorum, non modo ab Evangelica doctrina & institutione, verum etiā à recta ratione dissentiat, eorum aduersa studia non obscure declarant. Nam quidam ita student, opibus, diuitijsque conseruandis, ut in ijs summum bonum posuisse videantur.

Primus locus est in avaros, quorum mores, consilia, & facta breuiter enumeranda sunt. Secundus in ambitiosos, quorum etiā studia paucis videntur esse perstringenda. Tertius in voluptuosos, quorum vita suis coloribus exprimenda est. Quartus in hæreticos, de quorum impietate,

sceleribus, flagitijs, & cæteris attingenda quæ satis sint. Quintus in eos etiam, qui cum ingenuis studijs summopere delectentur, eorum tamen finem honorem Dei non statuunt, cum aut auram popularem, & fictam gloriam, aut inanes honores, aut caducas opes, aut vanam tantum voluptatem conseruantur, quid in his singulis sit incommodi & dedecoris ex tractatu secundo, cap. 5. dignoscet.

His omnibus explicatis, subiiciatur epilogus per enumerationem, deinde per adhortationem, ut suæ quisque primum, deinde aliorum saluti prospiciat. Præcepta exhortationis dabit tractatus tertius cap. septimo.

*De malis tyrannidis.*

**P**Rimò, dicemus stulte facere eos, qui in exercitationibus quotidianis ea sibi proponant, ad dicendum, quæ nihil fructus adferant; illos esse sapientes, qui dum eloquentiam exercent, de rebus clavis argumenta instituant, ut vna eademque opera & copia dicendi augeatur; & animus rerum magnarum studio inflammetur. Quamobrem velle nos tyrannidem rerum publicarum pestem vituperare, quod libertatis amor odio sequitatis incendatur. Tum commemorabimus ea, quæ tyrannis importat.

Ea sunt omnia, quæ tyranni crudeles faciunt, perturbantur leges,



### *Liber tertius.*

leges, tolluntur iudicia, euertuntur iura diuina & humana, opprimuntur ciuitates, nocentes triumphant, boni vexantur. omnia bona diripiuntur, exultat audacia, regnat nefaria libido, Religiones violantur, ipsa sanctissima templa compilanda, &c. Hæc illustranda erunt exemplis inanium Tyrannorum, Phalaridis, Dionysij, Tarquini Superbi, & aliorum. Vbi hæc auxerimus, dicemus, exigua esse: aliud esse multò magis, quòd liberis vitam eripiant, & libertatem. Hic exaggeranda dignitas libertatis, quàm muki incolumitati anteposuerunt: & illustranda res exemplis. tum Bruti illius, qui Reges Roma expulit: tum alterius, qui Cæsarem interfecit, & aliorum multorumq; quos longas obsidi-

nes sustinuisse, certamina difficillima subiisse, in vitæ discrimen se obtulisse dicemus, vt libertatē retinerent. Deinde concludemus hunc locum, quantò libertas melior & iucundior iudicetur, tanto detestabiliorem esse tyrannidem, quæ nos tanto bono spoliare conetur. Itaque meritò veteres summos honores tribuisse ijs qui Tyrannos importunos interfecissent. Quæ res ornari poterit exemplis antiquitatis, maxime Græcorum, qui suis legibus statuas decreuerunt Tyrannorum interfectoribus. Ad extremum perorabimus, hortantes auditores, vt Tyrannos à patriæ ceruicibus repellant, & ciuium suorum tueantur libertatem, lege Valerij

Max. lib. 2. cap. de Maiestate.

## PARS QUARTA CENTVRIVÆ CIRCA GENVS Deliberatium.

Tractatus tertius ad subiecta exempla attentius euoluetur, ea in super quæ notata themata monebunt.

*In genere deliberatio ex Historia sacra 7. & 8.*

*capit. Iudith.*

**H**istoria hæc est: Ingentibus Assyriorum copijs Bethuliâ Iudæorum urbem obsidebat Holofernès. quâ vt minori negotio subiiceret, præcidit fistulas, quibus aqua oppido suppeditabatur, siti vt necesse ciuitas deliberet, an sit

deditio facienda. In medio foro circumstanti populo hæc habetur oratio ad Oziâ Principem.

*Status causæ qualitatē, & quaritur rectè ne deditio sit faciendā, suadet Achier.*

Suasio deditiōis hanc formā potest



poteſt habere. Suavior habet pro  
argumento vtilitatem; imitatio  
nulla eſt, ſed tamen aliquod veſti-  
giū extare poteſt apud Liuium  
lib. 9. non longe ab initio.

Exordiū ab exultatione, quod  
dicas tu vnus ex omnibus, & li-  
benter alias auditurū: iā verò om-  
nibus tacentibus mœrore, ac de-  
ſperatione, diſturum te, quod ce-  
teri ſentiunt, & quodammodo,  
dum tacent, conſentunt.

Secundò, dicerent quidē om-  
nes vnū, atque idem, niſi impedi-  
ret pudor, & te quidē non ſine  
pudore ad dicendū accedere, ve-  
rū tui pudoris iacturavelle alio-  
rum ſaluti conſulere.

Tertiò, et ſi nō ego propterea  
impudens, ſed beneuolus exiſti-  
mari debeo, qui ſuadeā, quod nō  
iucundū patriæ, vt tu malis, ſed  
gratum, aut ſine dubio vtile futu-  
rū ſit. Si tamen ſit tantū linguæ  
conſectæ, ſpiritus atque humo-  
ris, vt quid ſentiat animus expri-  
mere poſſit. ¶ *Propoſitio* Subij-  
tū narrationis, Quo reſedū  
ſta ſit. Ozia non vides tantū, ſed  
tu cum alijs omnibus ſentis, non  
iā cū hoſtibus, ſed cū vltimo hu-  
manorū omniū ſupplicio dimi-  
camus, ſine vlla ſpe refugij mori-  
mur, & quod turpius eſt, ſine vul-  
nere, ſine vllō ſolatio vltionis cō-  
taſcimus, hoſtibus ridentibus,  
atque integris.

Primus locus confirmationis: à  
tristi morientū ſpectaculo, cū  
videant omnes morientes, etiam  
chariſſimos, nectamen opē affer-

re poſſint. A ſimili, nā ſiniſtrum  
eſt, non poſſe ſubleuare morien-  
tē, præſertim qui parata medici-  
na recreari poſſit: quanto miſe-  
rius non poſſe hauſtu aquæ, quæ  
eſt omnibus cōmunis, animā effu-  
gientē retinere. Potes hoc loco  
deſcribere ſitim, atq; vim eius,  
aceruū mortuorū, neque loquē-  
cines, neque ſpiritū ducere poſ-  
ſe; ſic pecudū more conſumimur.  
Excitabis miſericordiā ex tract.  
6. cap. 10. & deſperationem cur-  
atorū ex cap. 7. & 8.

Secundus locus ab vtilitate &  
ſpe ſalutis: nulla erit ſalutis ſpes,  
erit actū de tota vrbe; at ſi dedi-  
mus nos, fortasſe hoſtis miſerebi-  
tur: ſe ſe oſtendet aliqua ſpes ſalu-  
tis, aut certē non moriemur, &  
Deum venerari poterimus. Am-  
plifica vtilitates ex tract. 3. c. 2.

Tertio, a ſpe, a vitæ ſuauitate,  
qua nihil dulcius, cuius cauſa om-  
nia perferuntur: labores, mendi-  
citates, cruciatus, quid ni ſeruitus  
cū præcipuē Deo ita viſum ſit.

Quartò, à ſeruitute. Nullo mo-  
do ſeruitutē effugietis. Irrūpet  
enim hoſtis in ſemimortuam ci-  
uitatem, & cinere, & ciuium cada-  
ueribus volitans, parcat aliqui-  
bus, quos coget ſibi cum maiore  
dedecore ſeruire, ſubeatur malū.  
hoc: Sponte erit quidem graue,  
ſed longē grauifſimū eſſe illud  
alterum, quod impendit atque  
inſtat.

Quinto ab hoſtibus. Si libēter  
nos dederimus, habebimus hoſtē  
pacatū; cōtra verò infeſtiſſimū.

Sexto,



### *Libri quarto.*

Sextò, à necessitate parendū est necessitati, quæ plus potest, quàm consilia humana omnia.

Septimò, à pudore, à refutatio ne pudoris: neque pudor impedi re debet, cū hoc dedecore aliud longe maius videatur, & omnino vitari hoc non possit, confide rentur circumstantiæ quæ pudorem refellant ex tractatu 2. cap. 13.

Octauò fecisse etiam alios: nō deesse exempla; & mouenda mi seratio à morientium multitudi ne. Finge aliquem hoc ipso tem pore siti mortuum esse in eo cō uentu, & exanimatū concidisse.

Peroratio, vides Ozia hic, qui siti corruit, vt cōfirmet meā orationem; omnes ita extingue mur. Audis omniū lachrymas, vi des gemitus; deinde verte, verte ad populū, dic vt pareāt lachry mis, absorbeāt illas, & bibant: aut alios non flere, quia iam con sumptæ exaruerunt: dicas enim te non habere vocem ex siti.

*Dissuasio Manasse.*

**D**issuasor spectat honestatem, & locos omnes cōsutationis. Imitationis locus apud Liuium, lib. 26. quo loco Viuius Campa nus dissuadet ciuibz suis, ne se dedāt P. Romano, hic vitupera turus personam, vt faciat inuidio sum eum qui habuit orationem.

*Exordium.*

**S**I Achior fecisset quod alij fe cerunt, & tacita potius oratio-

ne Deum flectere, quàm homi nes incendere voluisset, non es set mihi respondendū: at quando eum non puduit turpia dicere, pudendū eslet si non aliquis exi steret ex hoc tanto populo, eius qui obiectam orationem mag no animo refutaret. Et quanquā video multos contradicere ge stientes, oro tamen vos, vt meæ voluntati, vel iræ hanc veniam detis, vt quem vix tulere aures dicentem, eum breui quidem, sed virili, id est Iudæa oratione conuincā. Oro te Ozia, vt si pau lo videbor concitator, veniam iusto dolori meo dandam putes.

Confutatio primi, non erat quod diceret Achior rē in extre mum adductam discrimen, & ver bis oneraret malum, erat potius de aliquo remedio cogitandum: non enim nego siti confici ciuita tem, sed quid mirum est obfessos perferre mala sitis? Perferenda sunt potius hæc cum aliquo ho nore, quàm cum dedecore seruiē dum. Secunda confutatio, mul tos siti mortuos addit, quos enu merari mihi velim, quid? ante ob sidionem non moriebantur? ostē de confectos siti, aut quid tandē his mali accidit? mortem ne ma lum esse existimas? immo verò beati illi mihi videntur, qui te hæc tam turpia effutientem non au dierunt. Accedat grauis monitio aduersarij ex tractatu 4. part. 2. cap. 3.

Tertia, cōsutatio erit. Inquit actum



actum de vrbe, si nō dedamur, erit contra actum, si nos dedamus: Dum inter nos & hostes murus interfit, spes est aliqua salutis; si recipitur hostis perfidus, cui ludus est fide fallere, sempiternus hostis diuini nominis, omnia natabunt sanguine, & tunc sitim Achior explere poterit. Describitur hoc loco vrbs euerfa, atque incensa.

Quarta confutatio, suavis est vita non nego, sed primum quis tibi hanc vitæ spem pollicetur, tum verò quæ vita est: aut cur vita appellanda est, ea quæ est omnium morte miserior.

Quinta, seruitus nullo modo vitari potest, at ne accersatur; cur autem vitari non potest? morieris & seruitutem fugies. Ignauorum est, & ignobilium seruire velle, & morti antepone re seruitutem. Exponantur vrbes & regiones Iudææ, pro quibus certat ex tract. 2. cap. 15.

Sexta, placabitur hostis; ille ne hostis capitalis, sempiternus diuini nominis illius flammarum ignes cōmiscet.

Septima, pareatur, moriamur hic, ne destituamus templum, ne abducamur in hostium terras; ne euerfa ciuitate ibi non in seruitute modo futuri sumus, cuius videris cupidus Achior, sed vbi hostium oculos expleuerimus, miserè interficiemur: qui esset aspectus, quæ species ciuitatis, si filius patrem conseruum videret, vir

uxorem duci catenatam triumpho. Describatur Templi magnificentia, quam deferunt, ex tractatu 2. cap. 16.

Octava nō debet. Hoc ne verbum ex Iudæi ore excidit; at nō videbas omnium ora cum hæc diceret, contra te conuersa, omniū manus in te intentas; sed tua Ozia præsentia continuit: minus & leuius malum eligendū; quod autem grauius malum seruitute te, in qua mala sunt omnia?

Nona, libertas propria est Iudei generis, omnes nationes seruitutem ferre possunt, nostra gens ad imperiū nata seruire non potest. Refricanda memoria est Iudaicæ felicitatis, desumptis argumentis ex sacra paginæ Historia.

Decima, cuius religio Deus bone, quæ esset si in alterius potestatem, in illius seruitutem Holocaustis veniremus, quod templum, qui cultus?

Prætereā, retinete animum erectum istum magnum, ciues optimi, retinete libertatem; aut certe cum dignitate moriamur; non de nobis triumphet hostis, laus erit nostra apud omnes gentes, si moriamur prius, quā seruiamus; habebit nostra ætas quos laudet, sed nos non moriemur. Deus optem feret, cuius causa agitur, ipse nos adiuuare potest, & adiuuabit, nisi nos hosti dederimus, vregit sitis? Quid? nonnè de cœlo pluuia dari potest? at non Elias plu-



## *Liber quartus.*

pluuiam impetrauit. An non è saxo in deserto aquam dedit? Et nos qui ipsam colimus, Deus liti perire patietur? Eum oremus, obsecremus; non feret nostras lacrymas, certa est victoria, certa est spes Dei exorandi. Concludenda oratio duobus modis, vt vel deuoueamus nos Deo, tanquam hostiam, & dicendum millies mori malle, quā Holoferni hosti diuini nominis seruire, & diuinas leges violare. Vel concludenda oratio, obsecratione ad Deum conuersa.

*Pro Christiana, & auita Religione  
retinenda, ad Principes Christianos oratio.*

**O** Ratio adhortationem habet ad Christianæ Religionis pietatem, sanctimoniam, antiquitatem contra impudentem nouorum hominum, verius dixerim portentorum, omni intemperantia, & luxu perditorum audaciam tuendam & defendendā.

*De genere Orationis.*

**O** Ratio spectat ad genus deliberationis. Nam de hoc ipso præsens instituitur deliberatio: vtrum nostræ religionis cultus quorundam scelere & improbitate deformatus, ac penè extinctus. Pristinum sit suū decus & splendorem cum dignitate atque maiestate recuperaturus? Vtrum cultus, qui aduersus Deū

adhibendus est integer & incorruptus, conseruari debeat aduersus nefarios conatus, & consceleratos impetus hominum improbissimorum, à quibus quotidie insanabili animi dolore, atque singultu turpiter pollui, spurcissime foedari, miserabiliter discerpi non solum intelligimus, atque auditionem accipimus, non solum mente, sed oculis prope cernimus Eodem adiungitur, cur hæc causa posita sit in cōsultatione, quoniam tota confertur ad cohortationem animorū. Est autem adhortatio, vt magistris dicendi, docendi; authoribus visum est, pars quædam, & caput deliberationis.

*De statu, seu constitutione  
causæ.*

**C**ognito orationis, seu causæ genere, videndus est status, qui est in hac causa qualitatis. Id enim quæritur, vtrum iustum sit, quouis armorum genere, omni animi, corporisq; cōtentione, summo vitæ, liberorū, ac fortunarum discrimine niti, ac religionis à maioribus acceptæ defensionem, id maxime decere his rebus ostenditur.

*De locis confirmationis.*

**C**apita & firmamenta confirmationis sunt tria, quæ sunt legitima & propria deliberationis: causæ dignitas seu honestas, utilitas, facilitas. Ab honestate rationes ducuntur,

*Primo*



Primò, pugnatur pro ea religione, cuius Christus optimus maximus diuinus Author & celestis Magister fuit, quam ad nos diuinitus detulit, quam ut doceret, & vniuerso hominum generi enuntiaret, fragilem & mortalem naturam induit, ut promulgaret, & in hominum animis penitus infereret, non modo nullum laborem, aut molestiam, aut difficultatem, aut periculum, vel iterum, vel imbrium, vel nuium, vel calorem & frigidum, vel pernoctationum, vel famis ac sitis recusauit. Sed etiam quo firmissima fundamenta iaceret, veri, atque diuini cultus maiora quædam opera effecit, quam communis omnium natura vires paterentur, & quod altius in auditorum animis huius augustissimæ religionis fibræ hærent infixæ, sacissimum & inauditum necis genus experiri minime dubitauit.

Secundò, Quid, ij quos ipse ex infinita hominum multitudine, salutari, diuinæque doctrinæ suæ alumnos atque præcones delegerat, quam provinciam non obierunt? quam regionem non illustrant? quam oram maritimam non peragrarunt? quem orbis terrarum angulum non peruestigarunt? ut eandem qua ipsi imbuti erant religionem ceterorum mentibus commédarent, pro qua etiam exquisitis animis & quantibus gloriosissimam mortem optentendam esse putauerunt.

Tertio, quid eam causam deseremus, à qua ne reliqui fortissimi Christi milites, atque constantes athletæ desciscerent, vitam sibi potius cum bonis omnibus deserendam esse etiam censerunt.

Quartò, Ergò nihil apud nos erit ea forma religionis, in qua tuenda, augenda, illustranda, & à flagitiosissimorum hominum scelere atque impietate vindicanda tot Summorum Pontificum, tot grauissimorum Patrum, tot amplissimorum Confessuum, & Conciliorum maximæ, grauissimæque curæ & cogitationes euigilarunt.

Quintò, quæ bella à Christianis Imperatoribus non suscepta, non apparata, non confectæ? Quæ classes non instructæ? Quæ maria non adornata? Quæ machinæ, quæ instrumenta non comparata? Quam multi exercitus conflati, quam multi penè deleti, quam multi renouati, & instaurati? Quam horribiles strages editæ, quam funestæ cædes factæ? Quanta vis sanguinis profusa, ut nostrum hunc veri Dei & liberatoris nostri cultum optimum, eundemque castissimum, plenissimumque pietatis à stultissimorum, & audacissimorum hominum furore, & amentia tutum conseruarent, ut eum semper pura, integra & incorrupta mente veneremur.

*Ab.*



## *Liber quartus.*

*Ab vtilitate hæc argumenta  
petantur.*

**P**rimò, vbi dominatus est religionis, ibidem est Regnū omnium virtutum, quoniam virtutes omnes ita apte sunt connexæ, atque inter se coherentes, vt vel vna sublata, constare non possit chorus virtutum, multò minus sublata principe cæterarum omnium religione: qua extincta, perimitur iustitia, quod fundamentum est perpetuæ commendationis & famæ, vitæ reatrix & gubernatrix nostrorum omnium consiliorum, & actionum parens atque magistra, sine qua nihil potest esse laudabile: cuius tanta vis est, vt nec illi quidem qui maleficio & scelere pascuntur, possint sine aliqua particula iustitiæ vivere. Hæc inquam ex hominum conuentibus, ac cœtibus exterminata, quænam esset inter homines viuendi consuetudo? An non potius hæc ipsa natura, quæ mente, consilio & ratione gubernanda est, belluina feritas, atque agrestis immanitas dicenda esset? Latissimè patet hic locus de præstantia iustitiæ, vtilitate atque necessitate, at qui religione tota penè nititur iustitia.

Secundò, gravissimis vita nostra milerijs & ærumnis premittitur, vrgetur calamitatibus, acutissimis curarum stimulis concitatur, metus, spei, doloris, ac voluptatis, quotidianis & prope assideis cruciatibus torquetur: &

pissimè aduersa fortuna telis animus cuiusque configitur, perforatur ac vulneratur. Ad hæc omnia mala, præsidia tantum hominibus sunt constituta in cultu diuini numinis, ac certissima Fide Christi Iesu nostri liberatoris.

Tertiò, vide quanta vis sit Christianæ, veræque religionis, vt morum elegantiam, animi facilitatē atque ingenuitatem, comitatem, modestiam, temperantiam, a quibus moderationem, cæterasque virtutes ad naturam, ad vsum domesticum, & ad civilem consuetudinē accommodatas in cæteris gentibus ac nationibus notitia nostræ religionis spoliatis, aut nullo pacto reperire possis, aut horum omnium umbram dumtaxat, & imaginem quandam adumbratā, ac leuiter expressam liceat intueri.

Quartò, quid porrò salutis nostræ tam opportunum esse poterat atque necessarium, quàm firmissima illa, certissimaque humanæ vitæ, atque diuinæ subsidia, quæ Sacramenta vocamus, sine quibus nec Dei summi parentis gratiam atque benevolentiam nobis conciliare, nec satis inter nos ipsi tutò vivere, nec in spem ullam certam immortalitatis venire possemus.

Quintò denique, si quos fructus ferat Christi religio, si quas pariat commoditates, si quam multa, eaque magna, ampla, & præ stabile



stabilia bona coniuncta habeat, vultis cognoscere, cum animis vestris mala nunc ipsi paulisper cogitate, quæ amissa religione nobilissimas provincias; ac latissimas regiones occupauerunt. Aspice Græciam, provinciam abundantissimam literarum, quo ex omnibus civitatibus orbis terrarum populi penè innumerabiles tanquam ad mercatum bonarum artium gregatim cõfluebant. Unde humanitas, doctrina, religio, fruges, iura, leges ortæ, atque in omnes terras distributæ putantur? florente Christiana Religione, perpetuam etiã ipsius laudem in omnium hominum summorum, infimorum, mediorum animis, in sermonibus atque prædicatione, in scriptis ac monumentis, summa cunctorum admiratio ne scimus viguisse: nunc abiecta Religione, ita clarissimæ provincie nomen delibatum est ac fractum, ut (ò rem indignam) barbarorum laude nitatur. Obversetur nobis ante oculos Septentrionalis plaga, paulò ante bellicosissima atque felicissima, nunc desperatissima atque calamitosissima provincia. Erat, erat cum nostra, nostra autem? imò verò cū in ea Christi Religio coleretur, eius provincie spectata & nobilitata virtus, nō solē natura corroborata, veram etiam disciplinam exulta ac prædita: quis nunc eius fœditatem, obscuritatem, tenebras, libidines atq; corrupte-

las, aut cogitando non vehementer horreat, aut commemorando non magis opere perhorrescat? Quid verò de alia quā scitis provincia, quæ cū flagraret tū apud eam religio, cum virtutū studia vigerent, illius provincie gloria ad hanc ætatem habuit quandā viriditatem. Verum ubi intestinis discordijs, seditionibus, atque de forma religionis, quæ postea sunt ortæ dissensionibus, fructus repressus, atque exustus, flos antiquæ Religionis penè exaruit, continuò omnia ipsius ornamenta ceciderunt. Occidit fama, reliqua honoris, doctrinæ, & virtutis insignia obsoluerunt. Mitto vastitates agrorum, vexationes oppidorum, incendia urbium, atque teætorum, bacchantium impetum & furorem, in matrum familias honestatem, in virginū pudicitiam, in liberos, fortunas, & vitam uniuscuiusq; in Summi Pontificis auctoritatem atque dignitatem, in tēpla, atque delubra diuorum, quæ cum in animo & cogitatione versantur, miserabilia videntur, luctuosissima cum vel ab inuitis spectantur.

*Postremus locus, qui à facilitate hæc suggerit argumenta.*

**P**rimò, noster exercitus est ex eo militū genere cõparatus, quorum adolescentia ad scientiā rei militaris, non offensionibus belli, sed victorijs, non stipendijs, sed triumphis est erudita:

**P** apud



## *Liber quartus.*

apud illos stipendia merentur inertes, ignavi, quorum omnis superior ætas ebrietate, libidinibus; cupiditatum, ac vitiorum omnium est licentia, atque imparitate munita.

Secundò, Iam verò nemo dubitat, pecuniam neruum esse belli, illud etiam norunt omnes, innumerabiles pecuniæ conficiendæ de vestris, atque adeò alienis vectigalibus vobis potestatem esse, illis suæ pecuniæ redigendæ omnem iam occasionē, facultatemq; perijisse.

Tertiò, nos pro optima causa arma suscipimus, & plura à Deo, cuius nomine in aciem irruimus, quam à nobis ipsis præsidia expectamus, illi foedissimam defendunt, quorum studium omne vincendi tantum in perfidia, scelere, rabie, furore, amentia, ferocia quadam animi ac feritate positum est.

Quartò, eos Reges, eum Imperatorem, eum Pontificem habemus, eam populi Christiani alacritatem, eum consensum omnium eos duces, eos exercitus, ut nullam calamitatem Respublica Christiana accipere possit sine vestra culpa Principes Christiani. Quare cuncti erecti, exercitati, parati, armati animis iam esse debetis: vestra sunt hæc munera, Principes gravissimi, vestra partes, vestra hæc dignitatis officia, & quæ sequuntur.

### *Peroratio.*

**C**Vm extrema probatione ita connectenda erit peroratio, ut adhortationem acrem habeat ad studium, atque celeritatē belli. Constat item earum rerum enumeratione, perquam res dispersæ ac diffusæ dictæ vnum in locū cogantur, & reminiscēdi causa vnum sub aspectū subijciatur.

### *De exordio.*

**E**Xordium quod primum dici solet, postremò Cicero & Marcus Antonius cogitabat, ita elaboratum esse oportet, atque perfectum, ita connexum consequenti orationi, & non tanquam Citharædi procemium, affictū aliquod (vtor libenter verbis Ciceronis) sed cohærens cum omni corpore membrum esse videatur. Principium igitur non solum in hac causa, sed in qualibet oratione non extrinsecus aliunde querendum, sed ex ipsis visceribus causæ sumendū est. Idcirco præcipit M. Tullius in secundo de Oratore, tota causa pertractata, atque perspecta, locis omnibus inuentis, atque instructis considerandum esse quo principio sit utendum, sic & faciliè reperiri. Sumetur autem ex ijs rebus, quæ erunt vberissimæ, vel in argumētis, vel in ijs partibus, ad quas digredi sæpe oportebit: ita momenti aliquid afferet, cum erit penè ex intima causa depromptum, & apparebit illud non modo



do esse commune, nec in aliis  
causas posse transferri, sed pe-  
nitus ex ea causa, quæ tum aga-  
tur, defluxisse. Quare in hac cau-  
sa exordium trahi potest non  
modo à dignitate, vtilitate, at-  
que facilitate tuendæ religionis,  
sed ex ijs etiam locis & argumē-  
tis, quæ ad confirmandum sunt  
præcipua, quæ non est necesse  
hoc loco nominari, cum insint  
in superiori probatione, & nota  
cuius esse possint, ex tractatu  
quinto.

*Argumentum controuersie suaso-  
ria pro domestica institutione  
contra publicas scholas.*

**S**ententia exordij hæc erit, et-  
li negotijs familiaribus impe-  
ditus vix satis operæ Reipubli-  
cæ dare possum, tamen cum res  
tanta in disceptationem adduca-  
tur hoc tempore, quanta multis  
annis in quæstione versata non  
est, non potui communem vtili-  
tatem priuatis cōmodis non an-  
teponere. Quapropter cura rei  
familiaris paulisper deposita in  
vestrum conuentum honestissi-  
mum & grauissimum veni, ne in  
tām graui re mea, hæc, quæ nun-  
quā Reipub. defuit, quantacūq;  
est industria, hoc potissimum tē-  
pore desiderari posset.

*Propositio.*

**A**vdio ad vos esse relatū de  
liberis instituendis, Respro

fecto est dignissimā, quæ in con-  
sultationem proponatur: agi-  
tur enim non de stillicidijs, non  
derutis & cæsis, sed de vestrorū  
liberorum institutione, hoc est  
de totius Reipublicæ salute,  
quocirca non petam loco hoc  
à vobis, vt me de re tanta dicē-  
tem benignè, attentèque au-  
diatis, sed vt sententiam meam,  
quam accersitus & rogatus à vo-  
bis exposuero, æquis animis,  
& recto iudicio perpenda-  
tis.

Ponitur igitur quæstio, V-  
trum vtilius domi, an in scho-  
lis pueri erudiantur. Equidem  
cū censeam multo satius esse  
intra priuatos parietes studen-  
tes continere liberos, quàm scho-  
larum frequentia, & publicis  
præceptoribus tradere: meam  
sententiam rationibus & aucto-  
ritate probabo.

Prima ratio, in schola faci-  
lius corrumuntur pueri prop-  
ter turbam hominum eius æta-  
tis, quæ ad vitia est suapte natu-  
ra procliuior. Vnde causæ tur-  
pium factorum sæpenumero ex-  
titerunt, & existunt quotidie.  
Confirmatur hæc ratio, colla-  
tione, seu à simili. Nam sicut  
grex totus in agris vnius sca-  
bie inficitur ac perditur, vt egre-  
giè dictum est à Poeta Satyrico,  
sic vniuersus adolescentium cõ-  
tus, vnius vitiosi pueri conta-  
ctu, ac consuetudine corrum-  
pitur ac deprauatur, propterea

P 2

quod



## *Liber quartus.*

quod illa ætas quæcunque vide-  
rit, vel auferit, imitari gestit.

Augeatur ratio per Epichere-  
ma cum expositionibus ex tra-  
ctatu octauo, capite primo & sex-  
to.

Secunda, vnus præceptor,  
quisquis ille futurus est, magis  
vacabit vni, quàm multis, & libe-  
ralius tempora sua impensurus  
est vni quàm si eadem partiatur  
in plures. Confirmatur hæc se-  
cunda ratio, quid causæ putamus  
esse, cur tam parua in scholis fiât  
literarum operæ pretia, tam exi-  
gui in eruditione progressus, tã  
tenues denique doctrinæ fru-  
ctus colligantur? Quare etiam si  
studijs scholæ prodesse, cum  
tamen moribus noceant, potior  
ratio honestè viuendi, quàm vel  
optimè dicendi videri debet, &  
anteponenda est probitas elo-  
quentiæ, cum præstabilius sit, at  
que optabilius bonū esse, quàm  
doctum.

Tertio loco agendum est au-  
thoritate eorū, qui malunt suos  
liberos domi institui, quàm pu-  
blicis Doctoribus committere.  
Quotus quisque enim ex locu-  
pletibus & nobilibus patribus fa-  
milias est, qui suis liberis idoneū  
pædagogum atque institutorem  
comparare atque adhibere non  
studeat.

Quartò, doctissimus ac sapien-  
tissimus quisque hanc senten-  
tiam probat, tuctur, confir-  
mat.

Postremò, si conferatur vtro-  
rumque profectus, reperietur  
domestica institutio, longè vtili-  
tate atque emolumento publi-  
cis scholis præstare.

*Peroratio.*

PERoratio contineat cohorta-  
tionem parentum, quos obte-  
stamur, vt si suos liberos bene-  
moratos, beneq; institutos; si pa-  
triæ optimos & sapientes ciues  
efficere: si rebus domesticis, si  
priuato commodo atque honori,  
si communi vtilitati, si denique  
vtilitati atque ornamento con-  
sulere velint, eos intra priuatos  
parietes, optimis magistris eru-  
diendos, informandosque com-  
mittant.

*Pro publica schola contra domesti-  
cam institutionem exor-  
dijs sententia.*

NUnquam ego de illorū, qui  
ante me dixerunt, vel pro-  
bitate, vel in Rempublicam stu-  
dio & charitate dubitauis: iudiciū  
etiam atque consilium, pruden-  
tiam, sapientiam tantam illis con-  
cedo, quantam illorum ætas, vsus  
exercitatio, diligentia, indu-  
stria, ingenij denique bonitas  
atque præstantia postulat. Li-  
cet autem eos mihi in his rebus  
omnibus anteponam, fieri ta-  
men potest, vt melior & ci-  
uitati nostræ vtilior sententia  
à me proficiscatur; in hac dum-  
taxat re, quæ hodierna die in de-  
liberationem adducitur; neque  
tamen



tamen id mihi arrogo; neque a vobis peto, ut in meam potius, quam in aliorum sententiam veniatis. Esset enim hoc insignis arrogantiæ atque impudentiæ, cuius etiam suspicionem a me longissimè abesse cupio. Sed faciam id solum, quod est boni ciuis, & modesti hominis, ut primum meam de tota re sententiam breuiter exponam, atque confirmem, deinde eorum, qui contra sentiunt rationes refellā: vestrum erit iudicium perpendere, quis melius consilium afferat.

*Confirmationis loci, quorum nonnulli ex Quintiliano.*

**P**rimus, ante omnia futurus orator, aut Iurisconsultus, aut Medicus, aut Theologus, quorum unicuique in maxima celebritate, & in media Reipublicæ luce viuendum est, assuescere debet iam inde à teneris annis non reformidare frequentiam hominū neque illa solitaria, & velut vmbatili vita pallescere.

Secundus, secretis studiis mēs quæ semper excitanda & attollenda est, languescit, & quendā velut in opaco situm ducit, aut contra tumescit inani persuasione. Necessesse est enim sibi nemiū tribuat, qui se nemini comparat. Hoc cum postea in medium, atque in publicum prodierit, verissimum esse perspicitur: propterea quod quodam modo caligant in Sole, & omnia noua of-

fendunt, quippe qui in solitudine didicerunt, quod in cœtu faciendum est.

Tertius, longum est publicæ huius institutionis cōmoda persequi, quot enim amicitia contrahuntur in scholis ad extremā vsque senectutem perduraturæ, religiosa quadam necessitudine imbutæ.

Quartus, sensum ipsum, qui cōmunis dicitur, vbi puer, seu adulescens discet, cum se à congressu, qui non hominibus solum, sed multis quoque animalibus est à natura tributus, segregauerit? Vbi prudentiam humanæ vitæ magistrā percipiet? Cum se ab hominum consuetudine, conuentuque seiunxerit.

Quintus, domi ea tantum discere potest, quæ ipsi præcipiuntur, in schola etiam quæ alijs præscribuntur, audit multa quidem probari, multa corrigi ex omnibus emolumentum ad suam rem deriuabit.

Sextus, proderit alicuius obuiurgata desidia, proderit laudata industria, laude excitabitur æmulatio, turpe erit cedere pari, pulchrum superasse maiores; etenim tales publica schola pueros requirit, ut ait Quintilianus, huiusmodi tyrones sapientia postulat quos laus excitet, quos gloria iuuet, qui victi fleant: hi demum ambitu erunt alendi, hos mordebit obiurgatio, hos honor urget, in his non erit metuenda de-



### *Liber quartus.*

fidia. Accendunt omnia hæc animos, & licet ambitio ipsa sit vitium, frequenter tamen causavit utrum est. Refert idem Quintil. vtilissimū à suis præceptoribus servatum esse morem, qui cum pueros in classes distribuerant, ordinem dicendi secundum vires ingenij dabant: & ita superiori loco quisque declamabat, ut profectū procedere videbatur. Huius rei iudicia præbebantur, ea discipulis ingens palme contentio, lucere verò classem, hoc est principē esse sui ordinis multo pulcherrimum. Neque verò de hoc in perpetuum decretum erat. Tricesimus dies reddebat victo certaminis potestatem. Ita nec superior successu curam remittebat, & dolor victum ad depellendum ignominiam concitabat. Id autem adolescentibus acriores ad studia facies subdere, quam exhortationes docentium, prædagogorum custodiam, vota parentum quis non intelligit?

Septimus, condiscipulorum familiaritas accommodatior iucundior, rem facit imitationem: nam sicut firmiores in literis profectus alit æmulatio, sic incipientibus, atque adhuc teneris, condiscipulorum imitatio, quia facilior est quam præceptoris, iucundior, suaviorque sequitur.

Octavius, quid verò de ipso præceptore dicemus? An putamus eum tantum spiritus, men-

tisque concipere, aut easdem vires effundere posse singulis præsentibus, quas in illa celebritate audientium experire, atque exercere consuevit. ¶ Refutatio deinceps adijcienda est in hunc modum. Prima ratio adversarij sic infringitur: corrumpi mores in scholis putant, & verè ut dicam, corrumpuntur, sed domi quoque. Neque desunt eius rei exempla, quæ tam læsam, quam conferuatam utrobique opinionem, indolemque declarant. Tota hæc res natura cuiusque, cura que distat. Nam si pueri mens ad deteriora sit facilis & proclivis, si negligētia formandi, custodiendique in ætate prima pudoris accedat, profectò non minorem flagitijs occasionem secreta præbebunt: nam & turpis potest esse domesticus ille præceptor atque flagitiosus, nec tutior inter malos famulos, quam inter ingenuos, propinquos & domesticos parum modestos, consuetudo est & familiaritas. At si bona ipsius indoles, si non cæca & sopita parentum socordia est, & præceptorem eligere integerrimum, atque optimum quemque, & disciplinā, quæ maximè severa fuerit, licet & nihilominus amicum gravem virum, aut fidelem famulum latere filij sui adiungere, cuius assiduus comitatus etiam illos meliores faciat, qui timebuntur. Hic interseratur parentum reprehensio, qui cum possint hoc



hoc turpium præceptorum metu se liberare, & quidem facili remedio, tamen ipsi liberum suorum mores plerumque perdunt, infantiam statim delicijs soluunt, unde mollis illa educatio (quã indulgentiam vocant) nervos omnes & mentis & corporis frangit. Quid non adultus concupiscet, qui in purpuris, atque auro repit: nondum prima verba exprimit, & iam cocom intelligit, iam conchilium poscit, iam ensiculum requirit, iam sericum postulat: in lectulis, atque in sinu crescunt: si terram attigerint, è manibus vtrunque subistentium pendent: si quid licentius dixerint, cum demum verè gaudent parentes. Verba ne Alexandræis quidem olim permittebatur delicijs, risu & osculo excipiunt; nec mirum parentes docuerunt, à parentibus audierunt, parentum amicas, concubinasque intuentur, omne convivium obsequijs canticis strepit (pudenda dicta) spectantur; fir ex his consuetudo, deinde natura: discunt hæc miseri, antequam sciant vitia esse, inde soluti & liberi non accipiunt. E scholis, sed in scholas afferunt. Prima igitur ratio illorum, seu causa ad scholas non pertinet, & in ipsos potius retorquetur, cum pueri licentia parentum corrupti domo, malos mores afferant, qui tamen præceptoris probi & gravis vigilantia corrigi queant, qui præcep-

tor ut talis sit, multis undique stimulis vrgetur. Cum domesticus ille maiori securitate turpitudinem domi exercere posset. Secunda ratio planè falsa est, cum contra optimus quisque præceptor maiori theatro & frequentia accendi soleat. At verò minores ex conscientia suæ infirmitatis, hære singulis: & officio suaggi quodammodo pædagogorum non indignum ducunt. At præstet aliquis vel gratia, vel amicitia, vel pecunia, ut doctissimum atque incomparabilem magistrum domi habeat, num tamen ille totum in vno diem consumpturus est? Aut potest esse vlla tam perpetua discantis intentio, quæ non ut visus oculorum obtutu perpetuò fatigetur? cum præsentibus præceptor assistit, quorum uniuscuiusque interveni- tus impedimento est. Lectio quoque non omnis, nec semper præeunte vel interpretante indiget. Quando enim tot auctorum notitia cõtingeret? Ergo modicum tempus est, quo in totum diem, velut opus ordinetur, ideoque per plures scire possunt, etiã quæ singulis tradenda sunt. Pleraque verò hanc conditionem habent, ut eadẽ voce ad omnes simul perferantur. Taceo de declamationibus, quibus certè quantus quisque numerus adhibeatur, tamen unusquisque totum feret. Nō enim vox illa præceptoris,



### *Liber quartus.*

vt coena minus pluribus sufficit, sed vt Sol vniuersis idem lucis, calorisq; largitur. Grammaticus quoque de ratione loquendi si differat, quaestiones explicet, historias exponat, poemata enarret, tot illa discant, quot audient. ¶ At emendationem, pralectionemq; praceptoris discipulorum numerus impedit. Sit incommodum (nihil enim est quod ferè vndique placeat) compara illud, atque compensa cum multis commodis, quae antea commemorauimus. Nec ego tamen committi puerum suadeo, vbi negligatur, sed neque praceptor bonus maiore se turba, quam vt sustinere eam possit, onerauerit. ¶ Tertia ratio refellitur auctore eorum, qui malunt ad publicas scholas liberos suos mittere, quam domi erudire, ac pedagogis tradere. Et si in vtramque partem valet haec ratio, multò maior hominum pars, qui scholas pedagogio praferunt, nobiscum facit. Quid quod nostra ratio, atque sententia, illorum quoque auctoritate probatur, qui priscis temporibus in literis, & doctrinarum varietate maximè floruerunt. Hoc idem denique placuit summis illis viris, à quibus clarissimarum ciuitatum mores sunt instituti, vt Licurgo Lacedaemoniorum Principi, & legislatori, qui statuit in sua Republica pueros in coetu & frequentia esse potissimum erudiendos. Quod qui

dem Xenophon grauissimè auditor testatum reliquit. Neque verò Pontifices & Reges, ceterosque diuersorum populorum, ac gentium Principes existimare debemus, ea tantum de causa studiosorum collegia instituisse & annuis vestigalibus locupletasse, vt multorum egestati atq; inopiae subuenirent, ne videlicet praeclaris ingenijs ad eruditionem ac sapientiam aditum rei familiaris angustia intercluderet. Sed hoc quoque, & multò maximè illos vidisse, ac prouidisse necesse est, vt in conuentu ac coetu studiosi adolescentes honesta aemulatione ad discendum concitarentur, eaque omnia emolumenta perciperent, quae scholarum frequentia, coetusq; suppeditat.

### *Epilogus.*

**Q**uamobrem si vobis probata est nostra sententia, Auditores sapientissimi, si & contrasentientium rationes iacēt, & nostrae causae argumenta, praesidiaq; stant, & quidem firmissima, si tot sunt publicae institutionis commoda, utilitates, &c. Si quidquā apud vos momenti habent, tot sapientissimorum hominum, illustrium virorum, Principum, populorum, ciuitatum exempla, auctoritates, iudicia, nolite per Deum immortalem committere, &c. Si tanta est bonorum magistrorum copia, si tanta ex Conciliorum decretis, disciplina, scholarum seruatur,



natur, si vrbis, vestrorum libero-  
rum existimatio, fama, eruditio,  
institutio, salus chara est, &c. Cor-  
di est, &c. Date quæso operam,  
elaborate, contendite, &c.

*Sententia Iudicis.*

**E**Xordij capita erunt. Primò  
laudare consuetudinē hanc.  
Secundò proponere controuer-  
siam. Tertiò explicare contrarias  
sententias. Quartò exponere rā-  
tiones vtrarumque partiū. Quin-  
tò declarare munus prouinciæ  
mihi susceptæ, cum explicatio-  
ne eius officij, vt veritatem defi-  
niat, seu cum deprecatione inui-  
diæ, superbiæ, arrogantia, &c. A  
quibus omnibus vitijs me obe-  
dientia vindicare debet. Sextò  
demum aggredi, & primò lauda-  
re, & probare vtramque senten-  
tiam, vt honestam, & vtilem Rei  
publicæ, si modo ita intelligatur,  
vt pueri Abecedarij, qui prima  
videlicet elementa discunt. Si cō-  
modum est, hoc est, si res familia-  
ris patitur, seu copia docentis a-  
lioquin ad sit, domi contineatur,  
vbi cura, studio, vigilātia, vel nu-  
tricijs, vel parentum, vel pædago-  
gi, vel aliorum domesticorum tā-  
tis per erudiantur, dū idonei sunt  
ac maturi publicis scholis, quibus  
tum demum committi debent,  
vel committendi sunt. Ac præ-  
ceptor sit, primum vir bonus, at-  
que integer. Deinde peritus ac  
doctus. Tertiò, docendi gnarus  
cum quadam dexteritate. Quar-

tò, prudens, consideratus, circū-  
spectus, qui in meritò & ametur, &  
timeatur à discipulis, quiq; non  
maiorē se turba discipulorū ob-  
ruat, quā vt suo officio satisfac-  
cere, & discipulorum profectui  
consulere possit. ¶ Hoc loco ad-  
hibenda est reprehensio optima-  
tū, qui sibi parum honestum,  
vel turpe ducūt ad publicas scho-  
las suos liberos mittere, verē-  
tes, ne si id facerent, in auaritiæ,  
aut tenacitatis suspicionem ve-  
nient, quā vt fugiant, malunt  
domestico vti pædago, cuius  
tamen sæpē, vel turpitudine, vel  
imperitia sit, vt pueri corrup-  
pantur, & ad scelus & flagitium  
alantur, & confirmantur, & mul-  
torum amorum tyrocinio & in-  
stitutione nihil ferē, aut parum  
addiscant, nisi fortē aliquo ex tē-  
pore iussi memoriter carmina re-  
citare, ad speciem atque pompā  
magni profectus. Hæc enim ferē  
est istorum pædagogorum insti-  
tutio ac ratio, vt nullo iudicio te-  
merē ea explicent pueris, eosq;  
auctores interpretentur, qui vel  
corrumpunt illorum mores sua  
obscenitate, vel difficultate, at-  
que obscuritate tenera ingenia  
obruunt & retardant, &c.

Pro epilogo hortādi sunt pa-  
rentes, vel ciues, vt suos liberos,  
dum tempus atque ætas fert, in-  
tra postes erudiāt. Postea ad scho-  
las traducant, atque ad eas maxi-  
mē, in quibus discipulorum fre-  
quentiæ, ac multitudini & diuer-  
sitati,



## *Liber quartus.*

fitati, numerus magistrorum, diuersitas classium, institutionis ordo respondet, vbi etiam inter se classes committuntur & componuntur ad literarias concertationes, & æmulatione animos dicendi studio inflammandos.

*Declamatio, in doctrina studium vituperatio pro dissuasio.*

**E**Xordium. Quò maiori in pretio est artium doctrina, eò magis à prudentibus viris, bonisq; ciuibus eius incòmoda sunt demonstranda. Res namq; pretiosæ quò vehementius amatur, eò maiorem afferunt calamitatem. Sæpè dolebam, P. C. cum inani quadam voluptate, litetarum capta iuuentute Remp. ruere viderem, negligi militarem disciplinam, contemni ciuium gubernationē, non arma exerceri, nō Magistratum peti. Quare statui hac oratione tanto malo mederi, si forte Respublica in antiquum posset statum restitui. Mihi verò eò maiorem fidem habendam esse existimo, quòd nihil sim dicturus, nisi expertus. Hæc per insinuationem dicenda ex tract. 5. cap. 3.

*Confirmatio.*

**P**rimùm confirmanda est molestia audiendi, legendi, addiscendi, pernoctandi vsque à prima pueritia, perferendi magistrorum obiugationem, plagarū crepitus, quam seruitutē non modo miseram, sed etiam ciuitati cala-

mitosam esse ostendas. Dices enim hinc nasci podagras, hinc oculorum distillationes, hinc capitis dolores, hinc stomachi vitia, & morbos insanabiles, extenuari corpus, contabescere iuuentutem, priusq; mori pueros, quàm adolescant. Adhibeatur cōparatio dissimilium, veteres Romani legibus sæpè ciuium paucitati succurrerunt, nostri verò quos habent liberos, non ad spem patriæ, sed ad iniuriā ipsius prodūt.

Dices, gaudere te hanc primā ingressionem tuam silentio fuisse auditam, orareq; vt cætera maiore alacritate audiant, nec dubitare, si id fecerint, quin oratio tua sit patriæ salutē allatura. Multas enim res, magnam adiunctā habere molestiam & laborem, vt armorum disciplinā, & Magistratum functiones, sed eas tantum fructus in se habere, vt omnis ille labor sit iucundus. Hic explicandi sunt diligenter & militaris, & ciuilis vitæ labores, deinde utilitates, hanc verò pestē, hoc est studium, tantum habere difficultatis, vt etiam si suauissimos fructus afferret; non tamen magni facienda videatur, imò eandē tāta calamitate opprimere ciuitates, vt etiā disci posset absq; labore, fugi tamen, & procul amoueri oporteat. Hic exaggeranda sunt mala, quæ docti homines Reipublicæ intulerunt, cū apud Græcos, tum apud Romanos. In Græcis vitandum est exemplis, Phi-



Philosophorum, quorum disputationibus non solum varijs, sed etiā perniciosis, à rebus gerendis ad otium auocata iuuentute, interitus Græciæ cōsecutus est. Hoc enim assecuti sunt Græci, opera philosophorū, vt qui principes omnium gentiū fuissent: iidem postea ad significandam summā leuitatem, perfidiam, & omnes malas artes exempli causa proponerentur. Meritò igitur à La cedæmonijs omnes magistri istarum eiecti sunt è ciuitate. Quod si quidem fecissent Athenienses, non tam breuiter illorum esset lumen extinctum. In Romanis vtendum est exemplis Gracchorum, item Sulpicij, Antoniij, Ciceronis denique, & similium. Dices vna cum præclarissimis artibus Romanos à Græcis improbos mores, & nefarias vitæ leges accepisse, nec minus illorum exitum esse sortitos. Ex quo ille sapiens M. Cato aliquando ex vrbe philosophos omnes eiicere conatus est. Prudenter L. Crassus dicēdi magistros ex vrbe subtulit: horum autem insti tutis si reliqui Romani paruissent, etiam nunc Rempublicam fortasse saluam & incolumem haberent: sed qui Græcorum doctrinas acceperunt: videte quam longè absit à pristina sua gloria. Hic exclamandum est cum admonitione, tantam esse vim & perniciē, tantam in hominibus amentiam, vt eas bonas artes vocent, quæ

omnes Respublicas florentissimas euerterunt. Eant nunc, edificant istas artes egregias timendum est, ne quorum sequuntur vestigia, eorum casus experiantur. Delibetabimur ex tractat. 3. cap. 7.

*In doctrina studium laudatio pro  
suasione, Exordium.*

**E**xistimare te dices miratos esse magis auditores temeritatē eorū, qui doctrinā pulcherri-  
mū Dei donum vituperarūt, quā  
damnassee: nam et si qui dixerunt  
studio Reipublicæ videntur dixisse, solutiq; sint crimine improbitatis, teneri nihilominus mag-  
nā culpa erroris humani, ideo bo-  
no te animo ad dicendum accedere, cum speres illos ipsos, qui  
tām acriter in Reginam humanarū rerū sunt inuecti, re cognita  
sententiam esse mutaturos: iam  
ante sæpè te perturbatū fuissē,  
cū neminē existere videres, qui  
rē vnā ex omnibus præstantissimam, ac de mortalibus optimè  
meritū debitis laudibus ornaret:  
nunc verò te gaudere & triumphare, eā tibi occasionē esse ob-  
latā, vt tuum sapientiæ studium  
antea in pectore inclusum in lucē proferre, & rerū publicarū pa-  
rentis, atq; Imperatricis Sapien-  
tiæ laudes, si minus ornare dicēdo  
percelsere certè numerādo possis.

*Confirmatio.*

Primū sapientiæ antiquitas, quæ  
nō à Latinis, nō à Græcis, nō ab  
Ægypt-



### *Liber quartus.*

Ægyptijs, non à Chaldæis orta est, sed vna cum hominibus nata. Hic dices de Adami omniū parentis sapientia, non studio comparata, sed diuino munere donata, qua cum ille factus fuerit, vt omnibus animantibus, cæterisq; rebus præfset, vnicuiq; rei suum nomen imposuit ipsius naturæ accommodatum.

Comparatio instituetur cum arte militari, cum ratione agri colendi, cæterisq; rebus generis eiusdem, quæ si tot seculis post inuentæ, magno tamen in pretio habentur, quantò pluris facienda est cognitio rerum, qua nec genus quidem hominum sit antiquius. Comparatio nem augebis ex tract. 1. cap. 10.

Hic excitandi sunt animi Auditorum, rectè eos facere, quod doctrinæ laudes tam attentè audiant, sed adhuc libentius audituros, vbi cognouerint eius auctorem, non ab aliquo mortali, sed à Deo ipso inuentam esse sapientiam, primumq; principi generis humani, & per eum nobis diuina liberalitate concessam; itaque rectè à Platone Philosophiam esse dictam diuinum donum, quo maius neque datum vnquam hominibus, nequetribuendum ille arbitraretur. Comparetur cum illis artibus, quas constat ab hominibus inuentas, quibus tantò propè dices præstare sapientiā, quantò Deus hominibus antecellit, quod si neque ea esset an-

tiquitas, neque is auctor, tamen sapientia tantum habet in se ipsa splendoris, tantum iucunditatis, vt longè rebus omnibus antecellat.

Secundò demonstranda est dignitas propria ipsius, ex hominis natura: cum homo natus sit non ad corporis voluptates, sed ad cognoscendum & agendum, ad vtrumq; munus fungendum: ornat & instituit sapientia, cuius altera pars ad cognitionem rerū, altera refertur ad actionē. Rerum, altera refertur ad actionem. Deinde ex eo quod cum in homine nihil sit mente diuinus, huius ipsius mentis lumen & decus est sapientia. Comparatio instituetur cum auro, gemmis, cæterisq; corporis ornamentis; quibus tanto potiore illam dices, quantò mens sit præstantior corpore.

Tertiò ostendenda iucunditas, quæ capitur ex cognitione rerum, sapientiam enim omnia diuina & humana ponere ante oculos: si quis ex sublimi specula, aut ex illis orbibus cœlestibus omnem hunc ornatum intueri posset, scilicet terras, & in his maria, fontes, flumina, pisces, gemmas, in aere aues, tonitrua, fulmina in cœlo stellarum tum errantium, tum fixarum constantes motus, singularumq; rerum causas efficientes, proprietates, quàm iucundum illud spectaculum futurum esset? Quid si supra cœlestes ciues



ues diuino nūminisubiectos, mē  
tes illas singulares, cōlestiumq;  
omnium cōtus, & Elysios, atque  
adeò diuinam illam, supernamq;  
naturam suspiceret? qua tandem  
voluptate compleretur? non mi-  
nor propè iucunditas est sapien-  
tiæ, hæc enim sapientes meditan-  
tur, hæc cogitant, hæc animo cer-  
nunt; omnes præterea Respub.  
omnia Regna, omnes ciuitates,  
omnium temporum varietatem,  
omnem dissimilitudinem rerum  
quid in quaque re ius sit, quid in-  
iuria, quid honestum, quid turpe,  
vno quasi mentis aspectu intuē-  
tur. Quare quid admirabilius,  
quid gratius esse potest? Compa-  
rabitur hæc voluptas cū ea, quæ  
ex ludorum spectaculis percipi-  
tur, vbi pauca, nec tamen plura,  
tanquam perfecta proponuntur  
& inspiciuntur.

Postremò fructus declarabitur  
quod sapientiā fuerint Respubli-  
cæ omnes constitutæ, vt Athenæ  
à Dracone, & Creta à Solone; La-  
cedæmonia à Licurgo, & Roma  
à Numa primū, deinde à Serui-  
lio, tandem à Decem viris legū  
ferendarum, qui Atheniensium  
leges, instituta, & iura Latine ex-  
plicarunt, & ad suam ciuitatem  
paucis additis & detractis accō-  
modarunt, & in tabulis duode-  
cim populo publicè exposue-  
runt. Hic tractandus est locus,  
quanto plus efficiat sapientiā in  
regendis ciuitatibus, quamuis ro-  
bur & arma ex Ciceron. 1. offic.

Hæc illius exemplo illustret in  
coniuratione Catilinæ opprimē-  
da: itaque recte Plato illam Rem  
publicam aut beatam fore, in qua  
aut philosophi imperent, aut qui  
imperant philosophentur. Salo-  
mon non à Deo robor, sed sapiē-  
tiam postulauit, vt benè Regnū  
administrare posset, quia sine sa-  
pientiæ lumine grauitè delin-  
queret Princeps. Denique cū  
non arma solū valeant in bello,  
nullum Reipublicæ gerendæ tē-  
pus sapientiā vacare debet: nam  
ne in bello quidem vis armorū,  
& corporum quidquam iuuat,  
nisi sapientium consilio guber-  
netur, ergo omnes ferè præstan-  
tes Imperatores ferè doctissimi  
apud Græcos. Themistocles, Pe-  
ricles, Alcibiades, Dion, Alexan-  
der Magnus. Apud Romanos,  
M. Cato Senex, Africanus Mi-  
nor, Cælius, Cato Maior, Quin-  
tus Catulus, Cato Uticensis, Lu-  
cius Lucullus, Cæsar Augustus.  
Itaque sapientiā Athenienses ad  
tantam & bellicam, & ciuilem  
gloriam peruenisse dices: eadem  
Thebanos, victis Atheniensibus,  
opes amplissimas nactos esse, pa-  
ri ratione Lacedæmones ad Ocea-  
num vsque penetrasse: iisdem  
præsidij Romanos Imperium  
omnium gentium adeptos esse,  
neque nunquam eorum populo-  
rum gloriam extinguendā fuisse,  
si qua sapientiā fuerunt Impe-  
rium consequuti, eadem etiā gu-  
bernassent, & nisi ambitione, aua-  
ritia,



## *Liber quartus.*

ritia, libidine, quæ maximè sunt inimicę sapientiæ, tantæ, totq; populorum opes concidissent: quo magis admirandum dices, idque non sine exclamatione, sapientia sola sine armis tam præclara fieri, armis autem sine sapientia nihil: huius autem tutela, pax, publici mores & privati, leges, instituta, fortunæ, vitæque civium omniũ continetur. Hinc iure à maioribus nostris omniũ bonarum artium procreatricem esse appellatam. Hæc varianda sunt figuris interrogationis vim habentibus, & definitionibus, ex tract. 9. par. 2. cap. 2. & 7.

Dices præterea, nullam artem esse utilem ad vitam, quæ non sapientiæ præsidij nitatur, præsertim ex his, quibus homines ad humanitatem informantur, ideò meritò hanc liberalem & ingenuam esse dictam, quæ homines esse doceat liberos atque ingenuos. Concludes orationem, collaudans nostrorum hominũ studium, & ardorem in discendo & polliceberis quandiu hæc floreat, nunquam de futuros amantes Reipublicæ ciues. Succedet indignatio in aversarios, ex tractu 6. cap. 11.

*Virtutem præstabiliorem esse scientiam, pro suasionem. Rationes probandæ quæstionis.*

**P**Rima, id omne esse melius arbitrantur, ubi plura & maiora dona coniuncta sunt, atqui vir

toti omnia hæc magna & amplà bona finitima sunt & propinqua otium pax, mentis tranquillitas, placatus animi status, mentis sanitas, virium firmitudo, corporis integritas, vita demum iucunda, atq; honestissima & voluptatis plenissima, quæ omnia videntur longius abesse à scientia.

Secunda, quæ est id ad virtutis commendationem insigne, quod à summis philosophis sapientissimè verissimèq; semper est disputatũ, qui vnâ habet virtutẽ, eũ omnes habiturũ: quo quidem necessitudinis vinculo, artium doctrinæ atque disciplinæ, nequaquam constructæ tenentur, cũ genus vnum scientiæ alterius opẽ & præsidia non magnopere requirat.

Tertia, & verò cum à sapientibus definita sit virtus esse in se perfecta, & ad summũ perducta natura quis dubitet, utrũ doctrina præstet virtuti, an secus, cum nulla difficilis esse videatur in cõparatione ratio iudicandi.

Quartò, nemo id vnquã dubitavit, laudis fructũ, atq; mercedẽ gloriæ vni esse virtuti persolvendã, & eũ gloria maximè excellere, qui virtute plurimum præstitisset.

Quinta, replicemus annalium memoriã, omniũ ætatũ secula cognoscatur, plurimos doctrinæ præstantes reperiemus, turpissimos, sordidissimos, omnibusq; infamiae maculis notatissimos fuisse; at honestissimos homines, & frugi,



gi, in gloria semper vixisse, & in omnis posteritatis esse memoria atq; prædicatione versatos.

Sexta, in acerbioribus vitæ casibus, in insolentis fortunæ temeritate, in constantia & asperitate, in cæterorū malorū tempestatibus atq; procellis, frustra (mihi crede) sapientiæ nomē implorabis, sed ipsa tamen virtus præsto aderit, nec te sæuissimis tēpestatis fluctibus obrui sinet.

Septimò, tolle ex hominū cœtu virtutē, tolles Rerū publicarū administrationē, quæ iustitia & æquitate iuris regūtur; tolles disciplinæ militaris bellicam laudē, quæ virtute, id est fortitudine alitur & excitatur; tolles vitæ cōmunionē atque societatem, quæ sine virtutis commercio nulla ratione constare, sine tanta magnitudine sapientiæ tutissimē esse possunt.

Octaua, omnes qui vllā partē mentis tenent, fatebuntur libidinem atque improbitatem multò rem esse scēdiorem, quā mentis tarditatem, atq; incertiam: ergo virtutis præstantia scientiæ atq; doctrinæ, grauitatē longissimē antecellit: illud enim à Philosophis, magna, constantiq; ratione explicatur, id esse melius & optimum, cuius contrarium peius est atque deterrius.

Nona, quod si sola virtute quis niti potest, ad æternitatē, atque d humanam fœlicitatem: quæ quidem nullum mortis fatum,

nullam grauiorem interitus conditionem extimescit, viget ad æternitatem: non video quemadmodum non longissimo intervallo scientia virtuti proxima excedat, quæ nec satis præsidij habet ad immortalitatē, nec remanet post mortem, & per exiguo temporis cursu atque memoria terminatur. Alia suppeditabit argumentorum semina, tractatus 1. cap. 10. & tract. 3. cap. 2.

*Loci de moderandis affectibus ad exhortationem & suasionem.*

**E**Xordium ducetur ab ipsa rei utilitate, de qua dicendū est. Loci confirmationis erūt hi partim ab honestate, partim ab vtili.

*Loci ab honesto.*

**A**B honesto quidē primus locus à natura hominis erit, quæ natura rationē illi attribuit, in eum videlicet finem, vt appetitum rationi obtemperantē præberet. Est itaque longè turpissimum, si te ita abijcias; vt inter te atque belluam nihil interesse videatur.

Quā indecorū, indignūq; sit nobilitate, præstantiaque hominis, cupiditatibus effrenatis, præcipitē agi, & huc atq; illuc ferri, rapi que; cuiuscunq; nostrū iudiciū, tacitaq; cōscientiæ vis docet: cū eos, qui tā impotētibus, atq; imperiosis dominis cupiditatibus seruiūt, longè miserrimos, & teterime cōditionis seruos iudicemus.

Ponite



### *Liber quartus.*

Ponite quæso ante oculos iracundi hominis vitam, atque iracundi actus, & intelligetis eum humanam naturam exuere, & in belluam degenerare. Licet autem eodem modo, cæteras etiam animi perturbationes considerare, earumque effecta singula animo intueri, scelera omnia: ex quo scite quæso, nisi ex his animi affectibus, & per motionibus, & tempestatibus oriuntur. Quo fit, ut quo quisque maioribus perturbationibus, & harum procellis agitur, eò grauioribus vitijs ferè obnoxius deprehendatur. Quapropter eximia laude virtutis, atque gloria digni sunt, quorum studia, curæ, vigilæ in eo elaborant, ut rationi appetitus obediat, & indomitum cupiditatum impetus rationis freno coerceatur.

#### *Loci utilitatis.*

**P**rimò, animi tranquillitas, quæ tum demum contingit, cum oppressis domesticis hostibus pacem hanc internam Republicam virtutibus exornamus, & rationis iugo atque imperio & legibus temperamus, non modo animo, verum etiam corpori, neque singulis tantum hominibus, verum etiam vniuersis ciuitatibus, Rebus publicis, Regnis, perquam utilis est ac salutaris. Quod ut planum fiat, cõtẽmpare priuata, & publica incommoda, damna, mala, calamitates, intestinis discordiis, bella ciuilia, cædes, furta, sacrilegia, cæ-

teraque flagitia. Videbis omnia ex his animi pestibus proficisci. Nam quæ vis alia Græcos aduersus Troianos armauit, nisi libido Paridis? Quid Rempublicam florantissimam euerit, nisi dominandi cupiditas?

Censetis nẽ, hisce cupiditatibus dominantibus posse quemquam aut quiete frui, aut animi libertate? fieri non potest? Si enim æstues odio, tabescas inuidia, ira exardescas, timor, trepidatio, tremor opprimat atque agitet, quo pacto aut quietum, aut liberum te esse arbitraberis?

Hinc materia, atque occasio, perquam opportuna existit, ut vel gloriã, vel ignominiam, laudem, vel dedecus, æternam denique aut beatitudinem, aut supplicium consequamur.

Summos viros, quos vel miramur, vel etiam summis laudibus prosequimur sanctos & admirabiles, profecto hæc vna res efficit: vnde omnis laudationis materia ducitur; eos aut imitemur nostra petit oratio. Quamobrem, &c. Aut ad epilogi sententiam transeat.

#### *Adhortatio ad Iustitiam.*

**P**ost exordium cominatio desubijcietur tripartita diuisio, ut ostendatur eius honestas, utilitas necessitas, ac primæ quidem partis probatio ratio sumatur ex ijs locis. Quod nulla pars honesti magis naturam attingat humanam,



nam, quā iustitia præterea quod  
vel sola, vel præcipua hominum  
cœtum & societate seruat. Dein  
de si hæc suum unicuique tribuit,  
si omnibus prodesse studet, no-  
cet nemini, hoc nimirum est ho-  
minis proprium, hoc ratio ipsa à  
nobis efflagitat atque contendit  
Hanc nobis natura legem impo-  
suit, ut quod fieri nobis nolimus,  
alteri ne faciamus: & rursus offi-  
cium, quod nobis præstari volu-  
mus, id nos alteri ne denegemus.  
Quid quæso excogitari potest  
inter homines pulchrius, aut cō-  
stantius, quàm omnes æquo iu-  
re viuere? omnibus æquitatis nor-  
mam præbere?

*Ad confirmationem secundæ partis  
hæc loci argumenta suppe-  
ditabunt.*

**Q** Vis non videt humanæ so-  
cietatis concordiam, rerū  
publicarum incolumitatem, vr-  
bium tranquillitatem, populorū  
fœdera, gentium iura, bonarum  
artium studia, regnorum incre-  
menta, Religionum pietatem,  
virtutum denique cultum, ex so-  
la iustitia pendere? Quanta hæc  
& quàm latè patens existiman-  
da est? Huius illa laus propria vi-  
detur, ut viri boni innocentes,  
& sancti, non fortes, non tempe-  
rantes, nō prudentes (et si his quo-  
que virtutibus florent & ante-  
cellunt) sed iusti à iustitia nomi-  
nantur. Huius sanè rei causa ea  
potest videri, quod ceteræ vir-

tutes iustitia continentur, ut is  
demum verè iustus sit, qui pru-  
dens quoque & fortis & tempe-  
rans fuerit.

*Tertiæ partis loci.*

**Q** Vàm sit necessaria iustitia, do-  
cet hæc rerum vniuersi-  
tas, cum omnia intra præscriptos  
& præfinitos terminos contine-  
ri, & datam sibi à suo conditore  
legem seruare videamus.

Tolle iustitiam, nulla erit ho-  
minum societas, nulla Respubli-  
ca stare poterit, nulla erit  
humana vita, atque ut inter feras  
vis sola dominabitur.

Postremo, si quæ præmia huic  
virtuti præposita sunt, quis co-  
gitet, fieri vix poterit, quin eius  
amore ac desiderio inflammetur?  
cum præsertim tam diris suppli-  
cijs iniustos & iniquos adijci, cō-  
demnarique intelligant.

*Ad capeßendam omnium bonarum  
artium doctrinam.*

**P**hilosophiam natam esse v-  
nà cum hominibus, aut po-  
tius generis humani parentibus  
diuino munere donatam ad po-  
steros peruenisse certum est. Ita  
que à Platone diuinum donum  
appellatur, & ab antiquis poetis  
Musa, quo nomine doctrinā om-  
nem comprehendebant: filia Io-  
uis appellabatur, ut sapientiam  
non humanitus inuentam, sed di-  
uinitus datam declararent. Effi-  
cit homines Deo similes doctri-

**Q** na.



## *Liber quartus.*

na, unde a Platone sic definita est, *Est similitudo hominis cum Deo, quo ad eius fieri potest.* Hanc autem similitudinem tum esse perfectam dicit, si quis omnes philosophiæ partes, quæ tum actiones, tum confirmationes comprehendit, atque cum omni laude æmulatum esse censuit. Vnde hæc philosophia duas sibi adiunctas ministras habet, Dialecticam & Rhetoricam, illam ad comprehendendam cognitionem rerum, hanc ut in lucem cognita proferantur: etenim longe esse aliam & diversam naturam earum rerum, quæ affectione cernuntur, & earum quæ actione & scientia continentur, nec ad has universas unus & idem accommodatus esse potest, sed aliud requirit agricultura, ingenium, aliud Architectonica. Nam ad singula quæque opera non quilibet natus est, at qui ad divinæ huius philosophiæ partem natus est, ad reliquas perfectio non magis aptus, quam opportunus erit, nam si sutori nihil cum sartore, aut agricolæ cum naviculario nulla societate communicant, at omnes philosophiæ partes naturæ quadam societate ita continentur, ut una absque altera, nec dignitatē, nec præstantiam obtinere valeat.

Peroratio esse poterit, aut summi ex fructu & utilitate, quam huiusmodi scientiæ afferre solent,

quæ deinde cum adhortatione ad ipsas.

*De cultu ingeniorum per bonarum & politiorum literarum studia, persuasio.*

**E**Xordiū ab honestate susceptorum materiarum, in qua asserenda & ornanda, & hominum mentibus infigenda optimus quisque laborare debeat, ut homines ubi hac ratione cognoverint, in qua exercitatione & cōmētatione curā, operā, industriā, & tēpus collocare conveniat, in eā omnes ingenij vires & nervos intendant, cæteris postpositis & abiectis humanæ naturæ præstantiæ prorsus indignis vel certè inutilibus studiis.

*Tropositio.*

**N**ihil equidem æquè decere arbitror, quā optimarum & honestissimarum artium, & literarum cognitione animum & ingenium excolere.

*Confirmatio.*

**Q**Vorsum humanæ naturæ auctor hominibus quædam quasi scientiarum semina ingeneravit, ac cupiditatem cognoscendi inseruit, nisi ut illa labore & ingenio, & studio excolta adolerecerent.

Hæc una res est, quæ si recta ratione gubernetur respicietur atque conservatur, civibus prodest, rudes ad virtutē instituit & informat, improbos & facinorosos ex aliorum cœtu & societate ejicit & exterminat, errantes in rectam viam reducit: hæc denique nos ad

*cul-*



fulcū & admirationē rerum  
omnium auctoris traducit.

Tot labores, vigiliæ, curæ, peregrinationes discendi studio susceptæ à præstantissimis viris, qui præcis seculis floruerunt, & immortalia posteris ingeniorū suorum monumenta reliquerunt: vos vehementer ad eadē doctrinæ studia excitare & inflāmare debēt; nec minus accendere possunt tot tantiq; honores publicè & priuatim, vel habiti, vel delati, eruditis & doctis viris.

Quid aliud porro sibi volunt apud diuersas gentes in tot florentissimis vrbibus, diuersis ætatibus tot extructa, maximeq; celebrata gymnasia: tot in quauis lingua per innumerabilia de mirabilibus Dei optimi maximi operibus & hominum inuentis conscripta, editaque volumina. Hæc omnia eiusmodi sanè sunt, quæ maximè ad cognoscendi studium nos stimulare & impellere debeant.

Peroratio per enumerationē, & acrem, & vehementem adhortationem.

*Vituperatio eorum, qui fuga laboris  
abijciunt discendi diligentiam  
pro suasionē & exortationē  
ne exordium.*

**E**Xordium extract. 4. ducendū est à purgatione in hunc ferme modum. Reprehensurus illos, qui fuga laboris abijciunt discen-

di diligentiam. Primum à vobis deprecor, ne existimetis me studio maledicendi hoc argumentū suscepisse, aut quod existimem; vos esse ex eorū numero, qui libenter alios vituperare cōsueverunt. Deindē illud polliceor daturum me operam, vt huiusmodi reprehensio sit adeo cum vestra laude coniuncta, vt laudatio potius quā vituperatio videatur. Erit etiā vobis iucundū atq; etiā vtile videre, quantum mala negligentia oriatur: sic enim sciatis quantum boni à vestra diligentia existet, quæ ex vtriusque contentione magis elucescet, quod si Spartani ebrietatis turpitudinē interius ostendebant filiis, vt illam vitarent, cogitate futurum, vt vos vitetis hoc vitium aliorū vitio perspecto: ita & cum res ipsa per se audaciam faciat, vt oneris suscepti causa, meam erga vos arguat benevolentiam, non vereor, ne rem tam vtilem ac vobis etiam iucundam beneuolē, & attentē audiatis.

*Propositio:*

**P**rimus locus ab utili. Secundus ab insuaui. Tertius ab honesto.

*Confirmatio:*

**P**rimus locus ab utili, quod natura comparatum est, vt nihil boni sit, quod sine labore acquiri possit, ita vt labor videatur pretium omnium rerum.

*Q<sup>2</sup>*

*Iam*



*Liber quartus.*

Tam hoc est amplificandum extra. 7. & præcipue ab effectis, quia qui otio pascitur, nihil boni sit effecturus, qui quasi sepultus in turpi quiete delitescet: otium sine literis mors est, & hominis viui sepultura. Non accuitur ingenium, & languescit industria. Huc potes asserere amplificationem alteram ab exemplo gladij, nihil agendo male agere discimus. Moueatur exemplum agrorum: hinc se otiosi homines in omne vitium præcipites abijciunt. Adijciatur aliud, fabulosum est quod dicā, sed quod sub fabulæ integumento veritatem occultat. Cupido ad Musas prorsus non aspirat, cuius causa cum quæreretur, respondit, quia nunquam eas inuenit vacuas.

Secundus locus ab insuauis. Probatur hoc à contrario, nihil dulciuse est, quàm scire: nihil igitur insuauius, quàm non dare operam ut scias. Pereunt omnes dies hominis inertis, scilicet nullam verā & solidam gustant suauitatē, & quam gustare videntur, ea suauitas non est, quia aut ea maximo dolore condita est, aut eam dolor sequitur, ut voluptas brevis est, dolor ingens æternus. Homines ad agendum nati sunt, & mens agendo alitur: ita cœlū suā motione semper in actione est: & omnia quæ infra cœlum sunt sunt in sua actione: quod si cœlū non moueretur, maximo dolore afficeretur, si haberet sensum.

Ita qui nihil agat, eum in perpetuo dolore esse necesse est. A contrario, à voluptate, qua perfunduntur homines literati, qui coniungunt dies noctibus, qui moriuntur pene desiderio studendi & sciendi. Archimedes cum venisset in iucundam rei inuestigationem, & tandem in balneo reperisset, ut erat nudus exilijs, & illud ingeminans inueni, inueni, omnes fecit voluptatis suæ participes.

Tertius locus à turpi & inhonesto. A contrario, nihil est honestius otio literali, nihil inhonestius inertia & socordia: nam qui iners est, homo esse desinit, & induit naturam bestię: quia bestia solum ad id quod præsens est se accommodat; hic homo iners tempora præterita negligit, tempora futura non prouidet: quia non est sapiens: igitur solum attendit rebus præsentibus, ut haud sciam, an satius sit hunc non viuere, quàm viuere. Vidit hoc Lycurgus, qui legibus Lacedæmoniorum sanxit, ut liceret omnibus inertes accusare. Alterum exemplum. Athenienses fuerunt sapientes, qui conuiuij tempore antequam afferrentur cibi, quærebant à singulis, quid fecissent, qui nihil fecissent, excludebantur. Apostrophe ad hominem inertem, amplificatur eius turpitudine ab effectis, à comparatione cum æqualibus: cum nihil sit illo peius in toto terrarum orbe, quia



quia omnes aliquid agunt, tu nihil agis, nisi verò aliquid agere, est male agere. Excitetur verecūdia & pudor, ex tract. 6. de affectib. Et indignatio in negligentem. Epilogus. Peroratio concludatur esse utile, suaue, & honestum laborare causa discendi, & cohortandi sunt, ex tract. 3. c. vltim. aut potius collaudandi, qui in literarū studio, aut potius in laudis cursu, gloriæ cupiditate versantur. Lege tract. 5. cap. vlt.

*De cupiditatum moderatione.*

**E**Xordium ducetur ab ipsa rei utilitate, de qua dicendū est.

*Loci confirmationis erunt hi, partim ab honesto, partim ab utili.*

**A**B honesto primus, à natura hominis, quæ rationem illi attribuit, in eum videlicet finem, ut appetitum rationi obtēperātem præberet. Est itaque longè turpissimum, si te ita abijcias, ut inter te atque belluam nihil inter esse videatur.

Quàm indecorum, indignūq; sit nobilitate, præstantiaq; hominis, effrænatis cupiditatibus præcipitē agi, & huc atque illuc ferri, vniuscuiusque nostrum iudicium, tacitaq; vis conscientiæ docet, cum eos qui tam potentibus atque imperiosis dominis cupiditatibus seruiunt. Longè miserrimos & teterrimæ cōditionis seruos iudicemus.

Ponite quæso ante oculos ira-

cundi hominis, atque ira perciti vultum & actus, intelligetis eum hominis naturam exuere, & in belluam degenerare. Licet autē eodem modo, cæteras animi perturbationes considerare, earūq; effecta singula animo intueri.

Scelera omnia, ex quo fonte, nisi ex his animi permotionibus, ac tempestatibus oriūtur? ut quod quisque maioribus perturbationū procellis agitatur, cō grauioribus vitijs ferè obnoxius deprehendatur.

Quapropter eximia laude virtutis & gloria digni sunt illi, quorum studia, curæ, vigiliæ in eo elaborant, ut rationi appetitus obediat, & indomitæ cupiditatū impetus rationis fræno coercēceantur.

*Loci utilitatis sunt hi.*

**P**rimus, animi trāquillitas, quæ tum demum contingit, cum compressis domesticis hostibus, paratam hanc internam Rempublicam virtutibus exornamus, & rationis imperio atque legibus temperamus.

Non solum animo, verum etiā corpori, neq; singulistantum hominibus, verum etiam vniuersis ciuitatibus, Rebus pub. Regnis perquam utilis est, ac salutaris: quod ut planum fiat, contempla re priuata, publica; incommoda, damna, mala, clades, calamitates, intestinas discordias, bella ciuilia, cedes, furta, incestus, sacrilegia, cætera; flagitia. Videbis

Q3

omē



## *Liber quartus.*

omnia ab his pestibus proficisci. Nam quæ alia vis Græcos aduersus Troianos armauit, nisi libido Paridis? Quid Rempublicam illam florentissimam Romanorū euerit, nisi dominandi cupiditas?

Censetis nè istis cupiditatibus dominantibus quemquam posse quietē, frui animi libertate? fieri non potest. Si enim æstues odio, tabescas inuidia, ira exardescas, timor, trepidatio, terror opprimat & agitet, quo pacto, aut quietum, aut liberum esse arbitris.

Hinc materia atque occasio, per quam opportuna existit, ut vel gloriam, vel ignominiam, laudem, vel dedecus, æternam denique aut beatitudinem, aut supplicium consequamur.

Summos viros, quos vel miramur, vel etiam ludibus prosequimur sanctos & admirabiles profecto hæc vna res efficit: unde omnis laudationis materia ducitur. Eos ut imitetur hæc nostra petit oratio. Quamobrem, &c. ut ad epilogi materiam transeamus.

*Suasio Philosophiæ cum laude per vniuersos inuentionis locos.*

**P**rimò à definitione, quæ est rerum diuinarum & humanarū cognitio, fiat syllogismus.

Secundò, à partium enumeratione, nam tria expetenda, prudenter loqui, honestè se gerere, & rerum causas intelligere, quæ

omnia philosophia habet:

Tertiò, à notatione; nam significat Philosophia sapiētis studiū; disponatur ratio per enthymemata.

Quartò, à coniugatis: si quis viuere philosophicè cupit, philosophiæ det operam. Quinto à genere, nam liberalibus artibus incumbendū est, sed præcipuè his quæ antecellunt. Philosophia est quasi Regina aliarum. Sextò, à forma, si civilis scientia est expetenda, cū sit pars philosophiæ, quod magnos honores afferat, quanto magis tota philosophia, quæ alias artes continet. Septimò, à similitudine; si quæ corpus adiuuant, & ornant studiose quærimus: ita philosophiam, quæ animum exornat. Octauò, à differentia, non ut diuitiarum, sic etiam philosophiæ possessio est: illas fortuna eripit, huius stabilis est & firma possessio. Nonò, à contrario: insipientia totis viribus fugienda; quare philosophiæ danda opera quæ sapiēciam præstat. Decimò, à coniunctis: tranquillè viuere; nemini nocere, prodesse pluribus præclarum est, quæ omnia philosophia donat. Undecimò, si est philosophia magnum animi ornamentū & perfectio, est expetenda: est autē summa perfectio, &c. Duodecimò, à consequentibus; quia nec damnum affert, nec est inutilis. Decimotertiò, à repugnantibus, quia repugnat aliquid esse honestum & vtile, & non esse

expe-



expetendū: sed philosophia est honesta & utilis, &c. Decimo quarto, à causis efficiente, & fine; nam homines naturæ instinctu beatè vivere cupiunt, & felicitatem consequi, quod philosophia præstat. Decimo quinto, ab effectis, est enim vitæ dux, virtutis indagatrix, expultrix vitiorum. Decimo sexto, à comparatione; si diuitias, quæ nos meliores non faciunt, tanto studio accumulamus, quare non philosophiā, quæ beatos efficit? Decimo septimo, ab exēplo, nam Pythagoras, Democritus & Plato cum vitæ discrimine peregrinati sunt ut philosophiam discerent, nos domi nostræ quieti idem non conabimur. Decimo octavo, à diuino testimonio, quia Socrates ob mortalem philosophiam Apollinis oraculo, sapientissimus declaratus. Decimo nono à testimonio humano, Plato namque ait, nil esse optabilius philosophia.

*Suasio eruditionis.*

**E**Xordium ducetur ab aduersariis & hostibus bonarum literarum & doctrinarum, tum à persona nostra, quos tanta rei indigentia commoueret, ut improborum cupiditates compescamus, audaciam reprimamus, impetus, conatusq; In Rempublicam retardemus, & communi bono atque utilitati consulamus, quod est officium boni viri & ciuis. Sic conciliatur beneuolentia, o-

stendendo mores amabiles: postremo à persona auditorum, ne in errorem inducantur; nec commoveantur, atque à studiis præclarissimis deterreantur.

*Propositio.*

**P**ropositio tripartita erit: dicendum enim est primum de honestate & dignitate eruditionis, deinde de multiplici utilitate, postremo de suauitate & voluptate.

*Loci confirmationis ad confirmandam partem honestatis.*

**P**rimum præclarissimum inter cætera munus est, quod homines sciendi cupiditate inflammati, indagando vitam suam traducant, & naturæ munus ab ineunte ætate tueantur; non sine causa homini sciendi cupiditatē natura ingenerauit, & semina scientiarum inseruit: quæ quidem semina, ut adolescant, & fructus uberimos edant, cultus adhibendus est, hoc est cura & studium: non est admittendum, ut hæc discendi, cognoscendique instrumenta quæ diuinitus nobis tributa sunt, negligamus otiosè. Quam id honestum sit, & homine dignum, omnes penè gentes testantur, apud quas summus eruditioni honor est habitus, cum iuuentutis moderatores publico sumptu conduxerint, & nunc etiā conducant, tum amplissima præmia & honores doctrinæ detulerint.

Q

Le



## *Liber quartus.*

¶ Legimus maximo pretio & honore fuisse habitos apud Græcos, Philosophos, præcipuèq; septem illos Sapientes, qui omnes præter Thaletem vno tempore suis ciuitatibus præfuerunt. Apud Persas, Magos, apud Ægyptos, Prophetas, apud Indos, Gymnosophistas, & Brachmanes: apud Gallos, Druidas: apud omnes gētes oratores & eloquētes: his Magistratus, his rerum publicarum gubernacula credebantur, his status perturbatus, his denique maxima quæque tribuebantur.

### *Loci ad confirmandam partem utilitatis.*

PRIMUM, est enim doctrina utilis, & fructuosa his, in quibus est: conciliat enim beneuolentiā & studium, & gratiam non modo popularium, verum etiam potentiorum ac Principum: qui enim nisi amens, insanus, barbarus non amet, non obseruet, colat viros doctos & sapientes? Affer ea, quæ ab imperitis tā opere expectantur, fortunæ bona, vir doctus dum cōtendit, assequitur. Docet hoc exemplum Aristotelis, qui fuit charus Alexandro & Philippo Regibus: numerentur exempla Regum, & illustrium virorū, proferantur exempla Aristotelis & Isocratis, Gorgiæ, Demosthenis, Ciceronis, Virgilij & aliorum illustrium Magistrorum, maximorum Regum, Ducum, Imperatorum, &c. Quæ exem-

pla proximè pertinebunt ad informandas opes, & diuitias, partim ad demonstrandam gloriam, honorem & gratiam. Est utilis amicus vir doctus, declarat hoc Ciceronis eloquentia, quæ multis salutem attulit: utilis est vniuersæ Reipublicæ, & præcipuè in consilio dando, cohortando ad honestatem, suadendo utilia, dissuadendo turpia & noxia,

### *Loci suauitatis & voluptatis.*

NONNÈ magna voluptas est, posse colloqui cū mortuis, lustrare animo memoriā tot annorum, ætatum, & seculorum? Hinc constat libros scriptos à doctissimis & sapientissimis viris, in aduersa fortuna diminuendo dolorem. De consolatione Philosophica Boetius Seuerinus. Nouit enim vir doctus & sapiens, quomodo sint ferenda aduersa, quæ sint partes fortis ac constantis viri. Denique nunquam est minus otiosus, quàm cum est in otio, nullo non tempore est grata, aut iucunda doctrina. Ad confirmandam hanc partem & reliquas etiam, legatur oratio pro Archia Poeta, & 7. lib. Plinij de naturali historia. Valerius Maximus de studio & industria.

### *Peroratio.*

QVæ cum ita sint, incumbite in studia doctrinarum & sapientiæ, cū præsertim propo-  
sita sint nobis exempla tot sum-  
morū



morum virorum, qui tot labores vigilando, peregrinando, contēplando, discendi studiis suscepunt, ut Pythagoras, Plato, Demosthenes, Cicero, lege Valerij Max. de studio & industria.

*Sententia orationis, bonos alit artes.*

**E**Xordium ducetur ab officio boni viri; cuius ex partes esse debent, ut quæ Reipublicæ utilia fore arbitratur, ea in medium proferat, quæle est hoc, quod hodierno die, diu multumq; meditatus affers. Neque verò de illorū qui audiunt, & apud quos dicturus sis, vel sapientia, vel probitate dubitare oportere: quo magis sperandum sit, eos æquo animo accepturos, quod a nobis fiat, & consilium nostrum ita probaturos, ut sibi exequendum, primo quoque tempore statuunt, neque id nobis vitio, aut impudentiæ, aut temeritati vertendum, quod ipsis auditoribus, viris, & optimis, & doctissimis, & sapientissimis administrandæ Reipublicæ rationem præscribere velimus, & ut dicitur, sus Mineruam, docere conemur: nobis enim otium ad id & meditandum & deliberandum pro nostro arbitrio sumpsimus: illis verò alijs grauioribus negotijs impeditis, & maioribus studiis occupatis, minus licuit ea de re cogitare.

*Confirmatio.*

**C**onfirmationis loci erunt petendi ab honestate, tum ab

utilitate, tum à voluptate.

*Loci ab honestate.*

**P**rimum argumentum naturæ vis, plurimum apud omnes valere debet, ea nos ad laudē & honestatem, gloriamq; impellit.

Secundum argumentum ab exemplo. Exempla maiorum vobis idem persuadere debent, apud quos proposita erant præmia victoribus in publicis ludis, tum apud Græcos, tum apud Latinos. Apud Græcos maximo in honore habebantur, & amplissimis præmijs donabantur, qui vel in Olympijs, vel in Isthmis, vel in Pythijs, vel Nemeis vicissent. Quid de militibus, & bello victoribus Ducibus loquar? Ad hos enim pertinebant coronæ, tam multiplices, orationes, triumphus, supplicationes, statuæ, trophæa, ceteraque huiusmodi monumenta. Quod si bonarum literarum studia non minus honesta, probataque sunt, quam disciplina militaris, quam pugilum, cursorumque & aliorum gymniconum ars, cur non itidem præmia literis constituantur?

Tertium, si tantus est eruditio, atque eloquentiæ percipiendæ labor, quantum doctissimus, atque optimus quisque experitur & confitetur, debet profecto præmio non minore donari.

*Utilitatis loci, & voluptatis.*

**P**rimus, nolo ego utilitatem ipsius



## *Liber quartus.*

ipsius muneris, & præmij estimatione metiri, sed longe aliter, & alia ratione, quæ tandem ista est? Primum, quod ea res excitet animos adolescentium, atque erigat & spe laudis ad laborem stimulet, & studiorum molestias quo animo deuotare compellat.

Secundus hac proposita laude, quis est adolescens tam degener, tamq; abiecto animo, qui non ita contendat, ut in tam honesto, gloriosoq; certamine superare socios, atque eruditionis palmam referre possit.

Non est dubitandum, quin in huiusmodi ludis spectatorum etiam animi capiantur, & auersi à bonarum literarum studijs, deinceps mutata voluntate faueant, & sic æquiores iudices erga studiosos præbeant.

Quid, quod illi etiam, ad quos aliqui pars eius laudis pertinet, ut cognati, amici, ceteriq; necessarij & noti, tanta voluptate, letitiaque perfunduntur, afficiunturq; ut vel eo ipso se quodammodo felices iudicent, quod suis rem literariam prosperè, feliciterque celsisse animaduertunt.

Epilogus fit per enumerationem omnium eorum, quæ dicta sunt, cum adhortatione ad studia literarum.

*Partim in demonstratio, partim in deliberatio genere declamatio.*

*Externa bona contemnenda sunt, cum propriè bona non sint.*

**E**Xordium in hanc sententiam instituetur. Cum plerique mortalium in eo videantur errore versari, ut res externas tanto per appetant, in ijsque comparandis tantum opera studijque consumant, ut vel sola, vel præcipua bona esse existimare videantur; mei officij esse putavi, quod eos ab errore vindicem, pauca de diuitiarum contemptu in præsentia dicere. Quod si quis est qui recta ratione ducatur, quique veritatis studio teneatur, pro sua mansuetudine verba mea attentè audire ne grauetur.

### *Propositio.*

**O**stendam diuitias, opes, pecunias, possessiones, careraque omnia, quæ imperitum vulgus tanquam bona expetenda censeat, neque in bonis, neque in rebus expetendis esse numeranda.

### *Confirmationis loci hi erunt.*

**P**rimò, à definitione boni. Illa bona sunt, quæ nos bonos efficiunt, diuitijs autem affluentes ferè deteriores esse, quàm pauperes, quis ignorat? Hic cōmemorandum, quot flagitiorum causa sit rerum externarum abundantia, & quot vitiorum procreatrix quæ longissimè abesse ab egestate & inopia consueuerunt.

*Secun-*



Secundò, bona semper bono sunt, opes autè non ei modo, qui possidet, verum etiam alijs incòmodo sunt, metui, inuidiam, sæpè etiam perniciem, mortemque pepererunt. Hic ostendendum erit, quantis curis opulenti ac potentes torqueantur, quantoq; timere, aut insidiarũ, aut ferri, aut veneni crucientur.

Tertiò, qui fieri potest, vt hæc bona sint, quæ nunquam exple- re insatiabilem cupiditatem pos- sunt? nam quò quis plura habet, hoc plura còcupiscit, nec potest sitim extinguere, ne suis conten- tus inhiat alienis. Hic describen- da erit inhumanitas atque crude- litas diuitum in pauperes, quo- rum bona, fortunasq; occupare, ac diripere non erubescunt. Ex quibus omnibus colligere licet, si ab usu nomina sint rebus impo- nenda, mala hæc potius, quàm bo- na esse appellada. Meritò igitur hæc omnia Christus Deus noster contemnenda esse docuit & mādauit, quæ nos ad cælestem pa- triam festinantes retardant.

Peroratio fiat per enumerā- tionem cum adhortatione au- ditorum ad contemnenda bona externa.

*Argumentum orationis de victoria sui ipsius.*

**Q**uam præclarum sit, & ho- minis proprium impoten- tes animi impetus reprimere, &

effrenatas cupiditates domare, vehementes perturbationes se- dare, motus indomitos contine- re, & appetitum rationi obtem- perantem præbere, & denique in omni re seruare constantiam, et si omnes intelligunt, qui se homi- nes esse profitentur, & agnos- cunt. Patiamini tamen ita me ea de re in præsentia disputare, per inde ac si dubia & obscura ef- fet.

*Confirmationis loci.*

**C**ur Deus rationem homini largitus est? Nonnè vt eius imperio inferiores animi partes obtemperarent? Ita videtur, cū appetitus in homine dominatur à naturæ præscripto disceditur, & præstantissimus ordo à diuina prouidentia inginitus peruertitur, & indignissimè violatur.

Porrò autè hoc pulcherrimo statu in hominis Regno, seu Re- publica perturbato & auerso: quid superest amplius, quo ho- mo appelletur, cum rationis v- su, imperioq; sublato inter pecu- des censendus sit, quæ vt ratio- nis expertes cupiditatibus sibi à natura inditis inserviunt, & so- lo appetitu, sensuq; ducuntur:

Quid vos arguentis. longè petitis moror? An non vnusquis- que vestrũ hoc idem ex suo sen- su arbitratur, & iudicat, cum tem- perantes, & constantes viros, ne scio quo pacto etiam ignotos, & quos nunquam vidit, probet, di- gat, suspiciat, admiretur? intem- peran-



### *Liber quartus.*

temperantes verò & effœminatos, etiam si noti & familiares fuerint, tamen nisi & ipse planè desipiat, contra vituperet, oderit, aduersetur? Id nimirum eo fit, quod natura virtutum semina, & quosdam honesti igniculos, & probitatis & temperantiæ amorem, odiumq; vitiorum & turpitudinis ingenerauerit?

Hic superuacaneum est, veteres philosophos & sapientes producere, quorum cura & studium hoc vnum fuisse videtur, vt animum à perturbationibus vacuũ & tranquillum (quod tamen diuino auxilio, vel ignorarunt, vel neglexerunt destituti assequi nõ potuerunt) & ipsi haberẽt, & cæteris vt haberent, pluribus rationibus suaderent, tum domesticis exemplis abundemus, quorum copiam & facultatem Ecclesiasticæ nobis Historiæ subministrat. Quod enim aliud illæ declarant, nisi nostrorum maiorum & sanctorum Patrum curas, cogitationes, labores, studiaq; vniuersa ad compescendos motus animi, & perturbationum procellas sedandas, & cupiditates donandas suscepta? Hic commemoranda insignia, & egregia aliquorum facta


circa corporis castigationem.

Quò difficilior victoria sui, eò gloriosior. Nam domare barbaras gentes, sub iugum mittere bellicosissimos populos, superare potentissimos Reges, expugnare munitissimas vrbes, imperare potestremò innumerabilibus nationibus, præclarum est, sed lōge præclarius se ipsum vincere, sibi ipsi imperare, sui iuris esse, nullis non dico hominibus, sed cupiditatibus seruire. Hæc enim vera & solida laus est & gloria: alioqui dominus, quo iure Imperator, quo pacto is Rex appellabitur, qui alijs imperat, sibi imperare nescit, hominibus dominatur, & indignissimorum, turpissimorūq; dominorum ipse vilissimus, abiectissimusq; seruus est?

Postremus ab vtilitate & præmio, triumphoq; eius, qui hanc victoriam sequitur. Nam scriptum comperimus: *Vincantibus dabo manna, & non coronabitur nisi qui legitime certauerit.* Voluit enim Deus esse nobis perpetuum cum vitis bellum, & hominis vitam perpetuam militiam super terram,

vt esset, vnde coronaretur.

(:.)



PARS



127

# PARS QVINTA

## CENTVRIÆ, CIRCA

genus iudiciale.

Vix vnum, aliudvè circa iudiciale genus addendum argumentum, cum Seneca & Quintilianus innum-  
ris exemplis illustrauerint, ea nos solùm ad artis nor-  
mam præscribimus exercitamenta, in quibus parum  
antiquiores laborabant.

*Argumentum generis iudicialis ex libro Act.  
Apostolorum cap. 24.*



CCVSATVR S.  
Paulus apud Fœ-  
licem Præsidentem à  
Tertullo.

Exordium, erūt  
gratiæ agendæ de Iustitia & Pru-  
dentia in administranda provin-  
cia, dicendum vnum hoc deside-  
rari ad perfectam laudem, vt or-  
tum malum tollat, ne corrobore-  
tur, promittenda breuitas.

Narratio, narrandum fuisse cõ-  
hrensus tanquam seditiosus,  
& erint ducenda ex Actis Apo-  
stolorum capita accusationis.

Accusandus est tanquam vir  
pestifer, quippe qui novos ritus  
inducat, nouas ceremonias: dis-  
putandum contra ritus novos,  
& eorum inuentores. Semper e-

nim vetera meliora sunt nouis,  
& veteres sapientiores recentibus,  
insuper violator est legum  
sacrarum. Hæc per coniecturâ  
probenrur ex tract. 4. cap. 2. 3.  
& 4.

Secundum caput, accusandus  
est vt seditiosus. Docendum quid  
sit esse seditiosus, & disputan-  
dum de malo seditionis.

Tertiò, vt violator templi. Am-  
plificandum hoc crimen, quòd  
qui violat res diuinas, non absti-  
nebit se à rebus humanis, neque  
parcet homini, qui non pepercit  
Deo.

Amplificando hæc omnia à fu-  
turo metu seu formidine, & à  
comuni omnium opinione &  
iudicio. In peroratione erit con-  
citans.



### *Liber quartus.*

citandus iudex contra eum. Ex his quæ tract. 6. docuimus.

*S. Paulus se defendit.*

**E**Xordium, capienda beneuolentia à iustitia & sapientia Felicis iam diu cognita, ita ut neque velit iudicare iniuste, neque possit decipi, quia ipse nouit mores prouinciæ, & expertus est. Deinde dicendum, magnam se habere partem in benefactorum conscientia sua. Narratio, narrandus est aduentus in urbem, & causa eius.

Primum dicat, se non fuisse seditiosum, neque concitasse turbam, nihil esse eorum quæ Tertullus obiecit, more potius accusatorio, quam vero crimine.

Dicat à se non violatum esse templum, quod purè & castè ingressus est, in quo vota soluit, & munera obtulit, ut veneraretur Deum.

Postremò induxit nouos ritus, neget hoc quoque. Ego enim ueneror Deum, quæ vetera literarum monumenta docuerunt, & secutus sum literarum veterem sententiam, quæ me deduxerunt ad cognitionem, in quibus dicebant venturum Prophetæ filium Dei Christum. Inferat disputationem de Christo Deo esse verum Deum Christum, ita ut vellet conuertere animos ad Christum. Longo ordine iniiciat sermonem de extremo die, quo erit Iudicium, quo omnes omnium animi receptis corporibus, suorum factorum reddent rationem, ita ut boni benefactorum præ-

mia, mali supplicia laturi sint, atque hoc vnum esse, quod maxime offendit Iudæos.

Peroratio brevis, dicat se esse innocentem, nullius mali conscium Deo suo seruire, roget Presidem ut videat rectum, & iudicet, & se paratum mori pro Christo. Lege tractatum 4. par. 2. cap. 1. & tract. 6. cap. 11.

*Damnandus Martinus Lutherus, & hanc pœnam damnatum sequi oportet, ut viuus igni cremetur.*

*Probandæ quæstionis loci & argumenta.*

**P**rimus, quod ter Deo fidem datam sefellit, cum bis S. Augustini, semel S. Dominici disciplinam, & susceptam vitæ rationem repudiaret. Accedet exprobratio ex tract. 4. par. 2. cap. 6.

Deinde, quod se à comuni causa religionis, & Christianorum communione atque societate abstulit. Est hoc amplificandum per figuras tract. 9. part. 2. capit. 2. 3. & 4.

Quod nouas & inexpiabiles religiones in Germaniam induxit. Fiat gradatio. Capitale est, vel religionem vnam falsam inuenire; quid duas? quid innumerat?

Quod templa, atque delubra, quæ in florentissima prouincia, antiquissima, & religiosissima fuerunt depeculatus est, diripuit, atque vexauit. Fiat descriptio altarium,



rium; & vestium sacrarum, &c. Excitetur ira cum exclamatione: ex tract. 6. cap. 11.

Quod diuinum cultum extinxit, sacrorum ceremonias à veteribus acceptas, solemnesq; ritus contempsit, sanctorum, sanctorumq; imagines omnes è templo sustulit.

Quod in sacrarum virginum castas & religiosas domos turpiter, intemperanter, atque libidinose bacchatus sit.

Quod sanctissimorum Pontificum, antiquissimorum Patrum, grauissimorum Conciliorum auctoritatem verbis, sententijs, & perpetuis voluminibus afflixit, atque concidit. Per prosopopœiam depingatur Pontificum & Conciliorum fremitus in Lutherum.

Quod illa sua impia ac nefaria dogmata tanquam diuinitus edicta oracula omnibus Germaniæ ciuitatibus & populis prosequenda esse suaserit.

Postremò, quod nullum ei tempus ab intemperantia, libidine, luxu, ebrietatibus, helluationibus omnibus flagitijs atq; sceleribus vacuū fuerit. Hæc omnia figuris argumentationibus, affectibus sunt amplificanda.

*Peroratio*

**N**Ascetur epilogus ex his omnibus rebus, quem cum acerbissimo odio, inuidia, & indignatione, & omnibus vehementioribus motibus, ad quos iudicium animi contorquendi erunt, pertra-

ctare oportebit. Lego tract. 6.

*Exordium.*

**P**Enè nullam habebit à peroratione dissimilitudinē, nisi quod omnia in dicēdi principio, leniora esse debent: ita tamen iudices mouēdi erūt, atq; flectendi in prima oratione, ut iam inclinatis, facilius reliqua incubat oratio.

*Inuectiua in Lutherum, Hæreticorum Principem.*

**E**T si perditissimi huius hominis, ac potētī potius demencia est maior, quā ut possit oratione explicari, non erit tamen ea in causa tacendum omnino, sed conandū potius, ut ex impietatis detestatione pietatem colere religionem seruare integrā, morem Ecclesiæ incontaminatū discant, quisq; nobiscū vitam degunt. Ex quo studiosissimè optemus quisque ad ipsum hominem pro meritis exagitant, omnes neruos intendere, ut latissimè inter hominū cœtus, furias hæresum serpentes, quocunque modo potest, reprimat. Hæc igitur res hodie me compulit ad hæresum inuentum maledictis lacessendum, & ut animum meū appellerem & promouērem, ne quis nostrum in illius perniciosissimos laqueos sedaret, quibus sus ille lutulentus multos iam inuoluit, supplicijs post vitam hæc macrandos. Hæc igitur cum facio, quæso, &c.

*Con-*



## *Liber quintus.*

### *Confirmatio.*

**Q**uoniam hodie mihi tecum sermo futurus est, hodie scelerum artifex, ecclesiarum proditor, pietatisque desertor Luthere, age, quid est quæso, aliud noua dogmata excogitare, nouas leges sancire, nouos ritus instituere, contemptis decretis maiorum, quàm more gigantum Deo bellum indicare, eius imperium contemnere, eius institutis obstrepere? O monstrosam impietatis genus, velle, atque ideò tentare, de medio ea tollere, quæ tot seculorùm cursu probata, tot scriptorùm splendore illustrata, tot exemplorum vigore confirmata fuere. Sed nò sine causa hæc tentauit vir religiosissimus atque adeò tandè est ista causa sus lutulète (quo enim nomine appellè magis proprio nullum occurrit) quæ vnquàm ista est causa, vt noua coleres dogmata, contemneres vetera, tanta Christianorum strage? An nò ea est, quam tu tamen, nescio qua honestatis facie palliare niteris, vt effrenatis cupiditatibus, vt in domitis libidinibus, & foedissimis voluptatibus fræna permittas liberius? At quo iure, quauè auctoritate, vt istam tuam cupiditatem Charybdim Oceanum, inquam expleres, religionem euertere moliris? Nescis insane, nescis quantas vires religio habeat. Hanc tu impia tua opinione, non diuina auctoritate metiris. An tibi forsan diuinus Spiritus

veram Scripturarum sententiam tot seculis absconditam aperuit? O incredibilem audaciam! ob quæ tua meritò tibi Deus hoc est largitus, quod integerrimis, sanctissimisq; viris adhuc negauit?

Et quæ tandem sunt ista iura à te innouata, diuini iuris corruptor, nonnè vt. Satanæ Synagogam foueres, religiosorum templa violares, Pontificum auctoritatem irrideres? Hæc cinè te fons veritatis Christus edocuit? At si mulabas aliquando singularem quandam pietatem, sed latebat in visceribus impietas, quæ tandè erumpens, heu quot hominum millia perdidit.

Postquam verò in istum te hæresum hiatum ingurgitasti, quod est à te gestum, quod pietatem præferat? Vexatio Ecclesiæ? An Germaniæ corruptio? An cœnobiorum depopulatio? An religiosorum cædes? An libidinum gurgites? Hic cinè pietatis est fructus? Si ista pietas, quæ igitur impietas? Quæ tyrannis, quæ immanitas appellatur? O monstrum ex infernorum cauernis emissum.

Sed ad te nunc venio, infelix Germania, quibusnā laqueis implicata es Religionis nutrix in te vt in sentinam quandam errorum omnium sordes confluxerunt. In te tanta perditorum hominum colluies resedit, quæ te omnium scelerum genere ita cõtaminauit, vt omnium ferè maiorum




lorum, quę pateris, sensus amiseris. Proh dolor, qui hæc sine la chrymis memorare posset? Heu

me dolor debilitat, vocemq; intercludit.  
(-:-)

# PARS SEXTA

PARTIM AD SECVNDVM,  
& tertium tractatum spectans, partim ad  
sextum de affectuum commotione.

*Scopus nostri amoris Christus est.*



**E**XORDIVM in hanc sententiã instituetur. Cum mihi hodierno die apud vos dicendum sit, viri Christiani, gaudeo talẽ materiã oblatam esse, quę vestris auribus dignissima, meę personę, & huius temporis aptissima esse videtur, vt ea res, de qua verba facturus sum, vobis futura sit gratissima, omnibus vtilissima, & huic temporis pernecessaria. Quare, &c.

*Confirmationis loci.*

**C**VM omnia nostra consilia, studia, actiones, cogitationes ad Christi gloriam referenda sunt, dubitamus, an hæc nobis facere expediat, an id sit omnino necessariũ, & ratio & natura nos facere compellat.

Secundò, si quidem non nostri

fed Christi sumus. Quid ita? quid nos creauit, in hanc lucem perduxit: deinde infinita sapientia, potentia, clementia, misericordia, cum nostra culpa perijssemus, nos ad vitam reuocauit. Ergò cū eius liberalitate, clementiaq; viuamus, illi nostram vitam debemus.

Tertiò, ille nos incredibili rerum copi ac varietate sustentat, alit, fouet, tuetur, conseruat.

Quartò, nec illius beneficentiam huius breuissimę vitę spatijs contineri putemus, immortalitatem & beatitudinem sempiternam nobis obtemperantibus, morigeris, officioq; nostro perfectis promittit.

Ad quam expetendam, vt nos accenderet, multa nobis sanctissimorum virorum, & fidelissimorum hominum exempla proposuit, in quibus declarauit, quã-

R. ra



## *Liber quartus.*

et, ope & studio aditū oporteat, ut summo bono potiri aliquando possint, quibus & nos testimonijs edocti, ediscamus contemnere omnia, & arbitrari, ut stercorea, ut Christum lucrifaciamus. *Lege tract. 6. cap. 2.*

### *De cœlestis patriæ desiderio.*

**A**D docendum atque ostendendum, quanto animo & studio ad illam beatam vitam, quam in cœlo acturi sumus, contendere debeamus, hæc argumenta adhiberi poterunt.

Primum labores, incommoda, mala, miseriæ, molestiæ, ærumnæ, calamitates huius exilij.

Secundò, iam multa, variaque pericula, & incerti exitus nostræ huius miserrimæ vitæ.

Tertiò, animæ nostræ præstigia ac dignitas, quæ nulla in re alia, nisi in Deo conquirere potest, cui tanquam suo principio ac fini adhærere cupit.

Quartò pulchritudo, nobilitas, æternitas illius patriæ, ad quam fruendam nati, factique sumus.

Quintò, spes, quam Christi ascensio & promissio nobis dat, debet hoc in animis nostris desiderium augere.

Sexto, beatorum spirituum expectatio magis nos accendere & inflammare debet, exempla sanctorum nos corrigant & excitent, qui perpetuò illius patriæ desiderio & amore, in hac vita

flagrarunt: unde illæ voces erupent, Cupio dissolui & esse cum Christo, Quando veniam, & apparebo ante faciem Dei mei, &c.

Septimò, quid agit aliud Ecclesia anniuersarijs fieris, cæremonijs, ritibus & institutis, nisi ut vos cupiditate cœlestis patriæ accedat?

Octauo, postremum hoc vñ nos, si Christiani sumus, à cæteris gentibus, populisque distinguit, quos quia Deum ignorant, nulla potest spes consolari. *Lege si placet tractatum sextum, cap. 2. & 8.*

### *De studio proficiendi in Religione, diuinoque cultu & obsequio.*

**E**Xordium ducatur à rei utilitate, & ab auditorum persona, qui etsi non egeant calcari, liceat tamen, ut dicitur, currentes incitare.

Ad probandum, assumentur hi loci. Primò, magnitudo, dignitas, & maiestas eius, cui seruimus nam si turpe ducimus imperiū, negligenter obire, aut à mortalibus dominis præcepta segniter curare, quàm indignum putandum est in sacro, diuinoque ministerio, officioque dormire.

Secundò munus ipsum, quod profitemur, non quæ religionis, diligentia, vigilantia, officijque nostri in diuino cultu admonere nos debet.

*Ter-*



Tertiò hoc vitæ genus, quod diuino instinctu arripuimus, perpetua militia est: atque idcirco paratos nos, expeditos, ac cinctos, erectos, suspensosque in acie ad pugnam stare iubet, vt possimus hostiles impetus & incursus eludere, quod si in ipso conflictu, & imminente hosti, dissoluti, segnesque fuerimus, actum de nobis sit.

Quartò, ac si nihil aliud, certè diuinæ voces & minæ excitare nos debent: *Maledictus* (inquit) *qui facit opus Dei negligenter, & vitinam calidus, aut frigidus eses, alizq; permultæ.*

Quintò, eam viam ingressi sumus, in qua multa sanctorum patrum, maiorumque nostrorū extant impressa vestigia, ea obseruamus & sequamur, & ab illis Domino seruire discamus.

Postremò, moueat nos magnitudo premiorum, quæ scimus fidelibus illis, industrijsque & solertibus seru's proposita, quibus singulis dictum est, *Euge serue bone & fidelis.* Terreat contra otiosi & segnis illius serui supplicium, cui dominus dixit, *Serue nequam.*

*De amando Deo argumentum.*

EXordium ducetur ex comparratione diuini Amoris, & cultus cum cæteris rebus expetendis, quod nihil videlicet, sit rerum omnium, in cuius studiū

tanta contentione animi incumbere debeant homines, quàm Dei amor: & cum res sit eiusmodi, sine qua salui esse non possumus, ipsa sibi citra oratoris operam, & dicentis laborem auditorum animos, & attentionem, & intelligentiam excitabit Denique per Apostrophem Spiritus sancti, qui diuini huius Amoris fons & caput est, opem implorabis, imitatione orationis pro Rabino.

*Propositio.*

PROpositio tripartita erit, vt demonstretur, scilicet necessitas, honestas, voluptas diuini amoris.

*Loci confirmationis primæ partis.*

PRImus locus petitur ex testimonio sacrarum literarum: *Qui non diligit, manet in morte. & si vis ad vitam ingredi, serua mandata.* Hæc verò seruare non potest, qui non amat, & qui non amat Dominum nostrum Iesum Christum, anathema sit. Fiat expositio horum verborum. Primò ab authore à quo prolata. Secundò à verbis proprijs, quibus prolata. Tertio, à fine quo prolata. Quartò à medijs, quibus reuerentiā, pietatē, obseruantia eorum habere possimus. Secundus, quæ Fidei & Religionis expertem non mouent minę sempiterni supplicij, moueat salutem vt hominum Epicurum,

R 2 qui



### *Liber quartus.*

qui voluptatis dumtaxat sensu  
ducitur, eaq; tantum videt, quæ  
ante pedes sunt, diuina ira, quæ  
tam grauitè in viros sui amantes  
potius, quàm Dei exarsit, ac sæ-  
uijt. Ergò ne pœna contundat,  
amor inflammetur. Fiat compa-  
ratio ex tract. 1. amoris diuini cū  
proprio.

#### *Loci secunda partis.*

**N**atura nos item hortatur,  
quæ in nostris mentibus cla-  
ret illum inprimis à nobis dili-  
gi oportere, cui nos totos debe-  
mus. Si filius patrem, à quo cor-  
pus dumtaxat accepit, amare de-  
bet, quid Deum, qui corpus & a-  
nimam dedit? Ad quale corpus,  
& qualem animam quanto artifi-  
cio nobilitate, &c. Exclamatio  
subiungenda cum apostrophe ad  
Deum, & exaggeratione benefi-  
cij, qualis in 1. lib. Accus.

Vnde sequitur secundus locus  
de beneficijs diuinis, tot, ac tan-  
tis, quibus homo est exornatus,  
quot enim sunt in corpore mem-  
bra, quot animæ vires, quot in  
hoc cœli ambitu res creatæ, tot  
sunt Dei erga nos beneficia, no-  
stri sunt cœli, nostra sunt elemen-  
ta: hominis enim causa facta sunt  
omnia, & homo propter Deum,  
quod si vel membrum aliquod  
corporis vel animæ facultatem,  
vel denique rem tibi charissimā  
amississes, quantum deberes ei,  
qui tibi illam restitueret: & Deo  
qui hæc omnia tam liberaliter,

tam benignè sua voluntate, cum  
tua opera non indigeret, est lar-  
gitus quantum debes? Amare igitur  
debes, vt beneficium & bene-  
meritum. Singula ex tract. 4. Cō-  
sideratis capitibus gratiarū actio-  
nis perstringentur.

Tertiò, cum hæc nobis com-  
munia sint cum ceteris homini-  
bus, beneficium certè redemptionis  
Christianorum, hoc est no-  
strum, hoc est proprium, & qui-  
dem longe maximum & diuinis-  
simum.

Quartò, quemadmodum exi-  
tiosum est, Deum non amare, sic  
est salutare diligere, nam non so-  
lum vt parens & cōseruator, vel  
beneficus & liberalis, sed vt ami-  
cus amandus est: cuius & amici-  
tiæ fructus, sicut & aliorum ami-  
corum in necessitate percipitur,  
vt in ægitudine ac morte, qui-  
bus homines te, etiam si maximè  
cupiant, liberare non possunt,  
Deus potest.

Quid de fidelitate huius amici  
dicam, quantus ea stimulus ad  
amandum debet esse? Cateri e-  
nim amici ab officio sæpe disce-  
dunt, & fidem deserunt, cum vel  
in amore non respondent, & a-  
mati ipsi non reclamant, vel sæ-  
uiente aduersa fortuna discedunt,  
vel viuos dumtaxat amant, im-  
mores mortuorum, atque adeò  
inimici in eorum bona sese ingur-  
gitant: vel amici Patris, inimici fi-  
liorum fiunt. Deus autem dilige-  
tes se diligit verus amicus, & nō  
minus



minùs mortuos, quàm viuos amat, & denique propter Patrē hīos amat, & quidem interdū (vt sacra testantur volumina) vsque ad decimā generationem.

Quid promissā nobis beatitudo, scēlicitas, immortalitas, parū nē momenti aut ponderis apud vos habebit, vt Deū amemus?

At simili vel comparatione. Si canes beneficium hominis agnoscunt, quantò debet homo gratiorem animum erga Deum ostendere?

Si nulla nos causa impelleret, illa vel maximè nos promouere deberet, quòd Deus est, quò nihil maius aut melius excogitari potest, quod philosophi etiā intellexerunt, non igitur amanda, colenda, veneranda, suscipienda, per se tanta maiestas, perfectio, bonitas, amplitudo, sapientia, sanctitas.

*Loci tertia partis.*

**Q**Uæ maior potest voluptas existere, quā in eius amore cōquiescere, quæ omnibus diuitijs circumfluit? & in eius dextera, vt Vates pronunciat, delectationes sunt vsque in finem.

Natura docet hoc, ratio confirmat, vsus atque experiētia demonstrat hominis animum diuina insignitum imagine, cuius finis & summum bonum est ipse Deus, nulla in re alia penitus cōquiescere, nisi in eius suauissimo amore, cuius deliciae sunt, cum

filijs hominum continenter versari.

Tertius locus continet Sanctorum hominū testimonia, qui quidem immortalitatis & beatitudinis studio incensi, flagrantēs & illo diuino amore succēsi, quē Christus misit in terras, rebus humanis nuncium remiserunt, seque diuinis commentationibus ita dediderunt, vt nihil obscurè declarēt, sibi nihil esse charius, nihil optabilius, nihil iucundius, quā cum Deo versari, eiusque frui colloquio.

Postremo loco illorum Christianorū incensa studia explicari poterunt, quæ extrema quæque; perpeti, grauissimos labores suscipere, ac sustinere, durissimis vitæ periculis se se obijcere, cruciatus omnes, & inaudita tormenta experiri, vitam denique cum summo cruciatu profunderē maluerunt, quàm vel latum, siue trāsuersum vnguē (vt dicitur) à Dei amore, pietate, ac religione discedere, cum illam præclarissimā Pauli vocem, re magis, quàm verbis vsurparent: *Quis nos separabit à charitate Christi, an fames? &c.*

*Epilogus.*

**S**ubijcietur per enumerationem, hoc est, cum igitur tanta sit eius rei, quam nostra demonstrauit oratio, si minus pro dignitate, pro nostra certè facultatis mediocritate. Si tanta est inquam amoris, qui Deo debetur



## *Liber quartus.*

necessitas, ut &c. Si tanta honestas, ut &c. Si tanta denique voluptas, &c. Quid agimus auditores? Quid cessamus, viri Christiani? Quid cogitamus optimi adolescentēs, &c.

### *De Amando Deo.*

**Q**uoniam amoris erga Deū, quanta sit honestas, necessitas, voluptas, satis aperte & copiose pro nostrae facultatis mediocritate, superiori oratione docuimus: res iam expostulare videtur, ut deinceps quo modo, quaque ratione sit Deus amandus, demonstramus. Video enim vos tantae rei consequendae studio & cupiditate (quod quidem maximè optandum erat, & nobis in dicendo propositum) tacitis vocibus requirentes, quinam id faciendum sit, vel qualem, & quantum hunc amorem, quem Deo debemus esse oporteat. Deinde quot sint eius genera, postremo, quibus argumentis deprehendi possit, an id ipsum quod tantopere expetimus, fuerimus consecuti?

### *Propositio.*

**Q**uare in tribus his rebus. explicandis hodierna consumetur oratio.

### *Loci confirmandae primae partis.*

**Q**uoniam amoris materia bonū est (nihil enim aliud amare solemus, nisi quod bonū est) tantū cuique rei amoris debemus,

quantum in se retinet bonitatis, cū in rebus omnibus finita sit, in Deo autem infinita: sequitur ut Deo infinitus amor debeat, ceteris rebus finitus. Quoniam igitur modo Deum amare oportet? nepe sine modo.

Hoc nimirū est, quod sacrosancti Codices disertis verbis exponunt & tradunt, cū sic loquuntur: *Diliges Dominum Deum tuum ex toto corde tuo, & ex tota anima tua, & ex tota fortitudine tua.* Quid est autem toto corde amare, nisi sapienter? Quid tota anima, nisi suaviter? quid tota virtute, nisi constanter? Ne vel blandae voluptatis illecebris delinuti, atque illecesti, aut cacodæmonis fraudibus circumscripti, vel rebus aduersis, & iniurijs atque difficultatibus fracti, à diuino amore abstrahamur. Quapropter ille profectò toto corde Deum amat, qui gloriam fictam & inanem contemnens, in Deo tantummodo cū diuo Paulō gloriatur. Tota mente, qui in Domino dumtaxat, ut idē Apostolus monet, gaudere nouit, in illo gaudiū, letitiamque omnē suā positā habet, nec vlla re alia praeter Deum exhilaratur. Tota denique mente, qui quemadmodū diuus Paulus nihil nouit nisi Christum, & hunc crucifixum, quiescit Dei sapientia, in illum cogitationes omnes defigit, ille omnes vires suas in Dei Charitate experitur, neruosque omnes intendit, qui Deū tantū inquit, qui illū

in



in rebus creatis agnoscit, qui ei studiose obtemperat, nec ab eius imperio, vel minis, vel pollicitationibus, vel metu incommodi, vel spe commodi potest abduci. Qui, & quæ Deo quocūq; modo grata esse intelligit, memoriæ thesauro recondit ac seruat, & qua inuisa repudiat, & obliuioni tradit, & acceptus iniuria non prosequitur, sed potius obliuiscitur.

Totus homo amare debet Deū qui totus factus est ab eo. Adhuc amor hic, de quo dicimus, rectus fortis, latus & flagrans sit, necesse est. Rectus quidem, vt Deus propter se, non propter beneficia ametur, & expectatur: est enim indignissimū, si diuini amoris finem in rerum externarum consecutione ponamus. Fortis autem, quia vt recte quidem, sed non directo amore dictum est à Poeta,

*Amor odit inertes, &*

*Militia species amor est, discedite segnes,*

*Nor sunt hac timidis signa ferenda viri, &*

*Audacem faciebat Amor.*

Ita profecto se res habet, nō potest hic amor otiosus esse, res magnas meditatatur, laboriosa atq; ardua cogitat, præclara appetit, difficultates omnes vincit & superat. Adhibeantur exēpla sanctorū hominū. Latus prætereā esse debet, vt perlibenti animo, alacriterq; grauiā & aspera perferā

tur, eius causa qui amator. Argumento sunt Apostoli, qui gaudentes ibant à conspectu concilij, quoniam digni habiti sunt pro nomine Iesu contumeliam pati. Postremo flagrans sit oporteret, & faciendi & patiēdi multa per cupidus, qualis in Daniele extitit, quem virū desideriorū diuinitus appellatum sacris literis proditū est. Qui sic amat, sui ipsius obliuiscitur, corporis dolores nō sentit, omnia perfert, ac superat, de Deo triumphat.

*Secunda partis loci.*

**Q**uadruplex est amor Dei. Primus est naturalis communis bonis & malis: omnes enim ita sunt à natura edocti, vt Deū ament. Alter est amoris gradus, cū eius opem nobis necessariam esse sentimus. Tertius, cū Deus propter delicias, quæ ab ipso manant, amatur. Quartus demum diuini amoris gradus numeratur, ad quā ascendūt illi, à quibus Deus propter se amatur, atque ad hunc postremū gradum Christianos homines aspirare maxime decet, qui maxime omnium mortalium ita sunt diuinis præceptis & constitutionibus informati atq; edocti, vt Deū propter se amandum esse intelligant.

*Tertia partis loci.*

**D**ecem possunt esse argumenta atq; signa huius amoris in homine. Primum est, si quis libenter de Deo cogit. Secundum,

R 4

libens



### *Liber quartus.*

libenter in domo Dei versari, ut Anna vidua faciebat. Et Christus dominus noster, qui duodecim natus annos in templo inuentus est, & grandior vbi urbem ingrediebat, templum adibat. Hæretici, quod se ipsos non Deum ament, templa depopulantur, spoliant, incendunt, euertunt. Popinas verò, ganeas, cauponas, & lustralibenter frequentant. Homines (si homines appellandi sunt, & non potius terribillissimæ belluæ) ventri, atque abdomini nati. Tertium, de rebus diuinis libenter loqui, vel cum Deo agere, exemplo Magdalene. Quartum sæpè & studiosè Deum audire, & quæ audimus memoriæ commendare, ut Dei Matrè imitemur, quæ conseruabat omnia hæc verba, conferens in corde suo, & illam, quæ sedens secus pedes Domini audiebat verbū illius. Quintum non grauati, sed libenter atque alacri animo proximorū ægestatem subleuare, & liberalitatem erga omnes quoad eius fieri poterit, propter Deum exercere. Sextum, religionis, ac pietatis retinendæ causā, ac nomine res aduersas perpeti, pericula audire, labores suscipere. Septimū Dei imperata facere, eique in rebus omnibus dicto audientē esse. Hæc enim (inquit diuus Ioannes) est charitas Dei, ut mandata illius custodiamus, & si quis diligit me, inquit Christus, sermonē meum seruabit, amare ac profe-

qui, quæ Deus iubet, & grata habet, odisse ac fugere, quæ Deus fugit, vetat, & damnat. Nonum, humana omnia despicere, & pro nihilo putare. Decimum, Dei ministros vereri, obseruare, colere, quos qui spernit, Deum spernit, qui audit Deum audit.

Epilogus, numerabit diuina beneficia. Primò, communia, ex 2: de natura deorum non longe à fine. Deinde priuata ex fortunæ bonis, lege Ciceronem 1. Accus. contra Verrem. Excitabis gratitudinem.

#### *De diligendo Deo argumentum.*

**O**rdieris, si videretur à ficto, ut dicas: Si Dei natura oculis cerni possit, futurum, ut ad eum diligendum omnes inflammato studio raperentur, ita ut ab eo diuelli nulla ratione possint. Sed quoniam Deus, neque oculis, neque vlllo sensu percipi potest, & in Dei charitate posita est nostra felicitas, faciendum esse hominibus, ut se inter se, ex ijs, quæ reliquit vestigijs, & amplissimis eius in genus hominum beneficijs ad eum cognoscendum & diligendum inflammant: tum facta modestiæ significatione beneuolentiam conciliabis, & de qua dicturus es proposita, dociles esse, & eius necessitate exposita, attentos facies auditores: denique per apostrophē Spiritus sancti, qui diuini huius amoris fons & caput est, opem

im-



Implorabis imitatione orationis  
pro Rab. perduellionis reo.

Confirmationis primū caput  
erit, Quòd ex omnibus animan-  
tibus solus homo quippè intelli-  
gentiæ, ac volūtatis particeps ad  
cumulum dignitatis procreatus  
est ad diligendum Deum, eamq;  
ob c. usam nobis scientiæ quasi ig-  
niculi & incredibilis boni cupi-  
ditas estingenerata diuinitus qui-  
bus præsidijs, Deo benè iuante  
ad præstantissimam illius, & bo-  
nis omnibus affluentem naturā,  
cognitionem & charitatem aspi-  
remus. Reliquit enim in hac re-  
rum vniuersitate nō obscura suæ  
bonitatis impressa vestigia, qui-  
bus eam persequi & tenere ali-  
quādo possemus. Hic brevis crea-  
turarum enumeratio intexi po-  
terit: ex qua quantum tandē bo-  
num sit Deus, liceat suspicari. Ac  
ne fortè homines posthabito re-  
rum effectore, effectas res ample-  
cterentur: voluit Dominus  
innatum illum amorem beati-  
tudinis tam latè patere, nullis  
vt possent homines creatis rebus  
expleri. Tum exclamatio sub-  
iungenda cum apostrophe ad  
Deum coniuncta: quæ conficiat  
admirationem: & hoc diuinū be-  
neficium exaggeret, qualis est illa  
in 1. lib. Accus. Tantāne Verres,  
&c. Deindè docebis cætera bo-  
na fetilia, breuia, caduca, vnum  
Deum solidum, æternum, sum-  
mum bonum esse, nec mirū Est  
enim fons bonorum omnium, vi-

ta, scientiæ, virtutis, opum, glo-  
riæ, gaudiij sempiterni, in quo im-  
itari licebit locū ex Manliana  
non longe à medio.

Adiunges quasi appendicē hac  
ratione. Mortales cœlestibus ip-  
si pares esse quodāmodo, liqui-  
dem illorū beatitudo est in Dei  
cognitione atque amore cōquies-  
cere, idque exaggeretur ex com-  
paratione hominum cum  
cœlestibus illis Principibus. De-  
nique hunc locū præmio, quod  
est Dei amatoribus propositū, &  
pœna eius contemptoribus cō-  
stituta concludes. Hinc transitio  
ne qualis est in 1. lib. Accus. Vis  
autem & magnitudo horum be-  
neficiorum ex his qui carent, &  
ex ficto demonstrabis per transi-  
tionem similem Ciceronianæ in  
1. lib. Accus. Nolite quæso iudi-  
ces. Ad tertium caput venies  
quā Dei in nos amor continetur,  
qui cum multis rebus ante decla-  
ratus erat, tū non planè per-  
spectus, tū cum nos ita dilexit  
vt Filium suum vnicum daret.  
Ea res ex adiunctis exaggerāda.  
Intestendum in eximia Christi  
in nos charitate, certissimis amo-  
ris argumentis, in quo imitabe-  
ris concessionem illam, quæ est  
in primo libr. Accusat. His ego  
auditoribus, &c. Denique illac  
cedat tanquam cumulus ampli-  
ficationis nostram in Christū cha-  
ritatē maiorem, quā in Reges,  
benemeritos, conseruatores pa-  
rentes, esse debere, in quo imita-  
ri li,



## *Liber quartus.*

ri licebit orationē post reditum ad Quir. Ad extremum per enumerationem perorabis.

Delaberis ad alterum caput de beneficijs diuinis, ac primum de communibus dices. Mundus ad vsum hominis instructus est, ex 2. de natur. deor. & non longe à fine. Deinde de priuatis, id est de fortunæ, corporis, & animi bonis quem locū præmunies more. Ciceronis in 1. lib. accusat.

### *Argumentum orationis de timore Dei, Exordium.*

**I**dcirco pauci ad sapientiæ laudem perueniunt, quod plerique Dei timore careant, qui est initium sapientiæ. Deinde ut exordium totius rei significationem habeat, timoris diuini vim, dignitatem, & commoda breuiter, cursimq; perstringes. Dices enim Dei timorem nihil aliud esse, nisi à diuina maiestate profectum metum lædendi numinis, qui nos ab omni scelere & flagitio deterreat & ad diuinas leges accuratissimè seruandis impellat. Postea attentionem ex significatione modestæ, & beneuolentiæ tibi conciliabis: denique tripartita distributione vtoris, ductæ ex honestate, utilitate, necessitate timoris diuini, ex tract. 5.

### *Confirmatio.*

**P**rimus locus ab honestate, ac præmunio præponenda, quod per angustias temporis

multa prætermittenda sunt. Honestas autem in eo cernitur: primum, quod hic motus ad religionem, virtutem nobilissimā pertineat, quod vt Deo. & parenti amor, vt domino timor habeatur, atq; vt perpetuo hic metus effectus numinis formidinem in animis nostris, ingenerauit Deus. Deinde quod sanctissimus quisque in sacris literis hoc potissimum nomine non sine Dei nutu aut voluntate laudetur, idq; ex eplis Abrahami, Iosephi, Dauidis, Tobie, Simeonis, & aliorum illustrabis, atque adeo Deus ipse passim Vatū vocibus nos ad hunc timorem retinendum hortatur: *Seruite Domino in timore.* Exultate ei cum timore: quæ verba sanè interpretanda & exaggeranda sunt. Idq; ex comparatione maiorum amplificandum. Ad extremum per anteoccupationem respondebis ijs, qui existimant turpe, atque nihil esse perpetuò numen time re: dices non tam eum, à te numinis metum laudari, quod Deum tamquam seuerum dominum formidamus: sed eum, quo tanquam filij parentem vereamur.

Alter locus ab utilitate, quod nos in officio continet, ab omni scelere, flagitioq; deterret à periculis, vel animæ, vel corporis vindicat; sæpè etiam maximis præmijs cumulat, id quod exemplis illustrabis, Iosephiq; cum domina libidini restitisset, à maximis est periculis liberatus, &



in altissimo honoris gradu collocatus. Davidis, qui cum Saulem inimicum acerbissimum interficere posset; noluit, atque ita & se ab hostium infidijs vindicabit, & ad Regnum Deo bene iuvante)peruenit. Iosaphati, qui cum gravissimo bello a Moabit & Syris premeretur, placato numine consecutus est, ut solo tubarum signo hostem profligaret: atque his exēplis veteribus evolutis, recentia pones, Caroli Magni, qui cum Sarracenos in Gallia atque Hispania delevisset, Longobardos Pontificiæ ditioni imminētes devicisset, creatus est Imperator Romanorum, tum primum Imperium à Græcis ad Germanos translato. Huc accedit, quòd vitæ necessaria copie suppeditat, *Timete Dominū omnes sancti eius, quia nihil deest iumentibus Deum.* Quæ vox oratoria tractanda est, idemq; solū est ac fundamentum sapientiæ, quod ex Vatis voce, & appositis illustrabis exemplis, non modo Salomonis qui sapientiā hausit diuinitus, verum etiam Danielis, & sociorum, itemq; Apostolorum, Doctorum Ecclesiæ, atq; in primis Thomæ Aquinatis. Quid quod sedatis perturbationum fluctibus animum tranquillet, mentis oculos ad diuina vidēda pungat & acuatur Quod Danielis maximè exemplo comprobabis. Ad extremum Deo optimo maximo nos charos reddit in

hac vita, & post mortem beatos. Id declarabis vno Lucie & Giliartum Régis exemplo. & literarum literarum vocibus, quæ possim eos qui timeant Dominū, appellare beatos.

Tertius locus à necessitate, quòd infamie legi, & poenarum metus non satis habeat vitium ad prohibendas hominū cupiditates, eosq; in officio continendos, idq; exemplo Lucieciæ confirmabis: seu ex altera parte oppones Susannæ, atq; ostēdes metū numinis hāc vim habere, ut remotis etiā legibus ac poenis homines cōtineat. Ad quē locū assummes annulū Gigis, deinde ostēdes ex effectibus per amplificationē, qui leges perturbat, poenasq; cōtēnit, nō nisi cum diuini metus consideratione coerceri, quod denique qui ex illis euaserint, arctioribus apud Deū vinculis teneantur. Huc accedit, quod metu, vel maximè salus nostracōtinetur: alit enim demissionē animi, cū vtrū odio, an amore digni simus, ignoramus: cautos nos efficit, ut lapsus vitemus, cū tam multos ex sanctitatis penè fastigio excidisse videamus. armatos nos assidue esse debet, & paratos ad præliū, ne quādo humani generis hostis nos opprimat imparatos. Hoc verò maximè optat ille hostis hominū sempiternus, ut nos hoc metu vacui simus. Denique Christus loquens inducetur, & hunc timorē illis verbis suadēs:

*Nolite*



## *Liber quartus.*

*Nolite timere eos, qui corpus occi-  
dunt, timete eum, qui postquam occi-  
derit potestatem habet mittendi in  
gehēnam ignis. Quod augebis ex  
fide, quod vim habeat ex mino-  
ri. Ad extremū conuersa ad Deū  
oratione, hunc metum petes om-  
nium studiosorum nomine, atq;  
ita perorabis. Capita petitionis  
ex tract. 4. desumes.*

*Omnia contemnenda sunt, vt Dei gra-  
tiam promereamur.*

**P**Rimum ostendendū est, quā  
sint omnia caduca, fragilia, le-  
uia, incerta, brevia, quod perspi-  
citur in scientiarū leuitate, in rerū  
naturalium vicissitudine & inte-  
ritu, in corporis morbis & agri-  
tudinibus ac miserijs, varijs quā  
plurimis, in rerū externarū, ac di-  
uitiarū usu fallari, & incerta pos-  
sessione, in animi cura & solici-  
tudine, in iisdem vel comparan-  
dis, vel conseruandis, vel augen-  
dis, postremo in voluptatū fuga-  
citate, in fortunæ, pulchritudinis  
roborisq; fragilitate, in potentie  
bonorum, dignitatumq; lubrici-  
tate, quæ omnia vt talia sunt, nec  
animum explent, appetēda, qui  
censet, ignorat, quod nā illud sit  
bonū, vbi animus requiescit.

Secundō, deinde demonstnan-  
da est illius summi boni, hoc est  
diuinę naturæ, siue ipsius Dei ma-  
gnitudo, præstantia, excellētia,  
dignitas, vt id vnū cognitū expe-  
tamus, & didicimus solum studia co-  
gitationēs, labores, astusque no-

stros vniuersos referamus, profi-  
tentes id vnum esse hominis finē  
& beatitudinem eius quærendæ  
causa; nihil difficile, aut arduum  
existimare debemus. Epilogus  
per enumerationem.

### *Adhortatio æmulationis.*

**E**Xordium ducendum est à tē-  
pore, quod modo instaurata  
studia hoc ipsum orationis argu-  
mentū postulant, vnde Cice. de  
provincijs. Consularib.

Primus locus à definitione,  
quid est æmulatio. Æmulamur ijs  
qui habent, quod nos habere cu-  
pimus, sic fit vt pares paribus, æ-  
quales æqualibus æmulentur, æ-  
mulationem esse communē om-  
nibus artificibus, omnibus studio-  
sis quarumcunque artium.

Si hoc potest in alijs artibus,  
multò magis in his præclaris, ar-  
gumento à minori: nā in alijs ar-  
tibus habet natura, fortunæq; lo-  
cum, hoc nos totum habemus.

Secundus locus: æmulatio nō  
obtrectationē alienarum laudū  
parere debet: est enim ea ad ad-  
mirationem, vel laudationē, non  
inuidiā, sed imitationem: non o-  
diū, sed beneuolentiam, sed amo-  
rem: cursus enim cursu vincitur,  
vt Cicer. 14. Philip.

Tertius locus ab vtilitate, quia  
æmulatio alit ingenia, quæ cau-  
sa est, vt periti vnius artis, multi  
eodem tempore fuerint, Euripi-  
des, & Sapho, Plato, & Aristot.  
Legito Cicer. in Bruto.

Quar-



Quartus locus à damno & incommodo, non enim enituerūt artes, vbi earum non fuerunt studiosi aduersarij, Cicero de diuinatione.

Quintus locus à gloria, quia gloriosiorū est habere, quo cum de gloria, & ingenij laude, & honore certes. Exemplum gladij, qui hebescit nisi utaris. Exemplū Athenarum, quæ multa præclara gesserunt. vbi habuerunt Lacedæmones aduersarios, quibus victis dederunt se se inertia & defidia, &c.

Sextus locus à contratio. Lege Iulianum lib. 6. extremo, vbi agitur de æmulatione Atheniensium & Lacedæmoniorum. Vide etiam Liuium lib. 3.

Peroratio ad amplificationem dictorum excitandi adolescentes ab ingenio, ab ætate, ab hoc tempore, à loco. Improbabis à turpitudine, quod turpe sit vinci: ab æquali, priorem superasse præclarum est Lege orationem pro Sextio.

(-:-)

# VLTIMA CENTVRIÆ PRIMÆ PARS, QVA CHRISTI optimi maximi, & immaculatæ semper Virgi- nis mysteria, Rhetoricis exercitamentis comprehenduntur.

Nē in hoc etiam genere exemplaria deessent, quibus iuuentus ad Dei Matrem, simul etiam ad Filium aspiraret, visum est vltimam nostræ centuriæ primæ partem exemplis subiectis consignare, quæ Redemptoris nostri Iesu, & nullo temporis momento, vel instanti maculatæ Virginis mysteria complectantur.

*De Aduentu Domini nostri Iesu Christi.*

EXordium duci poterit à sacra-  
mentissimo Ecclesiæ Catholice Consilio, quæ ut Domini nostri Iesu Christi memoriam frequen-



### *Liber quartus.*

quentissimè nobis obijciat, dies esse statuit, in quibus singulare aliquod salutis nostræ opus perfectum & absolutum traderet, quos etiam in assiduis supplicationibus consumere solet, quod si paulò diligentius rationem huius inuestigabimus, intelligemus profectò rem hanc cum amplissimis Religionis Christianæ emolumentis esse coniunctam.

#### *Propositio.*

**Q**UA in re ne negligentes, aut remissi videamur, illud quod constanter à nobis fuit receptum; declarabimus. Nos modo quantum hinc fructum facile colligere possumus, intelligemus.

Demòstremus igitur, quomodo Liberatorem nostrum suscipere debemus, deinde quosnam fructus suscipere valeamus. Nemo est, qui si diligenter secum reputet, non facile intelligat, quo modo sit suscipiendus, qui & omnium optimus est, & ad scelerum nostrorum sordes diluendas aduenit.

Si usquam Dei optimi maximi summa bonitas, & clementia nobis comparata est, nunc maxime apparet, cum Deus nos quodammodo, & vera similitudine & cognatione contingit. Deus enim homo homini coniunctus est, Creator creaturæ, Coelestis denique terrestri coniungitur.

Si quondam rudis illa & imperitata Hierosolymitarum turba tanto applausu, animorum gratulatione Christum asinæ insidentem excepit, quanto magis animis nostris sese nouo quodam genere muneris immittentem, illū & venerari, & colere, & complecti debemus. Cōponit se a grotus, ut medicū excipiat, seruus ut dominū, miles ut ducem suum. Ceterū ut id in primis intelligamus, vitia eruenda esse: venit enim Christus non quidē ad eos, qui vitijs, sed ad eos qui virtutibus ornatī sunt. Tu igitur diues, quo vultu pauperē Christū aduentantē excipies. Tu nē superbe, humilē Christū audebis compellare? quod si ille submissis & purgatis animis excipitur, quantis nos beneficijs cumulabit? Nam si mortuos excitat, si surdis audiendi facultatem reddit, si multorum linguas disertas facit, si denique mutilata corpora ad suam integritatē, ac incolumitatem restituit: nonnē nunc animis nostris in pristinam innocentiam restitutis, eius aduentus summos atq; certissimos fructus percipiemus?

Oratio verò nostra concludetur; ut omnes ad spem excitentur: plerique enim Christum sibi ob oculos in Cruce affixum proponere reformidant, aliqui à mortuis excitato terrentur; sunt qui concionantem pertimescunt: at verò puerum in cunis vagientem quis pertimescet? Quis potius



tius ab eo impetraturum non cō-  
fideat? Quam flebilis illi vox, la-  
chrymæ illæ non commovebūt?  
Quis denique puerum pastores  
rusticos admittentem, adire, ac  
salutare non audeat? Denique ac-  
cedat tanquam cumulus ampli-  
ficationis nostram in Christū cha-  
ritatem maiorem esse debere, quā  
in Reges bene meritos, conser-  
vatores & parentes. Lege oratio-  
nem post reditum ad Quir. Quor-  
sum igitur hæc disputatio, ut in  
4. Accus.

*De Natali Domini.*

**P**rimò consideretur quis nas-  
citur.

Secundò, quomodo nascitur,  
id est ex Virgine Matre sine pa-  
tre, in terris oritur, is qui ex pa-  
tre sine matre in cœlis sine prin-  
cipio genitus est. Id probetur à  
simili, & maiori. Primò ex mun-  
di creatione. Deinde ex Adami  
productione. Tertiò ex Eux fa-  
bricatione. Postremò ex eiusdē  
Christi factis, qui & cœlos pe-  
netrauit, & clauso tumultu exi-  
ijt.

Tertiò, quare natus. Primò no-  
stra causa, quod ad ipsius infini-  
tam pertinebat charitatem.

Quartò, quo tempore nascatur  
media hyeme, in summa pace &  
tranquillitate orbis, &c.

Quinto cōsiderentur adiuncta,  
ut paupertas, loci ubi natus est  
qualitas, Angelorum concentus,  
pastorū officiū & adoratiō. Ad-

de, si placet, vatū oracula, Sy-  
billarum vaticinia, &c.

Epilogus conferetur ad gratia-  
rum actionē, ad cultū & venera-  
tionē nati pueri, & ad imitatio-  
nē castimonie, submissionis, cha-  
ritatis, benignitatis, &c.

*De Circumcisione.*

**E**xordium ducetur à fausta &  
foelici ineuntis anni precatio-  
ne, qui agnus quantò foelicio-  
ribus auspicijs nobis Christianis,  
quā Ethnicis olim inchoetur, de-  
clarat hoc Christi beneficiū ho-  
dierno die in nos collatū, quod  
quantum sit, diligenter conside-  
randum videtur.

*Propositio.*

**Q**uam igitur gratiā, quæ do-  
na, quæ munera, ut mos fere  
Christus modo natus largitur san-  
guinem, lachrymas, virtutū ex-  
empla, æternæ salutis ac beati-  
tudinis spem.

*Loci confirmationis.*

**P**rimū explicetur causa, quā-  
obrem circumcidatur, quæ  
causa est multiplex. Prima, ut le-  
gi quā ipse tulerat, pareret. Hic  
tractentur per digressionem lau-  
des obedientiæ desumantur ex  
tractatu 2. de genere exornati-  
uo.

Secunda, ut modestiæ ac sub-  
missionis nobis exemplū præberet,  
dum



### *Liber quartus.*

dam eius legis, qua non tenebatur iugo se subiecit. Hic fiat exhortatio, cuius capita dabit tractatus de genere deliberatio, capitulum ultimum.

Tertia, ut sanguinem suum pro nobis iam inde ab infantia quoque profunderet. Excitetur affectus amoris ex tractatu de affectibus cap. 2.

Quarta, ut doceret nos etiam alio tamen modo esse, ac ratione circumcidendos. Fiat gratiarum actio ex tract. 4. par. 2. cap. 9.

Quinta, ut illorum errorem & audaciam coargueret, qui eum verum corpus induisse negaturi erant: inuectiva in illos, desumptis nonnullis capitibus ex tractat. 4. par. 2. cap. 7.

Sexta, ut Iudæis satisfaceret, quos, si hunc ritum, moremque neglexisset, graviter offendisset.

Septima, ut antiquam legem, cuius interitus mox sequebatur comprobaret. Ante ipsius enim adventum lex illa caeremoniarum sacrosancta habenda fuerat, post verò penitus abolenda.

Secundus locus, quomodo nos circumcidi oporteat? Tripliciter, per iustitiam à vitijs: per memoriam mortis à superuacaneis & non necessarijs: per charitatem ab humanis curis & negotijs: sic fiet, ut tandem à mortuis excitati circumcidamur, & libere mur ab omni ærumna, miseriaque salutem & felicitatem perpetuam consequamur, quam nobis san-

ctissimum Iesu nomen hodierno die diuinitus impositum pollicetur, de cuius nominis magnitudine ac potestate deinceps dicendum videtur.

Magnitudo probatur ex multis. Primò, quia id nomen Deus consecrauit & indidit veteres Patres expectarunt, sancti Patres prædixerunt, Angelus nuntiavit, Apostoli prædicauerunt, Martyres præfitendo propagarunt, Confessores commendarunt, Virgines in eo exultarunt, sancti denique omnes venerati sunt.

Potestas declaratur, quòd hoc nomine cacodæmones exhorrescunt, eiijciuntur, fugantur, exterminantur, morbi pelluntur, mortui ad vitam reuocantur. Alij nominis effectus ex Theologis inquirendi subministrat, nonnulla Gretserus suis de Cruce voluminibus, Orator se se ex aliorum Doctorum præsidio munit.

Peroratio cum adhortatione ad eius nominis cultum, & religionem per vitæ integritatem & virtutum exercitationem, sed enumeratio fiat per singularem earum virtutum, ad quas nos urget & impellit.

#### *De Epiphania Domini argumentum.*

**E**Xordij sententia. Etsi difficile limus est de rebus diuinis verba facere, atque hoc munus non nisi sapientissimo, atque ad dicendum paratissimo concedendum



dum, tamen ego, qui neque doctrina, neque orationis facultate multum valeo, nolim mihi vitio dari, quod ad dicendum de re tanta, quantam hodiernum munus supeditat accedo; nam & ipsius diei sanctitas, atque religio, & eorum imperium, à quorū voluntate discedere, mihi turpe sit, & diuini spiritus bonitas, quæ oramutorum soluit, & diserta facit, ad hanc me prouinciam suscipiendam, non hortatur modò, verū etiam vehementer inflamat, atque impellit, &c.

*Propositiō.*

**I**Taque dicendum est, primum de diuina erga homines beniginitate, ac prouidentia singulari, quam hodiernus dies declarat, tū de Magorum virtutibus: postremò de nostro officio pauca pro temporis ratione dicemus.

*Loci confirmationis primæ partis.*

**D**Ei optimi maximi bonitas, non aicam in hosce tres Magos; sed in omnes gentes, quas error, ignorantia, impietas, superstitio, multis iam retrò actis feculis tenebat se se maximè ostendit, cum hos Magos Balam vaticinio admonuit, nouæ ac prodigiosæ stellæ miraculo excitauit, excitatos perduxit: ad Iudæam perductos confirmauit sapientium testimonio, suo aspectu recreauit, fidei lumine illustrauit,

diuini amoris igne inflammauit, cœlesti denique nuntio in patriā recta via reduxit. Amplificetur beneficium, quia magnum, vnicum sponte collatum, &c. ex tractatu 4. par. 2. c. 9.

*Loci confirmationis secundæ partis.*

**M**Agorum laudāda & admiranda sapiētia in interpretando, intelligendoq; cœlesti signo: diligentia & studium in itinere tam longo, tam difficili & periculoso ingrediendo, constantia in prosequendo, Religio & Fides in Puerō adorando, amor & pietas in munere dando, obedientia in redeundo, vt diuinitus per quietem admoniti fuerant, alia quàm venerant via. Interferatur trium munerum interpretatio, quam tritum illud distichon complectitur.

*Thus, aurum, myrrham, Regiq; hominique, Deoq;*

*Myrrham homo, Rex aurum, suscipe thura Deus.*

*Loci confirmationis tertie partis.*

**D**icendum est primò quomodo nos Magos esse oporteat, hoc est sapientes, ac Reges, vt illorum facta imitari possimus. Reges erimus, si nobis ipsis impereamus, si in nostra ac internæ Rep. ratio regnet, religio imperet, iustitia dominetur, quæ cupiditas

S. leg



## *Liber quartus.*

tes compescat, appetitus coer-  
ceat, motus animi effrenatos re-  
primat, ut nihil cupiamus, quæ-  
ramus, cogitemus, nisi quod ho-  
nestum sit atque diuinum: cadu-  
ca, incerta, humana omnia con-  
temnentes, & nostræ naturæ dig-  
nitati interiora ducentes. Sapien-  
tes tamen demum erimus, cum Deum  
cognoscemus, & multis signis &  
oraculis excitati, inuitati, vocati  
ad illum accedemus, ut benefi-  
cium colemus, ut iudicem metue-  
mus, ut denique rerum omnium  
opificem moderatorem, confer-  
uatorem venerabimur: audiamus  
coelestis sideris vocem, cuius lu-  
men sequati, Christum quæra-  
mus non in rebus externis, opi-  
bus, delicijs, non in forensi stre-  
pitu, aut populari tumultu, non  
in Regijs ædibus, aut ædificiorum  
structura, aut humanarum rerum  
affluentia, sed in Iudæa, in Be-  
thlehem, in stabulo, in præsepi,  
in summa inopia & egestate,  
&c. Et sic demum in nobis inue-  
ntoria munera offeramus, hoc  
est, Fidem, Spem & Charitatem  
aurum charitatis, thus spei, myr-  
rham fidei, vel ea, quæ ex disti-  
cho continentur.

*Aurum mens pura est, thus est affe-  
ctio, flagrat*

*Myrrha simul casti corporis in-  
tegritas.*

Vel bona corporis, vel animi,  
vel externa, vel dicta, cogitata,  
facta, vel pia precatio, corpo-  
ris vexatione, rerum diuinarum stu-

dium & amorem, ut hoc demum  
modo per aliam viam in nostram  
redeamus regionem, hoc est vir-  
tutum via, cælumque petamus,  
quæ nostra est patria. Perora-  
tio non erit alia, quam huius ter-  
tiæ partis tractatio.

### *De nece Domini.*

**E**Xordij locus primus, et si ut  
Paulus monet, Nos in Cru-  
ce Domini nostri gloriamur, & re-  
cordatione tanti beneficii, no-  
stræque redemptionis memoriam  
primis latari oportet, sunt ta-  
men quædam æquæ non leuia, quæ  
hoc gaudium & lætitiā vehe-  
menter perturbent, & ad maro-  
rē & dolorem traducant. Primum,  
causa propter quam Deus filium  
sibi æqualem, innocentem, immor-  
talem morti pro nobis addixit;  
neque enim ita gaudere debere  
mus ob singularem Patris iubentis  
benignitatem, & Filij obtēperan-  
tis ac morientis charitatem, ut non  
etiam maximè doleamus, quod  
tanto Domino nos vilissima, ab-  
iectissimaque materia tot tormē-  
torum & cruciatuum causa extite-  
rimus, siquidem non gaudere, in-  
grati est animi, & non dolere, cru-  
delis.

Secundus locus exordij, et si  
Christi, qui caput est nostrum, vi-  
ua membra sumus, capitis nostri do-  
lorē non sentire omnino non pos-  
sumus, si eius doloris socij sumus,  
erimus enim voluptatis.

Tertius locus exordij. Hodier-  
nus



ntis dies, quæadmodum Iudæis laci-  
titiâ, sed perniciosam attulit, sic  
nobis luctû, & quidē salutarem  
afferre debet, ut cū Virgine Ma-  
ria, & Discipulis vnâ collachry-  
memur, quando etiam moriente  
Domino lapides & saxa frangū-  
tur, tēpli testudo, seu velum scin-  
ditur, sepulchra patefiunt, &c.  
Si ergo muta, & ea, ad quæ mors  
Christi non pertinet, mortē Chri-  
sti lugeat, quo nos animo esse de-  
cet, pro quorum salute Christus  
sanguinem, vitamq; profudit.

*Propositio.*

**E**Rit cōmodissimum, si rē vni-  
uersam non eo quo gesta est  
ordine, sed ex plurimis pauca  
quædam præcipua seligentes ad  
certa hæc capita redigamus, ut  
primū infinitā Christi erga nos  
charitatē, deinde singulārē sub-  
missionē, tū incredibilē patien-  
tiā, postremō harū institutum, &  
tamdiu necis emolumenta.

*Narratio.*

**E**Xordienda est narratio ido-  
neis amplificationibus, excla-  
mationibusq; reliquisq; omni-  
bus ornamentis ad motus animo-  
rum accominodatis.

*Confirmatio primæ partis de  
Charitate.*

**C**haritas demonstratur. Pri-  
mò, si cōsideremus, quis sit  
qui patitur, ex tract. 2. de exor-  
natione. Secundò, pro quibus pa-  
titur, pro vilissimis seruis. Tertiò  
quid patitur, in ediam, sitim, algo-  
rem, & stum, rerum omnium indi-

gētiā, cōtumelias, maledicta, ver-  
bera, reliqua; quæ ad patientiā  
pertinent.

Deinde charitatē hanc declara-  
uit, antequā mortē oppeteret.  
Primò erga proditorē iā pudo-  
re, iā verò terrore, denique sum-  
mi amoris signis in ablutione pe-  
dū, corporis & sanguinis cōmu-  
nionē. Deinde erga negantē Pe-  
trū. Tertiò, erga Discipulos, dū  
maestos cōsolatur. Quartò, in ad-  
uersarios & testes & carnifices,  
etiā Malcho aurē reddit, interfe-  
ctores excusat, latronē cōfirmat.  
Quintò in Matrē, dū eā Discipu-  
lo cōmendat. Sextò, in nos om-  
nes, dū sanguinē pro potu, cor-  
pus pro cibo donat, dū vitā pro  
nobis amittit, dum omnia deni-  
que causa nostra facit. Ex hac tā-  
ta charitate singularis illa & inau-  
dita manauit submissio, quā ho-  
mo factus ostendit in suo ortu,  
in circumcisione, in fuga, in bap-  
tismo, in tentatione, in perpetua  
omnium rerum indigentia, &c.

*Confirmatio secundæ partis de  
Patientia.*

**P**rimò, inuieto animo tulit se à  
discipulo, de quo tamē erat be-  
nemertus, prodi, vēdiq; vilissi-  
mē. Secundò ad mortē rapitur  
innocens iuuenis. Tertiò, pa-  
tientie magnitudo declaratur  
ex vi doloris, quem pavor & su-  
dor sanguinis ostendebat in hor-  
to. Quartò comprehenditur,  
constringitur, deseritur a suis, ra-  
pitur ad iudices iniquissimos.

S 2

Quin-



## *Liber quartus.*

Quintò accusatur à calumniatoribus, vrgetur à ministris, spinis transfigitur, rapitur, impellitur, pugnis & calcibus traditur, conspuitur, irridetur, ceditur. Sextò Crux imponitur humeris, vt plagis & verberibus cōfectus portet. Septimò à nullo defenditur in tantis malorū angustijs, ab omnibus destituitur, vt nec in tanta hominum, quos tot modis ipse iuuerat, multitudine, vltus sit inuentus, qui vel vnū pro ipso verbulum fecerit. Octauò, damnatur in dicta causa, & populari furori ac temeritatē traditur. Nonò, tandem in Crucem tollitur, ex omnibus corporis partibus sanguis profluit. Decimò, in loco infami atq; deformi, & squalore horrido, vniuersa spectante multitudine, & morienti insultante Cruci suffigitur. Vndecimò, nudus pendet, vt ipsius paupertas, & humanarum rerum contemptio demonstraretur. Duodecimò, in tantis supplicijs quapotione recreatur, aceto & felle: vide inhumanitatem & feritatem Iudæorum, vide patientiam Liberatoris. Decimotertio, Matris aspectus dici non potest quanto pere morientis vrgeret dolorem. Decimoquarto, quibus circumstantiis verbis, vt ceteri penè moribundi subleuantur, conuicijs, cōtumelijs, maledictis. Decimoquinto, scūitur in mortuum, pectus lancea transuerberatur, corpus precibus redimitur, vt se-

pultura mandetur.

### *Confirmatio tertiæ partis utilitatis.*

**P**rimò sublata sunt per Christum inimicitia nostra. Secundò, erepti sumus à misera seruitute, & asserti in libertatem filiorum Dei. Tertio, fregit impetus dæmonum. Quarto, inferos spoliat. Quintò, nos informat ad obedientiam, charitatē, mansuetudinem, patientiam. Sexto, Angelicam naturam instaurat. Septimò, mortem illustrat. Octauò, septem vitia capitalia tollit: inclinato capite sustulit superbiam, apertis ad amplexum brachijs, inuidiam evertit: erogatis omnibus quæ habebat, auaritiā extinxit: festinatione & celeritate ad mortem, pigritiam: miti responsione, iracundiam: aceti felle; potione, intemperantiam: transfixo pectore libidinem perdomuit. Denique dedit nobis carnem pro cibo, sanguinē pro potione, animam in pretium, aquā pectoris in lauacrum: dedit vestē tortoribus, corpus discipulis, Matrem Ioanni, spiritum Patri.

### *Epilogus.*

**H**i sunt Christi domini cruciatūs, hi dolores, hæc charitas, &c. Fiat exhortatio ad imitandum, reprehensio pro ingratitudine, solatium pro spe, &c.

S

De



*De admirabili & gloriosa Christi  
anastasi, vel de Christi ab infe-  
ris exsurgentis gloria.*

**E**Xordium duci potest ab of-  
ficio, & grati animi memo-  
ria & benevolentia, quam Chri-  
sto debemus, vt cuius acerbissi-  
mā mortem, luctu, dolore, gemitu,  
lachrymis, paulò ante prosequuti  
sumus, nunc eius vitam tā  
magnificē, gloriosēq; reuocatā,  
omni studio, religione, honore,  
gaudio excipiamus, atq; ad hāc  
lætitiā, pietatē, alacritatē, an-  
nua nos consuetudo sacrorū cæ-  
remoniā, ritus hortantur. Quid  
enim aliud sibi volunt tam læta,  
& gloriosa cantica? Quid tēplo-  
rū apparatus atq; ornatus? Quid  
populi Christiani tacita quædā  
hilaritas, & exultatio? Quā qui-  
dem vt in se experiri posset, at-  
que sentire, quis non se expiatis  
criminibus comparauit? Eo enim  
hæc vetus & salutaris sacrosan-  
ctæ Ecclesiæ consuetudo, cura,  
studium, cogitatio spectat, vtcō-  
pressis, domitisq; cupiditatibus,  
omnes qui Christianis sacris ini-  
tiati sunt, sine vlla animi labe, vi-  
tiorumq; contagione, sic vitam  
instituant, vt pulcherrimū & am-  
plissimum illud, & bonis omni-  
bus cōmune præmiū, gloriā, &  
immortalitatem consequantur.  
Quo circa eos omnes dies poste-  
ritati sacros, solemnesq; esse ma-  
iores nostri voluerunt, quibus  
aliquod salutis nostræ myste-

rium contineretur, vt proposita  
ob oculos Christi seruatoris exē-  
pla diligentissimē prosequere-  
mur. Cum verò multi dies nobis  
quotannis suo ordine permulta  
diuinitus concessa beneficia re-  
præsentant: tū certē nullus il-  
luxit, qui gratior, & sanctior no-  
bis esse debeat, quā ille, quo fu-  
sis, fugatisq; immanissimis hu-  
mani generis hostibus, Christus  
optimus maximus pulcherrimū  
præclarissimumq; salutis, vitæq;  
sempiternæ trophæum erexit.  
De quo cum sit mihi hodierno  
die dicendū, quæso à vobis, &c.

*Propositio.*

**N**E autem in tanta rerum co-  
pia, atque in tam amplo, la-  
toq; campo incerta & vaga fera-  
tur oratio, ad tria illam capita re-  
uocabo. Et primum tam glorio-  
si facti veritatem exponam. Tū  
necessitatem demonstrē. Po-  
stremò, gloriam, magnitudinēq;  
confirmem.

*Præceptum Rhetoricum:*

**H**ic exercitamento nō om-  
nes loci argumenta submi-  
nistrant: vt enim in omni terra  
non generantur omnia, sed res  
diuersæ in diuersis locis: ita non  
quoduis argumentum vndique  
venit.

*Loci ad confirmandam primam  
partem.*

**P**Rincipio igitur Christi seru-  
toris facta non humanæ ratio



### *Liber quartus.*

nis ex nihilo perperere, aut pō-  
dare, neque naturę iudicio, aut vi-  
rius et timore deberemus. Est e-  
nim statissimū his naturę angu-  
stis limitibus, aut rationis le-  
gibus inueniatur, atq; infinita-  
tē & inōprehensam illā poten-  
tiā in mortalis Dei definire, qua-  
si nihil facere, aut potuerit ac de-  
buerit, quod vel nostrā intelligē-  
tiā superet, vel naturę fines egre-  
diatur, atq; transcenlit. Itaq; ea-  
dem potentia Christus hodierno  
die, stupente natura reuixit, & à  
mortuis victor mortis ac trium-  
phator extitit, quæ olim hanc re-  
rū vniuersitatē ex nihilo finxit,  
qui idē sine viri opera; ex Virgi-  
nis vtero mortalis homo in lucē  
prodiit, qui denique ipse verē  
Deus & homo tot mortuos ab in-  
feris nupere excitauerat, seq; Deū  
esse, & naturę parentē, atq; hu-  
manę mentis & rationis opificē  
tot signis, prodigijs, miraculisq;  
dēclarauerat. Quāobrē vt hāc suā  
Anastasiā, qua spes omnis no-  
strę salutis & beatitudinis cōti-  
nebatur, illustrem posteris relin-  
queret, voluit eā multis argumē-  
tis cōprobare & cōfirmare, atq;  
ita confirmare, vt omnē penitus  
dubitationē ex animis tolleret.  
Primū igitur res hęc tanta per  
Angelos probata est, in quos mē-  
daciū cadere non potest. Hi mu-  
lieribus Christum in sepulchro  
quærentibus, ibi esse negarunt,  
& reuixisse confirmarunt. Dein  
de huiusce rei sunt locupletissi-

mi testes ipsi Iohanni, à quibus ap-  
positi custodes ad obseruandum  
tumulū repentē conterriti, atq;  
vrhem ingressi, Principibus sa-  
ctū renuntiarunt. Tertiō, Chri-  
stus verē se reuixisse ostendit,  
dū in oculis Discipulorū come-  
dit, dum se eisdē tractandū præ-  
buit, cicatrices ostentans. Quar-  
tō, quidquid toties visus est suis?  
Quod Mariam-mœrore, luctu,  
squalore confectam, incredibili  
amore & desiderio Magistri fla-  
grantem & languentē vltro affa-  
tur & consolatur. Quod itē san-  
ctis mulieribus à sepulchro re-  
deuntibus palām se se ostendit?  
Quod Petro separatim, quod itē  
duobus Discipulis iter facienti-  
bus, quod alijs cunctis domi se  
continentibus, & Iudæorum fu-  
rori cedentibus, obseratis fori-  
bus visus est? Quod ijs idem nūc  
ad mare Tiberiadis piscantibus,  
nunc in monte Thabor, consistē-  
tibus, nūc in vrbe Hierosolyma  
commorantibus se rursus osten-  
dit? Quæ autem certiora, firmio-  
raq; argumenta eius facti profer-  
ri possunt aut inueniri, quam si  
post mortē viuus oculis hominū  
cernatur, si Angelorum vocibus  
& testimonijs viuus prædicetur,  
si denique ad omnē dubitationē  
tollendā ipsemet Christus, & se  
verē ab inferis extitisse & reui-  
xisse demōstret, & cicatrices ad-  
uersas ostēdat, & discipulorū ma-  
nibus se tractandū præbeat, & illis  
inspectatibus mortali cibovesca-  
tur?

Locī



*Loci secunda partis.*

**N**ecessitas probatur ex causis propter quas Christus reuixit, quarū prima est, vt vaticinia cōficerētur atq; cōprobarētur. Tunc enim per anastasis gloriā renouata est vt aquileiuuētus Christi: tunc leo suū catulū suscitauit, tunc phoenix reuixit, tunc Ionas ex ventre cete incolumis extitit: tūc cādelabrū opertū est auro, tunc quod collapsum erat Dauid restitutū est candelabrū, tūc Sol qui nubiluserat obiectus depulsa caligine statim resulsit. Tunc Samson portas cū postibus euulsas asportauit, tūc Iosephus ē carcere eduētus capillū totondit, totiq; Aegypto prapositus est. Secūda causa est, vt quē nostrē salutis auctore, vitæq; parēte agnouimus, in quo nostræ incolumitatis prēsidiū collocamus illū immortalē quoq; sciremus, vt quē mors paulō ante hominē demonstrauerat, eū hodierno die anastasis Deū nobis, mortisq; victorē ostēderet. Qui enim superata morte ad vitā suā vi redit, nō potest esse mortalis, sed vniuersæ naturæ opifex, dñs, moderator, ac Deus sit, necesse est. Tertio, vt nos hoc exēplo cōmoti ad virtutē & ad bene, beatēq; viuēdū ex cōscelerata, mortitæraq; vita emergeremus, atq; excitaremur, & vitijs mortui, virtutibus deinceps viueremus. Quarta, vt futurā mortuorū anastasis, designaretur sic enim inquit D. Paul. si Christus nō resurrexit, inanis est

fides vestra, inanis prædicationostra: & si mortui nō resurgūt, miserabiles sumus omnibus hominibus. Quinta, vt potētia suæ diuinitatis ostēderet. Etenim ad vitā mortuos reuocare nō est humanæ naturæ, sed diuinæ potestatis. Sexta, vt nos ad reiū humanarū contēptionē, & ad æternæ gloriæ atq; beatitudinis studiū excitaret, vt cū Christo tanquā ē mortuis suscitati, ne posthac pecudū more terrā spectemus, ne vē humi repamus, aut rebus caducis incubemus, sed ingenitē nobilitatis memores, erecto animo æterna cogitemus, cœlū suspiciamus, ad diuina remis velisq; (vt dicitur) contendamus. Septima, finge Christū nō reuixisse, tunc ipse per vatē interrogauit: Quæ utilitas in sanguine meo, dū descēdero in corruptionē? sic enim multis nominibus ipsa mors Christi esset inutilis: tū quia facilē cōtēneretur, sicut aliæ, quæ naturæ mortalis necessitate sanctis hominibus acciderūt, tum quia nemo inueniretur, qui eā imitari auderet, cū ipsum filiū in morte à patre destitutū, desertūq; conspiceret. Nūc verò cū Christus ad vitam redijt, Dei iustitia in laboribus pro eius nomine susceptis remunerādis enituit, omniaq; aduersa quæq; difficilia, laboriosa, ardua; exstimātur, pro Dei gloria & religione perpeti ac superare facillimū tā & tenuissimum est. Testes sunt sancti martyres, quibus cruciatus & tormenta iucū



### *Liber quartus.*

diffima fuisse nō dubitamus, dū illorū alacritatē, animi magnitudinē, constantiā atq; hilaritatem inter ipsa verbera, & virgarum crepitus, inter flammarum globos, inter micantes gladios, inter bestiarum dentes, inter dolores denique atque mortē, hac Christi anastasi, & spe futuræ beatitudinis videmus.

#### *Loci tertiæ partis.*

**G**Loria spectatur in modo atque potentia. Modus is fuit qui admirationē, stuporēq; afferat: breui enim reuixit, tertio nimirū die, deinde amoto tumulto. Tertio perfectē. Quarto magno stipatus comitatu sanctorū hominū, qui eius iussu ab inferis exiuerunt, ad vitāq; redierūt. Postremò, ita demū reuixit, ut nūquā postea sicut ceteri moreretur. Potentiā declarat, magnitudo victoriæ. Vicit enim multos, atq; atrocissimos, atq; immanissimos hostes Iudæos, cacodæmones, mortē, dolorē, erumnas. Iudæos quidē perculsos intelligimus, dū vigiles, custodesq; terri sunt, gens tota patrijs sedibus expulsa, & per orbē vaga atque profugam misera seruitute oppressa est. Cacodæmonū porro princeps cū satellitibus Regnū quod per vim, seu potius per tyrannicā fraudē occupauerat exactus, id quod illo Christi oraculo futurū sperabatur. Iam Princeps huius mūdi ei jectur foras, ad quod non solū quos tenebat captiuos coactus est reddere, verū etiam

debilitatis viribus, afflictisq; corporijs, attritis opibus, in vincula ipse coniectus, acceptā cladē deplorat. Tū mortē, quæ antea nobis miserē, atq; indignē dominabatur, idē Christus moriendo pertulit, ut vitā resurgendo repararet. Postremò dolores & ærūnas, quas tantopere fugiebamur, ipse fortiter & alacriter perferendo, suaves & optabiles fecit.

#### *Peroratio.*

**Q**Uæ cum ita sint, quis dies est tam religiosus, tā illustris, tā faustus, tam sanctus, ut sit cū hodierno beneficiorum magnitudine, ac numero cōparandus? Horum verò beneficiorū, quibus hic dies nos cumulauit, partim ad animū, partim ad corpus, partim ad salutē atque æternitatem pertinent. Subijciatur enumeratio horū beneficiorum succincta & breuis, quæ auditorum animos permoueat, ut cum beatitudine & immortalitate nihil præstantius, atque optabilius esse intellexerint, nullo labore frangi, nulla inani spe decipi, nullo periculo deterreri, nullo denique metu reuocari possint, quo min⁹ ad eā persequendam, atque adeò consequendam omnem operam, industriam, cogitationem denique conferant.

#### *De reuerfione Christi ad cælū.*

**E**Xordium vel à tempore, vel à re. Narratio continere debet facti expositionem, locum, tempus, modum. Locus fuit montis Oliueti. Tempus, quadragesi-

m o



mo die. Hic de numero quadragesimo dicenda nonnulla. Modus significatur in Euāgelio. Legatur & perpendatur sacer textus. Deinde subiiciendę causę reuerſionis. Prima, vt sanctus ille & diuinus Spiritus interras mittetur. Secunda, vt discipulorū immoderatus amor erga humanam Christi naturam ad eiusdem diuinitatem attentius contemplandam traduceretur. Tertia, vt maiori desiderio eius absentis tenerentur Apostoli. Quarta, vt à Deo Patre debitam sibi confecti certaminis coronam Christus acciperet. Quinta, vt in nobis excitaret cōfidentia, &c. Sexta, vt veteris instrumēti verbis res gestę responderent, quemadmodū Eliseus igneo curru in cœlum ex hominum oculis sublatus, & Enochus à Domino raptus: exornatus atq; honoratus in Ægypto Iosephus.

Deinde describetur Christi ingressus in cœlum, quo comitatu ascenderit, quanta lætitia, gratulatione, admiratione, plausuq; omnium beatorum.

Demonstremus quibus verbis causam humani generis Christus egerit apud Patrem: ostendens cicatrices corpore exceptas, & cætera commemorans, quę hominū causa pertulit, &c. Succedet eiusdem interpellatio pro nobis, quo Spiritus sancto ditemur. Subiiciatur liberalis responsio Patris.

Conuertatur ad morū conformationē, vt quemadmodū accendit, sic nos à rebus terrenis & humanis ad cœlestia & diuina mentē, cogitationē & studia conuertamus. Non licet nobis ab Apostolorū imitatione discedere, &c.

*De Aduentu Spiritus sancti.*

EXordiū duci potest ab eius inuocatione. Narratio statuetur, quę contineat rei gestę expositionem.

Tum causę facti adiiciantur.

Prima est hominū salus, Deiculus atq; religio, quā diuini Spiritus munere atque ope accepimus. Secunda in terras Spiritus ille descendit, vt eorū qui sapientes habebantur, stultitia conuinceretur, comprimeretur insolentia, vt philosophorum arrogantiam & superbiā coerceret, vt insolentiam & vanitatem coargueret, & denique vt piscatores, homines rudes atque idiotę totius orbis Doctores, & philosophorum Magistri efficerentur. Adidit linguarum cognitionem, vim signorū, potestatemq; prodigiorum, &c. Tertia, venit itē hic Spiritus, vt Dei opt. max. inuificentia atque beneuolentia in humanum genus tanto, tam nouo, tamq; inusitato munere ostenderet.

Quarta, vt eius infinita vis & sapientia nobis pateret, qui tam repente Apostolos tales, tāque sanctos reddere, & sciuit, & potuit,



## *Liber quartus*

tuit, ne deessent nobis Duces, & pastores, &c.

Posthæc dicetur de tempore, quo Spiritus sanctus aduenit, & de illius aduentus circumstantijs.

### *De admirabili Eucharistia Sacramento.*

**E**Xordiū sumetur à tempore, quo huius Sacramenti institutio, anniuersario cultu, & supplicationibus, sacrisq; & agitur, & celebratur.

Post exordiū proponatur huius sacramenti dignitas Eucharistia, & laus quæ ducetur ab eiusdem cum reliquis sacramētis collatione, deinde à mysticis veteris Testamenti testimonijs, qualia sunt arbor vitæ, agnus Paschalis Manna, Panis mysticus Melchisedech, panis subcinericius Eliæ A fructibus, & eius effectibus, quæ sunt duodecim.

Primò hominem cum Christo quam artissimè coniungit. Secundò, Angelorū conuiuium con dignum facit. Tertiò, animū reficit ac recreat. Quartò mentē illustrat. Quintò peccata condonat. Sextò in virtutibus eundē consummat ac roborat. Septimò, Fidem communit. Octauò pietatem, cultum Dei, religionēq; auget. Nonò, animi perturbationes sedat ac temperat. Decimò, spiritum erigit. Undecimò, Charitatem animis excitat, & excitatam tuetur. Duodecimò, contra denique humani generis hostem

instruit atque armat. Quibus omnibus explicatis subiicietur epilogus cum adhortatione ad huius tanti Sacramenti vsum, vt extract. 3. cap. 7.

### *Aliud eiusdem argumentum.*

**E**Xordiū à latitia tanti diei, vbi sanctæ Matris Ecclesiæ ordinem demirabimur.

#### *Propositio.*

**D**E huius Sacramenti magnitudine ac dignitate, tum de effectis verba faciam.

Narratio subiicietur, Quonā tempore, ante supplicium. Quo vè modo in cœna institutum fuerit. Quod significabat manna filiorum Israel in illis deuijs montibus, cum nihil aliud sibi velit nomen hoc, ac Quid est hoc? Est prodigium profectò, vt qui toto mundo non capitur, pane & vino circumscribatur.

Secundò, est cœlestis panis, qui de cœlo delapsus fuerit, ac quo de cœlo, &c. Fiat comparatio cum primo manna, nostrum quidem a Cœlo Empyreo delapsum, panis Angelorum, &c.

Tertiò circumstantias cōsidera. Quartò, personæ in Sacramēto contentæ attributa.

Quintò, quæ nobis inde beneficia.

Sexto, quæ nobis rependenda gratia.

Tandem alia plura ex 2. & 6. tract. considera.

Ter-



*Tertium eiusdem argumen-  
tum.*

**O**rdi licebit per anticipa-  
tionē huius mysterij, quod  
hoc in primis mysterium sacro  
sit dignum silentio. Dices te ad-  
ductum esse, ne grati desit animi  
significatio, &c. Deinde atten-  
tione conciliata, ingredieris ad  
dicendum:

Ingressio ducetur ad dubitatio-  
ne propter rerum quæ occurrūt  
multitudinem, Imitatione pro  
Roscio Amerino, Tamen ne va-  
getur oratio, ostensurū te à Chri-  
sto vna opera sacrificium atque  
epulum omnium posthominum  
memoriam præstantissimum in-  
stitutum, atq; huius sacrificij præ-  
stantia amplificando ostenden-  
da est ex usu sacrificij: cum enim  
soli Deo debeat atq; adhibea-  
tur, & ad cultum quippe summo  
Domino, & ad gratias agendas,  
bonorum scilicet omnium largi-  
tori, & ad veniam, beneficiaq; im-  
petranda, nimium à supremo re-  
ctore ac moderatore orbis terra-  
rum in hoc, & incredibilis quidā  
cultus Deo tribuitur, cum cœle-  
stis ille agnus immolatur, & gra-  
tiæ cumulatiſsimæ aguntur, si-  
quidē id offertur, quo nihil Deo  
esse gratius potest.

Secundò, fiat comparatio hu-  
ius sacrificij cum alijs Ethnico-  
rum & Iudæorum ita: comme-  
morent Ethnici, inirentur, ef-  
ferant, dignum afferant sacrifi-  
cium, &c. Proferant Iudæi holo-

causta, oblationes, &c. Iadent  
vaccarum sacrificium, gloriën-  
tur plus viginti milia bubum &  
ovium esse immolata: siquidem  
illæ pecudes, hic diuinus ille Ag-  
nus immolatur, illi singulos  
suos usus habebant: hoc vnum  
omnes omnium usus complecti-  
tur illa vno tantum in loco, nec  
ita sæpè: hoc propemodum in-  
finitis & quidem quotidie cele-  
bratur: illa cruenta, & visu sœda  
& ignibus imposita, nidore &  
foetore templa complebant: at  
hoc incruentum, &c. Hinc exclamatio  
subijcienda plena admira-  
tionis. Tum adhortatio, vt autē  
tē & libenter tam diuino sacrifi-  
cio inter sint.

Deinde venies ad alteram ora-  
tionis partem, in qua docebis nō  
sacrificium modo nobis relictū,  
sed etiam epulum datum planē  
singulare atque diuinum, quod  
exaggerabis comparando cum  
magnificentissimis, atque exqui-  
sitissimis epulis Regum atq; Im-  
peratorum, cum Regis Assueri  
epulo, &c. Christus enim omnes  
suas opes in hoc contulit, & id  
voluit, quā maximè esse diu-  
turnum.

Hinc eius cibi, qui in hoc epu-  
lo apponitur, declaranda est præ-  
stantia comparatione vitalis ar-  
boris, panis propositionis, agni  
Paschalis, imitatione loci in 6. li-  
bro accusat. in Verrem. Tum ad-  
hibita præmunitione, quæ est in  
Maniliana.

*Ter-*



### *Liber quartus.*

Tertio; de summo erga nos Christi amore dicendum; qui cū nostra causa esset discessurus ē vita; nec vellet à nobis, quos eximie diligebat, discedere, rem novam & ante eum diem inauditā inijs rationem, vt abiret pariter, & maneret. Deinde sustentatione exaggeranda ex 7. in Verr. hoc modo expectare mihi videmini, &c. Sed fingite vos nescire, &c. Cuius hæc erit conditio, vt non modo nobiscum, verum etiam in nobis singulis esse possit, se cibi specie reliquisse, &c. Subiungenda exclamatio plena amoris & admirationis, & per ironiam hominum indignitas demonstranda, vt magis appareat tanti amoris ac beneficij magnitudo. Lege orationem pro Quintio. Deinde succedet Apostrophe ad Christum.

Quarto descendes ad miracula quæ in hoc sacrosancto mysterio cernuntur. Primò manet odor color, sapor panis, non manente substantantia. Secundò, simul in cœlo & terris intenitur. Tertio, editur à Christianis, verum non absumitur. Quarto, fracta specie, non frangitur. Hic exclamatio plena admirationis per hypotyposin ex 7. in Verr. Deinde hortare, vt amori respōdeant, & per licentiam rem augebis ex oratione pro Fonteio. Adde Ecclesiā tanti esse beneficij memorē. Denique fiat Prosopopœia Angelorū cum Apostrophe ad Christi-

stū, qui nostris nō deterretur offēsis. Hinc epilogus, vt in Miloniana.

#### *De Natali Beata Virginis.*

EXordiū duces à cōparatione, siue exēplo à minori ad maius. Nonnulli antiqui summa cura & hilaritate celebrauerūt dies natales suorū Regū & Imperatorū, quanto maiori cū lætitia & animorū gaudio, viri Christiani celebrare debent natalem Virginis Matris, quæ hominū est Domina, Angelorū Regina, & summi Dei mater. Hoc exēplū amplificatū, positis Regū & Imperatorū exemplis, tū ornamentis verborū & sententiarū. Post propositionē & attentionis comparisonē sequatur confirmatio, cuius loci hi erunt.

Primus igitur à vaticinijs, præsignificationibus, adūbrationibus Prophetarū, Regū, Patriarcharum, quæ quidem vaticinationes declarant summā huius Virginis sanctitatē, ab omni etiam originali macula semper liberā, atq; hæc vaticinia ad hunc ferè modū expones. Hodierno die Aud. exoritur illa augusta celi, terræq; Regina, quæ nobis summi Dei filiū peperit: hodie nascitur illa præpotens Domina rerū, quæ soli foelicissimum istud nomen inter mortales meruit, vt Virgo & Mater appellaretur. Et enim prægnans Mariæ virginitas, eundē nobis cōdidit de homine hominē citra corruptionē, qui



qui sine corpore de Deo Patre, Deus absque initio nascitur, sine fine nasciturus. Consideretur, quorum effectuum futura sit causa ex tractatu primo cap. 9. Fiat effectuum amplificatio ex tractatu 7.

Secundus, hunc locum vaticinijs varijs illustra, & verborum sententiarumq; ornamentis. A genere, nam à Regibus & Prophetis duxit originem, à quibus etiam hæc Virgo fuit prædicata.

Tertius, à parentibus Ioachino & Anna, qui fuerunt virtute & pietate præstantes: atque in hoc loco breuiter narrabis, tum parentum mores & virtutes, tum Virginis Conceptionem & ortum. Lege tractatum secundum cap. 1. & 11.

Quartus, à Natiuitate, nã prius illius vtilitates & fructus maximos, qui ex illa prouenerunt, commemorabis: deinde pulchris sententijs; Apophthegmatibus Doctorum Ecclesiæ amplificabis natalem hunc Beatę Virginis. Nam Virgo hæc vt Eua ad peccatum maritum alliciens, cau- sa fuit mortis, sic ipsa Genito Christo redemptionis salutaris. In hunc locum transferas multa ex sermone Diui Augustini. Fiat comparatio vtilitatum, quas B. Virgo inuexit in orbem terrarum, cum ijs quas cætera quæ supra & infra cœli ambitum sunt, inuexerunt. Loci comparatio-

nis de sumentur ex tract. 1. cap. 10. Genera vtilitatum ex tract. 3. cap. 3. & 6.

Quintus, ab educatione, nam sanctè & piè fuit educata, & inter virgines in templo fuit constituta, vt commodius Dei & Angelorum frueretur familiaritate, & à prophanarum mulierum societate esset separata; nam talem Matris Dei decebat esse institutionem, & educationē, quæ etiam Regina & magistra virginum erat futura, & omnino ad Apostoli institutionem formabatur. Erit hic igitur locus communis de recta institutione.

Sextus à studijs pueritiæ, nã literas diuinas à pueritia diligenter relegerat, in Prophetis & vaticinijs venturi Saluatoris gaudebat. Amplificentur affectus, qui essent in Virgine, tum erga Deum, tum erga homines, ex tractatu septimo.

Septimus, à castitatis studijs, quòd tanto tenebatur castitatis desiderio, vt prima omnium sine exemplo virginitatis votum nuncupauerit. Vnde tandem superueniens Spiritus sanctus virginem illius corpus consecrauit templum diuinę Trinitati, & eiusdem illi beatum vterum, officinam, & tabernaculum fecit admirandi partus, quæ nobis prodidit omnibus spectaculum seruatore Iesum Christum.

Tandem venies ad perorationē, in qua cohortaberis auditores ad quæ-



## *Liber quartus*

quatuor potissimum, nimirum ad laudes, honores, invocationem, & imitationem Dñe Mariæ Virginis in quibus potissimum consistit summus illius cultus.

*De beatissima Virginis Matris Dei in celum Ascensu exordij sententia.*

**D**olor an lætitia debeat occurrere dubitet quispiam? Illius si quidem Virginis sanctissimæ, castissimæ, & humani generis conservatricis discessus commemoratur, cuius salutaris, diuinæque præsentia hic inferior orbis recreari, atque exhilarari solebat. Quæ igitur in eius profectioe potest esse nobis causa lætitiæ? Lugendum potius videtur, quam plaudendum. Gaudeant, lætentur, exultent ipsi cœlites, & beatorum animorum cœtus, qui nunc illius, præsentia, aspectuque iucundissimo perfruuntur. Si enim salutaris Mariæ vox ipsos etiam exultare & gaudere fecit, qui maternis adhuc visceribus clauduntur, quanta demum voluptate illas cœlestes animas & sempiternos spiritus perfusos putabimus, qui eius & vocem audire, & diuinum os videre, & conspectu oblectari cœperunt? Nonne igitur consequens est, ut cuius præsentia cœlum exultat, eius nunc absentia terra deploret? Cesset tamen (inquit vir sanctus) cesset querela nostra, quia nec nobis est hic perpetua habitatio, aut per-

manens ciuitas, sed eam inquirimus ad quam hodierno die Maria Virgo peruenit, in qua si ascripti ciues sumus, æquum profectio est etiam in exilio, etiam super flumina Babylonis nos eius tenere memoriam, eius aliqua ex parte sentire lætitiæ, eius refici gaudijs, eamque potissimum, quæ tam copioso impetu hodie lætificat ciuitatem Dei, huius diei sanctitas & religio, tanto reliquis omnibus præstat diebus, quanto Dei Mater, beatis omnibus antecelluit, tanto etiam studiosius, ac religiosius eam colere, venerarique debemus, quanto plura huius diuinæ Virginis, & maiora in nos existunt promerita, & beneficia. Adde, quod secundum Deum in cæteris, beatisque cœlestibus aliquam, in Dei verò Matre totam spem nostræ salutis & beatitudinis collocare nos decet. Cui quidem spei & sanctissimis optatis populi Christiani longè facilius, & cumulatius respondebit, in cœlum sublata, ubi tanquam iudicij mater & misericordiarum, & ad supplicandum, & ad conficiendum nostræ salutis negotium, vim necessariam adhibebit. Ascendens enim in altum beatissima Virgo, ipsa quoque sicut Filius dona hominibus largietur, siquidem nec facultas ei deesse poterit nec voluntas. Regina cœlorum est, misericors est, benigna, liberalis, benefica, denique immortalis & præpotentis est Mater, cui nihil negare filius potest. Quapropter etiam eius meritis & digni-



dignitatē parē orationem afferre nullo modo possumus, vt tamen eā pro nostrā facultatis tenuitate laudibus hodierno die prosequamur, & ratio, officiūq; grati animi, & dies denique festus ac solēnis postulant, contendunt, efflagitant. Quare, &c.

*Propositio.*

**P**rimū de felicissimo Matris obitu dicendū, deinde de professione in cœlū, magnificoq; triumpho, rū de singulari honore, gloria, beatitudine. Postremò, de sūma erga nos benignitate, amore, patrocinio.

*Loci prima partis.*

Christi Mater, post filij discessum promiscuē ū Apostolis in schola virtutū, & meditatur legē diuinā, vt ipsa sit forma Christianæ disciplinæ, & virginibus exemplū integritatis & sanctitatis: versatur cū testibus actorū & miraculorū Christi, quorū & ipsa est locupletissima testis. Versatur cū cœli Senatoribus sub sancti Spiritus disciplina. Est enim dignissima erat, quæ filiū in cœlū ascendentē prosequeretur, tamen nescitis Ecclesiæ causā, ad certū tempus inter mortales relicta est. Primū propter Discipulorū reliquorūq; Christianorū solatiū, deinde vt Christi res gestas doceret scripturos, & adiuuaret. Postremò, vt Christi religione imbuti, cōstantiores essent in perferendis iniurijs, & umnisque,

in obeundis periculis, in superandis difficultatibus & reclusa aduersis, quibus etiā ipsam Dei matrem obnoxia, expositamq; intuerentur. Dici enim non potest quantopere illius fortitudine, constantia, robore animi Christiani consumarentur, & admirandam incenderentur: studio & ardore incredibili experiendi & perpetiendi quæcunque Christus Dominus illis euentura prædixerat. Quapropter cum annis pluribus à Christi discessu beata Mater superstes in terris fuisset, vt in cœlū migraret, mortem experta est. Quid ita? mors siquidem pro pœna peccati homini inflicta est: quod quidem peccatum in Dei Matrem nullum omnino cecidisse certum est neque diuinæ iustitiæ consentaneum est, vt ibi sit pœna, ubi culpa non fuit. Cur ergo ceterorum hominum morte voluit Deus suā Matrem mortē sentire? Nemo enim dubitat, quin hodierno die ex hac vita migraverit, & eius anima mortalitatis vinculis soluta, & liberata euolauerit. Mortē obiit Virgo multis de causis, quarū prima est, decebat eā mortalem hanc vitā communī morte concludere, vt filio suo mater similis esset. Si enim Christus verus Deus & homo mortuus est, æquum non erat, vt mater, quæ homo tantum nata erat, mortē effugeret. Secūda, indignū erat hanc gloriæ amplificandæ

ma



### *Liber quartus.*

materiam Virgini adimere, quæ vel maxima est rerum, aduersariorum pro iustitia & religione tolerantia, & difficillimarum rerum perpassio, quæ Deum nobis mirandum in modum deuincit, atque conciliat: & quia mors est maximum omnium terribilium, efficitur, ut eius voluntaria & libera perpassio, summum sit fortitudinis & patientiæ genus, & in beata Virgine eo maiore præmio & gloria cumulandum, quominus mortem est ipsa Virgo commerita.

Postrema, quamquam mortis timor, quā omnes homines perhorrescunt, per Christi mortem, doctrinamq; apud Christianos non mediocriter est temperatus: tamen quia quam acceperat animam, & deponere, & iterum sumere poterat: voluit etiam suæ Matris obitum nobis esse solatio, ut cum suprema dies, & mortalis necessitas impendebit, ipsius Virginis exemplo, quæ & culpæ omnis expers fuit, ipsi nos conformemur & consolemur; neque miserè nobiscum agi putemus, cum mortem obire cogimur, quā nec Dei Filius, nec Mater eius sentire, atque excipere nostri causa recusauit.

Cæterum, cum Christus Dominus pijs & sanctis hominibus morientibus multa afferre soleat adiumenta & solatia ad leuandū dolorem, ad confirmandam Fidem, ad conterendas aduersarij

machinas, fraudesq; vitandas, ad corroborandam denique spem futuræ vitæ & immortalitatis. Quid existimamus illum moribundæ Matris fecisse? Quo circa ut de cæteris taceamus, neque in eius morientis conspectum ille antiquus hostis humanæ salutis, & princeps tenebrarum, & versutissimus serpens, cuius caput illa contriuerat, prodire ausus est, suamq; terribilem speciem obijcere, & ex hoc mundo discedenti, sanctissimū illum Apostolorum cœtum affuisse: & singulos ex disiunctissimis regionibus repente diuino iussu, nutuq; eum in locum compulsi & congregatos, Christum Dominum, & ipsam Matrem vitam functam pro concione laudasse. auctor est beatissimus Christi Martyr Dionysius Areopagita lib. 3. de diuin. nomin. capit. 3. Hos ergo diuinos homines habuit beata Virgo suarum exequiorum ministros, & funeris curatores.

Ad hæc etsi mortua est, non tamen communi nomine cæterorum hominum mortua est. Neque enim fas est credere, aut cogitare cum aliquo laboris sensu illam foelicissimam animam ex corpore demigrasse, tum quia doloris sensum in morte experiri non debuit, cuius animæ doloris gaudius in Filij morte semel iam pertransierat. Omnium enim suppliciorum & tormentorum



torum & cruciatuum, quos filius perpeſſus eſt ſenſus, matrem etiam acerbiffimè perculit, tum quia incredibili ſtudio diſſolui & eſſe cum filio cupiebat, vel in gēti filij deſiderio tenebatur, & quam primum corporis custodia liberari, & ad cœlum euolare cupiebat, ex quo illa mortē non pertimeſcere, ſed inextrema, quam diuina prouidentia deſinierat, mortalis vitæ meta deceſſit, nec animo, nec ſenſu, nec natura repugnante; ſed perinde ac ſi maturum pomum à ramo ſuæ arboris ſponte decidat, aut ſlos eueniente fructu marceſcat. Fas eſt, æquum eſt, neceſſe eſt exiſtimare illum infinita frequentia Angelorum ſeptum; cœleſtiumque ſpiritum, & beatorum animorum agminibus ſtipantem morienti aſſuiſſe, eamque ornatiffimis verbis compellaiſſe. *Veni de Libano, veni coronaberis, & quæ adhuc mundum tua præſentia decoravi, deinceps cœlum tuo conſpectu exhilarabis. Veni acceptura obſequiorum mercedem, & maternæ curæ officiique viciffitudinē relatura.* At illa, quæ verba dixerit; quis digno cōcipiat eloquio; interſuauiſſima colloquia facilius felicem illam matris animā expuriſſimo corporis tabernaculo ſuauiſſe educens cum incredibili gloria lætitiæque ſuſcepit. Quem verò arbitramur fuiſſe illorum ſpirituum, & beatorum ſenſum? quem cultum erga Re-

ginā ſuam? legimus ad funera & ſepulturas ſanctorū Angelos cōueniſſe, & in eorum exequijs officiū præſtiſſe; & anima vſque ad cœlum hymnis & canticis detuliſſe, vbi & vtriuſque ſexus chori frequenter auditi laudes ceciniſſe commemorantur; ſæpe etiam eosdem ſanctos in ipſa morte miro quodam lumine refulſiſſe, & ex ipſis cadaueribus ſanctiſſimum odorem extiſſe. Quod ſi ad recreādam ſpē, fidemque corroborandam eorū, quicircunſtant, & ſuperſtites, relinquantur, ſæpe Dominus noſter, & ſuorum merita mortalibus indicet, tam multa tam inſignia ſuæ liberalitatis & benevolentia argumenta per cœleſtes miniſtros erga deſunctos oſtendit: quanto verofiſſimius eſt hodiernadie vniuerſum Angelorum cœtum, & cuncta illa Angelorum agmina cum incredibili gaudio, alacritate, plauſu obuiā Dei matri longiſſimè prodiſſe, illamque ingenti lumine circumfulſiſſe, & vſque ad regium ſolum, illi iam antemundi primordia paratum, cum lætiſſimis canticis, iucundiſſimoque concetu deduxiſſe. Porro ſancti Apoſtoli ſacroſanctum illud, & venerandum corpus, quod nequaquam erat viſurum corruptionem, honorificè, atque religioſe ſepelierunt in media valle Iofaphat. intermontes Sion & Oliueti: vbi Christianis poſtea magnificen-

T

tibi



## *Liber quartus.*

tissimum templum mirabili arte edificatum est, sed paulo post vacuum sepulchrum repente apparuit.

### *Loci secunda partis.*

**I**am verò quoniam non desuerunt olim, qui Dei matrem ad vitam diuina potètia reuocatam, & in cœlum sublatam fuisse, dubitauerant; quod nullo videlicet sacrorum librorum testimonio id planum fieri posse videatur, ordo præpositæ à nobis diuisionis postulat, vt id ipsum non temere à nobis credit, & pro certo haberi demonstremus. Decuisse etiam Virginem matrem etiã ipso corpore in cœlum tolli multis rationibus probatur.

Prima pars ducitur à Dei potètia. Potuit Christus, in cuius manu est, ne de sanctorum capite capillus pereat, suam matrem animam & corpore integram conseruare, & nemo dubitat; & illam voluisse quisquam dubitabit? Ionã in ventre ceti præter naturam suum triduo viuum seruauit Dei misericordia. Mariam incorruptam non seruabit? Gratia liberatus est Daniel, & ereptus ex leonum faucibus, non liberabitur, non eripietur Maria, quam diuini conceptus gratia intantum extulit dignitatis?

Secundà ratio à diuina iustitia filij, diuino præcepto parentes honorare iubetur, huius præcep-

ti author Deus tantum honorem matri non habebit?

Tertia ratio à cultu crucis, ipsum etiam sacrosanctæ crucis lignum, quia Christum Dominum paucissimis horis sustinuit, digna colitur religione cur non maiore honore. & cultu dignum censebitur illud intactæ Virginis corpus, in quo Dei filius nouem mensibus requieuit, quod Christi domiciliũ, & totum sacrosanctæ Trinitatis gratissimum tabernaculum fuit?

Quarta ratio à cultu sanctorum, quot præterea sanctorum hominum corpora tot sæculis integra, & inuiolata conseruat; quot crebra, & pene quotidiana Christianorum visentiũ, & salutariũ frequentia, cultusq; nobilitantur. Quot denique sepulchra auro & gemis exornantur? Si ergo lacrum beatæ Virginis corpus, vltimam gentium, aut terrarum cõderetur, summo proculdubio in honore haberetur. Cum verò nusquã coli cernatur, sequitur, vt constanter credamus eam perfectæ corporis & animæ beatitudine in cœlo potiri: multo enim melius & dignius talis ac tantus thesaurus in cœlo quàm interris seruatus.

Quinta ratio ducitur a quorundam sanctorum agraphis. Complures enim sanctos reuixisse sacre literæ præhibent, & Christo ab inferis redeunte, ad vitam pristinam reuocatos, quibus eum de Dominum in cœlo cõstitutos fuisse maiorũ fides persuadet, atq; hoc

po:



potissimum argumento, quod si animæ illorum iam beatæ in sua corpora redierunt graui suo damno rursus mortui reuixerunt. Ioānem quoque Apostolum tumulus susceptum claudere potuit, custodire aut continere non potuit, sacrū ac salutarē liquorē pro deposito reddit. Quid de vate ac Rege Dauide dicemus, cuius sepulchrū extare D. Petrus insequētissima populi concione pronunciauit? quasi non sit ausus dicere ipsum Dauide aut eius corpus apud Iudæos esse, sed tantū sepulchrū, quo cōditus fuerat. Ex quo multū illū à mortuis suscitātū cum cæteris sanctis affirmāt, & id circo vacuū remansisse Mauoleū. Si tot ergo sancti surrexerunt, Dei matrem perpetuò iacuisse, aut iacere nullo modo suspicari possumus.

Sexta à Virginei corporis sanctitate, siquidem caro Christi, & caro matris, vna sunt caro. Cum verò cadauerum foetor, & interitus dedecus sit humanæ conditionis, non cadit hæc nota & ignominia in Christi corpus, nec etiam ipsius matris membra, ex quibus illud corpus diuina vi duxit.

Septima humani corporis dissolutione atque in cineres conuersio pœna fuit eius peccati, quo se primus parens, suamque posteritatē obstrinxit, id verò singulari Dei beneficio Virginem Mariam non attigit, quam nec labes ori-

ginalis culpæ causa est pollueret.

Ostaua, qui noxæ alicuius aut delicti affines non fuerunt, exilio multari, aut Paradisi delicijs ac bonis spoliari non debuerunt.

Nona, in utroque sexu natura humana debuit honorari; quapropter Christū Dei & Virginis filiū prout loco in cœlos ascendētē Virgō mater rectē ac meritò paupero post cōsecuta est, ut sicut vterque sexus Paradiso expulsus fuerat, ut humani generis perfecta condemnatio probaretur: ita vterque sexus debuit in cœlum penetrare, ut perfecta absolutio & redemptio declararetur.

Decima à Christi in matrē fidelitate. In summa enim rerum inopia & egestate natus, id quod panni probant, atque præsepe, matri tamē hoc inauditum & singulare concessit, ut non modo sine dolore, sed etiam cum ingenti lætitia filium ederet, eidem matri filius Dei subditus erat; eundem moriens non deseruit, sed charissimo discipulo commendauit, rursus ab inferis officiosissime inuisit, & à diuturno & acerbissimo mærore, dolore ac luctu mirificè recreauit. Cū igitur eam sic honorauerit in aduersis ac prosperis rebus, & iam immortalis effectus omnem in cœlo & in terra potestatem acceperit, nō eandē multo amplius honorabit? Et cum suū corpus suæ diuinitatis vi ab interitu vindicanerit,

T 2

finet



### *Liber quartus.*

finet suæ matris membra corrup-  
tionem sentire? quare necessario  
sequitur Dei matrem à morte  
paulò post extitisse, & in coelū  
super dilectum suum innixā co-  
mitante vniuersa cœlesti Curia,  
beatis omnibus acclamantibus,  
exultantibus, plaudentibus, ascē-  
disse.

*Loci terciæ partis, de honore gloria,  
beatitudine.*

**Q**Uæ tanta tributa est Dei ma-  
tri, quanta nulli alij beato-  
rum, & merito, vt multis argu-  
mentis probari potest. Primum  
debit beata Virgo honore &  
præmio omnibus anteponi, quæ  
rerum aduersarum tolerantia &  
patientia omnes superauit; vbe-  
rior illi merces debetur, quæ  
multo amplius quam quisquam  
alius laborauit. Debet esse illius  
maior lætitia, cuius maior & a-  
cerbior extitit dolor atque mo-  
lestia. Mariæ siquidē anima at-  
que præcordia doloris gladius  
sæpius pertransiuit.

Secundò modestia, summissio-  
ne, humilitate tanta fuit, vt nul-  
lius possit eloquentia enarrari.  
Vnde cum Dei (vt sacræ litteræ  
loquantur) proprium sit humi-  
les exaltare, & humilia respice-  
re, & super humilem requiesce-  
re, & humilibus dare gratiam;  
quibus oculis suam matrem re-  
spicere debuit, cuius pretiosa  
humilitas, cum singulari integri-

tate, & innocentia; cū omniū  
denique diuinorum munerum  
varietate, ac copia cōiūcta fuit?  
Dignissima ergo extitit, quam  
respiceret Dominus, cuius deco-  
rem concupisceret Rex, cuius  
suauissimo odore Christus ab æ-  
terno illo patris sinu attrahere-  
tur accubitu.

Tertiò, sicut igitur gratia om-  
nibus qui Deo iam inde ab ini-  
tio placuerūt, sic antecelluit, vt  
per eam digna esset, quæ Dei ma-  
ter efficeretur, consequens est  
vt secundum Deum neminem  
beatorum honore ac gloria pa-  
rem habeat. Itaque post Angeli-  
cæ salutationis officium, quid-  
quid in Maria agitur diuinum  
est, quippe cum (teste eodem  
Angelo) Spiritu Sancto ac virtu-  
te altissimi obumbretur, ideo  
que cunctis animi virtutibus  
exornetur; vt nec munditia  
defuerit Angelorum, nec fides  
Patriarcharum, nec spes Prophe-  
tarum, nec charitas Apostolorum  
nec patientia Martyrum;  
nec sobrietas Confessorum, nec  
castitas & integritas Virginum.  
Quocirca quidquid humanis po-  
test dici verbis, minus est ipsius  
gloria, quæ diuinis est & Ange-  
licis vocibus magnificentias præ-  
dicata, & laudata præconijs, à  
Prophetis nunciata, à Patriar-  
chis figuris, & æigmatibus sig-  
nificata, ab Evangelistis demon-  
strata, ab Angelo honorifice at-  
que officiose salutata. Vnum  
deni-



denique est, in quo ut Christianus & religiosus Poeta pronunciauit.

*Nec primam similem visa est nec habere sequentem.*

*Gaudia matris habens, cum virginitatis honore.*

**O**ptimam partem elegit sibi Maria, optimam sane, propterea quod bona est fecunditas coniugalis, melior castitas virginalis, optima vero virginalis fecunditas, seu fecunda virginitas. Hoc Mariæ praeilegium est, non dabitur alteri, quia non auferetur ab ea.

Quod si & illud adicias, cuius mater, quæ iam poterit lingua, etiam Angelica digni se ferre laudibus virginem matrem; matrem vero non cuiuslibet, sed Dei, duplex nouitas, duplex prerogatiua, sed dignissime tamē, aptissimeque conueniens. Neque enim Virgo alium parere debuit, quàm Deum, neque Deum aliter hominem nasci, quàm ex Virgine decuit. Præterea, quæ vel Angelica puritas virginitati huic comparari possit, quæ Spiritus sancti sacrarium, & filij Dei domicilium seu diuersorium, ut existeret digna fuit. Si rerum pretia raritate pensamus: Virgo quæ prima in terris vitam Angelicam agere constituit, omnes sine controuersia vincit. Quam obrem, cum hæc ita sint, quibus iam

triumphis fuerit Maria Virgo in cœleste Regnum inuenta sua oratione exprimere nemo potest, ut eam tamen pijs laudibus, & præconijs, quoad licet, incelum ascendentem prosequamur, gratulemur illam hodie ab eo susceptam, quem huius mundi castellum ingredientem prior ipsa receperat: Quæ fuit igitur illa, & quanta superum exultatio, qui plausus, qui concentus. Quantus virginis honos, gloria, maiestas. Hæc non solum verbis exprimere, aut exaquare, sed ne cogitatione quidem plane complecti omnino possumus.

Ponite vobis ante oculos illum comitatum, illa agmina, illam pompam, qua hodierno die terræ, cælique Regina cœlestem illam Hierusalem ingressa est. Cogitate occursum mirabilium legionum, & quibus ad regale solium canticis deducta sit. Quam blando vultu, quam læto ore, quam serena fronte, quam optatis amplexibus, a filio accepta, & supra omnes Angelorum ordines sublata, atque in sella Regia iuxta Filium collocata sit eo honore, quo tanta mater digna fuit, ea gloria quæ tantum decuit filium.

Hæc illa est arca fœderis, quod cum hominibus Deus percussit. Hæc (inquam) diuini testamenti est arca, quæ ut omnium vasorum sacrorum sanctitatem superabat, sic ceteros beatos tam



### *Pars Ultima.*

Angelos quam homines diuina Virgo, non tantum diuinis muneribus, & beneficijs, sed etiam gloria beatitudinis antecelluit. Atque ut arcam illam pijs officijs, atque omni religione, & honore tam ipse Rex Dauid, quam populus vniuersus prosequeretur, & sanctè venerabatur: ita tam ipse Christus Dominus, quam cunctus beatorum senatus, & cœlestium Civium infinita multitudo honorificè, magnificè, gloriose, supra quam cogitari possit cœli Reginam ingredientem acceperunt.

*Loci quartæ partis de Virginis erga nos beneuolentia & patrocinio.*

**S**I tan o honore prædita est hec Virgo Sanctissima, si tanta potestate pollet, si mater est Dei (ut vno verbo cuncta complectar) si præterea benigna, & clemens, liberalis, misericors; si denique arca est fœderis, dignissima etiam est quam Patronam nobis adoptemus. Hæc est enim vnica verè & perpetui fœderis inter Deum & hominem per filium conciliatrix, ut per eum infima summis, terrena cœlestibus, humana diuinis copulentur. Quando autem, aut cur aut quomodo ad eam confugiendum sit. Hæbrei, quondam illius imaginariæ arcæ cultores satis docent. Illi enim Deum offenderant per arcam iratum placabant, cum bellum suscipiendum erat, aut prælium ineundum cum hosti-

bus pugnaturi, arcam in mediam aciem deferrebant; cum denique beneficium aliquod à Deo impetrare cupiebant, & vehementius contendebant, precibus ante arcam supplices manus ad Deum tendebant, ingenua cadentes precabatur, quibus exemplis & moribus monemur, ut per hanc Virginem patronam cum Deo redire in gratiam studeamus, ad Deum si veremur accedere, nostrorum scelerum conscientia deterriti, eius mater nobis est vnicum, & singulare perfugium, ipsa est apud filiū optima internuntia, & deprecatrix. Nihil in ea asperum, nihil durum, nihil terribile, tota suauis est, tota clemens, tota misericors & benigna. Replica si placet diligenter, attentè historiam Euangelicam Ecclesiasticam, ita esse comperies, ut nihil omnino verearis accedere, est etiam misericordix Mater, quæ misericordiam Dei concepit, & peperit, ut misericordiam implorantibus negare non possit. Merito eius Virginitatem laudamus, iure humilitatē admiramur, sed misericordia dulcior est, & suauior miseriis ac reis hominibus, sæpius cogitatur, frequentius expetitur, commemoratur iucundius, per hanc siquidem restaurata est curia Cœlestis, infernæ sedes direpta, perditis, & extinctis vita reddita. Hæc illa est mulier, quam sole amictū Ioannes à se visam profitetur, ipsa enim est quæ velut alterum solem induit,



nduit, & quemadmodum sol super bonos & malos oriri dicitur; sic Virgo omnibus exorabilem, omnibus clementem, & misericordem sese præstare perhibetur, quandoquidem ab ea singuli læti & voti compotes abeunt, & capitiuus redemptionem, æger sanitatem, trillis solatium, reus veniam, bonus & innocens gratiam, homo salutem, Angelus lætitiā, tota denique Trinitas gloriam filiis humanū corpus reportat, ut prorsus non sit qui se à calore eius abscondat. Quam ob rem quæcumque nos egestas premat, quæcūque calamitas percellat, quod cūque periculum urgeat, quæcumque postremo vis, quæcumque cura sollicitet, ad hanc Virginem confugiamus, quæ nostri hostis olim vires fregit, & caput antiqui serpentis inuicta contriuit. Hanc arcam nobiscum semper ad domestica & intestina bella deferamus, quæ nostris aduersarijs, ut castrorum acies ordinata terribilis est. Per hanc arcam cum Deo redire in gratiam studeamus, ante hanc arcam supplices a Deo beneficia postulemus, hodierna præsertim luce qua eius capiti Regium Diadema duodecim insignitum stellis, eius vnicus, & charissimus filius Deus, & homo Christus impositus hodierno, in quā Deo die quo super omnes Angelorū choros elata prædicatur, ipsius clemē-

tiam imploremus, ipsam pijs precibus sollicitemus, quā gratia plenam Angelus salutauit, & ex tanta eius copia & affluentia ad mentes nostras irrigandas munerum stillicidia capiamus.


Verum illud a nobis diligenter curandum est, si hanc Dei matrem beneuolam erga nos propitiam misericordem talem denique semper, qualem cupimus, & res postulat, experiri volumus, illud est à nobis imprimis præstandum, in hoc denique est diligenter elaborandum, ut eius virtutes, quarum gradibus ascendit in cælum, non solum admiremur, suspiciamus, meditemur, prædicemus, ac celebremus; verum etiam quantum in nobis est, & per Christi, eiusque opẽ licebit, imitari, & in omnibus vitæ partibus, & actionibus, moribusque conemur, nā cum de mīnos seruos, clientes, filios denique suos agnoscat atque respiciet, cū sui non dissimiles cernet. Atque hæc erit perorationis sententia, quam dilatare & amplificare non erit difficile, ut orationis clausula sit, vel huiusmodi adhortatio ad piū cultum, & imitationem sanctissimæ Virginis, vel ad ipsam Virginem apostrophe cum affectu pietatis ac religionis, & cum petitione auxilij, &c.

(S)

FINIS.

T 4







# TABVLAPRIMI LIBRI RHETORIC.

P. DOCT. CYPRIANI SVAREZ  
breuem singulorum Cap. summam continens,  
Scholasticis ediscendam. Numeri  
capita indicant.

**R**hetorica est ars. l. doctri-  
na dicendi Ars est, quę  
dat rationes certas, &  
pręcepta faciendi aliquid, quę  
habet ordinem, & quasdam erra-  
re in faciendo non patiētes vias.

Officium Rhetoricę est dice-  
re appositę ad persuasionem. Fi-  
nis persuadere dictione.

Huius autem vis quod maior  
est, hoc est magis cum probitate  
summaque prudentia iungenda.

Materia oratori ad dicendum  
subiecta, quęstio est.

Quęstionum duo sunt genera,  
alterum infinitum, quod Gręci  
thesim, Cic. propositum vocat: al-  
terum certum, & definitum, quod  
hypothesim Latini. l. causam. l.  
controversiam appellare solent,  
illud est in quo aliquid generatim  
queritur, vt, Expetenda ne sit elo-  
quentia? causa est quę certis per-  
sonis, locis tēperibus, & tione ne  
gotijsq; cernitur, vt, An Socrates  
iure fuerit ab Ateniesibus dānatus?  
Causarū tria sunt genera, Exornā-

tionis, Deliberationis, & Iudicij.  
5 Exornationis partes duę sunt  
laus, & vituperatio, tempus tum  
pręsens, tum pręteritum: spectat  
autem orator honestatem prę-  
cipue cum laudat: turpitudinem  
cum vituperat, mouetq; auditores  
ad delectationem.

Deliberationis partes duę, sua-  
sio, & dissuasio, tempus futurum  
finis, quem sibi proponit orator,  
dignitas in suadendo: mouetq; de-  
liberantem ad spę max. In dissua-  
dendo cōtrā, indignitatē spectat,  
& in reformidationē pertrahit.

In iudicij partes accusatio, &  
defensio, eius finis iustorum, &  
iniustorū quęstione continetur,  
& ad sequitiam aut clementiam iu-  
dex est incitandus. Cap. VI.

Hypothesis ad thesim reuocabi-  
tur, si a proprijs personis, & tem-  
poribus auocata, ad vniuersi gene-  
ris ordinem traducatur.

Rhetoricę partes, & quasi mē-  
bra eloquentię, Inuentio, dispo-  
sitio, Eloquentio, Memoria, pro-  
nun-



## *Summa Capitulum.*

nuntiatio. Inuentio est rerum verarum, aut verisimilium excogitatio, quaestionem probabilem reddant. Dispositio rerum inuentarum in ordinem distributio. Eloquentio est idem eorum verborum & sententiarum ad inuentionem accommodatio. Memoria est firma orationis perceptio.

Pronuntiatio est corporis, & vocis ex rerum, & verborum dignitate moderatio.

Eloquentia, quae quinque supra dictis partibus constat, natura arte, & exercitatione comparatur. Natura atque ingenium ad dicendum vim affert maximam.

Notatio naturae peperit artes: habet autem ars, ut quae sunt oratoria in nobis, & procreata, educet, atque confirmet.

In praestanti natura, quam ars expoliuit, exercitatio absolutio perfectionemque dicendi consumma.

### *De inuentione.*

**Q**uoniam primum oratoris munus est inuenire, dabit operam, ut inueniat, quemadmodum fidem faciat eis, quibus velit persuadere, & quemadmodum motum eorum animis afferat. Fidem facit orator argumentis, mouet incitando, aut ad voluptatem aut ad molestiam, aut ad metum, aut ad cupiditatem, Laetitia, & cupiditas ex opinione boni, egritudo, & metus ex malorum opinione nascuntur.

12 Argumentum est probabile inuentum ad faciendam fidem. l. ratio

rei dubiae faciens fidem. Fides est firma opinio. Argumentatio, argumenti explicatio. Locus, sedes argumenti.

13 Argumenta partim in eo ipso, de quo agitur, haerent; quo circa insita dicuntur, partim extrinsecus assumuntur, quae remotavocantur: Cap. 14.

15 Loci vnde documenta sumuntur, numero sunt sedecim. Diffinitio, quae id, quod definitur, explicat, quid sit. Vt. Rhetorica est doctrina dicendi, utilis ergo.

16 Partium distributio, qua sic est utendum, nullam ut partem relinquamus, ut si velis probare, caliditatem non esse virtutem a virtutis partibus, quae quatuor sunt, Prudentia, Fortitudo, Iustitia, Temperantia, probabis: ex nulla enim illarum est caliditas.

17 Notario, Graecis etymologia, quae verborum originem inquit. Cicer. in Piso. Si Consul est, qui consulit patriae: non igitur Piso Consul, qui eam euerit.

18 Coniugata quae sunt ex verbis generis eiusdem, ut. Aurea nunc verè sunt secula, plurimus auro venit honos.

19 Genus, quod duas. l. plures partes sui ipsius comunione similes amplectitur, quae formae dicuntur Virtutis laus in actione consistit Prudentiae igitur laus omnis in actione consistit. Forma pars est generi subiecta, quod Iustitia est, utique virtus est.

20 Similitudo, quae traducit ad rem quamquam aliquid, ex re dispari si-



ri simile, Cic. Ut quidam morbo, & sensus stupore suauitatem cibi non sentiunt, sic libidinosi, & auari veræ laudis gustus non habent.

Dissimilitudo, seu diff. si barbarorum est in diem vivere, nostra consilia sempiternum tempus spectare debent.

Cōtrariorum genera quatuor, Aduersa, vt virtus vitium, sapientia stultitia. Si stultitiam fugimus sapientiam sequamur. Priuantia, sunt habens & eius priuatio. Cic. Eius mortis sedetis ultores, cuius vitam, si putetis per vos restitui posse, nolitis. Que inter se conferuntur. Cic. Ex quo profecto intelligi debet, quanta in dato beneficio sit laus, cum in accepto tanta sit gloria. Negantia, vt si hoc est, illud non est.

22 Adiuncta, quæ cum re sunt coniuncta, vt locus, tempus, vt ea quæ rem circumstant. Latissimè patent adiuncta, nam quæ hominibus sunt, l. animo. l. corpore, comprehendunt.

23 Antecedentia, quæ sic antecedunt consequentia, vt cum ipsis necessario cohercant, vt sol lucet, ergo dies est. Consequentia, quæ rem necessario consequuntur, vt dies est: sol igitur lucet.

24 Repugnãtia neque certa lege neque numero inter se distent: vt amat illum, non igitur insectatur conuiuijs.

25 Causarum genera quatuor. Finis cuius gratia sit aliquid vt belli finis pax, hominis, beata vita. Efficiens, a qua aliquid est, Cic. de

Sene&ute, Carerē epulis, extructis que mensis, & frequentibus poculis, caret ergo vinolentia, crassitate, insomnijs. Forma ratio rei, & nota, per quam res est id quod est, & a rebus alijs distinguitur. Animi hominū sunt immortales ad immortalitatem, ergo beatę vitæ aspirare debēt. Materia, ex qua & in qua res sunt. Corpus hominis mortale est, ab eius ergo contagione animus seuocādus est. Ex hoc loco Regia Solis apud Ouid. & arma Aeneæ apud Virgilium laudantur.

26 Effecta, quæ sunt orta de causis, virtus facit laudem: sequenda igitur. Voluptas infamiam: fugienda ergo.

27 Locusa cōparatione maiorū: Virg. Opas si grauiora, dabit Deus his quoq; finē, Minorū, Ouid. Vt corpus redimas, ferrū patieris & ignes: Vt valeas animo, quidquam tolerare negabis? Parium. Si cōsilio iuuare ciues, & auxilio, æqua in laude ponendū est, pari gloria esse debent ij qui consulunt, & qui defendunt.

28 Argumenta, siue remota, siue assumpt. non parit oratoris ars: sed ad se foris delata, arte tamen tractat: hæc. Cic. in Top. Testimonij nomine cōplectitur. Sed facilius si cū Quintil. in præiudicium rumorem, & famā tormēta, tabulas, iusiurandū, & testes ea diuidamus. Ex his locis, & ad faciendā fidem, & ad afferendū motum auditorum animis, materia petitur.

29. 30. 31.

30 In



## *Summa Capitulum.*

### *De praeceptis exornationis.*

30 In affectibus mouendis maxima vis exiit oratoris: quod amplificatione consequitur. Amplificatione grauior quædam est argumentatio, quæ motu animorum conciliet in dicendo fidem, Ea, & verborum genere conficitur, de qua in eloquutione, & eorum, quæ ex eisdem locis sumitur, quibus illa quæ dicta sunt ad fidem. Valent ergo maxime diffinitiones conglobatæ, & consequentium frequentatio, & contrariarum, & dissimilium & inter se pugnantium rerum conflictio, & causæ, & ea quæ sunt orta de causis: maximeque similitudines, & exempla: fictæ etiam personæ, muta denique loquantur. 33. 34. 35. 36. 37. 38. 39.

40 Adhibenda autem sunt ad amplificandum quæ magna habentur: quorum duplex genus; alia sunt magna natura, alia usu. Natura, vt cœlestia, vt diuina, vt ea, quorum obscuræ causæ in terris, mundoq; admirabilia. Usu, quæ videntur hominibus aut prodesse aut obesse vehementius.

41 In exornationis amplificatione ij loci tractandi sunt, qui mouere possunt expectationem, admirationem, & voluptatem.

In cohortationibus, bonorum ac malorum enumerationes & exempla valent plurimum. In iudicijs, accusatori fere quæ ad iracundiam, reo quæ ad miserationem pertinent.

**L**atum genus est, saneq; varium, vt quod ad laudandos claros viros, & ad improbos vituperandos suscipiatur: ad aliorum etiam. l. animalium. l. carentium anima laudem. l. vituperationem adhibetur. In hoc animi motus leuiter tractantur, reliquæ amplificantur, & ornantur.

43 Laus ergo hominum in tempus, quod ante eos fuit, quoque ipsi vixerunt: in his qui vita functi, etiam quod est insequentum. Ante hominem patria, parentes maioresque erunt: quorum. l. respondisse nobilitati. l. humiliter genus nobilitasse factis dicemus. Adde, quæ responsis. l. oraculis. l. signis ante ipsum futuram claritatem promiserunt, vt in D. Ioanne Baptista, multisque alijs viris sanctissimis.

44 Ipsi laus hominis ex animo, & corpore & extrapositione debet. Externa, vt, educatio, opes, diuitiæ, propinqui, amici, potentia, gratia, cæteraque huiusmodi. In corpore, forma, vires, valetudo, & his similia: qui hæc habuerit laudabitur, quod bene illis sit usus: si nō habuerit, quod sapienter caruerit. Si amiserit, quod moderate tulerit. In quarum rerum usu ac in moderatione virtus, cui vni vera laus deberi putatur, maxime cernitur.

45 Virtutis duplex vis, aut enim



Scientia cernitur virtus, aut actio-  
ne. Sapientia, virtutum omnium  
princeps, est diuinarum humanarumq;  
rerum scientia. Prudentia,  
rerum expetendarum fugiendarumq;  
scientia. Sapientiae verò  
dialectica & oratoria quasi minist-  
rae sunt, & comites. Studia etiā  
omnium bonarum artium ad hūc  
locum pertinent.

46 Virtus, quae in actione posi-  
ta est, habet Iustitiam, Fortitudi-  
nem, & Temperantiam, Iustitia  
est virtus, quae in hominum socie-  
tate tuenda, tribuendoq; suū cui-  
q; & rerum cōtractarum fide ver-  
satur. Huius partes, Religio, Pie-  
tas, Fides, Lenitas, Amicitia. For-  
titudo, considerata periculorum,  
susceptio, & laborum perpessio,  
cuius est liberalitas in usu pecu-  
niae. Temperantia est rationis in  
libidinē, atque in alios nō rectos  
impetus animi firma, & modera-  
ta dominatio. Custos virtutum  
omnium verecundia est.

47 Iniustitia quid cū fide, quid  
cum aequalitate, quid cum huius  
modi aliquo officio is, qui lauda-  
bitur, fecerit, in ceteris res gestae  
ad cuiusque virtutis genus & vim  
& nomen accomodabuntur.

48 In tempore quod finem ho-  
minis insequitur, insunt habiti  
post mortem honores, decreta  
virtutis praemia, res gestae iudicijs  
hominum comprobatae. Omnis  
ordo supradictus in vituperatio-  
ne constabit tantum in diuersum.

49 Ut res similes, atque homi-

nes laudantur praeparante, a con-  
ditore, vetustas, autoritatis affectus  
plurimum, loci positio, ac muni-  
tio, ciues ut liberi.

*De deliberatione.*

50 Exornationis praecipua mul-  
tum ad sententiam dicendam va-  
lent: in deliberando, finis dignitas.  
Suntq; in suadendo dissuadendo-  
q; tria spectanda. Quid sit, de quo  
deliberetur. Qui sint, qui delibe-  
rent. Quis sit, qui suadeat.

51 Suadendi partes tres sunt. Pri-  
mae, ut doceamus effici posse id,  
quod suademus. Secunda, quā sit  
honestū, tertia quā vtile. Nam si  
quid effici nō potest, deliberatio-  
ne tollitur, quā vis, & honestū,  
& vtile sit. Videndū etiā quā faci-  
le. Nā, quae perdifficilia sunt, per  
inde habenda sunt ac si effici nō  
possent. Si aliquid necessariū nō  
videbitur, videndū, quam sit mag-  
num. Nā, quod permagni inter-  
est, pro necessario habetur,

*De his qui deliberant.*

52 Intuendi sunt mores eius,  
qui deliberat. Duo enim sunt ho-  
minum genera, alterum indoctū,  
& agreste, quod antefert semper  
utilitatem honestati. Alterū ex-  
politū, quod rebus omnibus dig-  
nitatem anteponit.

*De honestate.*

53 Honestas apud honestos sua-  
dere.



## *Summa Capitulum.*

dere, facillimum est Si verò apud turpes recta obtinere conabimur, ne videamur exprobare diuersam vitæ sectam, cauendum est. Nec sola virtutis commendatione animus permouendus; sed laude, vulgi opinione, & sequutura utilitate. Obijciendo item metû, si diuersa fecerint: quippe malorum timor plus interdum valet quàm spes bonorum. Sæpe etiam controuersia est in illo, Vtrum sit honestius.

### *De utilitate.*

54 Facile, magnum, iucundum, sine periculo, ad utilitatis quæstionem pertinent. Suasor itaq; l. omnia hæc l. earum pleraq; inesse in eo, quod suadet, ostendet. Contraria, qui dissuadet. Item duobus propositis utilibus, vtrum utilius, controuersia est. Cum autem utilitatis species cum honestate certat, qui utilitatem defendet, enumerabit res, quarum fructum utilitate metimur: comoda pacis, opum, potentia, vetustigalium: & incommoda contrariorum. Qui verò ad dignitatem impellet, utilitatem ex laude nasci debere dicet, semperq; eam cōiunctam cum dignitate.

### *De eo qui suadet.*

55 Suadere aliquid, aut dissuadere, grauissimæ est personæ. Videndum ergo est, ne quæ dicuntur, ab eo qui dicit, dissentiant.

56 Ad consiliant de rep. dandum, mores ciuitatis sunt cognoscendi: qui quia crebro mutantur, genus quoq; orationis est sæpe mutandum. In senatu minori apparatu dicendum. Concio omnem vim orationis, grauitatem, varietatemq; desiderat: maximaq; pars orationis adhibenda est ad animorum motus: vis autem ad suadendum exemplorum est maxima, aut, recentium, quæ notiora sunt, aut veterû, quæ plus auctoritatis habent.

### *Secundi libri tabula.*

#### *De dispositione.*

1 Dispositionis præcepta oratori perutilia, & maxime necessaria sunt, cuius in infinita quæstione ordo est ferè idem, qui expositus est locorum. In Definita adhibenda sunt etiam illa, quæ ad animorum motum pertinent. Atque eo fit; vt vtamur Exordio, Narratione, Confirmatione, & Epilogo. Quæ sunt orationis partes, per quas inuenta distribui-mus, quarum duæ valent ad rem docendam, Narratio, & confirmatio, ad permouendos animos duæ, Principium, & Peroratio.

#### *De exordio.*

2 Exordiū est oratio animū auditoris idoneè comparans ad reliquam dictionem, id quod tribus



tribus maxime rebus fieri inter  
auctores plurimos constat, si be-  
ne uolum, attentum, docile audi-  
torem fecerimus: quo tñ primus  
locus est in personis nostris, audi-  
torum, aduersariorum, è quibus  
initia beneuolentiæ comparan-  
tur, aut meritis nostris, aut digni-  
tate, aut aliquo genere virtutis,  
& maxime liberalitatis, officij,  
iustitiæ fidei: cōtrarij q; rebus in  
aduersarios conferendis: & cum  
auditoribus aliqui cōiunctionis,  
aut causa, aut spe significandi, in-  
telligenter ut audiamur, & attē-  
tē, & rebus ipsis ordiendum est.  
Sed facile auditor intelliget, si  
complectare ab initio genus, na-  
turaq; causæ. Si diffinias, si diui-  
das, si neque prudentiam eius im-  
pedias confusione partium, nec  
memoriam multitudinem. Attē-  
te, ut audiamur, trium rerum ali-  
qua consequemur. Nam aut mag-  
nā quædam proponemus, aut ne-  
cessaria, aut coniuncta cum his  
ipsis, apud quos agitur. Ex his  
vero quæ sunt proposita, aliud  
atque aliud pro veritate causa-  
rum desiderari palam est.

Causarum genera sunt quin-  
que. Honestam, quod ad concili-  
ationem satis per se valet Hu-  
mile, in quo attentum parare de-  
betur. Anceps seu dubium, in  
quo maxime beneuolum iudi-  
cē. Obscurū, in quo docile redde-  
mus, & admirabile, quod est  
præter hominū opinionē. In ad-  
mirabili, & turpi remedijs opus

est. Vnde exordij dñe sunt par-  
tes. Principiū, in quo recte bene-  
uolentiæ, & attētionis postulatio  
est: & Insinuatio, quæ subrept  
animo. Cōsiliū ergo ex causis su-  
metur. Si causa laborauimus, per-  
sona subueniat. Si persona, causa.  
Adde, Insinnatione utendum, si  
aduersarij oratio auditorum ani-  
mos occuparit, vel si dicendum  
apud fatigatos, quorum alterum  
promittendo nostras probatio-  
nes, & aduersas eluendo, vitabi-  
mus. Alterū, & spe breuitatis,  
& ijs, quibus attentum fieri audi-  
torem docuimus. Urbanitas etiā  
opportuna animos reficit.

4 Exordia debent esse apta ver-  
bis, & instructa sententijs ad allū-  
ciendum incitandūq; auditorem:  
non tamen totos in exordio ex-  
plicari motus oportebit, sed tan-  
tum impelli primo auditore le-  
niter, ut iam inclinato reliqua in-  
cumbat oratio.

5 Exordiorū septē sunt vitia:  
Vulgare, commune, cōmutabile,  
longum, separatum, translatum,  
contra præcepta.

6 In genere iudiciali ex ipsis  
causæ visceribus exordium su-  
mendum, iudicem conciliando  
non solum laude, sed ad utilita-  
tem causæ laudem coniungen-  
do. Nec semper exordio uten-  
dum, ut in honestis causis, in par-  
vis atq; frequentibus, sed ab ipsa  
re ordiendum.

7 In demonstratiuo exordia  
maxime sunt libera, ut Aristote

¶



## *Summa Capitulum.*

li placet. In deliberatione sæpe nulla. l. breuia.

### *De narratione.*

8 Narratio est rerum explicatio, & quædam quasi sedes, & fundamentum constituendæ fidei.

Oportebit autem eam tres habere res; vt breuis, vt aperta, vt probabilis sit. Erit breuis, si constet simplicibus verbis, & si semel vnaquæq; res dicatur. Denique; si resciderimus ea, quibus sublati, neq; cognitioni quicquam, neq; vtilitati detrahatur, non tamē debet esse inornata.

Erit perspicua, si verbis vtitur, si ordine temporum conseruato, si non interrupto, narrabitur.

Probabilis erit, si personis, temporibus, locis, ea quæ narrabuntur, consentient, si cuiusquæ facti, & euenti causa ponetur. Si testata dici videbuntur. Si cum hominum opinione, auctoritate, si cum lege, cum more, cum religione coniuncta, si narrantis probitas significabitur, si orationis veritas, & vitæ fides. Cice. vehementer placet, vt sit iucunda, & suauis.

9 In indicijs, si nota res, nec dubiū erat quid gestū esset, nō adhibetur narratio, nec si aduersarius narrauerat, nisi si refellebatur. In Exornatione narratio nulla, quæ cōsequatur exordiū, nisi ea quæ incidit, cū aliquideius,

de quo loquimur, narrandū est.

10 In deliberatione priuata narratio non erit, in concionibus sæpe etiam est illa, quæ ordinē rei docet, necessaria.

### *De confirmatione.*

In confirmatione suggerenda sunt firmamenta causæ cōiunctæ, & infirmandis contrarijs & notis confirmandis.

11 Status est quæstio, quæ ex prima causarū constitutione nascitur, dictus, vel ex eo quod ibi sit primus causæ congressus, vel quod in eo causa consistat.

12 Cōstitutiones tres sunt. Cōiecturalis, in qua sit, nec ne, quærimus, vt sit ne Clodius infidatus Miloni. Nominis vel Finitio nis, cum quid sit aliquid, & quo nomine afficiendum, inuestigamus, vt. Sitne I. Cæs. Rex, an Tyrannus. Tertia in qua de vtilitate, aq;ritate, honestate differitur, deq; contrarijs. Recte ne fecerit Romulus, cum fratrem interfecit. Huius duæ sunt partes, Absoluta & assumptiua.

13 Ex scripti interpretatione existit sæpe controuersia, cuius quatuor sunt genera.

14 Ambiguum, Discrepantia scripti & voluntatis, Scriptura contraria, Ratiocinatio.

15 Ad constitutā iudicationē, quæ ex coniunctione rationis, & firmamenti constituitur, omnes argumentationes conijciendæ sunt. Argumenta verò ita colloca-

bit



bit orator, ut firmissimum quod  
q; sit primum, dum ea quæ excel-  
lant, seruentur ad extremum. Si  
qua erunt mediocria, (nam vitio-  
sis nusquam erit locus) in mediā  
turbam conijciantur.

16 Argumentatio est argumen-  
ti explicatio: conficitur, cum ex  
locis, aut certa, aut probabilia  
sumpseris.

17 Ratiocinatio constat Propo-  
sitione, per quam breuiter locus  
is exponitur, ex quo omnis vis  
ratiocinationis emanat. Prop. ap-  
probatione, per quam quod ex-  
positum est rationibus firmatur.  
Assumptione, per quam id quod  
ex propositione ad ostendendū  
pertinet, assumitur Assumpt. ap-  
probatione, per quam assumptū  
rationibus firmatur. Complexio  
ne, per quam id quod conficitur,  
ex omni argumentatione, breui-  
ter exponitur.

18 Vitabimus similitudinem,  
quæ facietatis mater est, nō sem-  
per ordientes à propositione, sed  
interdum ab assumpt. nonnunquā  
à complexione.

19 Enthymema Syllogismi pars:  
ut, Eloquentia est ars, ergo ex-  
petenda. Quod fit ex pugnantia-  
bus, optimum Cic. eius mortis se-  
detis ultores, cuius vitam, si pute-  
tis per vos restitui posse, nolitis?

20 Inductio, argumentatio quæ  
ex pluribus collationibus perue-  
nit quo vult. Quod pomum ge-  
nerosissimum puto quod opti-  
mum, & equus? qui velociss. &

plura in eundem modum. Ita qui  
virtute excellit, generosissimus.

21 Exemplum, inductio est im-  
perfecta, in quo ex vna re singu-  
lari alia inducitur.

22 Epicherema breuiter com-  
prehensa ratiocinatio, ut sine cau-  
sa dominum seruus accusat.

23 Sorites contra multas argu-  
mentationes conuoluit acerua-  
tim, fallax & captiosum argumē-  
tationis genus, vnde telam rete-  
xere, & seorsum singula confide-  
rare oportet.

24 Dilemma, in quo vtrum cō-  
cesseris, reprehenditur. Si impla-  
cables iræ, summa est acerbitas:  
sin exorabiles, summa leuitas.

De refutatione.

25 Refutatio est reprehensio,  
per quam argumentando aduer-  
sariorum confirmatio diluitur,  
aut infirmatur, aut eleuatur.

26 Curandum, ne syllogismo-  
rum, & Enthymematum turba  
sit cōferta oratio, locuples enim  
& speciosa vult esse Eloquentia,

De peroratione.

27 Peroratio extrema pars ora-  
tionis, quæ in Amplificationē &  
enumerationem diuisa est. Hic, si  
vsquā, totos aperire eloquentiæ  
fontes licet. Enumeratio nonnun-  
quam laudatori, suasori non sæ-  
pe, accusatori sæpius quàm reo  
est necessaria. Huius duo sunt  
tempora, si aut memoriæ dis-  
fidat eorum, apud quos agas,

¶

¶



## *Summa Capitulum.*

Vel interuallo temporis, vel longitudine orationis, vel si frequentis firmamenti vim est habitura causa maiorem. Quæ repetemus, quam breuissime dicenda sunt, & cum pondere aliquo, aptis etiam excutienda sententijs, & figuris varianda.

### *Tabula Lib. 3.*

**I**N eloquendo excellentē eū putat Ciceronius, qui ita dicit, ut probet, quod necessitatis est, ut delectet, quod suauitatis, ut flectat, quod est victoriæ.

2 In Eloquentione spectanda, ut Latine, ut plane, ut ornatè, ut ad id, quodcumq; agitur, apte congruenterq; dicamus.

3 Volenti ornate dicere, rerum sententijsq; sylua comparanda est.

4 Omnis orationis ornatus aut est in singulis verbis, aut in coniunctis. Verbis utemur aut proprijs, aut his quæ nouamus, & facimus ipsi.

5 Verborum simplicium naturalia sunt alia consonantiora, grandiora, nitidiora, &c. Hæc aurium iudicio sunt ponderanda. Sed in verbo simplicia sunt, aut inusitata, aut nouatū, aut translata.

6 Inusitata, prisca, & quæ sunt poetarum licentia liberiora, quæ in oratione dignitatem habent, furaro & in loco adhibeantur.

7 Notantur verba, aut similitudine, ut Syllaturit, aut imitatio, ut, ut signio, aut inflexione, ut à

bibo, bibosus, aut coniunctione verborū, ut versutiloquus. Quod periculosius finxisse videbimur, præmuniendum sic est, ut ita dicam, si licet dicere.

8 Tropus est verbi, vel sermonis à propria significatione in aliam cum virtute mutatio, ut lætas segetes: sunt Tropi vndecim 7. in vno verbo. 4. in oratione.

9 10. Metaphora seu trāslatio, cum nomen aut verbum transfertur ex loco, in quo propriū est, aut translatum proprio melius est, id facimus, aut quia necesse, aut quia significantius, aut quia decentius.

Synecdoche tropus, in quo ex parte totum, aut contra, aut ex antecedentibus sequentia intelliguntur.

12 Metonymia est Tropus, in quo causas per effecta, vel effecta per causas, vel ex eo quod continet, id quod continetur, vel rem è signo intelligimus.

13 Antonomasia ponit aliquid pro nomine: ut Euerfor Carthaginis, pro Scipione.

14 Onomatopœcia fictio nominis, Sibilus & murmur, Græcè inter maximas habitavit virtutes, Latinis vix permittitur,

15 Catachresis, quæ abusus, non habentibus nomen suum, accommodat, quod in proximo est. Equum diuina Palladis arte ædificant.

16 Metalepsis rarissimus tropus ex alio in aliquid viam præstans.

Speluncæ



Speluncis abdidit atris.

27 Allegoria, aliud verbis, aliud sensu ostendit. Sed nos immensum spatium confecimus & quorū obscurior est, Aenigma dicitur. Cic. Ironia, quā illusionē vocāt, quā contrarium verbis ostendit. ea, aut pronuntiatione intelligitur, aut persona, aut rei natura. Integritas tua te purgavit, mihi crede. Periphrasis, cum pluribus verbis, id quod vno, aut paucioribus dici potest, explicatur. Tempus erat, quo prima quies mortalibus & grīs incipit. Hyperbaton, tropus solis poetis concessus. Hyperbole ementiens supersectio. Fulminis ocyoralis. Vix olibus haerent, haec non debet esse ultra modum.

De figuris.

23 Figura est conformatio quaedam orationis, remota à communi & primum se offerente ratione. Differt à Tropo, quod figura proprijs verbis fieri potest, quod non cadit in tropos.

24 Figuræ versantur in sensu & in verbis: verborum exornatio est, quæ ipsius sermonis insignita continetur perpolitio.

25 Figuræ verborum tribus maxime sunt modis: per adiectionem, detractionem, similitudinē. Figuræ per adiect. sunt.

26 Repetitio. græ. Anaphora. l. Epibole, est eiusdem verbi crebra à primo repetitio. Nihil agis,

nihil moliris, nihil cogitas, &. Cū versio. g. Epiphora. l. Antistrophe, cum in idem verbum coniicitur sæpius oratio. Pœnos Pœ. Rē. iustitia vicit, armis vicit, liberalitate vicit.

Complexio, g. simploche, quæ repetitionem, & concessionem complectitur. Quis legem tulit? Nullus. Quis maiorem P. R. partem suffragijs privavit? Nullus.

Conduplicatio. g. Anadiplosis, verborem geminatio est. Vivis, & vivis non ad deponendam, sed ad confirmandam audaciam. Traductio. g. ploche, cum verba paululum immutata ponuntur, Pleni sunt omnes libri, plenæ sapientum voces, plena exemplorum vetustas.

Synonymia est, cum verba idē significantia congregantur. Abije, excessit, erupit, evasit. Polysindeton, schema quod coniunctionibus abundat. Testumq; laremq; Gradatio. g. climax. est cum gradatim sursum versum reditur. Africano virtutem industria, virtus gloriam, gloria æmulos comparavit.

27 Figuræ quæ per Detract. sūt. Dissolutio. g. Dialyton. l. Asyndeton, cum demptis coniunctionibus, dissolute plura dicuntur. Gallæ huius virtuti, fidei, felicitati commendata est.

Adiunctio. g. zeugma, in qua vnum ad verbum quod primum, medium aut postremum collocatur, plures sententiæ referuntur,



## *Summa Capitum.*

vt vicit pudorem libido, timorē audacia, rationem amentia.

Difunctio. g. hypozeuxis, cū vnumquoq; certo concluditur verbo, vt Homerum Colophonij suum esse dicunt, Chij suum vendicant, Salamini reperunt. Apostrophe. verbum quod desiderat, aut incertum est, aut certe longiori sermone explicandum habetq; vehemētiorem affectum quā Eclipsis. Synæciosis dicendum est, duas res diuersas colligat, vt, Tā deest avaro quod habet, quā quod non habet.

28 Figura quę aut similitudine vocum, aut paribus cum cōtrarijs vertunt in se aures, & animos excitant.

Annominatio. g. paranomasia, cum paululum immutata verba atque deflexa in oratione ponuntur, fit adiectione. Emit morte immortalitatem. Detractione. Non leno sed leo. Commutatione. Reprimi, non comprimi perpetuo potest.

Similiter cadens. g. Homœopton, cum in eosdem casus verba cadunt, Egens virtutis, abundans felicitatis.

Similiter designās. g. Homœoteuton, cum siue casus sint in verbis, siue non, similes tamen exitus sunt. Audacter territas, humiliter placas. Similiter cadens in nomine & in verbo fit, at simil. des. etiam in his quę declinari non possunt. Compar. g. Isocolon, habet orationis membra, quę

constant ex pari numero syllabarum, extrema hyeme apparuit, ineunte vere suscepit, media æstate confecit. de bel. Pirat. Contra positum, Contentio seu Antitheton, cum singula singulis opponuntur, vt, Vicit pudorem libido, timorem audacia, rationem amentia. Commutatio. g. Antimetabole, cum dua sententiæ inter se discrepantes, ita efferuntur, vt à priori posterior cōtraria profisciscatur. Non vt edam viuam, sed vt viuam edo.

29 Danda opera est, vt parce, & cum res poscet, verborum figuris utamur. Deinde sciendū, quid quisq; in orando postulet locus, quid persona, quid tempus, nam plerumq; verbum cura derogat affectibus fidem.

### *De Fig. Sent.*

Sententiarum exornatio est quę non in verbis, sed in ipsis rebus quandam habet dignitatem. Interrogatio. g. Erotisis, quoties non sciscitandi gratia assumitur, sed instandi. vt. Quousq; tandem abutere Catil. patientia nostra?

Responsio, cum aliud interroganti. ad aliud, quia sic vtilius fit, occurritur, tum augendi criminis, tum declinandi gratia. Rogatus testis an à reo vapulasset? & quidem innocens. Quæro an occiderit hominem? R. latronem.

Subiectio, cum orator vel interrogat se ipsum, & respondet sibi.



Rhi, vel cum alium rogauerit, nō expectat responsum. Apud quē hoc dico? Nempe apud eum, qui cum hoc sciret, &c. Occupatio g. prolepsis, cum id quod obijci potest, occupamus, qualis illa Cic. præmunitio in Divinitat. quod ad accusandum descendat qui semper defenderit. Correctio, quæ tollit sententiam aliquam & eam aliā, quæ magis idonea videtur, emendat & corrigit. O virtutis comes invidia, quæ bonos insequeris plerūq; atq; adeo insectaris. Dubitatio. g. Diaporesis, cum quærimus vnde incipiendum, vbi definendum, quid potissimum aut omnino dicendum sit. Quo me vertam.

Communicatio. g. Anachinosis, cum aut ipsos aduersarios consulimus, aut cum iudicibus deliberamus. vt, Si vos in eo loco essetis, quid aliud fecissetis? Protopœia personarum ficta indutio, qua vrbes etiam & populi voces accipiunt. Formæ item rerum quæ corporis expertes sunt, vt fama, virtus. Apostrophe, auersus à iudice sermo. at, Quid tuus ille Tubero in acie Pharsalica gladius agebat?

Hypotyposis seu illustris explanatio rerum quasi gerantur, sub aspectum subiectio. Cic. in Ver. inflammatus scelere ac furore in forum venit, ardebant oculi, toto ex ore crudelitas emicabat.

30 Ethopœia, imitatio vitæ ac

morum alienorum. Emphasis, cū ex aliquo dicto latens aliquid eruitur. Iacuitq; per antrum, e loci spatio Cyclopi magnitudo intelligitur. Sustainatio. g. Paradoxon, qua diu suspenduntur auditorum animi, atq; aliquid deinde inexpectatum subiungitur, Quid deinde? quid censetis? furtum fortasse aut prædā aliquam? mox subiecit quod erat improbius. Interdum id quod leue est, cum cuius rei grauissimæ expectacionem concitarit orator. Præmissio. g. Apophasis, cū dicimus nos præterire, aut non scire, aut nolle dicere, id quod tunc maxime dicimus. Cic. Non queror diminutionem vestigalium, non flagitium huius iacturæ. Licentia. g. Parrhesia, cum apud eos, quos aut vereri aut metuere debet orator, tamen aliquid profuo iure dicit, quod eos minime offendat. Vide quam non reformidem. Pro Liga.

Concessio, cum aliquid etiam iniquum videtur orator patiatque concedere, vt, quæ deinde dicturus est, grauiora videantur. Cic. in Ver. Leuia sunt hæc in hoc reo crimina, &c. Ironia quæ sententiarum est, ab ea differt, quæ est verborum: nam quæ verb. est, breuior est & apertior. hæc verò totius est voluntatis fictio. Vt nouum crimen. C. Cæs. & ante hunc diem inauditum, &c. Pro Lig. Distributio g. Merismos, cū aliquid in partes plures distribuitur,



### *Summa Capitulum.*

habetur, quatenus unicuique ratio deinde sua subiungitur. Alexandro, neque in deliberando consilium, neque in praeliando virtus deerat: nam in dubijs apparebat sapientiss. cum confligendo esset cum hoste, fortissimus.

Permissio. g. Epitrope, cum alicui rei vehementer confidimus, & ostendimus nos eam tradere alicuius voluntati. Ego iudices summum ac legitimum meæ causæ ius omitto, vobis permitto.

Deprecatio, cum opem alicuius imploramus. Ci. Hoc nos metu C. Cæs. per fidem & constantiam & clementiam tuam libera. Execratio, qua malum alicui precamur. Dij te perdant fugitiue, Pro Deo.

Epiphonema, rei narratæ, vel probatæ summa acclamatio. Tætq; molis erat Romanam condere gentē.

Exclamatio, quæ conficit significationem doloris aut indignationis, per hominis aut rei cuiuspiā compellationem. O mores, o tempora, o miserum me. Sunt & illa iucunda, quæ non præparatam ostendunt orationem, cum querimus quid dicamus, cum velut ignoramus aliqua, cum nos dicti poenitet. Dant enim orationi hæc omnia varios vultus.

#### *De collocatione.*

31 In collocatione necessaria sunt ordo, & iunctura, ut oratio sit lenis, coherens & æquabiliter fluens.

32 Ordinis observatio est in singulis verbis, & in contextis. In singulis cauendum ne decreseat oratio, & fortiori subiungatur aliquid infirmius, ut sacrilegio, fur. Verbo sensum claudere si compositio patiat, optimum, quod si asperum erit, orationi consulendum.

#### *De iunctura.*

Iunctura concinna & elegans erit, si verba extrema cum consequentibus primis ita iungamus, ut neve aspera concurrant, neve vastius diducantur. ut. Exercitus Xerxis. Ars studiorum, viro optimo obtemperare.

Verbi prioris ultimæ syllabæ, ne sint primæ sequentis.

Res inuisæ visæ sunt. Monosyllaba si multa sint, adde & dissyllaba, male continuabuntur.

Cadentia item similiter & Desinentia vitiosa, si multa sint.

Breuium verborum vitanda continuatio, ne minuta sit compositio atq; concisa, & longorum etiam, quia afferunt tarditatem. Hæc diligentiam desiderant, ea tamē lege, ne fiat operose, nam esset cum, infinitus, tum, puerilis labor.

34 Quia orator sic illigat sententiam verbis, ut nihil iuane, nihil inconditum, nihil in oratione sit redundans, id quod oratorio numero fit, breuitas hoc quoque explicatur.

35 Inueniendi aptam & numerosam verborum conclusionem princeps



princeps fuit Thrasimachus. Romanam hanc Ciceronis tempore agnouerunt, cuius fuit summus ipse artifex.

36 Aures, vel animus potius aurum nuntio quondam in se continet vocum omnium inuentionem, cuius observatio numerosae orationis artem peperit.

37 Huius verò natura, ut intelligatur, necesse est, quae de incis, membris & periodis tractantur, tum etiam de pedibus, in memoriam reuocentur.

38 Oratio soluta suis pedibus constat. Sed in oratorio numero, quem Graeci Rhithmon appellant, pro Dactylo Anapestus poni potest, cum eodem temporum spatium constet uterque in versu, quod metrum vocant, poni non potest. Adde quod versus certis legibus restrictus est, in oratione nihil certum, nisi ut apte verbis sententia comprehendatur, adeo ut versum in oratione fieri vitiosum putetur, quam tamen numerosae cadere volumus.

39 Tota periodus numerosa sit, necesse est.

40 Initia optime nascuntur à Dactylo, Cretico, Anapesto. Dochimus quouis loco aptus, dum semel ponatur.

41 In extremo tres sunt seruandi pedes, quos aut Choreos aut Spondeos, aut alternos esse oportebit. Arist. pœona vltimum, Cicerone Creticum aptiorem putat.

43 Media periodo in humili

oratione iambus erit frequentissima. Praeponitur in ampliori, in utraque dactylus, creticus, dochymus, spondeus locus est 44. 45. 46. 47.

48 In veris causis, nec assumenda omnino numerosa oratio, nec repudianda, in amplificanda re numerosae dicendum, hoc etiam orationis genus perorationes desiderant.

49 Variarum causarum varium dicendi genus effugiant.

50 Nam cum tria sint oratoris officia, docere, mouere, delectare,

51 Subtile in probando. 52 Temperatum in delectando, Vehemens in fletendo versatur.

*Memoria.*

53 Haec cum alijs artibus sit communis, quae artificiosa est, oratoria artis pars existimatur.

54 Constat locis & imaginibus. Loca sint speciosa, multa varietate signata, illustrata, ut ædium magnificarum.

55 Imagines, ut navigationis anchora; rei militaris gladius: Si longior complectenda est oratio, proderit per partes ediscere, apponere aliquas notas, ediscere quibus scripseris chartis, si tamen quis unam maximamque arte quaerit, exercitatio est, multa ediscere multa cogitare, & si fieri potest quotidie, potentissimum est.

*Pronuntiatio.*

56 A plenisque actio dicitur, sed prius nomen à voce;



### *Summa Capitulum.*

voce, sequens à gestu. Huius duæ sunt partes, vox, & gestus.

57 Vocis mutationes totidem, quot animorum. Iracundia, acutum vocis genus desiderat, incitatum, crebro incidens. Misericordia, ac moror, plenum, flexibile, interruptum, flebile. Metus, demissum, hæsitans, abiectum. Voluptas, effusum, tenerum, hilaratum. 58 Gestus vocem sequi debet. Status erit rectus, rarus incessus, nec ita longus, excursio moderata, eaq; rara, ceruicum nulla mollicie, nullæ argutie digitorum;

trunco se toto magis moderabitur orator, & virili laterum flexione: brachij protectione in contentionibus, contractione in remissis, pedis suppletionem in contentionibus incipiendis aut finendis. In ore, & præcipue in oculis maxima vis. Oris non est nimium mutanda species. Oculorum, qui animi sunt indices, tum intentione, tum remissione, tum cōiectu, tum hilaritate motus animorum significabimus apte cum genere ipso orationis,




FIN.



lersb.  
m b.  
ciac.  
e in:  
in con  
ut fin  
ocub  
mim  
m, qui  
ntio.  
:a,  
no







005643448